

॥ कोबातीर्थमंडन श्री महावीरस्वामिने नमः ॥

॥ अनंतलब्धिनिधान श्री गौतमस्वामिने नमः ॥

॥ गणधर भगवंत श्री सुधर्मस्वामिने नमः ॥

॥ योगनिष्ठ आचार्य श्रीमद् बुद्धिसागरसूरीश्वरेभ्यो नमः ॥

॥ चारित्रचूडामणि आचार्य श्रीमद् कैलाससागरसूरीश्वरेभ्यो नमः ॥

## आचार्य श्री कैलाससागरसूरि ज्ञानमंदिर

पुनितप्रेरणा व आशीर्वाद

राष्ट्रसंत श्रुतोद्धारक आचार्यदेव श्रीमत् पद्मसागरसूरीश्वरजी म. सा.

जैन मुद्रित ग्रंथ स्केनिंग प्रकल्प

ग्रंथांक : १



### श्री महावीर जैन आराधना केन्द्र


आचार्यश्री कैलाससागरसूरि ज्ञानमंदिर  
कोबा, गांधीनगर-श्री महावीर जैन आराधना केन्द्र  
आचार्यश्री कैलाससागरसूरि ज्ञानमंदिर  
कोबा, गांधीनगर-३८२००७ (गुजरात)  
(079) 23276252, 23276204  
फेक्स : 23276249

Websiet : [www.kobatirth.org](http://www.kobatirth.org)

Email : [Kendra@kobatirth.org](mailto:Kendra@kobatirth.org)

### शहर शाखा

आचार्यश्री कैलाससागरसूरि ज्ञानमंदिर  
शहर शाखा  
आचार्यश्री कैलाससागरसूरि ज्ञानमंदिर  
त्रण बंगला, टोलकनगर  
परिवार डाइनिंग हॉल की गली में  
पालडी, अहमदाबाद - ३८०००७  
(079) 26582355



પૂ. આચાર્યદેવ શ્રી આનંદસાગરસૂરીશ્વરજી મ.સા.લા ચરણે શત્ શત્ વંદન...

॥ श्री ठाणांग सूत्रम् ॥



देवसूर तपागच्छ समाचारी संरक्षक-सुविहित सिद्धांत पालक  
 बहुश्रुतोपासक-गीतार्थवर्य-चारित्र चूडामणि-आगमोद्धारक पूज्यपाद आचार्यदेवेश  
 श्री आनंदसागर सूरेश्वरजी महाराजा संशोधित-संपादित ४५ आगमेषु

# ॥ श्रीस्थानाङ्ग सूत्रं ॥

❀ आलेखन कार्य-प्रेरक-वाहक ❀

प्रवचन प्रभावक पू. आ.श्री हेमचन्द्रसागर सूरिजी म.सा. शिष्यरत्न पू. गणिवर्यश्री पूर्णचन्द्रसागरजी म.सा.

❀ आलेखन कार्यवाहक संस्था ❀

पूज्यपाद सागरजी महाराजा संस्थापित जैनानंद पुस्तकालय-सुरत

## आलेखन कार्ये किंचित् संस्मरणाणि

\* आलेखन कार्ये आशीवृष्टिकारका :

पू. गच्छा. आ. श्री सूर्योदयसागर सूरेश्वरजी म.सा.

पू. आ. श्री. नरेन्द्रसागर सूरेश्वरजी म.सा.

पू. आ. श्री अशोकसागर सूरिजी म.सा.

पू. आ. श्री जिनचन्द्रसागर सूरिजी म.सा.

पू. आ. श्री हेमचन्द्रसागर सूरिजी म.सा.

\* आलेखन कार्ये केचित् मार्गदर्शका :

पू. आ. श्री दोलतसागर सूरिजी म.सा.

पू. पं. श्री हर्षसागरजी म.सा.

पू. गणीश्री सागरचन्द्रसागरजी म.सा.

पू. गणी श्री नयचन्द्रसागरजी म.सा.

पू. गणी श्री अक्षयचन्द्रसागरजी म.सा.

पू. मुनि श्री लब्धिचन्द्रसागरजी म.सा.

माहिती दर्शक पत्र

■ आलेखन कार्ये सहयोग प्रदाता :

मुनिश्री आगमचन्द्रसागरजी म.सा.

श्राद्धगुण संपन्न श्री नरेन्द्रभाई मुक्तिलाल महेता ( सूर्यगामवाला )

■ प्रथम संस्करण - सं. २०६१, का. सु.५.

■ कृति - २५०

■ कोऽधिकारी...?- श्रुत भाण्डागारं श्रमण प्रधान चतुर्विध संघाश्च

■ संग्राहकालय - जैनानंद पुस्तकालय, गोपीपुरा, सुरत।

■ व्यवस्थापका :

श्री उषाकांतभाई झवेरी- श्री नरेशभाई मद्रासी-श्री श्रेयस के. मर्चन्ट

■ आवास : निशा-१ १ले माले ,गोपीपुरा, काजीनुं मेदान,  
तीनबत्ती, सुरत. दूरभाष - २५१८३२६( ०२६१ )

■ मुद्रण कार्यवाहक

श्री सुरेश डी. शाह ( हेष्मा )-सुरत।

संपादक श्री

# ॥ પ્રાક્-કથન ॥

॥ કત્થ અમ્હારિસા પાણી દુષમા-દોષ દુષિયા, હા; અણાહા કહં હૂન્તા...! ન હૂન્તો જહ્ જિણાગમો ॥

**દુષ્મકાળે જિનાગમ-જિન પ્રતિમા ભવિચણ કું આધારા...!!**

ભવાટવીમાં ભ્રમિત પ્રાણીને ભીમ મહાટવીમાંથી બહાર લાવનાર મિથ્યાત્વરૂપ અંધકારમાંથી પ્રકાશ તરફ ગતિ કરાવનાર શ્રુતજ્ઞાનની મહત્તા અદ્વિતીય કક્ષાની છે. શ્રુતજ્ઞાનનો મહીમા પરમ મનનીય અને માનનીય હોવાના કારણે પ્રભુ શાસનમાં પરમ આધાર ભૂત કરણ તરીકે ગણના કરી છે. આગમએ વીર પ્રભુની વાણી સ્વરૂપ છે.

**આગમોની રચના કાળ :-** પ્રભુ મહાવીર સ્વામીના શાસનની અપેક્ષાએ વીર નિર્વાણ સંવત પૂર્વે ૨૯, વિક્રમ સંવત પૂર્વે ૪૯૯ વર્ષે વૈશાખ સુદ એકાદશી દિને તારક તીર્થંકર પ્રભુ મહાવીર દેવની ત્રિપટીને પામી આઘ ગણધર અનંતલબ્ધિ નિધાન શ્રી ઈન્દ્રભૂતિ (ગૌતમસ્વામીજી) આદિ એકાદશ ગણધરોએ આગમોની રચના કરી તેજ ક્ષણે પ્રભુએ તેની યથાર્થતા-ગણાનુજ્ઞા-શાસનાનુજ્ઞા આદિના વાસક્ષેપથી જાહેર કરી.

ગણધર ભગવંતના શિષ્યો-મુનિઓએ યથાયોગ્યતાનુંસાર શિષ્ય-પ્રશિષ્યાદિ પરિવારને વિનયપૂર્વક શાસ્ત્ર નિર્દિષ્ટ વિધિ-મર્યાદા પૂર્વક ગુરૂ પાસેથી મુખપાઠ રીતે દ્વાદશાંગીનો અભ્યાસ કરતા હતાં, લખીને કે લખેલ પુસ્તકો દ્વારા ભણવા અંગે તત્કાળે પરંપરા ન હતી.

**પ્રથમ વાચના :-** વીર પ્રભુના નિર્વાણબાદ તેમની પટ્ટ પરંપરામાં પાંચમા કેવલી તરીકે પ્રસિધ્ધ શ્રી ભદ્રબાહુ સ્વામીજીના સમયમાં વિષમકાલના બલના પ્રભાવે ભયંકર બાર વર્ષીય દુકાલ પડ્યો સાધુઓ અનુકૂળતા મુજબ વેર વિખેર થયાં, સાથો સાથ વીર નિ. સં. ૧૫૫ લગભગમાં નંદવંશના સામ્રાજ્યનો પલટો થયો, દેશમાં ભયંકર આંધી વ્યાપી, જૈન શ્રમણોના વિહારના કેન્દ્રરૂપ મગધદેશની

રાજધાની પટણા અને પંજાબ વચ્ચેના પ્રદેશો ભીષણ પરિસ્થિતિમાં મૂકાયા, શ્રમણ સમુદાયના વિખરાઈ જવાથી આગમોનું પઠન-પાઠન ખુબ જ અવ્યવસ્થિત થયું, જ્ઞાની પુરુષોમાંથી કેટલાયે સ્વર્ગે પધાર્યા, મુખપાઠની પધ્ધતિ પર એક જબરદસ્ત ધક્કો લાગ્યો પરિસ્થિતિને સુધારવા વીર નિ. સં.-૧૬૦ લગભગમાં પાટલીપુત્ર નગરે (પટના-બિહાર) શ્રી સ્થુલભદ્ર સ્વામીની અધ્યક્ષતામાં શ્રમણસંઘ એકત્રિત થયો, ગીતાર્થોની સલાહ મુજબ દ્વાદશાંગીની સંકલના વ્યવસ્થિત કરવાનો પ્રયાસ કર્યો, પ્રાયઃ આ પ્રથમ આગમ વાચના થઈ તેનું નામ ‘ શ્રી દ્વાદશાંગ-શ્રુતસંકલન’ નામે પંકાયાનો ઇતિહાસ મળે છે.

**દ્વિતીય વાચના :-** તેમના પછી જિનકલ્પીના અભ્યાસક આર્ય મહાગિરીજીના ગુરુ ભ્રાતા પૂ. આ. શ્રી આર્ય સુહસ્તિ સૂરિ પ્રતિબોધિત પ્રભુ શાસનના ચરમ ભક્ત સમ્રાટ સંપ્રતિએ ઉજ્જૈનમાં આર્ય સુહસ્તિ મ. ને વિનંતી કરી તેમના સાનિધ્યમાં વીર નિ. સં. ૨૪૫ થી ૨૮૧ના વર્ષોમાં જિનાગામની સાયવણી સુરક્ષિત રહે તેવા યથાર્થ પ્રયાસો કર્યા, પઠન-પાઠનની વ્યવસ્થામાં આવેલી ખામીને દૂર કરી જેથી આ બીજી વાચનાનું નામ ‘ આગમ સંરક્ષણ વાંચના’ દ્રષ્ટિ ગોચર થાય છે.

**તૃતીય વાચના :-** મૌર્ય રાજવંશીઓનો સેનાપતિ પુષ્યમિત્રે રાજદ્રોહ કરી રાજા બન્યો ધર્માધ બનેલા સમ્રાટ સંપ્રતિની શાસન પ્રભાવનાને નામ શેષ કરવા તેણે જૈન શ્રમણો તથા બૌદ્ધ શ્રમણોના શિરચ્છેદ કરાવી કાળો કેર વર્તાવ્યો, સાધુઓ પ્રાણ રક્ષાર્થે કલિંગ દેશ તરફ ચાલ્યા ગયા, કલિંગાધિપતિ મહામેઘવાહન ખારવેલ મહારાજા પરમ જૈન હતાં. આ પ્રમાણે પ્રાણ બચાવવાની વ્યથામાં જિનાલયો તથા, આગમ પઠન-પાઠનની વ્યવસ્થાને જબરદસ્ત હાની થવા પામી, કલિંગ દેશના રાજા ભિક્ષુરાય ખારવેલે તેનો પરાજય કરી ફરી જીવંત કરવા પ્રયાસ કર્યો વીર નિ. સં. ૩૦૦ થી ૩૩૦ સુધીના મધ્યાહ્ન કાલમાં મુનિ સમ્મેલનમાં જિનકલ્પિની તુલના કરનાર પૂ.આ. મહાગિરીના શિષ્યો-પ્રશિષ્યો આ. બલિસ્સહ સૂ.મ. આ. દેવાચાર્ય, આ. ધર્મસેન વિગેરે ૨૦૦ શ્રમણો, આ. સુસ્થિત સૂરિ વગેરે સ્થવિર કલ્પિ ૩૦૦ શ્રમણો, આર્યા પોઈણી વિગેરે ૩૦૦ શ્રમણીઓ, સીવંદ, ચૂર્ણક, સેલગ વગેરે ૭૦૦ શ્રાવકો અને પૂર્ણ મિત્રાહિ ૭૦૦ શ્રાવિકા દ્વારા ત્રીજી આગમ

વાચનામાં અગિયાર અંગો અને દશ પૂર્વોના પાઠોને વ્યવસ્થિત કરવામાં આવ્યા.

**ચતુર્થ વાચના :-** કાલાધિન અંતિમ દશપૂર્વધર, બાલ વૈરાગી, અનુપમ સંવેગી શ્રી વજ્રસ્વામીએ અંતિમ સમયે સ્વ પટ્ટધર શ્રીવજ્રસેન સૂ.મ.ને ભયંકર દુકાલના ચરમ સમયની જાણમાં 'લાખ સોનેયા આપીને એક હાંડી ભાતની ચડશે તેના બીજા દિવસથી સુકાલ થશે' આ વાત જણાવી આવો ભયંકર દુકાલ વીર નિ. સં. ૫૮૦ થી ઉત્તર ભારતમાં વ્યાપ્ત થયો. જેમાં ગણો-કુલો-વાચકવંશો માત્ર નામશેષ થઈ ગયા. આગમ વારસો ટકાવનાર મુનિપુંગવોની સંખ્યા જૂજ થઈ ગઈ કાળ-બળ ક્ષયે ધારણા શક્તિની અનુકૂલતા પ્રમાણે પણ જો આગમનું સંકલન કરવામાં નહીં આવે તો રહ્યા સાધુઓ પણ રહેલા આગમના વારસાને સાચવવા સમર્થ ન નિવડી શકે માટે ભવિષ્યના અલ્પશક્તિવાળા પણ મેઘાવી સાધુઓને રાખવામાં વિષયાનુસંધાન દ્વારા સુગમતા સાંપડે તેથી સમકાલીન અન્ય પ્રભાવક આચાર્યોની સંમતિ લઈ શ્રી આર્યરક્ષિત સૂરિ મ. ચાર અનુયોગની વ્યવસ્થા કરી. આગમોને ચિરંજીવ બનાવ્યા વીર નિ. સં. ૫૮૨ લગભગમાં દશપુર (મંદસૌર) (માલવા) નગરે ચોથી વાચના થઈ.

**પંચમ વાચના :-** વીર સં. ૮૩૦ થી ૮૪૦ લગભગમાં પૂ. આ. સ્કંદિલ સૂરિએ ઉત્તરાપથના મુનિઓને મથુરામાં તથા નાગેન્દ્રવંશીય પરમ પ્રભાવક શ્રી હિમવંત ક્ષમા શ્રમણના શિષ્ય આ. શ્રી નાગાર્જુન સૂરિએ દક્ષિણાપથના મુનિઓને વલભીમાં આગમોની સંકલના કરવા એકઠા થયા કીંતુ તે સમયની દેશગત અંધાધુંધીના કારણે એક જ સાથે ભિન્ન-ભિન્ન સ્થળે આગમવાચનાઓ કરી ભવિષ્યમાં માથુરી અને વલભીવાચનાઓના પાઠ ભેદોનું સમન્વય સહજ થઈ જશે આ હેતુપૂર્વક પાંચમી વાચના કરી.

**ષષ્ઠી વાચના :-** તેજ ભાવનાઓ અનુસાર માથુરી વાચનાના વારસદાર આ. શ્રી દેવદ્વિગણી ક્ષમાશ્રમણે તથા વલભીવાચનાના વારસદાર આ. શ્રી કાલક સૂરિએ ભેગા મળી. શ્રમણ સંઘને એકત્રિત કરી, કાલકમે વિણસી જતા આગમના ખજાનાને સ્થાયી બનાવવાના શુભ આશયથી શ્રી શત્રુંજ્યાધિષ્ઠાયક શ્રી કપર્દીયક્ષ આદિ દૈવીક સહાયકથી ૫૦૦ આચાર્યાદિઓએ મળી વલભીપુર(વળા સૌરાષ્ટ્ર)માં

પુસ્તકારૂઢ રૂપ આગમ વાચના કરી, આ વાચનામાં ચોરાશી આગમોનું વ્યવસ્થિત સંકલન તાડપત્રના પાના ઉપર લિપિબધ્ધ કરી આગમોને પુસ્તકારૂઢ કરવાનું કાર્ય સાધુ ભગવંતોએ કર્યું. તેમજ અન્ય મહત્વના ગ્રંથોનું પુસ્તકાલેખન કાર્ય થયેલ, ત્યારબાદ સાધુ સત્યમિત્ર સ્વર્ગે ગયા અને વીર નિ. સં. ૧૦૦૦માં વર્ષે પૂર્વજ્ઞાનનો વિચ્છેદ થયો તેમ મનાય છે.

પ્રભુવીરના શાસનમાં ઉપરોક્ત ‘છ’ વાચનાઓના માધ્યમે ૧૦૦૦ વર્ષના ગાળામાં થયેલ શ્રુતોધ્ધારનો ઇતિહાસ મોજૂદ છે. ત્યાર પછી ૧૫૦૦ વર્ષ સુધી આગમ વાચનાનો કે શ્રુતોધ્ધારનો કોઈ ઉલ્લેખ નથી મળતો.

તેમજ વિષમકાળના પ્રભાવથી ૧૦મી સદીની સમાપ્તિ કાળથી શિથિલાચારની વૃધ્ધિ થવાથી આગમિક જ્ઞાનની પરંપરા સુવિહિત ગીતાર્થ, આચાર સંપન્ન શ્રમણોના હાથમાં રહી નહીં પરિણામે હસ્તલિખિત પ્રતોમાં રહેલ આગમો અધિકારીને પણ મળવા દુર્લભ બન્યા.

છેવટે વીસમી સદીના ઉત્તરાર્ધના પ્રારંભકાળે સુવિહિત સંવેગી સાધુઓમાં આચાર નિષ્ઠા, વિશિષ્ટ વૈરાગ્યની પ્રબલ ભૂમિકા આદિ સુદૃઢ હોવા છતાંય આ બધાને ટકાવવા માટેના જરૂરી સંજોગો ન મળતાં આગમિક જ્ઞાનની માત્રા પઠન-પાઠનની શાસ્ત્રીય પરંપરા સુરક્ષિત ન રહી શકવાના કારણે ખુબ જ અલ્પ માત્રામાં રહેવા પામી

આવા અવસરે શ્રમણસંઘની ૧૮ પ્રસિધ્ધ શાખાઓમાં વધુ પ્રભાવશાળી ‘સાગરશાખા’ના અદ્વિતીય પ્રતિભા સંપન્ન પ્રૌઢધીષણશાલી અનેકવાદો કરી તપાગચ્છની વિજય પતાકા ફેલાવનાર પૂ. મુનિરાજ શ્રી ઝવેરસાગરજી. મ.ના. એક માત્ર શિષ્ય નવ માસના ટૂંકા ગાળાનો જ ગુરૂ સહવાસ છતાં પૂર્વજન્મની આરાધનાના બળે એકલે હાથે ન્યાય-વ્યાકરણ, આગમટીકા આદિ અનેક સાધના ગ્રંથોનું અગાધ વિદ્વત્તા પૂર્ણ જ્ઞાન મેળવી પૂ. ગુરૂદેવ શ્રી ઝવેરસાગરજી મ.ની આગમોની પારદેશ્યતાના વારસાને તે ગુરૂદેવશ્રીના અન્તિમ સમયના “ આગમો કા અભ્યાસ બરોબર કરના ” શબ્દ પાછળ રહેલ ઉંડા અંતરના આશિષના બળે આગમિક તલસ્પર્શી અગાધ માર્મિક જ્ઞાન આપ મેળે મેળવી વીર નિ. સં. ૨૪૪૦ વિ.સં. ૧૯૭૦માં કો’ક મંગલ ચોઘડીએ જિનશાસનના એક મહાન ધુરંધર સમર્થક પ્રભાવક શાસ્ત્રોના પારગામી

આચાર્યભગવંતો વર્ષો જૂની શ્રમણસંઘની ફરજ અને જવાબદારી રૂપ આગમોના અણમોલ વારસાને સુરક્ષીત રાખવાના પ્રશ્ને ફરીથી ઉપસ્થિત કરી.

રાજ્યદ્વારી ઉપદ્રવો, ધર્માંધ ઝનૂન, બ્રિટીશ હકૂમત, જનતામાં ફેલાયેલ ક્રાન્તિકારી વિચારધારા, પશ્ચાત્ય કેળવણીના સંસ્કાર આદિ સંઘર્ષ કાળમાં પુસ્તકો પ્રતો મેળવવી અતિકઠીન હતી તે સમયે જુદા જુદા ખૂણે રહેલી હસ્તપ્રત-તાડપત્ર આદિ પરથી સંશોધન કરી જાત મહેનતે પ્રેસકોપીથી માંડીને સુધારવા સુધીની સંપૂર્ણ દેખરેખ જવાબદારીથી આગમ ગ્રંથોની મર્યાદિત પ્રતિઓ છપાવી સામુદાયિક વાચનાઓ વિ. સં. ૧૯૭૧થી ૧૯૭૭ સુધીમાં પાટણ-કપડવંજ-અમદાવાદ-સુરત આદિ ક્ષેત્રોમાં છ-છ મહીનાની વાચનાઓ ઓઠવી સેંકડો સાધુ-સાધ્વીઓને આગમોને વાંચવાની પરિપાટી આદિનો સંપૂર્ણ ખ્યાલ કરાવ્યો સાત સામુદાયિક વાચનાઓમાં ૨૬ ગ્રંથો વાંચ્યા તેમાં લગભગ ૨,૩૩,૨૦૦ શ્લોકની વાચના આપી તથા આગમ દિવાકર પૂ. મુનિશ્રીપુણ્યવિજયજી મ. આદિને પણ આ ક્ષેત્રે આગળ વધવા અંગૂલ નિર્દેશ કરી આ મહાપુરુષે શ્રુત સરિતાને ધોધમાર વહેતી કરી છે.

આ મહાપુરુષ તે પ્રાતઃ સ્મરણીય ગુજરાત-માલવા-રાજસ્થાન-બંગાલ- બિહાર આદિ અનેક ક્ષેત્ર સંઘો તથા સુરત સંઘના આમૂલ્યૂલ ઉપકારી, આગમોધ્ધારક ધ્યાનસ્થ સ્વર્ગસ્થ પ.પૂ. આચાર્યશ્રી આનંદસાગર સૂરીશ્વરજી મહારાજ જેઓ ‘ પૂ. સાગરજી મ.’ ના લાડીલા, હૂલામણા નામથી પણ પ્રસિદ્ધ હતાં તેમના જ સંશોધિત આગમો અમને પ્રતાકારે પુર્ન મુદ્રિત કરાવવાનો લાભ પ્રાપ્ત થયો છે. તા.ક. વર્તમાન કાળે ગ્રન્થો, શાસ્ત્રો, સુવિહિત ગીતાર્થ આચાર્ય ભગવંતો, ઈતિહાસકારો પાસેથી પ્રાપ્ત થતી માહિતી અનુસાર વીર નિર્વાણના ૧૦૦૦ વર્ષમાં છ-છ વાચના-સંકલન બાદ ૧૫૦૦ વર્ષ સુધીમાં આવું કોઈ કાર્ય થયેલ જણાતું નથી ત્યાર બાદ એકલા હાથે આપ બળે સૌ પ્રથમ આગમ ઉધ્ધારના ભગીરથ કાર્યને કરનાર ગુરૂદેવને કોટી-કોટી વંદના...



# ॥ श्रीस्थानाङ्ग सूत्रं ॥

सुयं मे आउसं ! तेणं भगवता एवमक्खायं । १ । एगे आया । २ । एगे दंडे । ३ । एगा किरिया । ४ । एगे लोए । ५ । एगे अलोए । ६ । एगे धम्मे । ७ । एगे अधम्मे । ८ । एगे बंधे । ९ । एगे मोक्खे । १० । एगे पुण्णे । ११ । एगे पावे । १२ । एगे आसवे । १३ । एगे संवरे । १४ । एगा वेयणा । १५ । एगा निज्जरा । १६ । एगे जीवे पाडिक्खणं ( पडिक्खणं पा० ) सरीरणं । १७ । एगा जीवाणं अपरिआइत्ता विगुव्वणा । १८ । एगे मणे । १९ । एगा वड्ढं । २० । एगे कायवायामे । २१ । एगा उप्पा । २२ । एगा वियती । २३ । एगा वियच्चा । २४ । एगा गती । २५ । एगा आगती । २६ । एगे चयणे । २७ । एगे उववाए । २८ । एगा तक्का । २९ । एगा सत्ता । ३० । एगा मत्ता । ३१ । एगा विट्ठु । ३२ । एगा वेयणा । ३३ । एगा छेयणा ( प्र० णे ) । ३४ । एगा भेयणा ( प्र० णे ) । ३५ । एगे मरणे अंतिमसारीरियाणं । ३६ । एगे संसुद्धे अहाभूए पत्ते । ३७ । एग ( प्र० गे ) दुक्खे ( एगहक्खे पा० ) जीवाणं एग ( प्र० गे ) भूए । ३८ । एगा अहम्मपडिमा जं से आया ( जंसि आया पा० ) परिकिलेसति । ३९ । एगा धम्मपडिमा जं से आया पज्जवजाए । ४० । एगे मणे देवासुरमणुयाणं तंसि तंसि समयंसि, एगा वड्ढं एगे कायवायामे० । ४१ । एगे उट्ठाणकम्मबलवीरियपुरिसकारपरक्कमे देवासुरमणुयाणं तंसि २ समयंसि । ४२ ।

एगे नाणे, एगे दंसणे, एगे चरित्ते । ४३ । एगे समए । ४४ । एगे पएसे, एगे परमाणू । ४५ । एगा सिद्धी, एगे सिद्धे, एगे परिनिव्वाणे, एगे परिनिव्वुए । ४६ । एगे सद्दे, एगे रूवे, एगे गंधे, एगे रसे, एगे फासे, एगे सुब्भिसद्दे, एगे दुब्भिसद्दे, एगे सुरूवे, एगे दुरूवे, एगे दीहे, एगे हस्से ( प्र० रहस्से ), एगे वट्टे, एगे तंसे, एगे चउरंसे, एगे पिहुले० एगे परिमंडले, एगे किण्हे, एगे णीले, एगे लोहिए, एगे हल्लिद्दे, एहे सुक्किल्ले, एगे सुब्भिगंधे, एगे दुब्भिगंधे, एगे तित्ते, एगे कडुए, एगे कसाए, एगे अंबिले, एगे महुरे, एगे कक्खडे जाव लुक्खे । ४७ । एगे पाणातिवाए जाव एगे परिग्गहे, एगे कोधे जाव लोभे, एहे पेज्जे एगे दोसे जाव एगे परपरिवाए, एगा अरतिरती, एगे मायामोसे, एगे मिच्छादंसणसल्ले । ४८ । एगे पाणाइवायवेरमणे जाव परिग्गहवेरमणे, एगे कोहविवेगे जाव मिच्छादंसणसल्लविवेगे । ४९ । एगा ओसप्पिणी, एगा सुसमसुसमा जाव एगा दूसमदूसमा, एगा उस्सप्पिणी एगा दुस्समदुस्समा जाव एगा सुसमसुसमा । ५० । एगा नेरइयाणं वग्गणा, एगा असुरकुमाराणं वग्गणा, चउवीसादंडओ जाव वेमाणियाणं वग्गणा १, एगा भवसिद्धियाणं वग्गणा एगा अभवसिद्धियाणं वग्गणा एगा भवसिद्धिनेरइयाणं वग्गणा एगा अभवसिद्धियाणं णेरतियाणं वग्गणा, एवं जाव एगा भवसिद्धियाणं वेमाणियाणं वग्गणा एगा अभवसिद्धियाणं वेमाणियाणं वग्गणा २, एगा सम्महिदिठियाणं वग्गणा एगा मिच्छहिदिठियाणं वग्गणा, एगा सम्मामिच्छहिदिठियाणं वग्गणा, एगा सम्मदिठियाणं णेरइयाणं वग्गणा एगा मिच्छहिदिठियाणं णेरइयाणं वग्गणा एगा सम्मामिच्छहिदिठियाणं णेरइयाणं वग्गणा, एवं जाव थणियकुमाराणं वग्गणा, एगा मिच्छादिठियाणं पुढविक्काइयाणं वग्गणा एवं

જાવ વળસ્સડકાઢયાણં, ંગા સમ્મદ્દિદિઠયાણં બેઢંદિયાણં વગ્ગણા ંગા મિચ્છદ્દિદિઠયાણં બેઢંદિયાણં વગ્ગણા, ંવં તેઢંદિયાણંપિ  
 ચઠરિદિયાણવિ, સેસા જહા નેરઢયા જાવ ંગા સમ્મમિચ્છદ્દિદિઠયાણં વેમાણિયાણં વગ્ગણા ૩. ંગા કળ્હપક્વિચ્ચયાણં વગ્ગણા ંગા  
 સુક્કપક્વિચ્ચયાણં વગ્ગણા ંગા કળ્હપક્વિચ્ચયાણં ણેરઢયાણં વગ્ગણા ંગા સુક્કપક્વિચ્ચયાણં ણેરઢયાણં વગ્ગણા ંવં ચઠવીસાદંડઠો  
 માણિયવ્વો ૪, ંગા કળ્હલેસાણં વગ્ગણા ંગા નીલલેસાણં વગ્ગણા ંવં જાવ સુક્કલેસાણં વગ્ગણા ંગા કળ્હલેસાણં નેરઢયાણં  
 વગ્ગણા જાવ કાઠલેસાણં ણેરઢયાણં વગ્ગણા, ંવં જસ્સ જઢ લેસાઠો, ભવળવઢવાળમંતરપુઢવિઠાઠવળસ્સડકાઢયાણં ચ ચત્તારિ  
 લેસાઠો તેઠવાઠબેઢંદિયતેઢંદિઠચઠરિદિયાણં તિન્નિ લેસાઠો, પંચિદિયતિરિક્વજોણિયાણં મળ્ણુસ્સાણં છલ્લેસાઠો, જોતિસિયાણં ંગા  
 તેઠલેસા, વેમાણિયાણં તિન્નિ ઠવરિમલેસાઠો ૫, ંગા કળ્હલેસાણં ભવસિદ્ધિયાણં વગ્ગણા ંગા કળ્હલેસાણં ઠભવસિદ્ધિયાણં  
 વગ્ગણા ંવં છસુવિ લેસાસુ ઢો ઢો પયાણિ માણિયવ્વાણિ, ંગા કળ્હલેસાણં ભવસિદ્ધિયાણં નેરઢયાણં વગ્ગણા ંગા કળ્હલેસાણં  
 ઠભવસિદ્ધિઠાણં ણેરઢયાણં વગ્ગણા ંવં જસ્સ જતિ લેસાઠો તસ્સ તતિ ( પ્રઠયાઠો ) માણિયવ્વાઠો જાવ વેમાણિયાણં ૬, ંગા  
 કળ્હલેસાણં સમ્મદ્દિદિઠઠાણં વગ્ગણા ંગા કળ્હલેસાણં મિચ્છદ્દિદિઠયાણં વગ્ગણા ંગા કળ્હલેસાણં સમ્મામિચ્છદ્દિદિઠયાણં વગ્ગણા,  
 ંવં છસુવિ લેસાસુ જાવ વેમાણિયાણં જેસિં જદિ દિઢ્ઢીઠો ૭, ંગા કળ્હલેસાણં કળ્હપક્વિચ્ચયાણં વગ્ગણા ંગા કળ્હલેસાણં  
 સુક્કપક્વિચ્ચયાણં વગ્ગણા જાવ વેમાણિયાણં જસ્સ જતિ લેસાઠો, ૮, ંગે ઠદ્ઢ ચઠવીસદંડયા, ંગા તિત્થસિદ્ધઠાણં વગ્ગણા ંવં જાવ

एगा एकसिद्धाणं वग्गणा एगा अणिकसिद्धाणं वग्गणा एगा पढमसमयसिद्धाणं ( अपढमसमयसिद्धाणं पा० ) वग्गणा एवं जाव  
 अणंतसमयसिद्धाणं वग्गणा, एगा परमाणुपोग्गलाणं वग्गणा एवं जाव एगा अणंतपएसियाणं खंधाणं वग्गणा, एगा  
 एगपएसोगाढाणंपोग्गलाणं वग्गणा जाव एगा असंखेज्जपएसोगाढाणं पोग्गलाणं वग्गणा, एगा एगसमयठितियाणं पोग्गलाणं वग्गणा  
 जाव असंखेज्जसमयठितियाणं पोग्गलाणं वग्गणा, एगा एगगुणकालगाणं पोग्गलाणं वग्गणा जाव एगा असंखेज्ज० एगा  
 अणंतगुणकालगाणं पोग्गलाणं वग्गणा, एवं वण्णा गंधा रसा फासा भाणियव्वा जाव एगा अणंतगुणलुक्खाणं पोग्गलाणं वग्गणा,  
 एगा जहन्नपएसियाणं खंधाणं वग्गणा एगा उक्कस्सपएसियाणं खंधाणं वग्गणा एगा अजहन्नुक्कस्सपएसियाणं खंधाणं वग्गणा  
 एवं जहन्नोगाहणयाणं उक्कोसोगाहणगाणं अजहन्नुक्कोसोगाहणगाणं जहन्नठितियाणं उक्कस्सठितियाणं अजहन्नुक्कोसठितियाणं  
 जहन्नगुणकालगाणं उक्कस्सगुणकालयाणं अजहन्नुक्कस्सगुणकालगाणं एवं वण्णगंधरसफासाणं वग्गणा भाणियव्वा जाव एगा  
 अजहन्नुक्कस्सगुणलुक्खाणं पोग्गलाणं वग्गणा । ५१ । एगे जंबुददीवे २ सव्वदीवसमुद्दाणं जाव अद्धंगुलगं च किंचिविससाहिए  
 परिक्खेवेणं । ५२ । एगे समणे भगवं महावीरे इमीसे ओसप्पिणीए चउव्वीसाए तित्थगराणं चरमतित्थयरे सिद्धे बुद्धे मुत्ते जाव  
 सव्वदुक्खप्पहीणे । ५३ । अणुत्तरोववाइयाणं देवाणं एगा रयणी उड्ढंउच्चत्तेणं पन्नता । ५४ । अददाणक्खत्ते एगतारे पन्नत्ते चित्ताणक्खत्ते  
 एगतारे पं. सात्तीणक्खत्ते एगतारे पं० । ५५ । एगपदेसोगाढा पोग्गला अणंता पन्नत्ता, एवमेगसमयठितिया एगगुणकालगा पोग्गला

अणंता पन्नत्ता जाव एगगुणलुक्खा पोग्गला अणंता पन्नत्ता । ५६ । एकस्थानकाध्ययनम् १ ॥

जदत्थि ( जहत्थि च पा० ) णं लोगे तं सव्वं दुपओआरं ( दुपडोयारं पा० ) तं० जीवच्चेव अजीवच्चेव । तसे चेव थावरे चेव १, सजोणियच्चेव अजोणियच्चेव २, साउयच्चेव अणाउय चेव ३, सइंदियच्चेव ( च्चेय पा० ) अणिंदिए चेव ४, सवेयगा चेव अवेयगा चेव ५, सरूवि चेव अरूवि चेव ६, सपोग्गला चेव अपोग्गला चेव ७, संसारसमावन्नगा चेव असंसारसमावन्नगा चेव ८, सासया चेव असासया चेव ९ । ५७ । आगासा चेव नोआगासा चेव, धम्मे चेव अधम्मे चेव । ५८ । बंधे चेव मोक्खे चेव १ पुन्ने चेव पावे चेव २ आसवे चेव संवरे चेव ३ वेयणा चेव निज्जरा चेव ४ । ५९ । दो किरियाओ पन्नत्ताओ, तंजहा जीवकिरिया चेव अजीवकिरिया चेव ( चिय पा० ) १, जीवकिरिया दुविहा पन्नत्ता, तंजहासम्मत्तकिरिया चेव भिच्छत्तकिरिया चेव २, अजीवकिरिया दुविहा पन्नत्ता, तं०-ईरियावहिया चेव संपराइया चेव ३, दो किरियाओ पं०तं०-काइया चेव अहिगरणिया चेव ४, काइया किरिया दुविहा पन्नत्ता तं०-अणुवरयकायकिरिया चेव दुप्पउत्तकायकिरिया चेव ५, अहिकरणिया किरिया दुविहा पन्नत्ता, तं०-संजोयणाधिकरणिया चेव णिव्वत्तणाधिकरणिया चेव ६, दो किरियाओ पं०तं०-पाउसिया चेव पारियावणिया चेव ७, पाउसिया किरिया दुविहा पं०तं०-जीवपाउसिया चेव अजीवपाउसिया चेव ८, पारियावणिया किरिया दुविहा पं० तं०-सहत्थपारियावणिया चेव परहत्थपारियावणिया चेव ९, दो किरियाओ पं० तं०-पाणातिवायकिरिया चेव अपच्चक्खाणकिरिया चेव १०, पाणातिवायकिरिया दुविहा पं०तं०-

सहत्थपाणातिवायकिरिया चेव परहत्थपाणातिवायकिरिया चेव ११, अपच्चक्खाणकिरिया दुविहा पंतं-जीवअपच्चक्खाणकिरिया चेव अजीवअपच्चक्खाणकिरिया चेव १२, दो किरियाओ पंतं-आरंभिया चेव परिग्गहिया चेव १३, आरंभिया किरिया दुविहा पंतं-जीवआरंभिया चेव अजीवआरंभिया चेव १४, एवं परिग्गहियावि १५, दो किरियाओ पंतं-मायावत्तिआ चेव मिच्छादंसणवत्तिया चेव १६, मायावत्तिया किरिया दुविहा पंतं-आयभाववंकणता चेव परभाववंकणता चेव १७, मिच्छादंसणवत्तिया किरिया दुविहा पंतं-ऊणाइरित्तमिच्छादंसणवत्तिया चेव तव्वइरित्तमिच्छादंसणवत्तिया चेव १८, दो किरियाओ पंतं-दिट्ठिया चेव पुट्ठिया चेव १९, दिट्ठिया किरिया दुविहा पंतं-जीवदिट्ठिया चेव अजीवदिट्ठिया चेव २०, एवं पुट्ठियावि २१, दो किरियाओ पंतं-पाडुच्चिया चेव सामंतोवणिवाइया चेव २२, पाडुच्चिया किरिया दुविहा पंतं-जीवपाडुच्चिया चेव अजीवपाडुच्चिया चेव २३, एवं सामंतोवणिवाइयावि २४, दो किरियाओ पंतं-साहत्थिया चेव णेसत्थिया चेव, २५ साहत्थिया किरिया दुविहा पंतं-जीवसाहत्थिया चेव अजीवसाहत्थिया चेव २६, एवं णेसत्थियावि २७, दो किरियाओ पंतं-आणवणिया चेव वेयारणिया चेव २८, जहेव णेसत्थियाओ २९-३०, दो किरियाओ पंतं-अणाभोगवत्तिया चेव अणवकंखवत्तिया चेव ३१, अणाभोगवत्तिया किरिया दुविहा पंतं-अणाउत्तआइयणता चेव अणाउत्तपमज्जणता चेव ३२, अणवकंखवत्तिया किरिया दुविहा पंतं-आयसरीरअणवकंखवत्ति या चेव परसरीरअणवकंखवत्तिया चेव ३३, दो किरियाओ पंतं-पिज्जवत्तिया चेव दोसवत्तिया

चेव ३४, पेज्जवत्तिया किरिया दुविहा पं०तं०-मायावत्तिया चेव लोभवत्तिया चेव ३५, दोसवत्तिया किरिया दुविहा पं० तं० - कोहे  
 चेव माणे चेव ३६ । ६० । दुविहा गरिहा पं०तं०-मणसा वेगे ( मणसाऽवेगे पा. ) गरहति, वयसा वेगे गरहति, अहवा गरहा दुविहा  
 पं०तं०-दीहं वे ( प्र०पे )गे अब्धं गरहति, रहस्सं वेगे अब्धं गरहति । ६१ । दुविहे पच्चक्खाणे पं०तं०-मणसा वेगे पच्चक्खाति वयसा  
 वेगे पच्चक्खाति, अहवा पच्चक्खाणे दुविहे पं०तं०- दीहं वेगे अब्धं पच्चक्खाति रहस्सं वेगे अब्धं पच्चक्खाति । ६२ । दोहिं ठाणेहि  
 संपन्ने अणगारे अणाइयं अणवयगं दीहमब्धं चाउरंतसंसारकंतारं वीतिवतेज्जा, तंजहा विज्जाए चेव चरणेणं चेव । ६३ । दो ठाणाइं  
 अपरियाणित्ता आया णो केवलिपन्नत्तं धम्मं लभेज्ज सवणयाए, तं०-आरंभे चेव परिग्गहे चेव १, दो ठाणाइं अपरियादित्ता आया णो  
 केवलं बोधिं बुज्जेज्जा तं०- आरंभे चेव परिग्गहे चेव २, दो ठाणाइं अपरियाइत्ता आया नो केवलं मुंडे भवित्ता आगाराओ अणगारियं  
 पव्वइज्जा, तं०- आरंभे चेव परिग्गहे चेव ३, एवं णो केवलं बंभचेरवासमावसेज्जा ४, णो केवलेणं संजमेणं संजमेज्जा ५, नो केवलेणं  
 संवरेणं संवरेज्जा ६, नो केवलमाभिणिबोहियणाणं उप्पाडेज्जा ७, एवं सुयनाणं ८ ओहिनाणं ९ मणपज्जवनाणं १० केवलनाणं ११  
 । ६४ । दो ठाणाइं परियादित्ता आया केवलिपन्नत्तं धम्मं लभेज्ज सवणयाए, तं०- आरंभे चेव परिग्गहे चेव, एवं जाव केवलनाणमुप्पाडेज्जा  
 । ६५ । दोहिं ठाणेहिं आया केवलिपन्नत्तं धम्मं लभेज्ज सवणयाए, तं०-सोच्च च्चेव अभिसमेच्च च्चेव जाव केवलनाणं उप्पाडेज्जा  
 । ६६ । दो समाओ पन्नत्ताओ, तं०-ओसप्पिणी समा चेव उस्सप्पिणी समा चेव । ६७ । दुविहे उम्माए पं०, तं०-जक्खावेसे चेव

मोहणिज्जस्स चेव कम्मस्स, उदएणं, तत्थ णं जे से जक्खावेसे से णं सुहवेयतराए चेव सुहविमोयतराए चेव, तत्थ णं जे से मोहणिज्जस्स कम्मस्स उदएणं से णं दुहवेयतराए चेव दुहविमोयतराए चेव । ६८ । दो दंडा पंतं०- अट्ठादंडे चेव अणट्ठादंडे चेव, नेरइयाणं दो दंडा पंतं०- अट्ठादंडे य अणट्ठादंडे य, एवं चउवीसादंडओ जाव वेमाणियाणं । ६९ । दुविहे दंसणे पन्नत्ते, तं०- सम्मदंसणे चेव मिच्छादंसणे चेव १, सम्मददंसणे दुविहे पंतं०- णिसग्गसम्मदंसणे चेव अभिगमसम्मदंसणे चेव २, णिसग्गसम्मदंसणे दुविहे पंतं०- पडिवाई चेव अपडिवाई चेव ३, अभिगमसम्मदंसणे दुविहे पंतं०- पडिवाई चेव अप्पडिवाई चेव ४, मिच्छादंसणे दुविहे पंतं०- अभिग्गहियमिच्छादंसणे चेव अणभिग्गहियमिच्छादंसणे चेव ५, अभिग्गहियमिच्छादंसणे दुविहे पंतं०- सपज्जवसिते चेव अपज्जवसिते चेव ६, एवमणभिग्गहितमिच्छादंसणे ऽवि ७ । ७० । दुविहे नाणे पंतं०- पच्चक्खे चेव परोक्खे चेव १, पच्चक्खे नाणे दुविहे पन्नत्ते तं०- केवलनाणे चेव णोकेवलनाणे चेव २, केवलणाणे दुविहे पंतं०- भवत्थकेवलनाणे चेव सिद्धकेवलणाणे चेव ३, भवत्थकेवलणाणे दुविहे पंतं०- सजोगिभवत्थकेवलणाणे चेव अजोगिभवत्थकेवलणाणे चेव ४, सजोगिभवत्थकेवलणाणे दुविहे पंतं०- पढमसमयसजोगिभवत्थकेवलणाणे चेव अपढमसमयसजोगिभवत्थकेवलणाणे चेव ५, अहवा चरिमसमयसजोगि- भवत्थकेवलणाणे चेव अचरिमसमयसजोगिभवत्थकेवलनाणे चेव ६, एवं अजोगिभवत्थकेवलनाणे ऽवि ७-८, सिद्धकेवलणाणे दुविहे पंतं०- अणांतरसिद्धकेवलणाणे चेव परंपरसिद्धकेवलनाणे चेव ९, अणांतरसिद्धकेवलनाणे दुविहे पंतं०-

एक्काणांतरसिद्धकेवलणाणे चेव अणेक्काणांतरसिद्धकेवलणाणे चेव, १०, परंपरसिद्धकेवलणाणे दुविहे पं०तं०-  
 एक्कपरंपरसिद्धकेवलणाणे चेव अणेक्कपरंपरसिद्धकेवलणाणे चेव ११, णोकेवलणाणे दुविहे पं०तं०-ओहिणाणे चेव मणपज्जवणाणे  
 चेव १२, ओहिणाणे दुविहे पं०तं० - भवपच्चइए चेव खओवसमिए चेव १३, दोण्हं भवपच्चइए पन्नत्ते, तं- देवाणां चेव नेरइयाणां  
 चेव १४, दोण्हं खओवसमिए पं०तं०-मणुस्साणां चेव पंचिंदियतिरिक्खजोणियाणां चेव १५, मणपज्जवणाणे दुविहे पं०तं०-उज्जुमति  
 चेव विउलमति चेव १६, परोक्खे णाणे दुविहे पन्नत्ते, तं० आभिणिबोहियणाणे चेव सुयणाणे चेव १७, आभिणिबोहियणाणे दुविहे  
 पं०तं०-सुयनिस्सिए चेव असुयनिस्सिए चेव १८, सुयनिस्सिए दुविहे पं०तं०- अत्थोग्गहे चेव वंजणोग्गहे चेव १९, असुयनिस्सितेऽवि  
 एमेव २०, सुयणाणे दुविहे पं०तं०-अंगपविट्ठे चेव अंगबाहिरे चेव २१, अंगबाहिरे दुविहे पं०तं०- आवस्सए चेव आवस्सयवइरित्ते  
 चेव २२, आवस्सयवतिरित्ते दुविहे पं०तं०- कालिए चेव उक्कालिए चेव २३ । ७१ । दुविहे धम्मे पं०तं० - सुयधम्मे चेव चरित्तधम्मे  
 चेव, सुयधम्मे दुविहे पं०तं०- सुत्तसुयधम्मे चेव अत्थसुयधम्मे चेव, चरित्तधम्मे दुविहे पं०तं०- अगारचरित्तधम्मे चेव अणगारचरित्तधम्मे  
 चेव, दुविहे संजमे पं०तं०- सरागसंजमे चेव वीतरागसंजमे चेव, सरागसंजमे दुविहे पं०तं० -सुहुमसंपरायसरागसंजमे चेव  
 बादरसंपरायसरागसंजमे चेव, सुहुमसंपरायसरागसंजमे दुविहे पन्नत्ते, तं०- पढमसमयसुहुमसंपरायसरागसंजमे चेव अपढमसमयसु०,  
 अथवा चरमसमयसु० अचरमसमयसु०, अहवा सुहुमसंपरायसरागसंजमे दुविहे पं०तं०-संकिलेसमाणए चेव विसुज्झमाणए चेव,

बादरसंपरायसरागसंजमे दुविहे पं०तं०-पढमसमयबादर० अपढमसमयबादरसं०, अहवा चरिमसमय० अचरिमसमय०, अहवा  
 बायरसंपरायसरागसंजमे दुविहे पं०तं०- पडिवाति चेव अपडिवाति चेव, वीयरगसंजमे दुविहे पं०तं०- उवसंतकसायवीयरगसंजमे  
 चेव खीणकसायवीयरगसंजमे चेव उवमंतकसायवीयरगसंजमे दुविहे पं०तं०- पढमसमयउवसंतकसायवीतरागसंजमे चेव  
 अपढमसमयउव०, अहवा चरिमसमयउव० अचरिमसमयउव०, खीणकसायवीतरागसंजमे दुविहे पं०तं०-  
 छउमत्थखीणकसायवीयरगसंजमे चेव केवलिखीणकसायवीयरगसंजमे चेव, छउमत्थखीणकसायवीयरगसंजमे दुविहे पं० तं०-  
 सयंबुद्धछउमत्थखीणकसाय० बुद्धबोहियछउमत्थ०, सयंबुद्धछउमत्थ० दुविहे पं०तं०-पढमसमय० अपढमसमय० अहवा चरिमसमय०  
 अचरिमसमय०, बुद्धबोहियछउमत्थखीण० दुविहे पं०तं०- पढमसमय० अपढमसमय०, अहवा चरिमसमय० अचरिमसमय०,  
 केवलिखीणकसायवीतरागसंजमे दुविहे पं०तं०- सजोगकेवलिखीणकसाय० संजमे अजोगिकेवलि०, सजोगिकेवलिखीणकसाय०  
 संजमे दुविहे पं०तं०- पढमसमय० अपढमसमय०, अहवा चरिमसमय० अचरिमसमय०, अजोगिकेवलिखीणकसाय० संजमे दुविहे  
 पं०तं०- पढमसमय० अपढमसमय० अहवा चरिमसमय० अचरिमसमय० । ७२ । दुविहा पुढवीकाइया पं०तं०-सुहुमा चेव बायरा चेव  
 १, एवं जाव दुविहा वणस्सइकाइया पं०तं०- सुहुमा चेव बायरा चेव ५, दुविहा पुढवीकाइया पं०तं०-पज्जत्तगा चेव अपज्जत्तगा चेव  
 ९, एवं जाव वणस्सइकाइया १०, दुविहा पुढवीकाइया पं०तं०-परिणया चेव अपरिणया चेव ११, एवं जाव वणस्सइकाइया १५,

दुविहा दव्वा पं०तं०-परिणता चेव अपरिणता चेव १६, दुविहा पुढवीकाइया पं०तं० -गतिसमावन्नगा चेव अगइसमावन्नगा चेव १७,  
 एवं जाव वणस्सइकाइया २१, दुविहा दव्वा पं०तं०- गतिसमावन्नगा चेव अगतिसमावन्नगा चेव २२, दुविहा पुढवीकाइया पं०तं० -  
 अणंतरोगाढा चेव परंपरोगाढा चेव २३, जाव दव्वा० २८ । ७३ । दुविहे काले पं०तं०-ओसप्पिणीकाले चेव उस्सप्पिणीकाले चेव,  
 दुविहे आगासे पं०तं०- लोगागासे चेव अलोगागासे चेव । ७४ । णेरइयाणं दो सरीरगा पं०तं०-अब्भंतरगे चेव बाहिरगे चेव,  
 अब्भन्तरे कम्मए बाहिरए वेउव्विए, एवं देवाणं भाणियव्वं, पुढवीकाइयाणं दो सरीरगा पं०तं०-अब्भंतरगे चेव बाहिरगे चेव,  
 अब्भन्तरे कम्मए बाहिरगे ओरालियगे, जाव वणस्सइकाइयाणं, बेइंदियाणं दो सरीरा पं०तं०-अब्भन्तरे चेव बाहिरए चेव, अब्भन्तरे  
 कम्मए अट्ठमंससोणितवद्धे बाहिरए ओरालिए, जाव चउरिंदियाणं, पंचिंदियतिरिक्खजोणियाणं दो सरीरगा पं० तं०-अब्भन्तरे  
 चेव बाहिरगे चेव, अब्भन्तरे कम्मए अट्ठमंससोणियणहारुछिरावद्धे बाहिरए ओरालिए, मणुस्साणवि एवं चेव । विग्गहगइसमावन्नगाणं  
 नेरइयाणं दो सरीरगा पं०तं०- तेयए चेव कम्मए चेव, निरन्तरं जाव वेमाणियाणं, नेरइयाणं दोहिं ठाणेहिं सरीरुप्पत्ती सिया, तं०-  
 रागेण चेव दोसेण चेव, जाव वेमाणियाणं, नेरइयाणं दुट्ठानिब्वत्तिए सरीरगे पं०तं० -रागनिब्वत्तिए चेव दोसनिब्वत्तिए चेव, जाव  
 वेमाणियाणं, दो काया पं० तं०-तसकाए चेव थावरकाए चेव, तसकाए दुविहे पं०तं०- भवसिद्धिए चेव अभवसिद्धिए चेव, एवं  
 थावरकाएऽवि । ७५ । दो दिसाओ अभिगिज्झ कप्पति णिग्गंथाणं वा णिग्गंथीण वा पव्वावित्तए पाईणं चेव उदीणं चेव, एवं

मुंडावित्तए सिक्खावित्तए उवट्ठावित्तए संभुजित्तए संवसित्तए सज्झायमुदिसित्तए सज्झायं समुदिसित्तए सज्झायमणुजाणित्तए आलोइत्तए पडिक्कमित्तए निंदित्तए गरहित्तए विउट्ठित्तए विसोहित्तए अकरणयाए अब्भुट्ठित्तए आहारिह पायच्छित्तं तवोकम्मं पडिवज्जित्तए, दो दिसातो अभिगिज्झ कप्पति णिग्गंथाण वा णिग्गंथीण वा अपच्छिममारणंतियसंलेहणाजूसणाजूसियाणं भत्तपाणपडियाइक्खिताणं पाओवगताणं कालं अणवकंखमाण्णाणं विहरित्तए, तंजहा पाईणं चेव उदीणं चेव । ७६ । अ० २ ३०१ ॥ जे देवा उइढोववन्नगा कप्पोववन्नगा विमाणोववन्नगा चारोववन्नगा चारट्ठितीया गतिरतिया गतिसमावन्नगा तेसिं णं देवाणं सता समित्तं जे पावे कम्मे कज्जति तत्थगतावि एगतिया वेदणं वेदेति अन्नत्थगतावि एगतिया वेअणं वेदेति, णेरइयाणं सता समियं जे पावे कम्मे कज्जति तत्थगतावि एगतिया वेयणं वेदेति अन्नत्थगतावि एगतिआ वेयणं वेदेति, जाव पंचेदियतिरिक्खजोणियाणं, मणुस्साणं सता समित्तं जे पावे कम्मे कज्जति इहगतावि एगतिता वेयणं वेयंति अन्नत्थगतावि एगतिया वेयणं वेयंति, मणुस्सवज्जा सेसा एक्कगमा । ७७ । नेरतिता दुगतिया दुयागतिया पं०तं०-नेरइए णेरइएसु उववज्जमाणे मणुस्सेहिंतो वा पंचिंदियतिरिक्खजोणिएहिंतो वा उववज्जेज्जा, से चेव णं से नेरइए णेरइयत्तं विप्पजहमाणे मणुस्सत्ताए वा पंचेदियतिरिक्खजोणियत्ताए वा गच्छेज्जा, एवं असुरकुमारावि, णवरं से चेव णं से असुरकुमारे असुरकुमारत्तं विप्पजहमाणे मणुस्सत्ताए वा तिरिक्खजोणियत्ताए वा गच्छिज्जा, एवं सव्वदेवा, पुढवीकाइया दुगतिया दुआगतिया पं०तं०-पुढवीकाइए पुढवीकाइएसु उववज्जमाणे पुढवीकाइएहिंतो वा णोपुढवीकाइएहिंतो वा उववज्जेज्जा, से

चेव णं से पुढवीकाइए पुढवीकाइयत्तं दिप्पजहमाणे पुढवीकाइयत्ताए वा णोपुढवीकाइयत्ताए वा गच्छेज्जा, एवं जाव मणुस्सा । ७८ ।  
 दुविहा नेरइया पन्नत्ता, तंजहा-भवसिद्धिया चेव अभवसिद्धिया चेव, जाव वेमाणिया १, दुविहा नेरइया पंतं०- अणंतरोववन्नगा  
 चेव परंपरोववन्नगा चेव जाव वेमाणिया २, दुविहा णेरइया पंतं०-गतिसमावन्नगा चेव अगतिसमावन्नगा चेव, जाव वेमाणिया ३,  
 दुविहा नेरइया पंतं०- पढमसमओववन्नगा चेव अपढमसमओववन्नगा चेव जाव वेमाणिया ४, दुविहा नेरइया पंतं०- आहारगा  
 चेव अणाहारगा चेव, एवं जाव वेमाणिया ५, दुविहा णेरइया पंतं०- उस्सासगा चेव णोउस्सासगा चेव जाव वेमाणिया ६, दुविहा  
 नेरइया पंतं०- सइंदिया चेव अणिंदिया चेव, जाव वेमाणिया ७, दुविहा नेरइया पंतं०-पज्जत्तगा चेव अपज्जत्तगा चेव, जाव  
 वेमाणिया ८, दुविहा नेरइया पंतं०-सन्नी चेव असन्नी चेव, एवं पंचेदिया सव्वे विगलंदियवज्जा, जाव वाणमंतरा ( वेमाणिया ) ९,  
 दुविहा नेरइया पंतं०-भासगा चेव अभासगा चेव, एवमेगिंदियवज्जा सव्वे १०, दुविहा नेरइया पंतं०- सम्मद्धिट्ठीया चेव मिच्छद्धिट्ठीया  
 चेव, एगिंदियवज्जा सव्वे ११, दुविहा नेरइया पंतं०- परित्तसंसारिता चेव अणंतसंसारिया चेव, जाव वेमाणिया १२, दुविहा नेरइया  
 पंतं० संखेज्जकालसमयट्ठि तीया ( संखेज्जकालठिइया पा० ) चेव असंखेज्जकालसमयट्ठि तीया चेव, एवं पंचेदिया  
 एगिंदियविगलंदियवज्जा जाव वाणमंतरा १३, दुविहा नेरइया पंतं०-सुलभबोधिया चेव दुल्लभबोधिया चेव, जाव वेमाणिया १४,  
 दुविहा नेरइया पंतं०- कण्हपक्खिया चेव सुक्कपक्खिया चेव, जाव वेमाणिया १५, दुविहा नेरइया पंतं०- चरिमा चेव अचरिमा

चेव, जाव वेमाणिया १६ । ७९ । दोहिं ठाणेहिं आया अधोलोगं जाणइ पासइ तं०-समोहतेणं चेव अप्पाणेणं आया अहेलोगं जाणइ पासइ असमोहतेणं चेव अप्पाणेणं आया अहेलोगं जाणइ पासइ, आधोहि समोहतासमोहतेणं चेव अप्पाणेणं आया अहेलोगं जाणइ पासइ, एवं तिरियलोगं २ उडढलोगं ३ केवलकप्पं लोगं ४, दोहिं ठाणेहिं आया अधोलोगं जाणइ पासइ, तं०-विउव्वितेण चेव अप्पाणेणं आता अधोलोगं जाणइ पासइ अविउव्वितेणं चेव अप्पाणेणं आता अधोलोगं जाणइ पासइ आहोधि विउव्वियाविउव्वितेण चेव अप्पाणेणं आता अधोलोगं जाणइ ( पासइ ) १, एवं तिरियलोगं० ४, दोहिं ठाणेहिं आया सद्दाइं सुणेइ, तं०- देसेणवि आया सद्दाइं सुणेइ सव्वेणवि आया सद्दाइं सुणेति, एवं रुवाइं पासइ, गंधाइं अग्धाति, रसाइं आसादेति, फासाइं पडिसंवेदेति ५, दोहिं ठाणेहिं आया ओभासइ, तं०-देसेणवि आया ओभासइ सव्वेणवि आया ओभासंति, एवं पभासति विकुव्वति परियारेति भासं भासति आहारेति परिणामेति वेदेति निज्जरेति ९, दोहिं ठाणेहिं देवे सद्दाइं सुणेइ, तं०- देसेणवि देवे सद्दाइं सुणेति सव्वेणवि देवे सद्दाइं सुणेइ जाव निज्जरेति १४, मरुया देवा दुविहा पं०तं०-एगसरीरे चेव बिसरीरे चेव, एवं किन्नरा किंपुरिसा गंधव्वा णागकुमारा सुवन्नकुमारा अगिगकुमारा वायुकुमारा ८, देवा दुविहा पं०तं०- एगसरीरे चेव बिसरीरे चेव १८० । अ. २ ३.२॥ दुविहे सद्दे पं०तं०-भासासद्दे चेव णोभासासद्दे चेव, भासासद्दे दुविहे पं०तं०- अक्खरसंबद्धे चेव नोअक्खरसंबद्धे चेव, णोभासासद्दे दुविहे पन्नत्ते तं०-आउज्जसद्दे चेव णोआउज्जसद्दे चेव, आउज्जसद्दे, दुविहे पं०तं०- तते चेव वितते चेव, तते दुविहे पं०तं०- घणे चेव झुसिरे चेव, एवं विततेऽवि,

णोआउज्जसहे दुविहे पंतं-भूसणसहे चेव नोभूसणसहे चेव, नोभूसणसहे दुविहे पंतं- तालसहे चेव लत्तिआसहे चेव, दोहिं ठाणेहिं सददुप्पाते सिया, तंजहा साहन्नंताणं चेव पुग्गलाणं सददुप्पाए सिया भिज्जंताणं चेव पोग्गलाणं सददुप्पाए सिया । ८१ । दोहिं ठाणेहिं पोग्गला साहण्णंति, तं-सइं वा पोग्गला साहन्नंति १ परेण वा पोग्गला साहण्णंति १, दोहिं ठाणेहिं पोग्गला भिज्जंति तं-सइं वा पोग्गला भिज्जंति परेण वा पोग्गला भिज्जंति २, दोहिं ठाणेहिं पोग्गला परिसडंति, तं-सइं वा पोग्गला परिसडंति परेण वा पोग्गला परिसाडिज्जंति ३, एवं परिवडंति ४ विद्धंसंति ५, दुविहा पोग्गला पंतं-भिन्ना चेव अभिन्ना चेव १, दुविहा पोग्गला पंतं- भेउरधम्मा चेव नोभेउरधम्मा चेव २, दुविहा पोग्गला पंतं-परमाणुपोग्गला चेव नोपरमाणुपोग्गला चेव ३, दुविहा पोग्गला पंतं- सुहुमा चेव बायरा चेव ४, दुविहा पोग्गला पंतं- बद्धपासपुट्ठा चेव नोबद्धपासपुट्ठा चेव ५, दुविहा पोग्गला पन्त्ता तं- परियादितच्चेव अण्णियादितच्चेव ६, दुविहा पोग्गला पन्त्ता तं- अत्ता चेव अणत्ता चेव ७, दुविहा पोग्गला पंतं- इट्ठा चेव अणिट्ठा चेव ८, एवं कंता ९ पिया १० मणुन्ना ११ मणामा १२ । ८२ । दुविहा सद्दा पन्त्ता तं- अत्ता चेव अणत्ता चेव १ एवमिट्ठा जाव मणामा ६, दुविहा रुक्का पंतं- अत्ता चेव अणत्ता चेव, जाव मणामा, एवं गंधा रसा फासा, एवमिक्किक्के छ आलावगा भाणियव्वा । ८३ । दुविहे आयारे पंतं- णाणायारे चेव नोनाणायारे चेव १, नोनाणायारे दुविहे पंतं-दंसणायारे चेव नोदंसणायारे चेव २, नोदंसणायारे दुविहे पंतं- चरित्तायारे चेव नोचरित्तायारे चेव ३, णोचरित्तायारे दुविहे पंतं- त्वायारे चेव

वीरियायारे चेव ४, दो पडिमाओ पंतं० -समाहिपडिमा चेव उवहाणपडिमा चेव १, दो पडिमाओ पंतं०- विवेगपडिमा चेव  
 विउस्सगपडिमा चेव २, दो पडिमाओ पंतं० जहा भद्दा चेव सुभद्दा चेव ३, दो पडिमाओ पंतं० महाभद्दा चेव सव्वतोभद्दा चेव ४,  
 दो पडिमाओ पंतं०- खुडिडया चेव मोयपडिमा महल्लिया चेव मोयपडिमा ५, दो पडिमाओ पंतं०-जवमज्झा चेव चंदपडिमा  
 वडरमज्झा चेव चंदपडिमा ६, दुविहे सामाइए पंतं०- अगारसामाइए चेव अणगारसामाइए चेव १८४ । दोण्हं उववाए पंतं०-  
 देवाण चेव नेरइयाण चेव १ दोण्हं उव्वट्टणा पंतं०-णेरइयाण चेव भवणवप्पीण चेव २ दोण्हं चयणे पंतं०- जोइसियाण चेव  
 वेमाणियाण चेव ३ दोण्हं गब्भवक्कंती पंतं०-मणुस्साण चेव पंचेदियतिरिक्खजोणियाण चेव ४ दोण्हं गब्भत्थाणं आहारे पंतं०-  
 मणुस्साण चेव पंचेदियतिरिक्खजोणियाण चेव ५, दोण्हं गब्भत्थाणं वुडढी पंतं०- मणुस्साण चेव पंचेदियतिरिक्खजोणियाण चेव  
 ६ एवं निव्वुडढी ७ विगुव्वणा ८ गति-परियाए ९ समुग्घाते १० कालसंजोगे ११ आयाती १२ मरणे १३ दोण्हं छविपव्वा ( छवियत्ता  
 पा०, छविपत्ता पा० ) पंतं०-मणुस्साण चेव पंचिंदियतिरिक्खजोणियाण चेव १४ दो सुक्कसोणितसंभवा पंतं०-मणुस्सा चेव  
 पंचिंदियतिरिक्खजोणिया चेव १५ दुविहा ठिती पंतं०-कायटिठती चेव भवटिठती चेव १६ दोण्हं कायटिठती पंतं०- मणुस्साण  
 चेव पंचिंदियतिरिक्खजोणियाण चेव १७ दोण्हं भवटिठती पंतं०- देवाण चेव नेरइयाण चेव १८ दुविहे आउए पंतं०- अद्धाउए  
 चेव भवाउए चेव १९ दोण्हं अद्धाउए पंतं०- मणुस्साण चेव पंचेदियतिरिक्खजोणियाण चेव २० दोण्हं भवाउए पंतं०-देवाण

चेव णेरइयाण चेव २१ दुविहे कम्मे पंतं०- पदेसकम्मे चेव अणुभावकम्मे चेव २२ दो अहाउयं पालेति तं०- देवच्चेव नेरइयच्चेव २३ दोण्हं आउयसंवट्टए पंतं०-मणुस्साण चेव पंचेदियतिरिक्खजोणियाण चेव २४ । ८५ । जंबुद्दीवे दीवे मंदरस्स पव्वयस्स उत्तरदाहिणेणं दो वासा बहुसमतुल्ला अविसेसमणाणत्ता अन्नमन्नं णातिवट्टंति आयामविक्खंभसंठाणपरिणाहेणं, तं०-भरहे चेव एरवए चेव, एवमेएणमहिलावेणं हिमवए चेव हेरन्नवते चेव, हरिवासे चेव रम्मयवासे चेव, जंबुद्दीवे दीवे मंदरस्स पव्वयस्स पुरिच्छमपच्चत्थिमेणं दो खित्ता बहुसमतुल्ला अविसेस जाव पुव्वविदेहे चेव अवरविदेहे चेव, जंबूमंदरस्स पव्वयस्स उत्तरदाहिणेणं दो कुराओ बहुसमतुल्लाओ जाव देवकुरा चेव उत्तरकुरा चेव, तत्थ णं दो महतिमहालया महादुमा बहुसमतुल्ला अविसेसमणाणत्ता अन्नमन्नं णाड्वटंति आयामविक्खंभुच्चत्तोव्वेहसंठाणपरिणाहेणं, तं०- कूडसामली चेव जंबू चेव सुदंसणा, तत्थ णं दो देवा महिड्ढिया जाव महासोक्खा ( महेसक्खा पा० ) पलिओवमट्ठितीया परिवसन्ति, तं०-गरुले चेव वेणुदेवे अणाढिते चेव जंबुद्दीवाहिवती । ८६ । जंबू० मंदरस्स पव्वयस्स य उत्तरदाहिणेणं दो वासहरपव्वया बहुसमतुल्ला अविसेसमणाणत्ता अन्नमन्नं णातिवट्टंति आयामविक्खंभुच्चत्तोव्वेहसंठाणपरिणाहेणं, तंजहा चुल्लहिमवंते चेव सिहरिच्चेव, एवं महाहिमवंते चेव रुपिच्चेव, एवं णिसढे चेव णीलवंते चेव, जंबूमंदरस्स पव्वयस्स उत्तरदाहिणेणं हेमवंतेरण्णवतेसु वासेसु दो वट्टवेतइढपव्वता बहुसमतुल्ला अविसेसमणाणत्ता जाव सद्दावाती चेव वियडावाती चेव, तत्थ णं दो देवा महिड्ढिया जाव पलिओवमट्ठितीया परिवसन्ति तं०-साती चेव पभासे चेव,

जंबूमंदरस्स उत्तरदाहिणेणं हरिवासरम्भतेसु वासेसु दो वट्टवेयइढपव्वया बहुसम० जाव गंधावती चेव मालवंतपरियाए चेव, तत्थ णं दो देवा महिइढिया महजुईया जाव पलिओवमट्ठितीया परिवसंति, तं०अरुणे चेव पउमे चेव, जंबूमंदरस्स पव्वयस्स दाहिणेणं देवकुराए पुव्वावरे पासे एत्थ णं आसक्खंधगसरिसा अब्धचंदसंठाणसंठिया ( अवब्धचंदसंठाणसंठिया पा० ) दो वक्खारपव्वया बहुसमा जाव सोमणासे चेव विज्जुप्पभे चेव, जंबूमंदर० उत्तरेणं उत्तरकुराए पुव्वावरे पासे एत्थ णं आसक्खंधगसरिसा अब्धचंदसंठाणसंठिया दो वक्खारपव्वया बहु० जाव गंधमायणे चेव मालवंते चेव, जंबूमंदरस्स पव्वयस्स उत्तरदाहिणेणं दो दीहवेयइढपव्वया बहुसमतुल्ला जाव भारहे चेव दीहवेयइढे एरावते चेव दीहवेयइढे, भारहए णं दीहवेयइढे दो गुहाओ बहुसमतुल्लाओ अविसेसमणाणत्ताओ अन्नमन्नं णातिवट्ठंति आयामविक्खंभुच्चत्त संठाणपरिणाहेणं, तं०- तिमिसगुहा चेव खंडगप्पवायगुहा चेव, तत्थ णं दो देवा महिइढिया जाव पलिओवमट्ठितीया परिवसंति, तं०- कयमालए चेव नट्टमालए चेव, एरावयए णं दीहवेयइढे दो गुहाओ बहुसम जाव कयमालए चेव नट्टमालए चेव, जंबूमंदरस्स पव्वयस्स दाहिणेणं चुल्लहिमवंते वासहरपव्वए दो कूडा बहुसमतुल्ला जाव विक्खंभुच्चत्तसंठाणपरिणाहेणं, तं- चुल्लहिमवंतकूडे चेव वेसमणकूडे चेव, जंबूमंदरदाहिणेणं महाहिमवंते वासहरपव्वए दो कूडा बहुसम० जाव महाहिमवन्तकूडे चेव वेरुलियकूडे चेव, एवं निसढे वासहरपव्वए दो कूडा बहुसम० जाव निसढकूडे चेव रुयगप्पभे चेव, जंबूमंदर० उत्तरेणं नीलवंते वासहरपव्वए दो कूडा बहुसम. जाव तं०- नीलवंतकूडे चेव उवदंसणकूडे चेव, एवं रुप्पिमि

वासहरपव्वए दो कूडा बहुसम० जाव तं०- रुपिकूडे चेव मणिकंचणकूडे चेव, एवं सिंहरीमि वासहरपव्वते दो कूडा बहुसम० जाव तं०-सिंहरीकूडे चेव तिगिंछिकूडे चेव । ८७ । जंबूमंदर० उत्तरदाहिणेणं चुल्लहिमवंतसिहरीसु वासहरपव्वयेसु दो महदहा बहुसमतुल्ला अविसेसमणाणत्ता अण्णमण्णं णातिवटंति आयामविक्खंभउव्वेहसंठाणपरिणाहेणं, तं०- पउमदहे चेव पुंडरीयदहे चेव, तत्थ णं दो देवयाओ महडिढयाओ जाव पलिओवमट्ठितीयाओ परिवसंति, तं०- सिरी चेव लच्छी चेव, एवं महाहिमवंतरुप्पीसु वासहरपव्वएसु दो महदहा बहुसम० जाव तं०- महापउमदहे चेव महापोंडरीयदहे चेव, देवताओ हिरिच्चेव बुद्धिच्चेव, एवं निसढनीलवंतेसु तिगिंछिदहे चेव केसरिदहे चेव, देवताओ धिती चेव कित्तिच्चेव, जंबूमंदर० दाहिणेणं महाहिमवंताओ वासहरपव्वयाओ महापउमदहाओ दो महाणईओ पवहंति, तं०-रोहियच्चेव हरिकंतच्चेव, एवं निसढाओ वासहरपव्वताओ तिगिंछिदहाओ दो म०तं०-हरिच्चेव सीओअच्चेव, जंबूमंदर० उत्तरेणं नीलवंताओ वासहरपव्वताओ केसरिदहाओ दो महानईओ पवहंति, तं०-सीता चेव नारीकंता चेव, एवं रुप्पीओ वासहरपव्वताओ महापोंडरीयदहाओ दो महानईओ पवहंति, तं०-णरकंता चेव रुप्पकूला चेव, जंबूमंदरदाहिणेणं भरहे वासे दो पवायदहा बहुसम० तं०-गंगप्पवातदहे चेव सिंधुप्पवायदहे चेव, एवं हिमवए वासे दो पवायदहा बहु० तं०-रोहियप्पवातदहे चेव रोहियंसप्पवातदहे चेव, जंबूमंदरदाहिणेणं हरिवासे दो पवायदहा बहुसम०तं०-हरिपवातदहे चेव हरिकंतपवातदहे चेव, जंबूमंदरउत्तरदाहिणेणं महाविदेहवासे दो पवायदहा बहुसम० जाव सीअप्पवातदहे चेव सीतोदप्पवायदहे चेव, जंबूमंदरस्स उत्तरेणं

रम्भए वासे दो पवायदहहा बहु० जाव नरकंतप्पवायदहे चेव णारीकंतप्पवायदहे चेव, एवं हेरन्वते वासे दो पवायदहहा सुवन्नकूलप्पवायदहे चेव रुप्पकूलप्पवायदहे चेव, जंबूमंदरउत्तेरणं एरवए वासे दो पवायदहहा बहु० जाव रत्तप्पवायदहे चेव रत्तावड्ढप्पवायदहे चेव, जंबूमंदरदाहिणोणं भरहे वासे दो महानईओ बहु० जाव गंगा चेव सिंधू चेव, एवं जथा पवातदहहा एवं णईओवि भाणियव्वाओ जाव एरवए वासे दो महानईओ बहुसमतुल्लाओ जाव रत्ता चेव रत्तवती चेव । ८८ । जंबुद्दीवे २ भरहेरवएसु वासेसु तीताए उस्सप्पिणीए सुसमदूसमाए समाए दो सागरोवमकोडाकोडीओ काले होत्था १, एवमिमीसे ओसप्पिणीए जाव पन्नते २, एवं आगमिस्साए उस्सप्पिणीए जाव भवस्सति ३, जंबुद्दीवे दीवे भरहेरवएसु वासेसु तीताए उस्सप्पिणीए सुसमाए समाए मणुया दो गाउयाइं उड्ढउच्चत्तेणं होत्था ४, दोन्नि य पलिओवमाइं परमाउं पालइत्था ५, एवमिमीसे ओसप्पिणीए जाव पालइत्था ६, एवमागमेस्साते उस्सप्पिणीए जाव पालिस्संति ७, जंबुद्दीवे दीवे भरहेरवएसु वासेसु एगसमये एगजुगे ( एगजुगे एगसमये पा० ) दो अरिहंतवंसा उप्पज्जिंसु वा उप्पज्जंति वा उप्पज्जिस्संति वा ८, एवं चक्कवट्ठिवंसा ९, दसारवंसा १०, जंबूभरहेरवएसु० एगसमते दो अरहंता उप्पज्जिंसु वा उप्पज्जंति वा उप्पज्जिस्संति वा ११, एवं चक्कवट्ठिणो १२, एवं बलदेवा एवं वासुदेवा ( दसारवंसा ) जाव उप्पज्जिंसु वा उप्पज्जंति वा उप्पज्जिस्संति वा १३, जंबू० दोसु कुरासु मणुआ सया सुसमसुसममुत्तमिड्ढिं पत्ता पच्चणुब्भवमाणा विहरंति, तं०-देवकुराए चेव उत्तरकुराए चेव १४, जंबुद्दीवे दीवे दोसु वासेसु मणुया सया सुसमुत्तमं इड्ढिं पत्ता पच्चणुब्भवमाणा विहरंति, तं- हरिवासे चेव रम्भगवासे चेव १५, जंबू० दोसु

वासेसु मणुया सया सुसम ( प्र०दुस ) मुत्तमभिडिंढ पत्ता पच्चणुब्भवमाणा विहरंति तं०- हेमवए चेव एरन्नवए चेव १६, जंबुद्दीवे दीवे दोसु खित्तेसु मणुया सया दूसमसुसममुत्तमभिडिंढ पत्ता पच्चणुब्भवमाणा विहरंति, तं०-पुव्वविदेहे चेव अवरविदेहे चेव १७, जंबूदीवे दीवे दोसु वासेसु मणुया छव्विहंपि कालं पच्चणुब्भवमाणा विहरंति, तं०-भरहे चेव एरवते चेव १८ । ८९ । जंबुद्दीवे दीवे दो चंदा पभासिंसु वा पभासंति वा पभासिस्संति वा, दो सूरिआ तविंसु वा तवंति वा तविस्संति वा, दो कत्तिया, दो रोहिणीओ, दो मग्गसिराओ, दो अद्दाओ, एवं भाणियव्वं, “कत्तिय ( १ ) रोहिणि ( २ ) मगसिर ( ३ ) अद्दा ( ४ ) य पुणव्वसू ( ५ ) अ पूसो ( ६ ) य । तत्तोऽवि अस्सलेसा ( ७ ) महा ( ८ ) य दो फग्गुणीओ ( ९-१० ) य ॥ १ ॥ हत्थो ( ११ ) चित्ता ( १२ ) साई ( १३ ) विसाहा ( १४ ) तहय होति अणुराहा ( १५ ) । जेट्ठा ( १६ ) मूलो ( १७ ) पुव्वा ( १८ ) य आसाढा उत्तरा ( १९ ) चेव ॥ २ ॥ अभिड्ढ ( २० ) सवण ( २१ ) धणिट्ठा ( २२ ) सयभिसया ( २३ ) दो य होति भद्दवया ( २४-२५ ) । रेवति ( २६ ) अस्सिणि ( २७ ) भरणी ( २८ ) नेतव्वा आणुपुव्वीए ॥ ३ ॥ एवं गाहाणुसारेणं णेयव्वं जाव दो भरणीओ । दो अग्गी दो पयावती दो सोमा दो रुद्दा दो अदिती दो बहस्सती दो सप्पी दो पिती दो भग्गा दो अज्जमा १० दो सविता दो तट्ठा दो वाऊ दो इंदग्गी दो मित्ता दो इंदा दो निरती दो आऊ दो विसा दो बम्हा २० दो विण्हू दो वसू दो वरुणा दो अया दो विविद्धी दो पुस्सा दो अस्सा दो यमा २८ । दो इंगालगा दो वियालगा दो लोहितक्खा दो सणिच्चरा दो आहुणिया दो पाहुणिया दो कणा दो कणगा दो कणकणगा दो कणगविताणगा १० दो कणगसंताणगा दो सोमा दो

सहिया दो असासणा दो कजोवगा कब्बडगा दो अयकरगा दो दुंदुभगा दो संखा दो संखवन्ना २० दो संखवन्नाभा दो कंसा दो कंसवन्ना दो कंसवन्नाभा दो रुप्पी दो रुप्पाभासा दो णीला दो णीलोभासा दो भासा दो भासरासी ३० दो तिला दो तिलपुष्फवण्णा दो दगा दो दगपंचवन्ना दो काका दो कक्कंधा दो इंदग्गी दो धूमकेऊ दो हरी दो पिंगला ४० दो बुद्धा दो सुक्का दो बहस्सती दो राहू दो अगत्थी दो माणवगा दो कासा दो फासा दो धुरा दो पमुहा ५० दो विग्गहा दो विसंधी दो नियला दो पइल्ला दो जडियाइलगा दो अरुणा दो अगिल्ला दो काला दो महाकालगा दो सोत्थिया ६० दो सोवत्थिया दो वद्धमाणगा ( दो पूसमाणगा दो अंकुसा ) दो पलंबा दो निच्चालोगा दो णिच्चुज्जोता दो सयंपभा दो ओभासा दो सेयंकरा दो खेमंकरा दो आभंकरा ७० दो पभंकरा दो अपराजिता दो अरया दो असोगा दो विगतसोगा दो विमला दो वितत्ता दो वितत्था दो विसाला दो साला ८० दो सुव्वता दो अणियट्टा दो एगजडी दो दुजडी दो करकरिगा दो रायग्गला दो पुष्फकेतू दो भावकेऊ ८८ । ९० । जंबुद्दीवस्स णं दीवस्स वेइआ दो गाउयाइ उद्धंउच्चत्तेणं पन्नता, लवणे णं समुद्दे दो जोयणसयसहस्साइं चक्कवालविक्खंभेणं पन्नत्ते । लवणस्स णं समुददस्स वेतिया दो गाउयाइ उद्धंउच्चत्तेणं पन्नत्ता । ९१ । धायइसंडे दीवे पुरच्छिमद्धेणं मंदरस्स पव्वयस्स उत्तरदाहिणेणं दो वासा बहुसमतुल्ला जाव भरहे चेव एरवए चेव, एवं जहा जंबुद्दीवे तहा एत्थवि भाणियव्वं जाव दोसु वासेसु मणुया छव्विहंपि कालं पच्चणुभवमाणा विहरंति, तं०-भरहे चेव एरवते चेव, णव्वं कूडसामली चेव धायइरुक्खे चेव, देवा गरुले चेव वेणुदेवे सुदंसणे चेव, धाततीसंडदीवपच्चच्छिमद्धे णं मंदरस्स पव्वयस्थस्स

उत्तरदाहिणेणं दो वासा बहु० जाव भरहे चेव एरवाए चेव जाव छव्विहंपि कालं पच्चणुभवमाणा विहरंति भरहे चेव एरवाए चेव णवरं  
 कूडसामली चेव महाधायतीरुक्खे चेव, देवा गरुले चेव वेणुदेवे पियदंसणे चेव, धाइयसंडे णं दीवे दो भरहाइं दो एरवयाइं दो  
 हेमवयाइं दो हेरन्नवयाइं दो हरिवासाइं दो रम्मगवासाइं दो पुव्वविदहाइं दो अवरविदेहाइं दो देवकुराओ दो देवकुरुमहदुमा दो  
 देवकुरुमहदुमवासी देवा दो उत्तरकुराओ दो उत्तरकुरुमहदुमा दो उत्तरकुरुमहदुमवासी देवा दो चुल्लहिमवंता दो महाहिमवंता दो  
 निसहा दो नीलवंता दो रुप्पी दो सिहरी दो सद्दावाती दो सद्दावातवासी साती देवा दो वियडावाती दो वियडावातिवासी पभासा देवा  
 दो गंधावाती दो गंधावातिवासी अरुणा देवा दो मालवंतपरियागा दो मालवंतपरियागावासी पउमा देवा दो मालवंता दो चित्तकूडा दो  
 पउमकूडा दो नलिणकूडा दो एगसेला दो तिकूडा दो वेसमणकूडा दो अंजणा दो मातंजणा दो सोमणसा दो विज्जुप्पभा दो अंकावती  
 दो पम्हावती दो आसीविसा दो सुहावहा दो चंदपव्वता दो सूरपव्वता दो णागपव्वता दो देवपव्वया दो गंधमायणा दो उसुगारपव्वया  
 दो चुल्लहिमवंतकूडा दो वेसमणकूडा दो महाहिमवंतकूडा दो वेरुलियकूडा दो निसहकूडा दो रुयगकूडा दो नीलवंतकूडा दो  
 उवदंसणकूडा दो रुप्पिकूडा दो मणिकंचणकूडा दो सिहरिकूडा दो तिगिच्छिकूडा दो पउमदहा दो पउमदहवासिणीओ सिरिदेवीओ  
 दो महापउमदहा दो महापउमदहवासिणीओ हिरीतो देवीओ एवं जाव दो पुंडरीयदहा पोंडरीयदहवासिणीओ लच्छीदेवीओ, दो  
 गंगापवायदहा जाव दो रत्तबतिपवातदहा दो रोहियाओ जाव दो रुप्पकूलातो दो गाहवतीओ दो दहवतीओ दो पंकवतीओ ( वेगवतीओ

पा० ) दो तत्तजलाओ दो मत्तजलाओ दो उम्मतजलाओ दो खीरोयाओ ( खारोदाओ पा० ) दो सीहसोताओ ( सीयासोताओ पा० ) दो अंतोवाहिणीओ दो उम्भिमालिणीओ दो फेणमालिणीओ दो गंभीरमालिणीओ दो कच्छा दो सुकच्छा दो महाकच्छा दो कच्छगावती दो आवत्ता दो मंगलावत्ता दो पुक्खला दो पुक्खलावई दो वच्छा दो सुवच्छा दो महावच्छा दो वच्छगावती दो रम्मा दो रम्भगा दो रमणिज्जा दो मंगलावती दो पम्हा दो सुपम्हा दो महपम्हा दो पम्हागावती दो संखा दो णलिणा दो कुमया दो स( ण )लिला( णा )वती दो वप्पा दो सुवप्पा दो महावप्पा दो वप्पगावती दो वग्गू दो सुवग्गू दो गंधिला दो गंधिलावती ३२ दो खेमाओ दो खेमपुरीओ दो रिट्ठाओ दो रिट्ठपुरीओ दो खग्गातो दो मंजुसाओ दो ओसधीओ दो पोंडरीगिणीओ दो सुसीमाओ दो कुंडलाओ दो अपराजियाओ दो पभंकराओ दो अंकावईओ दो पम्हावईओ दो सुभाओ दो रयणसंचयाओ दो आसपुराओ दो सीहपुराओ दो महापुराओ दो विजयपुराओ दो अपराजिताओ दो अवराओ दो असोयाओ दो विगयसोगाओ दो विजयातो दो वेजयंतीओ दो जयंतीओ दो अपराजियाओ दो चक्कपुराओ दो खग्गपुराओ दो अवज्झाओ दो अउज्झाओ ३२ दो भदसालवणा दो णंदणवणा दो सोमणसवणा दो पंडगवणाइं दो पंडुकंबलसिलाओ दो अतिपंडुकंबलसिलाओ दो रत्तकंबलसिलाओ दो अइरत्तकंबलसिलाओ दो मंदरा दो मंदरचूलिताओ, धायतिसंडस्स णं दीवस्स वेदिया दो गाउयाइं उद्धमुच्चत्तेणं पन्नता । १२ । कालोदस्स णं समुद्धस्स वेइया दो गाउयाइं उद्धंउच्चत्तेणं पन्नत्ता, पुक्खरवरदीवइढपुरच्छिमद्धेणं मंदरस्स पव्वयस्स उत्तरदाहिणेणं दो वासा बहुसमतुल्ला जाव भरहे चेव एरवाए चेव तहेव

જાવ દો કુરાઓ પં૦ દેવકુરા ચેવ ઉત્તરકુરા ચેવ, તત્થ ણં દો મહતિમહાલતા મહદ્દુમા પં૦તં૦-કૂડસામલી ચેવ પઝમરુક્ષે ચેવ, દેવા ગરુલે ચેવ વેણુદેવે પઝમે ચેવ, જાવ છવ્વિહંપિ કાલં પચ્ચણુભવમાણા વિહરંતિ, પુક્કરવરદીવડ્ડપચ્ચિમદ્દે ણં મંદરસ્સ પવ્વયસ્સ ઉત્તરદાહિણેણં દો વાસા પં૦તં૦ તહેવ ણાણત્તં કૂડસામલી ચેવ મહાપઝમરુક્ષે ચેવ, દેવા ગરુલે ચેવ વેણુદેવે પુંડરીએ ચેવ, પુક્કરવરદીવડ્ડે ણં દીવે દો ભરહાં દો ઇરવયાં જાવ દો મંદરા દો મંદરચૂલિયાઓ, પુક્કરવરસ્સ ણં દીવસ્સ વેડ્યા દો ગાઝયાં ડડ્ડમુચ્ચત્તેણં પન્નત્તા, સવ્વેસિંપિ ણં દીવસમુદ્દાણં વેદિયાઓ દો ગાઝયાં ડડ્ડમુચ્ચત્તેણં પ્પણત્તાઓ । ૧૩ । દો અસુરકુમારિદા પન્નત્તા, તં- ચમરે ચેવ બલી ચેવ ૧ દો ણાગકુમારિદા પ્પણત્તા, તં-ધરણે ચેવ ભૂયાણંદે ચેવ ૨ દો સુવન્નકુમારિદા પં૦ તં૦-વેણુદેવે ચેવ વેણુદાલી ચેવ ૩ દો વિજ્જુકુમારિદા પં૦તં૦ હરિચ્ચેવ હરિસ્સહે ચેવ ૪, દો અગ્ગિકુમારિદા પન્નત્તા તં૦- અગ્ગિસિહે ચેવ અગ્ગિમાણવે ચેવ ૫ દો દીવકુમારિદા પં૦તં૦-પુન્ને ચેવ વિસિટ્ઠે ચેવ ૬ દો ઉદહિકુમારિદા પં૦તં૦-જલકંતે ચેવ જલપ્પમે ચેવ ૭ દો દિસાકુમારિદા પં૦તં૦-અમિયગતી ચેવ અમિતવાહણે ચેવ ૮ દો વાતકુમારિદા પં૦તં૦- વેલંબે ચેવ પમંજણે ચેવ ૯ દો થણિયકુમારિદા પ્પણત્તા, તં૦- ઘોસે ચેવ મહાઘોસે ચેવ ૧૦ દો પિસાંદા પન્નત્તા, તં-કાલે ચેવ મહાકાલે ચેવ ૧ દો ભૂંદા પં૦તં૦-સુરુવે ચેવ પડિરુવે ચેવ ૨ દો જક્કિંચ્ચદા પન્નત્તા, તં- પુન્નભદ્દે ચેવ માણિભદ્દે ચેવ ૩ દો રક્કસિંદા પન્નત્તા, તં૦-ભીમે ચેવ મહાભીમે ચેવ ૪ દો કિન્નરિદા પન્નત્તા, તં૦-કિન્નરે ચેવ કિંપુરિસે ચેવ ૫ દો કિંપુરિસિંદા પં૦તં૦- સપ્પુરિસે ચેવ મહાપુરિસે ચેવ ૬ દો મહોરગિંદા પં૦તં૦- અતિકાએ ચેવ મહાકાએ ચેવ ૭ દો ગંધવ્વિંદા

पं०, तं०-गीतरती चेव गीयजसे चेव ८ दो अणपन्निंदा पं०, तं०- संनिहिए चेव सामण्णे चेव ९ दो पणपन्निंदा पं०तं०- धाए चेव विहाए चेव १० दो इसिवाइंदा पं० तं०-इसिच्चेव इसिवालाए चेव ११ दो भूतवाइंदा पन्नता, तं०- इस्सरे चेव महिस्सरे चेव १२ दो कंदिदा पं० तं०-सुवच्छे चेव विसाले चेव १३ दो महाकंदिदा पन्नता, तं०-हस्से चेव हस्सरती चेव १४ दो कुभंडिंदा पं०तं० - सेए चेव महासेए चेव १५, दो पतइंदा पं०तं०- पतए चेव पतयवई चेव १६ जोइसियाणं देवाणं दो इंदा पन्नता, तं०-चंदे चेव सूरे चेव, सोहम्मीसाणेसु णं कप्पेसु दो इंदा पं०, तं०-सक्के चेव ईसाणे चेव, एवं सणंकुमारमाहिंदेसु कप्पेसु दो इंदा पं०, तं०-सणंकुमारे चेव माहिंदे चेव, बंभलोगलंतएसु णं कप्पेसु दो इंदा पं० तं०-बंभे चेव लंतए चेव, महासुक्कसहस्सारेसु णं कप्पेसु दो इंदा पन्नता, तं०- महासुक्के चेव सहस्सारे चेव, आणयपाणतारणच्चुतेसु णं कप्पेसु दो इंदा पं०तं०- पाणते चेव अच्चुते चेव, महासुक्कसहस्सारेसु णं कप्पेसु विमाणा दुवण्णा पं०, तं०-हलिदा चेव सुक्किल्ला चेव, गोविज्जगा णं देवा णं दो रयणीओ उडढमुच्चत्तेणं पन्नता । १४ । अ. २ उ. ३ ॥ समयाति वा आवलियाति वा जीवाति या अजीवाति या पवुच्चति १ आणापाणाति वा थोवेति वा जीवाति या अजीवाति या पवुच्चति २, खणाति वा लवाति वा जीवाति या अजीवाति या पवुच्चति ३, एवं मुहुत्ताति वा अहोरत्ताति वा ४, पक्खाति वा मासाति वा ५, उडूति वा अयणाति वा ६, संवच्छराति वा जुगाति वा ७, वाससयाति वा वाससहस्साइ वा ८, वाससतसहस्साइ वा वासकोडीइ वा ९, पुव्वंगाति वा पुव्वाति वा १०, तुडियंगाति वा तुडियाति वा ११, अडडंगाति वा अडडाति वा १२, अववंगाति वा

अववाति वा १३, हूहूअंगाति वा हूहूयाति वा १४, उप्पलंगाति वा उप्पलाति वा १५, पउमंगाइ वा पउमाति वा १६, णलिणंगाति वा णलिणाति वा १७, अच्छणिकुरंगाति वा अच्छणिउराति वा १८, अउअंगाति वा अउआति वा १९, णउअंगाति वा णउआति वा २०, पउतंगाति वा पउताति वा २१, चूलितंगाति वा चूलिताति वा २२, सीसपहेलियंगाति वा सीसपहेलियाति वा २३, पलिओवमाति वा सागरोवमाति वा २४, उस्सप्पिणीति वा ओसप्पिणीति वा जीवाति या अजीवाति या पवुच्चति २५, गामाति वा णगराति वा निगमाति वा रायहाणीति वा खेडाति वा कब्बडाति वा मडंबाति वा दोणमुहाति वा पट्टणाति वा आगराति वा आसमाति वा संबाहाति वा संनिवेसाइ वा धोसाइ वा आरामाइ वा उज्जाणाति वा वणाति वा वणसंडाति वा वावीइ वा पुक्खरणीति वा १० सराति वा सरपंतीति वा अगडाति वा तलागाति वा दहाति वा णदीति वा पुढवीति वा उदहीति वा वातखंधाति वा उवासंतराति वा वलताति वा विग्गहाति वा दीवाति वा समुद्दाइ वा वेलाति वा वेतिताति वा दाराति वा तोरणाति वा णेरतिताति वा णेरतितावासाति वा २० जाव वेमाणियाइ वा वेमाणियावासाति वा ४३ कप्पाति वा कप्पविमाणावासाति वा वासाति वा वासधरपव्वताति वा कूडाति वा कूडागाराति वा विजयाति वा रायहाणीइ वा जीवाति या अजीवाति या पवुच्चति ४७ छाताति वा आतवाति वा दोसिणाति वा अन्धगाराति वा ओमाणाति वा उम्माणाति वा अतिताणगिहाति वा उज्जाणगिहाति वा अवलिंबाति वा सणिप्पवाताति वा जीवाति या अजीवाति या पवुच्चइ, दो रासी, पंतं०- जीवरासी चेव अजीवरासी चेव । १५ । दुविहे बंधे पंतं०, तंतं०- पेज्जबंधे चेव दोसबंधे चेव, जीवा णं दोहिं

ठाणेहिं पावं कम्मं बंधंति, तं०- रागेण चेव दोसेण चेव, जीवा णं दोहिं ठाणेहिं पावं कम्मं उदीरंति, तं०- अब्भोवगमिताते चेव वेतणाते उवक्कमिताते चेव वेयणाते, एवं वेदेति एवं णिज्जेरंति अब्भोवगमिताते चेव वेयणाते उवक्कमिताते चेव वेयणाते । १६ । दोहिं ठाणेहिं आता सरीरं फुसित्ताणं णिज्जाति, तं०-देसेणवि आता सरीरं फुसित्ताणं णिज्जाति सव्वेणवि आया सरीरं फुसित्ताणं णिज्जाति, एवं फुरित्ताणं एवं फुडित्ता एवं संबट्टित्ता एवं निवट्टित्ता । १७ । दोहिं ठाणेहिं आता केवलिपन्नतं धम्मं लभेज्जा सवणताते, तं०- खतेण चेव उवसमेण चेव, एवं जाव मणपज्जवनाणं उप्पाडेज्जा तं०- खतेण चेव उवसमेण चेव । १८ । दुविहे अब्भोवमि पन्नत्ते तं०- पलिओवमे चेव सागरोवमे चेव, से किं तं पलिओवमे ? पलिओवमे -जं जोयणविच्छिन्नं पल्लं एगाहियप्परूढाणं । होज्ज निरंतरणिचितं भरितं वालग्गकोडीणं ॥ ४ ॥ वाससए वाससए एक्केक्के अवहडंमि जो कालो । सो कालो बोद्धव्वो उवमा एगस्स पल्लस्स ॥ ५ ॥ एएसिं पल्लाणं कोडाकोडी हवेज्ज दसगुणिता । तं सागरोवमस्स उ एगस्स भवे परीमाणं ॥ ६ ॥ । १९ । दुविहे कोहे पन्नत्ते तं०- आयपइट्ठिते चेव परपइट्ठिते चेव, एवं नेरइयाणं जाव वेमाणियाणं, एवं जाव मिच्छादंसणसल्ले । १०० । दुविहा संसारसमावन्नगा जीवा पंतं०-तसा चेव थावरा चेव, दुविहा सव्वजीवा पंतं०- सिद्धा चेव असिद्धा चेव, दुविहा सव्वजीवा पण्णात्ता तं०-सइंदिया चेव अणिंदिया चेव, एवं एसा गाहा फासेतव्वा जाव ससरीरी चेव असरीरी चेव सिद्धसइंदियकाए जोगे वेए कसाय लेसा य । णाणुवओगाहारे भासग चरिमे य ससरीरी ॥ ७ ॥ । १०१ । दो मरणाइं समणेणं भगवता महावीरेणं समणाणं

णिगंथाणं णो णिच्चं वनियाइं णो णिच्चं कित्तियाइं णो णिच्चं पूइयाइं ( बुइयाइं पा० ) णो णिच्चं पसत्थाइं णो णिच्चं अब्भणुन्नायाइं भवन्ति, तंजहा वलायमरणे चेव वसट्टमरणे चेव १ एवं णियाणमरणे चेव तब्भवमरणे चेव २ गिरिपडणे चेव तरुपडणे चेव ३ जलप्पवेसे चेव जलणप्पवेसे चेव ४ विसभक्खणे चेव सत्थोवाडणे चेव ५ दो मरणाइं जाव णो णिच्चं अब्भणुन्नायाइं भवन्ति, कारणेणं पुण अप्पडिकुट्ठाइं, तं०-वेहाणसे चेव गिद्धपट्ठे चेव ६, दो मरणाइं समणेणं भगवया महावीरेणं समणाणं निगंथाणं णिच्चं वनियाइं जाव अब्भणुन्नायाइं भवन्ति, तं०-पाओवगमणे चेव भत्तपच्चक्खाणे चेव ७ पाओवगमणे दुविहे पं०तं०-णीहारिमे चेव अनीहारिमे चेव णियमं अपडिक्कमे ८ भत्तपच्चक्खाणे दुविहे पं०तं०-णीहारिमे चेव अणीहारिमे चेव णियमं सपडिक्कमे ९ । १०२ । के अयं लोगे ? जीवच्चेव अजीवच्चेव, के अणंता लोए ? जीवच्चेव अजीवच्चेव, के सासया लोगे ? जीवच्चेव अजीवच्चेव । १०३ । दुविहा बोधी पं०तं०- णाणबोधी चेव दंसणबोधी चेव, दुविहा बुद्धा पं०तं०- णाणबुद्धा चेव दंसणबुद्धा चेव, एवं भोहे, मूढा । १०४ । णाणावरणिज्जे कम्मे दुविहे पं० तं० -देसणाणावरणिज्जे चेव सव्वणाणावरणिज्जे चेव दरिसणावरणिज्जे कम्मे एवं चेव, वेयणिज्जे कम्मे दुविहे पं० तं० - सातावेयणिज्जे चेव असातावेयणिज्जे चेव, मोहणिज्जे कम्मे दुविहे पं० तं० दंसणमोहणिज्जे चेव चरित्तमोहणिज्जे चेव, आउए कम्मे दुविहे पं० तं० -अद्धाउए चेव भवाउए चेव, णामे कम्मे दुविहे पन्नत्ते तं० सुभणामे चेव असुभणामे चेव, गोत्ते कम्मे दुविहे पं० तं० -उच्चागोत्ते चेव णीयागोत्ते चेव, अंतराइए कम्मे दुविहे पं० तं० पडु ( च्यु पा० ) प्पन्नविणासिए चेव

पिहितआगामिपहं ( आगामिपहे आगमपहं पा० ) । १०५ । दुविहा मुच्छा पं० तं० - पेज्जवत्तिता चेव दोसवत्तिता चेव, पेज्जवत्तिता  
 मुच्छा दुविहा पं० तं० माए चेव लोभे चेव, दोसवत्तिता मुच्छा दुविहा पं० तं० कोहे चेव माणे चेव । १०६ । दुविहा आराहणा पं० तं०  
 धम्मिताराहणा चेव केवलिआराहणा चेव, धम्मियाराहणा दुविहा पं० तं० सुयधम्माराहणा चेव चरित्तधम्माराहणा चेव, केवलिआराहणा  
 दुविहा पं० तं० - अंतकिरिया चेव कप्पविमाणोववत्तिता चेव । १०७ । दो तित्थगरा नीलुप्पलसमा वत्तेणं पं० तं० - मुणिसुव्वए चेव  
 अरिट्ठनेमी चेव, दो तित्थयरा पियंगुसामा वत्तेणं पं० तं० मल्ली चेव पासे चेव, दो तित्थयरा पउमगोरा वत्तेणं पं० तं० - पउमप्पहे चेव  
 वासुपुज्जे चेव, दो तित्थगरा चंदगोरा वत्तेणं पं० तं० चंदप्पभे चेव पुप्फदंते चेव । १०८ । सच्चप्पवायपुव्वस्स णं दुवे वत्थू । १०९ ।  
 पुव्वाभद्वयाणक्खत्ते दुतारे पन्नत्ते, उत्तरभद्वयाणक्खत्ते दुतारे पण्णत्ते, एवं पुव्वफग्गुणी उत्तराफग्गुणी । ११० । अंतो णं मणुस्सखेत्तस्स  
 दो समुद्दा पं० तं० लवणे चेव कालोदे चेव । १११ । दो चक्कवट्ठी अपरिचत्तकामभोगा कालभासे कालं किच्चा अहेसत्तमाए पुढवीए  
 अप्पत्तिट्ठाणे णरए नेरइत्तत्ताए उववन्ना तं० सुभूमे चेव बंभदत्ते चेव । ११२ । असुरिदवज्जियाणं भवणवासीणं देवाणं देसुणाइं दो  
 पलिओवमाइं ठिती पन्नत्ता, सोहम्मे कप्पे देवाणं उक्कोसेणं दो सागरोवमाइं ठिती पन्नत्ता, ईसाणे कप्पे देवाणं उक्कोसेणं सातिरेगाइं दो  
 सागरोवमाइं ठिती पन्नत्ता, सणंकुमारे कप्पे देवाणं जहन्नेणं दो सागरोवमाइं ठिती पन्नत्ता, माहिंदे कप्पे देवाणं जहन्नेणं साइरेगाइं दो  
 सागरोवमाइं ठिती पन्नत्ता । ११३ । दोसु कप्पेसु कप्पत्थियाओ पन्नत्ताओ, तं० सोहम्मे चेव ईसाणे चेव । ११४ । दोसु कप्पेसु देवा

तेउलेस्सा पत्रत्ता, तं०- सोहम्मे चेव ईसाणे चेव । ११५। दोसु कप्पेसु देवा कायपरियारगा पं० तं०- सोहम्मे चेव ईसाणे चेव, दोसु कप्पेसु देवा फासपरियारगा पं० तं० सणकुमारे चेव माहिंदे चेव, दोसु कप्पेसु देवा रूवपरियारगा पं० तं० बंभलोगे चेव लंतगे चेव, दोसु कप्पेसु देवा सदपपरियारगा पं० तं० महासुक्के चेव सहस्सारे चेव, दो इंदा मणपरियारगा पं० तं० पाणए चेव अच्चुए चेव । ११६। जीवा णं दुट्ठाणणिव्वत्तिए पोग्गले पावकम्मत्ताए चिणिंसु वा चिणिंति वा चिणिस्संति वा, तं० तसकायनिव्वत्तिए चेव थावरकायनिव्वत्तिए चेव, एवं उवचिणिंसु वा उवचिणिंति वा उवचिणिस्संति वा, बंधिंसु वा बंधंति वा बंधिस्संति वा, उदीरिंसु वा उदीरेति वा उदीरिस्संति वा, वेदेंसु वा वेदेति वा वेदिस्संति वा, णिज्जरिंसु वा णिज्जरंति वा णिज्जरिस्संति वा । ११७। दुपएसिता खंधा अणंता पत्रत्ता दुपदेसोगाढा पोग्गला अणंता पत्रत्ता एवं जाव दुगुणलुक्खा पोग्गला अणंता पत्रत्ता । ११८। ३. ४ द्विस्थानकाध्ययनं २ ॥

तओ इंदा पण्णत्ता तं० णामिंदे ठवणिंदे दव्विंदे, तओ इंदा पं० तं० णाणिंदे दंसणिंदे चरिंत्तिंदे, तओ इंदा पं० तं० - देविंदे असुरिंदे मणुस्सिंदे । ११९। तिविहा विउव्वणा पं० तं० बाहिरते पोग्गलए परियात्तिता एगा विकुव्वणा बाहिरए पोग्गले अपरियात्तिता एगा विकुव्वणा बाहिरए पोग्गले परियात्तितावि अपरियात्तितावि एगा विकुव्वणा, तिविहा विगुव्वणा पं० तं० -अब्भंतराए पोग्गले परियात्तिता० अपरि० परियाइत्ता अपरितात्तितावि एगा विकुव्वणा, तिविहा विकुव्वणा पं० तं० -बाहिरब्भंतराए पोग्गले परियाइत्ता एगा विकुव्वणा बाहिरब्भंतराए पोग्गले अपरियाइत्ता एगा विगुव्वणा बाहिरब्भंतराए पोग्गले परियाइत्तावि अपरियाइत्तावि एगा विउव्वणा ।

१२०। तिविहा नेरइया पत्रत्ता तं० कतिसंचिता अकतिसंचिता अवत्तव्वगसंचिता, एवमेगिंदियवज्जा जाव वेमाणिया । १२१। तिविहा परियारणा पं० तं० एगे देवे अन्ने देवे अन्नेसिं देवाणं देवीओ अ अभिजुंजिय २ परियारेति, अप्पणिज्जिआओ देवीओ अभिजुंजिय २ परियारेति, अप्पाणमेव अप्पणा विउव्विय २ परियारेति १, एगे देवे णो अन्ने देवा णो अण्णेसिं देवाणं देवीओ अभिजुंजिय २ परियारेइ अप्पणिज्जियाओ देवीओ अभिजुंजिय २ परि० २ अप्पाणमेव अप्पणा विउव्विय २ परियारेति २, एगे देवे णो अन्ने देवा णो अण्णेसिं देवाणं देवीओ अभिजुंजिय २ परितारेति णो अप्पणिज्जिताओ देवीओ अभिजुंजिय २ परितारेति अप्पाणमेव अप्पणा विउव्विय २ परितारेति ३ । १२२। तिविहे मेहुणे पं० तं० दिव्वे माणुस्सते तिरिक्खजोणिते, तओ मेहुणं गच्छंति तं० देवा मणुस्सा तिरिक्खजोणिता, ततो मेहुणं सेवन्ति, तं० इत्थी पुरिसा णपुंसगा । १२३। तिविहे जोगे पं० तं० -मणजोगे वतिजोगे कायजोगे, एवं णेरत्तिताणं विगलिंदियवज्जाणं जाव वेमाणियाणं, तिविहे पओगे पं० तं० मणपओगे वतिपओगे कायपयोगे जहा जोगो विगलिंदियवज्जाणं तहा पओगोऽवि, तिविहे करणे पं०, तं० मणकरणे वतिकरणे कायकरणे, एवं विगलिंदियवज्जं जाव वेमाणियाणं, तिविहे करणे पं० तं० आरंभकरणे संरंभकरणे समारंभकरणे, निरंतरं जाव वेमाणियाणं । १२४। तिहिं ठाणेहिं जीवा अप्पाउअत्ताते कम्मं पगरिंति, तं० - पाणे अतिवात्तिता भवति मुसं वइत्ता भवइ तहारूवं समणं वा माहणं वा अफासुएणं अणोसणिज्जेणं असणपाणखाइमसाइमेणं पडिलाभित्ता भवइ, इच्चेतेहिं तिहिं ठाणेहिं जीवा अप्पाउअत्ताते कम्मं पगरेंति, तिहिं ठाणेहिं जीवा दीहाउअत्ताते कम्मं पगरेंति, तं -

णो पाणे अतिवात्तिता भवइ णो मुसं वत्तिता भवति तथारूवं समणं वा माहणं वा फासुएसणिज्जेणं असणपाणखाइमसाइमेणं पडिलाभेत्ता भवइ, इच्चेतेहिं तिहिं ठाणेहिं जीवा दीहाउयत्ताए कम्मं पगरेन्ति, तिहिं ठाणेहिं जीवा असुभदीहाउयत्ताए कम्मं पगरेन्ति, तंजथा पाणे अतिवात्तिता भवइ मुसं वइता भवइ ( पाणे अतिवात्तिता मुसं वयित्ता पा० ) तथारूवं समणं वा माहणं वा हीलेत्ता णिंदित्ता खिंसेत्ता गरहित्ता अवमाणित्ता अन्नयरेणं अंमणुत्तेणं अपीतिकारतेणं असण० पडिलाभेत्ता भवइ, इच्चेतेहिं तिहिं ठाणेहिं जीवा असुभदीहाउयत्ताए कम्मं पगरेन्ति, तिहिं ठाणेहिं जीवा सुभदीहाउयत्ताए कम्मं पगरेन्ति, तं० - णो पाणे अतिवात्तिता भवइ णो मुसं वदित्ता भवइ तथारूवं समणं वा माहणं वा वंदित्ता नमंसित्ता सक्कारित्ता संमाणेत्ता कल्लाणं मंगलं देवतं चेतितं पज्जुवासेत्ता मणुत्तेणं पीतिकारणं असणपाणखाइमसाइमेणं पडिलाभित्ता भवइ, इच्चेतेहिं तिहिं ठाणेहिं जीवा सुहदीहाउयत्ताए कम्मं पगरेन्ति ॥१२५॥ ततो गुत्तीतो पत्रत्ताओ, तं०- मणगुत्ती वतिगुत्ती कायगुत्ती, संजयमणुस्साणं ततो गुत्तीओ पं०, तं - मण० वइ० काय० तओ अगुत्तीओ पं०, तं० मणअगुत्ती वइअगुत्ती कायअगुत्ती, एवं नेरइताणं जाव थणियकुमाराणं, पंचिदियतिरिक्खजोणियाणं असंजतमणुस्साणं वाणमंतराणं जोइसियाणं वेमाणियाणं ॥ ततो दंडा पं० तं० मणदंडे वइदंडे कायदंडे, नेरइयाणं तओ दंडा पण्णत्ता, तं. मणदंडे वइदंडे कायदंडे, विगलिंदियवज्जं जाव वेमाणियाणं ॥ १२६ ॥ तिविहा गरहा पं० तं०- मणसा वेगे गरहति वयसा वेगे गरहति कायसा वेगे गरहति, पावाणं कम्माणं अकरणयाए, अथवा गरहा तिविहा पं० तं०- दीहंपेगे अब्धं गरहति रहस्संपेगे अब्धं

गरहति कायंपेगे पडिसाहरति पावाणं कम्माणं अकरणयाए, तिविहे पच्चक्खाणे पं० तं०- मणसा वेगे पच्चक्खाति वयसा वेगे पच्चक्खाति कायसा वेगे पच्चक्खाइ, एवं जहा गरहा तहा पच्चखाणेवि दो आलावगा भाणियव्वा । १२७। ततो रुक्खा पं० तं०- पत्तोवते पुप्फोवते फलोवते १ एवामेव तओ पुरिसजाता पं० तं०- पत्तोवारुक्खसामाणा पुप्फोवारुक्खसामाणा पलोवारुक्खसामाणा २ ततो पुरिसज्जाया पं० तं०- नामपुरिसे ठवणपुरिसे दव्वपुरिसे ३, तओ पुरिसज्जाया पं० तं०- नाणपुरिसे दंसणपुरिसे चरित्तपुरिसे ४ तओ पुरिसज्जाया पं० तं०- वेदपुरिसे चिंधपुरिसे अभिलावपुरिसे ५, तिविहा पुरिसजाया पं० तं०- उत्तमपुरिसा मज्झिमपुरिसा जहन्नपुरिसा ६, उत्तमपुरिसा तिविहा पं० तं०- धम्मपुरिसा भोगपुरिसा कम्मपुरिसा, धम्मपुरिसा अरिहंता भोगपुरिसा चक्कवट्ठी कम्मपुरिसा वासुदेवा ७, मज्झिमपुरिसा तिविहा पं० तं०- उग्गा भोगा रायन्ना ८, जहन्नपुरिसा तिविहा पं० तं०- दासा भयगा भातिल्लागा ९ । १२८। तिविहा मच्छा पं० तं०- अंडया पोअया संमुच्छिमा १, अंडगा मच्छा तिविहा पं० तं०- इत्थि पुरिसा णपुंसगा २, पोतया मच्छा तिविहा पं० तं०- इत्थी पुरिसा णपुंसगा ३, तिविहा पक्खी पं० तं०- अंडया पोअया संमुच्छिमा १, अंडया पक्खी तिविहा पं० तं०- इत्थी पुरिसा णपुंसगा २, पोतजा पक्खी तिविहा पं० तं०- इत्थी पुरिसा णपुंसगा ३-६, एवमेतेणं अभिलावेणं उरपरिसप्पावि ३-९ भाणियव्वा, भुजपरिसप्पावि ३-१२, भाणियव्वा ९ । १२९ । एवं चेव तिविहा इत्थीओ पं० तं०- तिरिक्खजोणित्थीओ ( ५० जोणियाओ ) मणुस्सिन्त्थीओ देविन्त्थीओ १, तिरिक्खजोणीओ इत्थीओ तिविहाओ पं० तं०- जलचरीओ थलचरीओ खहचरीओ, २ मणुस्सिन्त्थीओ

तिविहाओ पं०तं० - कम्मभूमिआओ अकम्मभूमियाओ अंतरदीवगाओ ३, तिविहा पुरिसा पं० तं०- तिरिक्खजोणीपुरिसा मणुस्सपुरिसा देवपुरिसा १, तिरिक्खजोणीपुरिसा तिविहा पं० तं०- जलचरा थलचरा खेचरा २, मणुस्सपुरिसा तिविहा पं० तं०- कम्मभूमिगा अकम्मभूमिगा अंतरदीवगा ३-६, तिविहा नपुंसगा पं० तं०- णेरतियनपुंसगा तिरिक्खजोणियण० - मणुस्स ( प्र० जोणिय ) नपुंसगा १, तिरिक्खजोणियनपुंसगा तिविहा पं० तं०- जलयरा थलयरा खहयरा २, मणुस्सनपुंसगा तिविहा पं० तं०- कम्मभूमिगा अकम्मभूमिगा अंतरदीवगा ३-९ । १३०। तिविहा तिरिक्खजोणिया पं० तं०- इत्थी पुरिसा नपुंसगा । १३१। नेरइयाणं तओ लेसाओ पं० तं० कण्हलेसा नीललेसा काउलेसा १, असुरकुमाराणं तओ लेसाओ संकिलिद्धाओ पं०, तं० कण्हलेसा नीललेसा काउलेसा २, एवं जाव थणियकुमाराणं ११, एवं पुढविकाइयाणं १२ आउवणस्सतिकाइयाणवि १३-१४ तेउकाइयाणं १५ वाउकाइयाणं १६ बेदियाणं १७ तेदियाणं १८ चउरिदिआणवि १९ तओ लेस्सा जहा नेरइयाणं, पंचिंदियतिरिक्खजोणियाणं तओ लेसाओ संकिलिद्धाओ पं० तं०- कण्हलेसा नीललेसा काउलेसा २०, पंचिंदियतिरिक्खजोणियाणं तओ लेसाओ असंकिलिद्धाओ पं०तं०- तेउलेसा पम्हलेसा सुक्कलेसा २१, एवं मणुस्साणवि २२, वाणमंतराणं जहा असुरकुमाराणं २३, वेमाणियाणं तओ लेस्साओ पं० तं०- तेउलेसा पम्हलेसा सुक्कलेसा २४ । १३२। तिहिं ठाणेहिं तारारूवे चलिज्जा तं० - विकुव्वमाणे वा परियारेमाणे वा ठाणाओ वा ठाणं संकममाणे तारारूवे चलेज्जा, तिहिं ठाणेहिं देवे विज्जुतारं करेज्जा तं०- विकुव्वमाणे वा परियारेमाणे वा तहारूवस्स समणस्स वा माहणस्स वा इइढिं जुत्तिं जसं बलं

वीरियं पुरिसक्कारंभरक्कमं उवदंसेमाणे देवे विज्जुतारं करेज्जा, तिहिं ठाणेहिं देवे थणियसदं करेज्जा तं०- विकुव्वमाणे, एवं जहा विज्जुतारं तहेव थणियसदंपि । १३३ । तिहिं ठाणेहिं लोगंधयारे सिया तं० - अरिहंतेहिं वोच्छिज्जमाणेहिं अरिहंतपन्नत्ते धम्मो वोच्छिज्जमाणे पुव्वगते वोच्छिज्जमाणे १, तिहिं ठाणेहिं लोगुज्जोते सिया तं० - अरहंतेहिं जायमाणेहिं अरहंतेसु पव्वयमाणेसु अरहंताणं णाणुप्पायमहिमासु २ तिहिं ठाणेहिं देवंधकारे सिया तं० - अरहंतेहिं वोच्छिज्जमाणेहिं अरहंतपन्नत्ते धम्मो वोच्छिज्जमाणे पुव्वगते वोच्छिज्जमाणे ३, तिहिं ठाणेहिं देवुज्जोते सिया तं० - अरहंतेहिं जायमाणेहिं अरहंतेहिं पव्वयमाणेहिं अरहंताणं णाणुप्पायमहिमासु ४, तिहिं ठाणेहिं देवसंनिवाए सिया तं०- अरिहंतेहिं जायमाणेहिं अरिहंतेहिं पव्वयमाणेहिं अरिहंताणं नाणुप्पायमहिमासु ५, एवं देवुक्कलिया ६, देवकहकहए ७, तिहिं ठाणेहिं देविंदा माणुसं लोगं हव्वमागच्छंति तं० - अरहंतेहिं जायमाणेहिं अरहंतेहिं पव्वयमाणेहिं अरहंताणं णाणुप्पायमहिमासु ८, एवं सामाणिया ९, तायत्तीस्समा १० लोगपाला देवा ११ अगमहिंसीओ देवीओ १२ परिसोववन्नगा देवा १३ अणियाहिंवई देवा १४ आयरक्खा देवा १५ माणुसं लोगं हव्वमागच्छंति । तिहिं ठाणेहिं देवा अब्भुट्टिज्जा, तं०- अरहंतेहिं जायमाणेहिं जाव तं चेव १, एवमासणाइं चलेज्जा २, सीहणातं करेज्जा ३, चेलुक्खेवं करेज्जा ४, तिहिं ठाणेहिं देवाणं चेइयरुक्खा चलेज्जा तं०- अरहंतेहिं० तं चेव ५, तिहिं ठाणेहिं लोगंतिया देवा माणुसं लोगं हव्वमागच्छिज्जा, तं० - अरहंतेहिं जायमाणेहिं अरहंतेहिं पव्वयमाणेहिं अरहंताणं णाणुप्पायमहिमासु । १३४ । तिहं दुप्पडियारं समणाउसो ! तं० - अम्मापिउणो १ भट्टिस्स २ धम्मायरियस्स ३, संपातोऽवि य णं केइ

पुरिसे अम्मापियरं सयपागसहस्सपागेहिं तिल्लेहिं अब्भंगेत्ता सुरभिणा गंधद्वएणं उव्वट्ठित्ता तिहिं उदगेहिं मज्जावित्ता सव्वालंकारविभूसियं करेत्ता मणुत्रं थालीपागसुद्धं अट्टारसवंजणाउलं भोयणं भोयावेत्ता जावज्जीवं पिट्ठिवडेंसियाए परिवहेज्जा, तेणावि तस्स अम्मापिउस्स दुप्पडियारं भवइ, अहे णं से तं अम्मापियरं केवलिपन्नत्ते धम्मे आघवइत्ता पन्नवित्ता परूवित्ता ठावित्ता भवति, तेणामेव तस्स अम्मापिउस्स सुप्पडितारं भवति समणाउसो ! १, केइ महच्चे दरिदं समुक्कसेज्जा, तए णं से दरिदे समुक्किट्ठे समाणे पच्छा पुरं च णं विउलभोगसमितिसमन्नागते यावि विहरेज्जा तए णं से महच्चे अन्नया कयाइ दरिदीहूए समाणे तस्स दरिदस्स अंतिए हव्वमागच्छेज्जा, तए णं से दरिदे तस्स भट्ठिस्स सव्वस्समवि दलयमाणे तेणावि तस्स दुप्पडियारं भवति, अहे णं से तं भट्ठिं केवलिपन्नत्ते धम्मे आघवइत्ता पन्नवइत्ता परूवइत्ता ठावइत्ता भवति तेणामेव तस्स भट्ठिस्स सुप्पडियारं भवति २, केति तहारूवस्स समणस्स वा माहणस्स वा अंतिए एगमवि आयरियं धम्मियं सुवयणं सोच्चा निसम्म कालमासे कालं किच्चा अन्नयरेसु देवलोएस देवत्ताए उववन्ने, तए णं से देवे तं धम्मायरियं दुब्भिक्खातो वा देसातो सुभिक्खं देसं साहरेज्जा, कंताराओ वा णिक्कंतारं करेज्जा, दीहकालिएणं वा रोगातंकेणं अभिभूतं समाणं विमोएज्जा, तेणावि तस्स धम्मायरियस्स दुप्पडियारं भवति, अहे णं से तं धम्मायरियं केवलिपन्नत्ताओ धम्माओ भट्ठं समाणं भुज्जोवि केवलिपन्नत्ते धम्मे आघवत्तिता जाव ठावत्तिता भवति तेणामेव तस्स धम्मायरियस्स सुप्पडियारं भवति ३ । १३५ । तिहिं ठाणेहिं संपण्णे अणगारे अणादीयं अणवदग्गं दीहमद्धं चाउरंतं संसारकंतारं वीईवएज्जा, तं०- अणिदाणयाए दिट्ठिसंपन्नयाए जोगवाहियाए

। १३६। तिविहा ओसप्पिणी पं० तं०- उक्कोसा मज्झिमा जहन्ना १ एवं छप्पि समाओ भाणियव्वाओ जाव दूसमदूसमा ७, तिविहा उस्सप्पिणी पं० तं० उक्कोसा मज्झिमा जहन्ना ८, एवं छप्पि समाओ भाणियव्वाओ जाव सुसमसुसमा १४ । १३७। तिहिं ठाणेहिं अच्छिन्ने पोग्गले चलेज्जा तं० - आहारिज्जमाणे वा पोग्गले चलेज्जा, विउव्वमाणे० ठाणाओ वा ठाणं संकाभिज्जमाणे०, तिविहे उवधी पं० तं०- कम्पो वही सरीरोवही बाहिरभंडमत्तोवही, एवं असुरकुमाराणं भाणियव्वं, एवं एगिंदियनेरइयवज्जं जाव वेमाणियाणं १, अहवा तिविहे उवधी पं० तं०- सच्चित्ते अचित्ते मीसए, एवं णेरइआणं, निरंतरं जाव वेमाणियाणं २, तिविहे परिग्गहे पं० तं०- कम्पपरिग्गहे सरीरपरिग्गहे बाहिरभंडमत्तपरिग्गहे, एवं असुरकुमाराणं, एवं एगिंदियनेरतियवज्जं जाव वेमाणियाणं ३, अहवा तिविहे परिग्गहे पं० तं०- सच्चित्ते अचित्ते मीसए, एवं नेरतियाणं, निरंतरं जाव वेमाणियाणं ४ । १३८। तिविहे पणिहाणे पं० तं०- मणपणिहाणे वयपणिहाणे कायपणिहाणे, एवं पंचिंदियाणं जाव वेमाणियाणं, तिविहे सुप्पणिहाणे पं० तं० मणसुप्पणिहाणे वयसुप्पणिहाणे कायसुप्पणिहाणे, संजयमणुस्साणं तिविहे सुप्पणिहाणे पन्नत्ते तं० - मणसुप्पणिहाणे वइसुप्पणिहाणे कायसुप्पणिहाणे, तिविहे दुप्पणिहाणे पं० तं० - मणदुप्पणिहाणे वइदुप्पणिहाणे कायदुप्पणिहाणे, एवं पंचिंदियाणं जाव वेमाणियाणं । १३९। तिविहा जोणी पं० तं०- सीता उसीणा सीओसिणा, एवं एगिंदियाणं विगलिंदियाणं तेउकाइयवज्जाणं संमुच्छिमपंचिंदियतिरिक्खजोणियाणं संमुच्छिममणुस्साणं य, तिविहा जोणी पं० तं०- सचित्ता अचित्ता मीसिया, एवं एगिंदियाणं विगलिंदियाणं संमुच्छिमपंचिंदियतिरिक्खजोणियाणं

संमुच्छिमणुस्साण य, तिविधा जोणि पं० तं०-संवुडा वियडा संवुडवियडा, तिविहा जोणि पं० तं०- कुम्भुत्रया संखावत्ता वंसीपत्तिया, कुम्भुत्रया णं जोणी उत्तमपुरिसमाऊंणं, कुम्भुत्रयाते णं जोणीए तिविहा उत्तमपुरिसा गब्भं वक्कमंति तं - अरहंता चक्कवट्ठी बलदेववासुदेवा, संखावत्ता जोणी इत्थीरयणस्स, संखावत्ताए णं जोणीए बहवे जीवा य पोग्गला य वक्कमंति विउक्कमंति चयंति उववज्जंति नो चेव णं निप्फज्जंति, वंसीपत्तिता णं जोणी पिहज्जणस्स, वंसीपत्तिताए णं जोणीए बहवे पिहज्जणे गब्भं वक्कमंति । १४०। तिविहा तणवणस्सइकाइया पं० तं०- संखेज्जजीविता असंखेज्जजीविता अणंतजीविया । १४१। जंबुदीवे दीवे भारहे वासे तओ तिथा पं० तं०- मागहे वरदामे पभासे, एवं एरवएवि, जंबुदीवे दीवे महाविदेहे वासे एगमेगे चक्कवट्ठिविजये ततो तिथा पं० तं०- मागहे वरदामे पभासे ३, एवं धायइसंडे दीवे पुरच्छिमद्धेवि ६. पच्चत्थिमद्धेवि ९, पुक्खरवरदीवद्धपुरच्छिमद्धेवि १२ पच्चत्थिमद्धेवि १५ । १४२। जंबुदीवे २ भरहेरवएसु वासेसु तीताए उस्सप्पिणीते सुसमाए समाए तिन्नि सागरोवमकोडाकोडीओ कालो हुत्था १, एवं ओसप्पिणीए नवरं पन्नत्ते २, आगमिस्साते उस्सप्पिणीए भविस्सति ३, एवं धायइसंडे पुरच्छिमद्धे पच्चत्थिमद्धेवि ९, एवं पुक्खरवरदीवद्धपुरच्छिमद्धे पच्चत्थिमद्धेवि कालो भाणियव्वो १५ । जंबुदीवे दीवे भरहेरवएसु वासेसु तीताते उस्सप्पिणीते सुसमसुसमाते समाए मणुया तिणिण गाउयाइं उद्धंउच्चत्तेणं तिन्नि पलिओवमाइं परमाउं पालइत्था १, एवं इमीसे ओसप्पिणीते २ आगमिस्साए उस्सप्पिणीए ३, जंबुदीवे दीवे देवकुरुउत्तरकुरासु मणुया तिणिण गाउआइं उद्धंउच्चत्तेणं पं०, तिन्नी पलिओवमाइं परमाउं पालयंति ४, एवं जाव

पुनर्वरदीवद्धपच्चत्थिमद्धे २० । जंबुद्दीवे दीवे भरहेरवएसु वासेसु एगमेगाते ओसप्पिणिउस्सप्पिणीए तओ वंसाओ उप्पज्जिंसु वा उप्पज्जंति वा उप्पज्जिस्संति वा तं० - अरहंतवंसे चक्कवट्ठिवंसे दसारवंसे २१, एवं जाव पुक्खरवरदीवद्धपच्चत्थिमद्धे २५ । जंबुद्दीवे दीवे भरहेरवएसु वासेसु एगमेगाए ओसप्पिणीउस्सप्पिणीए तओ उत्तमपुरिसा उप्पज्जिंसु वा उप्पज्जंति वा उप्पज्जिस्संति वा तं० - अरहंता चक्कवट्ठी बलदेववासुदेवा २६ एवं जाव पुक्खरवरदीवद्धपच्चत्थिमद्धे ३०, तओ अहाउयं पालयंति तं० - अरहंता चक्कवट्ठी बलदेववासुदेवा ३१, तओ मज्झिममाउयं पालयंति तं० - अरहंता चक्कवट्ठी बलदेववासुदेवा ३२ । १४३ । बायरतेउकाइयाणं उक्कोसेणं तिन्नि राइंदियाइं ठिती पन्नत्ता, बायरवाउकाइयाणं उक्कोसेणं तिन्नि वाससहस्साइं ठिती पं० । १४४ । अह भंते । सालीणं वीहीणं गोधूमाणं जवाणं जवजवाणं एतेसिं णं घन्नाणं कोट्ठाउत्ताणं पल्लाउत्ताणं मंचाउत्ताणं मालाउत्ताणं ओलित्ताणं लिताणं लंछियाणं मुद्दियाणं पिहिताणं केवइयं कालं जोणी संचिट्ठति ?, ( इ गोयमा ! ) जहण्णेणं अंतोमुहुत्तं उक्कोसेणं तिण्णि संवच्छराइं, तेण परं जोणी पमिलायति, तेण परं जोणी पविद्धंसति, तेण परं जोणी विद्धंसति, तेण परं बीए अबीए भवति, तेण परं जोणीवोच्छेदो पं० । १४५ । दोच्चाए णं सक्करप्पभाए पुढवीए णेरइयाणं उक्कोसेणं तिण्णि सागरोवमाइं ठिती पं० १, तच्चाए णं वालुयप्पभाए पुढवीए जहन्नेणं णेरइयाणं तिन्नि सागरोवमाइं ठिती पण्णत्ता २ । १४६ । पंचमाए णं धूमप्पभाए पुढवीए तिन्नि निरयावाससयसहस्सा पं०, तिसु णं पुढवीसु णेरइयाणं उसिणवेयणा पन्नत्ता - तं० पढमाए दोच्चाए तच्चाए, तिसुणं पुढवीसु णेरइया उसिणवेयणं पच्चणुभवमाणा विहरंति पढमाए दोच्चाए

तच्चाए । १४७। ततो लोगे रमा सपक्खिं सपडिदिसिं पं० तं० - अप्पइड्डाणे णरए जंबुद्दीवे दीवे सव्वट्ठसिद्धे महाविमाणे, तओ लोगे समा सपक्खिं सपडिदिसिं पं० तं० सीमंतए णं णरए समयक्खेत्ते ईसीपब्भारा पुढवी । १४८। तओ समुद्धा पगईए उदगरसेणं पं० तं० - कालोदे पुक्खरोदे सयंभुरमणे, तओ समुद्धा बहुमच्छकच्छभाइण्णा पं० तं० - लवणे कालोदे सयंभुरमणे । १४९। तओ लोगे णिस्सीला णिव्वता णिग्गुणा निम्मेरा णिप्पच्चक्खाण पोस-होववासा कालमासे कालं किच्चा अहे सत्तमाए पुढवीए अप्पतिट्ठाणे णरए णेरइयत्ताए उववज्जंति, तं० - रायाणो मंडलीया जे य महारंभा कोडुंबी, तओ लोए सुसीला सुव्वया सग्गुणा समेरा सपच्चक्खाणपोसहोववासा कालमासे कालं किच्चा सव्वट्ठसिद्धे महाविमाणे देवत्ताए उववत्तारो भवंति, तं० - रायाणो परिचत्तकामभोगा सेणावती पसत्थारो । १५०। बंभलोगलंतएसु णं कप्पेसु विमाणा तिवण्णा पं० तं० - किण्हा नीला लोहिया, आणयपाणयारणच्चुत्तेसु णं कप्पेसु देवाणं भवधारणिज्जसरीरा उक्कोसेणं तिणिण रयणीओ उद्धंउच्चत्तेणं पण्णात्ता । १५१। तओ पन्नत्तीओ कालेणं अहिज्जंति, तं० चंदपन्नत्ती सूरपन्नत्ती दीवसागरपन्नत्ती । १५२। अ० ३ उ०. १ ॥ तिविहे लोगे पं० तं० णामलोगे ठवणलोगे दव्वलोगे, तिविधे लोगे पं० तं० णाणलोगे दंसणलोगे चरित्तलोगे, तिविहे लोगे पं० तं० - उद्धलोगे अहोलोगे तिरियलोगे । १५३। चमरस्स णं असुरिदस्स असुरकुमाररन्नो ततो परिसातो पं० तं० - समिता चंडा जाया, अब्भिंतरिता समिता मज्झिमता चंडा बाहिरता जाया, चमरस्स णं असुरिदस्स असुरकुमाररन्नो सामाणिताणं देवाणं ततो परिसातो पं० तं० - समिता जहेव चमरस्स, एवं तायत्तीसगाणवि, लोगपालाणं तुंबा तुडिया पव्वा, एवं

अगमहिंसीणवि, बलस्सवि एवं चेव जाव अगमहिंसीणं, धरणस्स य सामाणियतायत्तीसगाणं च समिता चंडा जाता, लोगपालाणं  
 अगमहिंसीणं ईसा तुडिया दढरहा, जहा धरणस्स तहा सेसाणं भवणवासीणं, कालस्स णं पिसाइंदस्स पिसायरण्णो तओ परिसाओ  
 पं० तं०- ईसा तुडिया दढरहा, एवं सामाणियअगमहिंसीणं, एवं जाव गीयरतिगीयजसाणं, चंदस्स णं जोतिसिंदस्स जोतिसरन्नो ततो  
 परिसातो पं०तं०-तुंबा तुडिया पव्वा, एवं सामाणियअगमहिंसीणं, एवं सूरस्सवि, सक्कस्स णं देविंदस्स देवरन्नो ततो परिसाओ  
 पं०तं०- समिता चंडा जाया, एवं जहा चमरस्स जाव अगमहिंसीणं, एवं जाव अच्चुतस्स लोगपालाणं । १५४ । ततो जामा पं०तं०-  
 पढमे जामे मज्झिमे जामे पच्छिमे जामे, तिहिं जामेहिं आताकेवलिपन्नत्तं धम्मं लभेज्ज सवणतातेपढमे जामे मज्झिमे जामे पच्छिमे  
 जामे, एवं जाव केवलनाणं उपाडेज्जा पढमे जामे मज्झिमे जामे पच्छिमे जामे, ततो वया पं०तं०-पढमे वते मज्झिमे वते पच्छिमे वए,  
 तिहिं वतेहिं आया केवलिपन्नत्तं धम्मं लभेज्ज सवणयाए, तं०-पढमे वते मज्झिमे वते पच्छिमे वते, एसो चेव गमो णेयव्वो जाव  
 केवलनाणंति । १५५ । तिविधा बोधी पं०तं०-णाणबोधी दंसणबोधी चरित्तबोधी १ तिविहा बुद्धा पं०तं०-णाणबुद्धा दंसणबुद्धा  
 चरित्तबुद्धा २ एवं मोहे ३ मूढा ४ । १५६ । तिविहा पव्वज्जा पं०तं०- इहलोगपडिबद्धा परलोकपडिबद्धा दुहतोपडिबद्धा, तिविहा  
 पव्वज्जा पं०तं०- पुरतो पडिबद्धा मग्गतो पडिबद्धा दुहओ पडिबद्धा, तिविहा पव्वज्जा पं०तं०- तुयावइत्ता पुयावइत्ता बुआवइत्ता,  
 तिविहा पव्वज्जा पं०तं०-उवातपव्वज्जा अक्खातपव्वज्जा संगारपव्वज्जा । १५७ । तओ णियंठा णोसण्णोवउत्ता पं०तं० -पुलाए

णियंठे सिगाए १ ततो णियंठा सन्नणोसण्णोवउत्ता पंतं-बउसे पडिसेवणाकुसीले कसायकुसीले २ । १५८ । तओ सेहभूमीओ  
 पंतं- उक्कोसा मज्झिमा जहन्ना, उक्कोसा छम्मासा, मज्झिमा चउमासा, जहन्ना सत्तराइंदिया, ततो थेरभूमीओ पंतं - जाइथेरे  
 सुत्तथेरे परियायथेरे, सट्ठिठवासजाए समणे णिग्गंथे जातिथेरे, ठाणंग ( प्रंठाण ) समवायधरे णं समणे णिग्गंथे सुयथेरे, वीसवासपरियाए  
 णं समणे णिग्गंथे परियायथेरे । १५९ । ततो पुरिसजाया पंतं- सुमणे दुम्भणे णोसुमणेणोदुम्भणे १ ततो पुरिसजाया पंतं - गंता  
 णामेगे सुमणे भवति, गंता णामेगे दुम्भणे भवति, गंता णामेगे णोसुमणेणोदुम्भणे भवति २, तओ पुरिसजाया पंतं - जामीतेगे  
 सुमणे भवति, जामीतेगे दुम्भणे भवति, जामीतेगे णोसुमणेणोदुम्भणे भवति ३, एवं जाइस्सामीतेगे सुमणे भवति ३, ४, ततो पुरिसजाया  
 पंतं- अगंता णामेगे सुमणे भवति ३, ५, ततो पुरिसजाया पंतं- ण जामि एगे सुमणे भवति ३, ६, ततो पुरिसजाया पंतं- ण  
 जाइस्सामि एगे सुमणे भवति ३, ७, एवं आगंता णामेगे सुमणे भवति ३, ८, एमितेगे सु. ३ एस्सामीति एगे सुमणे भवति ३ एवं एणं  
 अभिलावेणं- गंता य अगंता( य ) १ आगंता खलु तथा अणागंता २ । चिट्ठित्तमचिट्ठित्ता ३, णिसितित्ता ज्ञेव नो चेव ४ ॥ ८ ॥ हंता  
 य अहंता य ५ छिंदित्ता खलु तथा अछिंदित्ता ६ । बूतित्ता अबूतित्ता ७ भासित्ता चेव णो चेव ८ ॥ ९ ॥ दच्चा य अदच्चा य ९ भुंजित्ता  
 खलु तथा अभुंजित्ता १० । लंभित्ता अलंभित्ता ११ पिइत्ता चेव नो चेव १२ ॥ १० ॥ सुतित्ता असुतित्ता १३ जुज्झित्ता खलु तथा  
 अजुज्झित्ता १४ । जित्ता अजयित्ता य १५ पराजिणित्ता य नो चेव १६ ॥ ११ ॥ सद्दा १७ रूवा १८ गंधा १९ रसा य २० फासा २१

( २१×६ = १२६ + १ = १२७ ) तहेव ठाणा य । निस्सीलस्स गरहिता पसत्थ पुण सीलवंतस्स ॥ १२ ॥ एवमिक्केक्के तिन्नि उ तिन्नि उ आलावगा भाणियव्वा, सद्दं सुणेत्ता णामेगे सुमणे भवति ३ एवं सुणेमीति ३ सुणिस्सामीति ३, एवं असुणेत्ता णामेगे सुमणे भवति ३ न सुणेमीति ३ ण सुणिस्सामीति ३, एवं रूवाइं गंधाइं रसाइं फासाइं, एक्केक्के छ छ आलावगा भाणियव्वा १२७ आलावगा भवंति । १६० । तओ ठाणा णिस्सीलस्स निव्वयस्स णिग्गुणस्स णिम्भेरस्स णिप्पच्चक्खाणपोसहोववासस्स गरहिता भवंति तं०- अस्सिं लोगे गरहिते भवइ उववाते गरहिए भवइ आयाती गरहिता भवति, ततो ठाणा सुसीलस्स सुव्वयस्स सगुणस्स सुमेरस्स सपच्चक्खाणपोसहोववासस्स पसत्था भवंति, तं०- अस्सिं लोगे पसत्थे भवति उववाए पसत्थे भवति आजाती पसत्था भवति । १६१ । तिविधा संसारसमावन्नगा जीवा पं०तं० - इत्थी पुरिसा नपुंसगा, तिविहा सव्वजीवा पं०तं०-सम्मद्दिट्ठी मिच्छादिट्ठी सम्माभिच्छादिट्ठी य, अहवा तिविहा सव्वजीवा पं०तं०- पज्जत्तगा अपज्जत्तगा णोपज्जत्तगाणोऽपज्जत्तगा, एवं सम्मद्दिट्ठ परिता पज्जत्तग सुहुम सन्नि भविया य । १६२ । तिविधा लोगठिती पं०तं०- आगासपइंठिठए वाते वातपतिट्ठए उदही उदहिपतिट्ठया पुढवी, तओ दिसाओ पं०तं०- उद्धा अहा तिरिया १, तिहिं दिसाहिं जीवाणं गती पवत्तति, उड्ढाए अहाते तिरियाते २, एवं आगती ३ वक्कंती ४ आहारे ५ वुड्ढी ६ णिवुड्ढी ७ गतिपरियाते ८ समुग्घाते ९ कालसंजोगे १० दंसणाभिगमे ११, णाणाभिगमे १२, जीवाभिगमे १३, तिहिं दिसाहिं जीवाणं अजीवाभिगमे पं०तं० - उड्ढाते अहाते तिरियाते १४, एवं पंचिंदियतिरिक्खजोणियाणं, एवं मणुस्साणवि । १६३ ।

तिविहा तसा पंतं०- तेउकाइया वाउकाइया उराला तसा पाणा, तिविधा थावरा पंतं०- पुढविकाइया आउकाइया वणस्सइकाइया । १६४ । ततो अच्छेज्जा पंतं० - समये पदेसे परमाणू १, एवमभेज्जा २ अडज्झा ३ अगिज्झा ४ अणइढा ५ अमज्झा ६ अपएसा ७, ततो अविभातिमा पंतं०- समते पएसे परमाणू ८ । १६५ । अज्जोत्ति समणे भगवं महावीरे गोतमादी समणे णिगंगंथे आमंतेत्ता एवं वयासी किंभया पाणा ? समणाउसो ! गोयमाती समणा णिगंगंथा समणं भगवं महावीरं उवसंकमंति उवसंकमिन्ता वंदंति नमंसंति वंदित्ता नमंसित्ता एवं वयासी-णो खलु वयं देवाणुप्पिया ! एयमट्ठं जाणामो वा पासामो वा, तं जदि णं देवाणुप्पिया एयमट्ठं णो गिलायंति परिकहित्ते तमिच्छामो णं देवाणुप्पियाणं अंतिए एयमट्ठं जाणित्तए, अज्जोत्ति समणे भगवं महावीरे गोयमाती समणे निगंगंथे आमंतेत्ता एवं वयासी दुक्खभया पाणा समणाउसो ! १, से णं भंते ! दुक्खे केण कडे ? जीवेणं कडे पमादेण २, से णं भंते ! कुक्खे कहं वेइज्जति ? अप्पमाएणं ३ । १६६ । अन्नउत्थिता णं भंते ! एवं आतिक्खंति एवं भासंति एवं पन्नवेति एवं परूविंति कहन्नं समणाणं निगंगंथाणं किरिया कज्जति ?, तत्थ जा सा कडा कज्जइ नो तं पुच्छंति, तत्थ जा सा कडा नो कज्जति नो तं पुच्छति, तत्थ जा सा अकडा नो कज्जति नो तं पुच्छंति, तत्थ जा सा अकडा कज्जति तं पुच्छंति, से एवं वत्तव्वं सिता ? -अकिच्चं दुक्खं अफुसं दुक्खं अकज्जमाणकडं दुक्खं अकट्ठु अकट्ठु पाणा भूया जीवा सत्ता वेयणं वेदेतित्ति वत्तव्वं, जेते एवमाहसुं मिच्छा ते एवमाहंसु, अहं पुण एवमाइक्खामि एवं भासामि एवं पन्नवेमि एवं परूवेमि किच्चं दुक्खं फुस्सं दुक्खं कज्जमाणकडं दुक्खं कट्ठु २ पाणा भूया जीवा

सत्ता वेयणं वेयंतित्ति वत्तव्वं सिया । १६७ । अ० ३ उ० २ ॥ तिहिं ठाणेहिं मायी मायं कट्टु णो आलोतेज्जा णो पडिक्कमेज्जा णो णिंदिज्जा णो गरहिज्जा णो विउट्टेज्जा णो विसोहेज्जा णो अकरणाते अब्भुट्टेज्जा णो अहारिहं पायच्छित्तं तवोकम्मं पडिवज्जेज्जा, तं०-अकरिंसु वाऽहं करेमि वाऽहं करिस्सामि वाडहं १, तिहिं ठाणेहिं मायी मायं कट्टु णो आलोतेज्जा णो पडिक्कमिज्जा जाव णो पडिवज्जेज्जा अकित्ती वा मे सिता अवण्णे वा मे सिया अविणते वा मे सिता २, तिहिं ठाणेहिं मायी मायं कट्टु णो आलोएज्जा जाव नो पडिवज्जेज्जा तं०- कित्ती वा मे परिहातिस्सति जसो वा मे परिहातिस्सति पूयासक्कारे वा मे परिहातिस्सति ३, तिहिं ठाणेहिं मायी मायं कट्टु आलोएज्जा पडिक्कमेज्जा जाव पडिवज्जेज्जा तं०- मायिस्स णं अस्सिं लोगे गरहिते भवति उववाए गरहिए भवति आयाती गरहिया भवति ४, तिहिं ठाणेहिं मायी मायं कट्टु आलोएज्जा जाव पडिवज्जेज्जा तं०-अमायिस्स णं अस्सिं लोगे पसत्थे भवति उववाते पसत्थे भवइ आयाई पसत्था भवति ५, तिहिं ठाणेहिं मायी मायं कट्टु आलोएज्जा जाव पजिवज्जेज्जा, तं०-णाणदठताते दंसणदठयाते चरित्तदठयाते ६, । १६८ । ततो पुरिसजाया पं०तं०-सुत्तधरे अत्थधरे तदुभयधरे । १६९ । कप्पति णिणगंथाण वा णिगगंथीण वा ततो वत्थाइं धारित्तए वा परिहरित्तते वा, तं०-जंगिते भंगिते खोमिते १, कप्पइ णिगगंथाण वा णिगगंथीण वा ततो पायाइं धारित्तते वा परिहरित्तते वा, तं०- लाउयपादे वा दारुपादे वा मदिटयापादे वा २ । १७० । तिहिं ठाणेहिं वत्थं धरेज्जा, तं०- हिरिपत्तितं दुगुंछापत्तियं परीसहवत्तियं । १७१ । तओ आयरक्खा पं०तं०- धम्मियाते पडिचोयणाते पडिचोएत्ता भवति तुसिणीतो वा सिता उदिठत्ता वा

आताते एगंतमंतमवक्कमेज्जा, णिगंथस्स णं गिलायमाणस्स कप्पंति ततो वियडदत्तीओ पडिग्गाहित्ते, तं०- उक्कोसा मज्झिमा जहन्ना । १७२ । तिहिं ठाणेहिं समणे निगंथे साहम्मियं संभोगियं विसंभोगियं करेमाणे णातिक्कमति, तं०- सतं वा दटूतुं, सडढस्स वा निसम्म, तच्चं मोसं आउट्टति चउत्थं नाउट्टति । १७३ । तिविधा अणुन्ना पंतं०- आयरियत्ताए उवज्झायत्ताए गणित्ताते, तिविधा समणुन्ना पंतं० - आयरियत्ताते उवज्झायत्ताते गणित्ताते, एवं उवसंपया, एवं विजहणा । १७४ । तिविहे वयणे पंतं०- तव्वयणे तदन्नवयणे णोवयणे, तिविहे अवयणे पंतं०- णोतव्वयणे अणोतदन्नवयणे अवयणे, तिविहे मणे पंतं०- तम्मणे तयन्नमणे णोअमणे, तिविहे अमणे पंतं० - णोतंमणे णोतयन्नमणे अमणे । १७५ । तिहिं ठाणेहिं अप्पवुट्ठीकाते सिता, तं०-तस्सिं च णं देसंसि वा पदेसंसि वा णो बहवे उदगजोणिया जीवा य पोग्गला य उदगत्ताते वक्कमंति विउक्कमंति चयंति उववज्जंति, देवा णागा जक्खा भूता णो सम्ममाराहिता भवंति तत्थ समुट्ठितं उदगपोग्गलं परिणतं वासितुकामं अण्णं देसं साहरंति, अब्भवद्दलं च णं समुट्ठितं परिणतं वासितुकामं वाउकाए विधुणति, इच्चेतेहिं ठाणेहिं अप्पवुट्ठिकाते सिता १, तिहिं ठाणेहिं महावुट्ठिकाते सिता, तंजहा तंसि च णं देसंसि वा पदेसंसि वा बहवे उदगजोणिता जीवा य पोग्गला य उदगत्ताते वक्कमंति विउक्कमंति चयंति उववज्जंति, देवा जक्खा नागा भूता सम्ममाराहिता भवंति अन्नत्थ समुट्ठितं उदगपोग्गलं परिणयं वासितुकामं तं देसं साहरंति, अब्भवद्दलं च णं समुट्ठितं परिणयं वासितुकामं णो वाउआतो विधुणति, इच्चेतेहिं तिहिं ठाणेहिं महावुट्ठिकाए सिता २ । १७६ । तिहिं ठाणेहिं

अहुणोववन्ने देवे देवलोगेसु इच्छेज्ज माणुस्सं लोगं हव्वमागच्छित्तए, णो चेव णं संचातेति हव्वमागच्छित्तए, तं- अहुणोववन्ने देवे देवलोगेसु दिव्वेसु कामभोगेसु मुच्छिते गिद्धे गढिते अज्झोववन्ने से णं माणुस्सते कामभोगे णो आढाति णो परियाणाति णो अट्ठं बंधति णो नियाणं पगरेति णो ठिइपकप्पं पकरेति, अहुणोववन्ने देवे देवलोगेसु दिव्वेसु कामभोगेसु मुच्छिते गिद्धे गढिते अज्झोववन्ने तस्स णं माणुस्सए पेम्मे वोच्छिण्णे दिव्वे संकंते भवति, अहुणोववन्ने देवे देवलोगेसु दिव्वेसु कामभोगेसु मुच्छिते जाव अज्झोववन्ने तस्स णं एवं भवतिइयण्हं न गच्छं मुहुत्तं गच्छं, तेणं कालेणमप्पाउया मणुस्सा कालधम्मणा संजुत्ता भवंति, इच्छेतेहिं तिहिं ठाणेहिं अहुणोववन्ने देवे देवलोगेसु इच्छेज्जा माणुसं लोगं हव्वमागच्छित्तए णो चेव णं संचातेति हव्वमागच्छित्तए ३ तिहिं ठाणेहिं देवे अहुणोववन्ने देवलोगेसु इच्छेज्जा माणुसं लोगं हव्वमागच्छित्तए, संचातेइ हव्वमागच्छित्तएअहुणोववन्ने देवे देवलोगेसु दिव्वेसु कामभोगेसु अमुच्छिते अगिद्धे अगढिते अणज्झोववन्ने तस्स णमेवं भवति अत्थि णं मम माणुस्सते भवे आयरितेति वा उवज्झातेति वा पवत्तीति वा थरेति वा गणीति वा गणधरेति वा गणावच्छेदेति वा जेसिं पभावेणं मते इमा एतारूवा दिव्वा देविइढी दिव्वा देवजुती दिव्वे देवाणुभावे लद्धे पत्ते अभिसमन्नागते तं गच्छामि णं ते भगवंते वंदामि णमंसाभि सक्कारेमि सम्माणेमि कल्लाणं मंगलं देवयं चेइयं पज्जुवासामि, अहुणोववन्ने देवे देवलोगेसु दिव्वेसु कामभोगेसु अमुच्छिए जाव अणज्झोववन्ने तस्स णं एवं भवतिएस णं माणुस्सते भवे णाणीति वा तवस्सीति वा अतिदुक्करदुक्करकारगे तं गच्छामि णं भगवंतं वंदामि णमंसाभि जाव पज्जुवासामि, अहुणोववन्ने देवे

देवलोगेसु जाव अणज्जोववन्ने तस्स णमेवं भवति अत्थि णं मम माणुस्सते भवे माताति वा जाव सुण्हाति वा तं गच्छामि णं तेसिमंतियं  
पाउब्भवामि पासंतु ता मे इमं एतारूवं दिव्वं देविड्ढिं दिव्वं देवजुतिं दिव्वं देवाणुभावं लद्धं पत्तं अभिसमन्नागयं, इच्चेतेहिं तिहिं  
ठाणेहिं अहुणोववन्ने देवे देवलोगेसु इच्छेज्ज माणुसं लोगं हव्वमागच्छित्तते संचातेति हव्वमागच्छित्तते ४ । १७७ । ततो ठाणाइं देवे  
पीहेज्जा तं० माणुस्सं ( प्र०सगं० ) भवं १ आरिते खेत्ते जम्मं २ सुकुलपच्चायातिं ३, ५, तिहिं ठाणेहिं देवे परितप्पेज्जा, तं०-अहो णं  
मते संते बले संते वीरिए संते पुरिसक्कारपरक्कमे खेमंसि सुभिक्खंसि आयरियउवज्झातेहिं विज्जमाणेहिं कल्लसरीरेणं णो बहुते सुते  
अहीते १ अहो णं मते इहलोगपडिबद्धेणं परलोगपरंभुहेणं विसयतिसितेणं णो दीहे सामन्नपरिताते अणुपालिते २ अहो णं मते  
इडिढरससायगरुएणं भोगामि ( स पा० ) सगिद्धेणं णो विसुद्धे चरित्ते फासिते ३, इच्चेतेहिं० ६ । १७८ । तिहिं ठाणेहिं देवे चतिस्सामित्ति  
जाणइ, तंजहा विमाणाभरणाइं णिप्पभाइं पासित्ता १ कप्परुक्खगं मिलायमाणं पासित्ता २ अप्पणो तेयलेस्सं परिहायमाणिं जाणित्ता  
३ इच्चेएहिं० ७, तिहिं ठाणेहिं देवे उव्वेगमागच्छेज्जा, तं०- अहो णं मए इमातो एतारूवातो दिव्वातो देविड्ढीओ दिव्वाओ देवजुतीतो  
दिव्वाओ देवाणुभावाओ पत्तातो लद्धातो अभिसमण्णागतातो चतियव्वं भविस्सति १ अहो णं मते माउओयं पिउसुक्कं तं तदुभयसंसट्ठं  
तप्पढमयाते ( ×आहारो ) आहारेयव्वो भविस्सति २ अहो णं मते कलमलजंबालाते असुतीते उव्वेयणिताते भीमाते गब्भवसहीते  
वसियव्वं भविस्सइ ३ इच्चेएहिं तिहिं० ८ । १७९ । तिसंठिया विमाणा पं०तं०- वट्टा तंसा चउरंसा, तत्थ णं जे ते वट्टा विमाणा ते

णं पुक्खरकन्यासंठाणसंठिता सव्वओ समंता पागारपरिक्खत्ता एगदुवारा पन्नत्ता, तत्थ णं जे ते तंसा विमाणा ते णं सिंघाडग-  
 संठाणसंठिता दुहतो पागारपरिक्खत्ता एगतो वेतितापरिक्खत्ता तिदुवारा पन्नत्ता, तत्थ णं जे ते चउरंसविमाणा ते णं अक्खाडग-  
 संठाणसंठिता सव्वतो समंता वेतितापरिक्खत्ता चउदुवारा पं०, तिपतिट्ठिया विमाणा पं०तं०-घणोदधिपतिट्ठिता घणवातपइट्ठिया  
 ओवासंतरपइट्ठिता, तिविधा विमाणा पं०तं०-अवट्ठिया वेउव्विता परिजाणिता । १८० । तिविधा नेरइया पं०तं०- सम्मादिट्ठी  
 भिच्छादिट्ठी सम्माभिच्छादिट्ठी, एवं विगलिंदियवज्जं जाव वेमाणियाणं १६ । ततो दुग्गतीतो पं०तं०- णेरइयदुग्गती तिरिक्खजोणीय-  
 दुग्गती मणुयदुग्गती १, ततो सुगतीतो पं०तं०- सिद्धिसोगती देवसोगती मणुस्ससोगती २, ततो दुग्गता पं०तं०- णेरतितदुग्गता  
 तिरिक्खजोणितदुग्गता मणुस्सदुग्गता ३, ततो सुगता पं०तं०- सिद्धिसोगता देवसोगता मणुस्ससुग्गता ४ । १८१ । चउत्थभत्तितस्स णं  
 भिक्खुस्स कप्पंति तओ पाणगाइं पडिगाहित्तए, तं०- उस्सेतिमे संसेतिमे चाउलधोवणे १, छट्ठभत्तितस्स णं भिक्खुस्स कप्पंति तओ  
 पाणगाइं पडिगाहित्तए तं०- तिलोदए तुसोदए जवोदए २, अट्ठमभत्तियस्स णं भिक्खुस्स कप्पंति ततो पाणगाइं पडिगाहित्तए, तं०-  
 आयामते सोवीरते सुद्धवियडे ३, तिविहे उवहडे पं०तं०- फलिओवहडे सुद्धोवहडे संसदढोवहडे ४, तिविहे उग्गहिते पं०तं०- जं च  
 ओगिण्हति जं च साहरति जं च आसगांसि पक्खवति ५, तिविधा ओमोयरिया पं०तं०- उवगरणोमोदरिता भत्तपाणोमोदरिता भावोमोदरिता  
 ६, उवगरणोमोदरिता तिविहा पं०तं०- एगे वत्थे एगे पाते चियत्तोवहिसातिज्जणता ७, ततो ठाणा णिग्गंथाण वा णिग्गंथीण वा

अहियाते असुभाते अखमाते अणिससेयसाए अणाणुगामित्ताए भवन्ति, तं०-कूअणता कक्करणता अवज्झाणता ८, ततो ठाणा  
 णिगंथाण वा णिगंथीण वा हिताते सुहाते खमाते णिससेयसाते आणुगामित्ताते भवन्ति, तं०-अकूअणता अक्क्करणता अणवज्झाणया  
 १, ततो सल्ला पं०तं०- मायासल्ले णियाणसल्ले मिच्छादंसणसल्ले १०, तिहिं ठाणेहिं समणे णिगंथे संखित्तविउलतेउलेस्से भवति,  
 तं०-आयावणताते १ खंतिखमाते २ अपाणगेणं तवोकम्मेणं ३, ११ । तिमासितं णं भिक्खुपडिमं पडिवन्नस्स अणगारस्स कप्पन्ति  
 ततो दत्तीओ भोअणस्स पडिगाहेत्ताए ततो पाणगस्स १२, एगरातियं भिक्खुपडिमं सम्मं अणुपालेमाणस्स अणगारस्स इमे ततो ठाणा  
 अहिताते असुभाते अखमाते अणिससेयसाते अणाणुगामित्ताते भवन्ति, तं०-उम्मायं वा लभिज्जा १ दीहकालियं वा रोगायकं पाउणेज्जा  
 २ केवलिपन्नत्तातो वा धम्मातो भंसेज्जा ३, १३, एगरातियं भिक्खुपडिमं सम्मं अणुपालेमाणस्स अणगारस्स ततो ठाणा हिताते सुभाते  
 खमाते णिससेसाते आणुगामित्ताए भवन्ति, तं०-ओहिणाणे वा से समुप्पज्जेज्जा १ मणपज्जवनाणे वा से समुप्पज्जेज्जा २ केवलणाणे  
 वा से समुप्पज्जेज्जा ३, १४ । १८२ । जंबुद्दीवे २ ततो कम्मभूमिओ पं०तं०- भरहे एरवते महाविदेहे, एवं धायइसंडे दीवे पुरच्छिमब्दे  
 जाव पुक्खरवरदीवइढपच्चत्थिमब्दे ५ । १८३ । तिविहे दंसणे पं०तं०- सम्मदंसणे मिच्छादंसणे सम्मामिच्छादंसणे १, तिविधा रुती  
 पं०तं० - सम्मरुती मिच्छरुती सम्मामिच्छरुई २, तिविधे पओगे पं०तं०- सम्मपओगे मिच्छपओगे सम्मामिच्छपओगे ३ । १८४ ।  
 तिविहे ववसाए पं०तं० - धम्मिने ववसाते अधम्मिए ववसाते धम्मियाधम्मिए ववसाते ४, अथवा तिविधे ववसाते पं०तं०- पच्चक्खे

पच्चतिते आणुंगाभि ५, अहवा तिविधे ववसाते पंतं- इहलोइए परलोइए इहलोगितपरलोगिते ६, इहलोगिते ववसाते तिविधे पंतं- लोगिते वेतिते सामतिते ७, लोगिते ववसाते तिविधे पंतं-अत्थे धम्मे कामे ८, वेतिगे ववसाते तिविधे पंतं-रिउव्वेदे जउव्वेदे सामवेदे ९, सामइते ववसाते तिविधे पंतं- णाणे दंसणे चरित्ते १०, तिविधा अत्थजोणी पंतं- सामे दंडे भेदे ११ । १८५ । तिविहा पोगगला पंतं-पओगपरिणता मीसापरिणता वीससापरिणता, तिपतिदिठया णरगा पंतं- पुढवीपतिदिठता आगासपतिदिठता आयपइदिठता, णोगमसंगहववहाराणं पुढवीपइदिठता उज्जुसुतस्स आगासपतिदिठता तिण्हं सहणताणं आयपतिदिठता । १८६ । तिविधे पिच्छत्ते पंतं- अकिरिता अविणते अन्नाणे १, अकिरिया तिविधा पंतं- पओगकिरिया समुदाणकिरिया अन्नाणकिरिया २, पओगकिरिया तिविधा पंतं-मणपओगकिरिया वइपओगकिरिया कायपओगकिरिया ३, समुदाणकिरिया तिविधा पंतं-अणंतरसमुदाणकिरिया परंपरसमुदाणकिरिया तदुभयसमुदाणकिरिता ४, अन्नाणकिरिता तिविधा पंतं- मतिअन्नाणकिरिया सुतअन्नाणकिरिया विभंगअन्नाणकिरिया ५, अविणते तिविधे पंतं-देसच्चाती निरालंबणता नाणापेज्जदोसे ६, अन्नाणे तिविधे पंतं- देसण्णाणे सव्वण्णाणे भावन्नाणे ७ । १८७ । तिविधे धम्मे पंतं- सुयधम्मे चरित्तधम्मे अत्थिकायधम्मे, तिविधे उवक्कमे पंतं-धम्मिते उवक्कमे अधम्मिते उवक्कमे धम्मिताधम्मिते उवक्कमे १, अहवा तिविधे उवक्कमे पंतं- आओवक्कमे परोवक्कमे तदुभयोवक्कमे २, एवं वेयावच्चे ३, अणुगहे ४, अणुसूदर्या ५, उवालंभं ६, एवमेक्केके तिन्नि २,

आलावगा जहेव उवक्कमे १८८ । तिविहा कहा पंतं-अत्थकहा धम्मकहा कामकहा ७, तिविहे विणिच्छते पंतं-अत्थविणिच्छते धम्मविणिच्छते कामविणि ८ । १८९ । तहारूवं णं भंते ! समणं वा माहणं वा पज्जुवासमाणस्स किंफला पज्जुवासणता ?, सवणफला, से णं भंते ! सवणे किंफले ? णाणफले, से णं भंते ! णाणे किंफले ?, विण्णाणफले, एवमेतेणं अभिलावेणं इमा गाधा अणुगंतव्वा सवणे णाणे य विन्नाणे पच्चक्खाणे य संजमे । अणणहते तवे चेव वोदाणे अकिरिय निव्वाणे ॥ १३ ॥ जाव से णं भंते ! अकिरिया किंफला ?, निव्वाणफला, से णं भंते ! निव्वाणे किंफले ?, सिद्धिगइगमणपज्जवसाणफले पन्नत्ते समणाउसो ! ॥ १९० ॥ अ० ३ ३० ३ ॥ पडिमापडिवन्नस्स अणगारस्स कप्पंति तओ उवस्सया पडिलेहित्तए, तं- अहे आगमणंगिहंसि वा अहे वियडगिहंसि वा अहे रुक्खमूलगिहंसि वा, एवमणुन्नवित्तते, उवातिणित्तते, पडिमापडिवन्नस्स अणगारस्स कप्पंति तओ संथारगा पडिलेहित्तते, तं-पुढवीसिला कट्ठसिला अहासंथडमेव, एवं अणुण्णवित्तए, उवाइणित्तए । १९१ । तिविहे काले पण्णत्ते तं-तीए पडुप्पण्णे अणागए, तिविहे समए पंतं-तीते पडुप्पन्ने अणागए, एवं आवलिया आणापाणू थोवे लवे मुहुत्ते अहोरत्ते जाव वाससतसहस्से पुव्वंगे पुव्वे जाव ओसप्पिणी, तिविधे पोग्गलपरियट्ठे पंतं-तीते पडुप्पन्ने अणागते । १९२ । तिविहे वयणे पंतं- एगवयणे दुवयणे बहुवयणे, अहवा तिविहे वयणे पंतं- इत्थिवयणे पुंवयणे नपुंसगवयणे, अहवा तिविहे वयणे पंतं- तीतवयणे पडुप्पन्नवयणे अणागयवयणे । १९३ । तिविहा पन्नावणा पंतं- णाणपन्नवणा दंसणपन्नवणा चरित्तपन्नवणा १, तिविधे सम्मे पंतं -

नाणसम्मे दंसणसम्मे चरित्तसम्मे २, तिविधे उवघाते पंतं० - उग्गमोवघाते उप्पायणोवघाते एसणोवघाते ३, एवं विसोही ४ । १९४ ।  
 तिविहा आराहणा पंतं० - णाणाराहणा दंसणाराहणा चरित्ताराहणा ५, णाणाराहणा तिविहा पंतं० - उक्कोसा मज्झिमा जहन्ना  
 ६, एवं दंसणाराहणाऽवि ७, चरित्ताराहणाऽवि ८, तिविधे संकिलेसे पंतं० - नाणसंकिलेसे दंसणसंकिलेसे चरित्तसंकिलेसे ९, एवं  
 असंकिलेसेऽवि १०, एवमतिक्कमेऽवि ११, वडक्कमेऽवि १२, अड्यारेऽवि १३, अणायारेऽवि १४ । तिण्हमतिक्कमाणं आलोएजा  
 पडिक्कमेजा निंदिजा गरहिजा जाव पडिवज्जिजा, तं० - णाणातिक्कमस्स दंसणातिक्कमस्स चरित्तातिक्कमस्स १५, एवं  
 वडक्कमाणऽवि १६, अतिचाराणं १७, अणायाराणं १८ । १९५ । तिविधे पायच्छित्ते पंतं० - आलोयणारिहे पडिक्कमणारिहे  
 तदुभयारिहे १९ । १९६ । जंबुद्दीवे २ मंदरस्स पव्वयस्स दाहिणेणं ततो अकम्मभूमिओ पंतं० - हेमवते हरिवासे देवकुरा, जंबुद्दीवे २  
 मंदरस्स पव्वयस्स उत्तरेणं तओ अकम्मभूमीओ पंतं० - उत्तरकुरा रम्मगवासे एरण्णवए, जंबूमंदरस्स दाहिणेणं ततो वासा पंतं० -  
 भरहे हेमवए हरिवासे, जंबूमंदरस्स उत्तरेणं ततो वासा पंतं० - रम्मगवासे हेरन्नवते एरवए, जंबूमंदरदाहिणेणं ततो वासहरपव्वता  
 पंतं० - चुल्लहिमवंते महाहिमवंते णिसडे, जंबूमंदरउत्तरेणं तओ वासहरपव्वता पंतं० - णीलवंते रुप्पी सिहरी, जंबूमंदरदाहिणेणं  
 तओ महादहा पंतं० - पउमदहे महापउमदहे तिगिंछदहे, तत्थ णं ततो देवताओ महिडिढयांतो जाव पलिओवमदिठतीताओ परिवसंति,  
 तं० - सिरी हिरी धिती, एवं उत्तरेणवि, णवरं केसरिदहे महापोंडरीयदहे पोंडरीयदहे, देवतातो किन्ती बुद्धी लच्छी, जंबूमंदरदाहिणेणं

चुल्लहिमवंतातो वासधरपव्वतातो पउमदहाओ महादहातो ततो महाणतीओ पवहंति, तं०- गंगा सिंधू रोहितंसा, जंबूमंदरउत्तरेणं  
 सिहरीओ वासधरपव्वतातो पोंडरीयदहाओ महादहाओ तओ महानदीओ पवहंति, तं०- सुवन्नकूला रत्ता रत्तवती, जंबूमंदरपुरच्छिमेणं  
 सीताए महाणतीते उत्तरेणं ततो अंतरणतीतो पंतं०- गाहावती दहवती पंकवती, जंबूमंदरपुरच्छिमेणं सीताते महाणतीते दाहिणेणं  
 ततो अंतरणतीतो पंतं० -तत्तज्जला मत्तजला उम्भत्तजला, जंबूमंदरपच्चत्थिमेणं सीओदाते महाणईए दाहिणेणं ततो अंतरणतीतो  
 पंतं० - खी ( प्र० खा ) रोदा सीतसोता अंतोवाहिणी, जंबूमंदरपच्चत्थिमेणं सीतोदाए महाणदीए उत्तरेणं तओ अंतरणदीतो पंतं०-  
 उम्भिमालिणी फेणमालिणी गंभीरमालिनी एवं ध्यायइसंडे दीवे पुरच्छिमद्धेवि अकम्भभूमीतो आढवेत्ता जाव अंतरनदीओत्ति णिरवसेसं  
 भाणियव्वं, जाव पुक्खरवरदीवइढपच्चत्थिमइढे तहेव निरवसेसं भाणियव्वं । ११७ । तिहिं ठाणेहिं देसे पुढवीए चलेज्जा, तं० - अथे  
 णमिमीसे रयणप्पभाते पुढवीते उराला पोग्गला णिवतेज्जा, तते णं ते उराला पोग्गला णिवतमाण्णा देसं पुढवीए चलेज्जा १ महोरते वा  
 महिइढीए जाव महेसक्खे इमीसे रयणप्पभाते पुढवीते अहे उम्भज्जणिमज्जियं करमाणे देसं पुढवीते चलेज्जा २ णागसुवन्ना ( देवासुरा ) ण  
 वा संगामंसि वट्टमाणंसि देसं पुढवीते चलेज्जा ३, इच्चेतेहिं तिहिं., तिहिं ठाणेहिं केवलकप्पा पुढवी चलेज्जा, तं०- अथे णं इमीसे  
 रतणप्पभाते पुढवीते घणवाते गुप्पेज्जा, तए णं से घणवाते गुविते समाणे घणोदहिमेएज्जा, तए णं से घणोदही एइए समाणे केवलकप्पं  
 पुढविं चालेज्जा, देवे वा महिइढते जाव महेसक्खे तहारुवस्स समणस्स वा माहणस्स वा इडिढं जुतिं जसं बलं वीरितं पुरिसक्कारपरक्कमं

उवदंसेमाणे केवलकप्पं पुढविं चालिजा, देवासुरसंगामंसि वा वट्टमाणंसि केवलकप्पा पुढवी चलेजा, इच्चेतेहिं तिहिं० । १९८ ।  
 तिविधा देवकिब्बिसिया पंतं०- तिपलिओवमदिठतीता १ तिसागरोवमदिठतीता २ तेरससागरोवमदिठतीया ३, कहिं णं भंते !  
 तिपलितोवमदिठतीता देवकिब्बिसिया परिवसंति ? उप्पिं जोइसियाणं हिदिठं सोहम्मीसाणेसु कप्पेसु एत्थ णं तिपलिओवमदिठतीया  
 देवा किब्बिसिया परिवसंति १ कहिं णं भंते ! तिसागरोवमदिठतीता देवा किब्बिसिया परिवसंति ?, उप्पिं सोहंमीसाणाणं कप्पाणं  
 हेदिठं सणंकुमारमाहिंदे कप्पे एत्थ णं तिसागरोवमदिठतीया देवकिब्बिसिया परिवसंति २ कहिं णं भंते ! तेरससागरोवमदिठतीया  
 देवकिब्बिसिया परिवसंति ?, उप्पिं बंभलोमस्स कप्पस्स हिदिठं लंतगे कप्पे एत्थ णं तेरससागरोवमदिठतीता देवकिब्बिसिया परिवसंति  
 ३ । १९९ । सक्कस्स णं देविंदस्स देवरण्णो बाहिरपरिसाते देवाणं तिन्नि पलिओवमाइं ठिई पन्नत्ता, सक्कस्स णं देविंदस्स देवरन्तो  
 अब्भिंतरपरिसाते देवीणं तिन्नि पलिओवमाइं ठित्ती पंतं०, ईस्साणस्स णं देविंदस्स देवरन्तो बाहिरपरिसाते देवीणं तिन्नि पलिओवमाइं  
 ठित्ती पंतं० । २०० । तिविहे पायच्छित्ते पंतं० - णाणपायच्छित्ते दंसणपायच्छित्ते चरित्तपायच्छित्ते, ततो अणुग्धातिमा पंतं०- हत्थकम्मं  
 करेमाणे मेहुणं ( प्र०परि ) सेवेमाणे राईभोयणं ( प्र०परि ) भुंजमाणे, तओ पारंचिता पंतं०- दुट्ठपारंचिते पमत्तपारंचिते अन्नमन्नं  
 करेमाणे पारंचिते, ततो अणवट्ठप्पा पंतं० - साहंमियाणं तेणं करेमाणे, अन्नधम्मियाणं तेणं करेमाणे, हत्थातालं दलयमाणे  
 ( अत्थायाणं दलयमाणो पा० ) । २०१ । ततो णो कप्पंति पव्वावेत्तए, तंतं०- पंडए वातिते ( वाहिये पा० ) कीवे १, एवं मुंडावित्तए २,

सिक्खावित्तए ३, उवट्ठावित्तए ४, संभुजित्तते ५, संवासित्तते ६ । २०२ । ततो अवायणिज्जा पंतं० - अविणीए विगतीपडिबद्धे  
 अविओसितपाहुडे, तओ कप्पंति वातित्तते, तं० - विणीए अविगतीपडिबद्धे विउसियपाहुडे । तओ दुसन्नप्पा पंतं० - दुट्ठे मूढे  
 वुग्गाहिते, तओ सुसन्नप्पा पंतं० - अदुट्ठे अमूढे अवुग्गाहिते । २०३ । ततो मंडलिया पव्वता पंतं० - माणुसुत्तरे कुंडलवरे रुअगवरे  
 । २०४ । ततो महतिमहालया पंतं० - जंबुद्वीवे मंदरे मंदरेसु संयभुरमणे समुद्धे समुद्धेसु बंभलोए कप्पे कप्पेसु । २०५ । तिविधा  
 कप्पठिती पंतं० - सामाइयकप्पठिती १ छेदोवट्ठावणियकप्पठिठती २ निव्विसमाणकप्पठिठती ३, अहवा तिविहा कप्पठिठती  
 पंतं० - णिव्विट्ठकप्पठिठती १ जिणकप्पठिती २ थेरकप्पठिती ३ । २०६ । नेरइयाणं ततो सरीरगा पंतं० - वेउव्विते तेयए कम्मए,  
 असुरकुमाराणं ततो सरीरगा पंतं० - एवं चेव, एवं सब्बेसिं देवाणं, पुढवीकाइयाणं ततो सरीरगा पंतं० - ओरालिते तेयए कम्मते,  
 एवं वाउकाइयवज्जाणं जाव चउरिंदियाणं । २०७ । गुरुं पडुच्च ततो पडिणीता पंतं० - आयरियपडिणीते उवज्झायपडिणीते  
 थेरपडिणीते १ गतिं पडुच्च ततो पडिणीया पंतं० - इहलोगपडिणीए परलोगपडिणीए दुहओ ( प्रउभओ ) लोगपडिणीए २ समूहं  
 पडुच्च ततो पडिणीता पंतं० - कुलपडिणीए गणपडिणीए संघपडिणीते ३ अणुकंपं पडुच्च ततो पडिणीया पंतं० - तवस्सिपडिणीए  
 गिलाणपडिणीए सेहपडिणीए ४ भावं पडुच्च ततो पडिणीता पंतं० - णाणपडिणीए दंसणपडिणीए चरित्तपडिणीए ५, सुयं पडुच्च  
 ततो पडिणीता पंतं० - सुत्तपडिणीते अत्थपडिणीते तदुभयपडिणीए ६ । २०८ । ततो पितियंगा पंतं० - अट्ठी अट्ठिभिंजा

केसमंसुरोमनहे ( प्र० नहरोमे ) । तओ माउयंगा पं०तं० - मंसे सोणिते मत्थुलिंगे । २०९ । तिहिं ठाणेहिं समणे णिगंग्थे महानिज्जरे महापज्जवसाणे भवति, तं० कया णं अहं अप्पं वा बहुयं वा सुयं अहिज्जिस्सामि ? कया णमहमेकल्लविहारपडिमं उवसंपज्जित्ताणं विहरिस्सामि ? कया णमहमपच्छिममारणंतितसंलेहणाझूसणाझूसिते भत्तपाणपडियाइक्खिते पाओवगते कालं अणवकंखमाणे विहरिस्सामि ?, एवं समणसा सवयसा सकायसा पागडेमाणे ( पहरेमाणे पा० ) स० निगंग्थे महानिज्जरे महापज्जवसाणे भवति, तिहिं ठाणेहिं समणोवासते महानिज्जरे महापज्जवसाणे भवति, तं०- कया णमहमप्पं वा बहुयं वा परिगहं परिचइस्सामि ? १ कया णं अहं मुंडे भवित्ता आगारातो अणगारितं पव्वइस्सामि ? २ कया णं अहं अपच्छिममारणंतियसंलेहणाझूसणाझूसिते भत्तपाणपडियातिक्खिते पाओवगते कालं अणवकंखमाणे विहरिस्सामि ? ३, एवं समणसा सवयसा सकायसा पागडेमाणे ( जागरमाणे ) समणोवासते महानिज्जरे महापज्जवसाणे भवति । २१० । तिविहे पोग्गलपडिघाते पं०तं० - परमाणुपोग्गले परमाणुपोग्गलं पप्प पडिहनिज्जा लुक्खत्ताते वा पडिहणिज्जा लोगंते वा पडिहनिज्जा । २११ । तिविहे चक्खू पं०तं० - एगचक्खू बिचक्खू तिचक्खू, छउमत्थे णं मणुस्से एगचक्खू देवे विचक्खू तहारूवे समणे वा माहणे वा उप्पन्ननाणदंसणथरे से णं तिचक्खुत्ति वत्तव्वं सिता । २१२ । तिविधे अभिसमागमे पं०तं० - उड्ढं अहं तिरियं, जया णं तहारूवस्स समणस्स वा माहणस्स वा अतिसेसे नाणदंसणे समुप्पज्जति से णं तप्पढमताते उड्ढमभिसमेति ततो तिरितं ततो पच्छा अहे, अहोलोगे णं दुरभिगमे पन्नत्ते समणाउसो ! । २१३ । तिविधा इड्ढी पं०तं०- देविड्ढी

राइइढी गणिइढी १ देविइढी तिविहा पं०तं० - विभाणिइढी विगुव्वणिइढी परियारणिइढी २ अहवा देविइढी तिविहा पं०तं० - सचित्ता अचित्ता मीसिता ३ राइइढी तिविधा पं०तं० - रन्नो अतियाणिइढी रन्नो निज्जाणिइढी रण्णो बलवाहणकोसकोदटागारिइढी ४ अहवा रातिइढी तिविहा पं०तं० - सचित्ता अचित्ता मीसिता ५ गणिइढी तिविहा पं०तं० - णाणिइढी दंसणिइढी चरित्तिइढी ६ अहवा गणिइढी तिविहा पं०तं० - सचित्ता अचित्ता मीसिया ७ । २१४ । ततो गारवा पं०तं० इइढीगारवे रसगारवे सातागारवे । २१५ । तिविधे करणे पं०तं० - धम्मिने करणे अधम्मिए करणे धम्मिताधम्मिए करणे । २१६ । तिविहे भगवता धम्मे पं०तं० - सुअधिज्झिते सुज्झातिते सुतवस्सिते, जया सुअधिज्झितं भवति तदा सुज्झातिथं भवति, जया सुज्झातितं भवति तया सुतवस्सिथं भवति, से सुअधिज्झिते सुज्झातिते सुतवस्सिते सुतक्खाते णं भगवता धम्मे पण्णत्ते । २१७ । तिविधा वावत्ती पं०तं० - जाणू अजाणू वित्तिगिच्छा, एवमज्झोववज्जणा परियावज्जणा । २१८ । तिविधे अंते पं०तं० - लोगंते वेयंते समयंते । २१९ । ततो जिणा पं०तं० - ओहिणाणजिणे मणपज्जवणाणजिणे केवलणाणजिणे १, ततो केवली पं०तं० - ओहनाणकेवली मणपज्जवणाणकेवली केवलनाणकेवली २, तओ अरहा पं०तं० - ओहिनाणअरहा मणपज्जवणाणअरहा केवलनाणअरहा ३ । २२० । ततो लेसाओ दुब्भिगंधाओ पं०तं० - कणहलेसाणीललेसा काउलेसा १, तओ लेसाओ सुब्भिगंधातो पं०तं० - तेऊ० पम्ह० सुक्कलेसा २ एवं दोग्गतिगामिणीओ ३ सोगतिगामिणीओ ४ संकिलिट्ठाओ ५ असंकिलिट्ठाओ ६ अमणुन्नाओ ७ मणुन्नाओ ८ अविमुद्धाओ ९ विमुद्धाओ १० अप्पसत्थाओ ११ पसत्थाओ

१२ सीतलुक्खाओ १३ णिदधुण्हाओ १४ । २२१ । तिविहे मरणे पंतं - बालमरणे पंडियमरणे बालपंडियमरणे, बालमरणे तिविहे पंतं - ठितलेसे संकिलिट्ठलेसे पज्जवजातलेसे, पंडियमरणे तिविहे पंतं - ठितलेसे असंकिलिट्ठलेसे पज्जवजातलेसे ३, बालपंडितमरणे तिविधे पंतं ठितलेसे असंकिलिट्ठलेसे अपज्जवजातलेसे ४ । २२२ । ततो ठाणा अव्ववसितस्स अहिताते असुभाते अखमाते अणस्सेसाते अणाणुगामियत्ताते भवन्ति, तं - से णं मुंडे भवित्ता अगारातो अणगारियं पव्वतिते णिग्गंथे पावयणे संकिते कंखिते वित्तिगिच्छिते भेदसमावन्ने कलुससमावन्ने निग्गंथं पावयणं णो सद्वहति णो पत्तियति णो रोअति तं परिस्सहा अभिजुंजिय २ अभिभवन्ति, णो से परिस्सहे अभिजुंजिय २ अभिभवइ १, से णं मुंडे भवित्ता अगारातो अणगारितं पव्वतिते पंचहिं महव्वएहिं संकिते जाव कलुससमावन्ने पंच महव्वताइं नो सद्वहति जाव णो से परिस्सहे अभिजुंजिय २ अभिभवति, से णं मुंडे भवित्ता अगारातो अणगारियं पव्वतिते छहिं जीवनिकाएहिं जाव अभिभवइ ३, ततो ठाणा ववसियस्स हिताते जाव आणुगामित्ताते भवन्ति, तं - से णं मुंडे भवित्ता अगारातो अणगारियं पव्वतिते णिग्गंथे पावयणे णिस्संकिते णिक्कंखिते जाव नो कलुससमावन्ने णिग्गंथं पावयणं सद्वहति पत्तियति रोतेति से परिस्सहे अभिजुंजिय २ अभिभवति, नो तं परिस्सहा अभिजुंजिय २ अभिभवन्ति १ से णं मुंडे भवित्ता अगारातो अणगारियं पव्वतिते समाणे पंचहिं महव्वएहिं णिस्संकिए णिक्कंखिए जाव परिस्सहे अभिजुंजिय २ अभिभवइ, नो तं परिस्सहा अभिजुंजिय २ अभिभवन्ति २ से णं मुंडे भवित्ता अगाराओ अणगारियं पव्वइए छहिं जीवनिकाएहिं णिस्संकिते जाव

परिस्सहे अभिजुंजिय २ अभिभवति, नो तं परिस्सहा अभिजुंजिअ २ अभिभवन्ति ३ । २२३ । एगमेगा णं पुढवी तिहिं वलएहिं सव्वओ  
समंता संपरिक्खत्ता, तं०- घणोदधिवलएणं घणवातवलएणं तणुवायवलतेणं । २२४ । णेरइया णं उक्कोसेणं तिसमतितेणं विग्गहेणं  
उव्वज्जंति, एगिंदियवज्जं जाव वेमाणियाणं । २२५ । खीणमोहस्स णं अरहओ ततो कम्मंसा जुगवं खिज्जंति तं० नाणावरणिज्जं  
दंसणावरणिज्जं अंतरातियं । २२६ । अभितीणक्खत्ते तितारे पं० १ एवं सवणो २ अस्सिणी ३ भरणी ४ मगसिरे ५ पूसे ६ जेट्ठा ७  
। २२७ । धम्मातो णं अरहाओ संती अरहा तिहिं सागरोवमेहिं तिचउब्भागपलिओवमऊणाएहिं वीतिक्कंतेहिं समुप्पन्ने । २२८ ।  
समणस्स णं भगवओ महावीरस्स जाव तच्चाओ पुरिसजुगाओ जुगंतकरभूमी, मल्ली णं अरहा तिहिं पुरिससएहिं सद्धिं मुंडे भवित्ता  
जाव पव्वतिते, एवं पासेऽवि । २२९ । समणस्स णं भगवतो महावीरस्स तिन्नि सया चउदसपुव्वीणं अजिणाणं जिणसंकासाणं  
सव्वक्खरसन्निवातीणं जिण इव अवितहवागरमाणाणं उक्कोसिया चउदसपुव्विसंपया हुत्था । २३० । तओ तित्थयरा चक्कवट्ठी  
होत्था तं० -संती कुंथू अरो । २३१ । ततो गेविज्जविमाणपत्थडा पन्नत्ता तं०- हिदिठमगेविज्जविमाणपत्थडे मज्झिमगेविज्जविमाणपत्थडे  
उवरिमगेविज्जविमाणपत्थडे, हिदिठमगेविज्जविमाणपत्थडे तिविहे पं०तं० - हेदिठम २ गेविज्जविमाणपत्थडे  
हेदिठममज्झिमगेविज्जविमाणपत्थडे हेदिठमउवरिमगेविज्जविमाणपत्थडे, मज्झिमगेविज्जविमाणपत्थडे तिविहे पं०तं० -मज्झिम-  
हदिठमगेविज्जविमाणपत्थडे मज्झिम २ गेविज्ज० मज्झिमउवरिमगेविज्ज, उवरिमगेविज्जविमाणपत्थडे तिविहे पं०तं०-

उवरिमहेदिठमगेविज्ज० उवरिममज्झिमगेविज्ज० उवरिम २ गेविज्जविमाणपत्थडे । २३२ । जीवाणं तिदठाणणिव्वत्तिते पोग्गले पावकम्मत्ताते चिणिंसु वा चिणिंति वा चिणिस्संति वा, तं० - इत्थिणिव्वत्तिते पुरिसनिव्वत्तिए णपुंसगनिव्वत्तिते, एवं चिणउवचिणबंधउदीरवेद तह णिज्जरा चेव । २३३ । तिपतेसिता खंधा अणंता पण्णत्ता, एवं जाव तिगुणलुक्खा पोग्गला अणंता पन्नता । २३४ । ३० ४ त्रिस्थानकाध्ययनम् ३ ॥

चत्तारि अंतकिरियातो पं०तं० -तत्थ खलु पढमा इमा अंतकिरिया अप्पकम्मपच्चायाते यावि भवति, से णं मुंडे भवित्ता अगारातो अणगारियं पव्वत्तिते संजमबहुले संवरबहुले समाहिबहुले लूहे तीरदठी उवहाणवं दुक्खक्खवे तवस्सी तस्स णं णो तहप्पगारे तवे भवति णो तहप्पगारा वेयणा भवति तहप्पगारे पुरिसज्जाते दीहेणं परितातेणं सिज्झति बुज्झति मुच्चति परिणिव्वाति सव्वदुक्खाणमंतं करेइ, जहा से भरहे राया चाउरंतचक्कवदटी, पढमा अंतकिरिया १ अहावरा दोच्चा अंतकिरिया-महाकम्मे पच्चाजाते यावि भवति, से णं मुंडे भवित्ता अगाराओ अणगारियं पव्वत्तिते संजमबहुले संवरबहुले जाव उवहाणवं दुक्खक्खवे तवस्सी तस्स णं तहप्पगारे तवे भवति तहप्पगारा वेयणा भवति तहप्पगारे पुरिसजाते निरुद्धेणं परितातेणं सिज्झति जाव अंतं जहा से गतसूमाले अणगारे, दोच्चा अंतकिरिया २ अहावरा तच्चा अंतकिरियामहाकम्मे पच्चायाते यावि भवति, से णं मुंडे भवित्ता अगारातो अणगारियं पव्वत्तिते, जहा दोच्चा नवरं दीहेणं परितातेण सिज्झति जाव सव्वदुक्खाणमंतं करेति, जहा से सणंकुमारे राया चाउरंतचक्कवदटी, तच्चा अंतकिरिया

३ अहावरा चउत्था अंतकिरिया अप्पकम्मे पच्चायाते यावि भवति, से णं मुंडे भवित्ता जाव पव्वतिते संजमबहुले जाव तस्स णं णो तहप्पगारे तवे भवति णो तहप्पगारा वेयणा भवति तहप्पगारे पुरिसजाए णिरुद्धेणं परितातेण सिज्झति जाव सव्वदुक्खाणमंतं करेति, जहा सा मरुदेवा भगवती, चउत्था अंतकिरिया ४ । २३५ । चत्तारि रुक्खा पंतं - उन्नए नामेगे उन्नए १ उन्नते नाममेगे पणते २ पणते नाममेगे उन्नते ३ पणते नाममेगे पणते ४, १ एवामेव चत्तारि पुरिसजाता पंतं उन्नते नामेगे उन्नते, तहेव जाव पणते नामेगे पणते २, चत्तारि रुक्खा पंतं - उन्नते नाममेगे उन्नतपरिणए १ उण्णए नाममेगे पणतपरिणते २ पणते णाममेगे उन्नतपरिणते ३ पणए नाममेगे पणयपरिणए ४, ३ एवामेव चत्तारि पुरिसजाया पंतं - उन्नते नाममेगे उन्नयपरिणते चउभंगो ( प्र० चत्तारि भंगा ) ४, ४ चत्तारि रुक्खा पंतं - उन्नते नामेगे उन्नतरूवे तहेव चेउभंगो ४, ५ एवामेव चत्तारि पुरिसजाया पंतं - उन्नए नाम० ४, ६, चत्तारि पुरिसजाया पंतं - उन्नते नाममेगे उन्नतमणे उन्न० ४, ७ एवं संकप्पे ८ पन्ने ९ दिट्ठी १० सीलायारे ( सीले आयारे पा० ) ११ ववहारे १२ परक्कमे १३ एगे पुरिसजाए पडिवक्खो नत्थि, चत्तारि रुक्खा पंतं - उज्जू, नाममेगे उज्जू, उज्जू नाममेगे वंके, चउभंगो ४, एवामेव चत्तारि पुरिसजाता पंतं - उज्जू नाममेगे ४, एवं जहा उन्नतपणतेहिं गमो तहा उज्जुवंकेहिवि भाणियव्वो, जाव परक्कमे २६ । २३६ । पडिमापडिवन्नस्स णमणगारस्स कप्पंति चत्तारि भासातो भासित्तए, तंतं - जायणी पुच्छणी अणुन्नवणी पुट्ठस्स वागरणी । २३७ । चत्तारि भासाजाता पंतं - सज्जमेगं भासजायं बीयं मोसं तईयं सच्चमोसं चउत्थं असच्चमोसं ४ । २३८ । चत्तारि

वत्था पं०तं० - सुद्धे णामं एगे सुद्धे १ सुद्धे णामं एगे असुद्धे २ असुद्धे णामं एगे सुद्धे ३ असुद्धे णामं एगे असुद्धे ४, एवामेव चत्तारि  
 पुरिसजाता पं०तं० - सुद्धे णामं एगे सुद्धे चउभंगो ४, एवं परिणतरूवे वत्था सपडिवक्खा, चत्तारि पुरिसजाता पं०तं० - सुद्धे णामं  
 एगे सुद्धमणे चउभंगो ४, एवं संकप्पे जाव परक्कमे । २३९ । चत्तारि सुता पं० तं० - अतिजाते अणुजाते अवजाते कुलिंगाले । २४० ।  
 चत्तारि पुरिसजाता पं०तं० - सच्चे नामं एगे सच्चे, सच्चे नामं एगे असच्चे ४, एवं परिणते जाव परक्कमे, चत्तारि वत्था पं०तं० - सुती  
 नामं एगे सुती, सुई नामं एगे असुई, चउभंगो ४, एवामेव चत्तारि पुरिसजाता पं०तं० - सुती णामं एगे सुती चउभंगो, एवं जहेव सुइणा  
 वत्थेणं भणितं तहेव सुद्धेणावि जाव परक्कमे । २४१ । चत्तारि कोरवा पं० तं० - अंबपलंबकोरवे तालपलंबकोरवे वल्लिपलंबकोरवे  
 मेंढविसाणकोरवे, एवामेव चत्तारि पुरिसजाता पं० तं० - अंबपलंबकोरवसमाणे तालपलंबकोरवसमाणे वल्लिपलंबकोरवसमाणे  
 मेंढविसाणकोरवसमाणे । २४२ । चत्तारि धुणा पं०तं० - तयक्खाते छल्लिक्खाते कट्ठक्खाते सारक्खाते, एवामेव चत्तारि भिक्खागा  
 पं०तं० - तयक्खायसमाणे जाव सारक्खायसमाणे, तयक्खातसमाणस्स णं भिक्खागस्स सारक्खातसमाणे तवे पण्णत्ते, सारक्खाय-  
 समाणस्स णं भिक्खागस्स तयक्खातसमाणे तवे पण्णत्ते, छल्लिक्खायसमाणस्स णं भिक्खागस्स कट्ठक्खायसमाणे तवे पण्णत्ते,  
 कट्ठक्खायसमाणस्स णं भिक्खागस्स छल्लिक्खायसमाणे तवे पण्णत्ते । २४३ । चउव्विहा तणवणस्सतिकतिता पं० तं० - अग्गबीया  
 मूलबीया पोरबीया खंधबीया । २४४ । चउहिं ठाणेहिं अहुणोववण्णे णेरइए णेरइयलोगंसि इच्छेज्जा माणुसं लोगं हव्वभागच्छित्ते १,

णो चेव णं संचातेइ हव्वमागच्छित्तते, अहुणोववण्णे नेरइए णिरयलोगंसि समुब्भूयं ( सम्मुहभूयं समहब्भूयं पा० ) वेयणं वेयमाणे इच्छेज्जा माणुसं लोगं हव्वमागच्छित्तते णो चेव णं संचातेति हव्वमागच्छित्तते, अहुणोववन्ने णेरइए निरतलोगंसि णिरयपालेहिं भुज्जो २ अहिट्टिज्जमाणे इच्छेज्जा माणुसं लोगं हव्वमागच्छित्तते, णो चेव णं संचातेति हव्वमागच्छित्तते २, अहुणोववन्ने णेरइए णिरतवेयणिज्जंसि कम्मंसि अक्खीणंसि अवेतितंसि अणिज्जिन्नंसि इच्छेज्जा० नो चेव णं संचाएइ ३, एवं णिरयाउअंसि कम्मंसि अक्खीणंसि? जाव नो चेव णं संचातेति हव्वमागच्छित्तते ४, इच्चेतेहिं चउहिं ठाणेहिं अहुणोववन्ने नेरतिते जाव नो चेव णं संचातेति हव्वमागच्छित्तए । २४५ । कप्पंति णिग्गंथीणं चत्तारि संघाडीओ धारित्तए वा परिहरित्तते वा, तं० -एगं दुहत्थवित्थारं दो तिहत्थवित्थारा एगं चउहत्थवित्थारं । २४६ । चत्तारि झाणा पं० तं० -अट्टे झाणे रोद्दे झाणे धम्मे झाणे सुक्के झाणे, अट्टे झाणे चउव्विहे पं०तं० -अम ( सम० पा० ) णुन्नसंपओगसंपउत्ते तस्स विप्पओगसतिसमण्णागते यावि भवति १ मणुन्नसंपओगसंपउत्ते तस्स अविप्पओगसतिसमण्णागते यावि भवति २ आयंकसंपओगसंपउत्ते तस्से विप्पओगसतिसमण्णागए, यावि भवति ३ परिजुसितकामभोगसंपओगसंपउत्ते तस्स अविप्पओगसतिसमण्णागते यावि भवइ ४, अट्टस्स णं झाणस्स चत्तारि लक्खणा पं०तं० - कंदणता सोतणता तिप्पणता परिदेवणता, रोद्दे झाणे चउव्विहे पं०तं० -हिंसाणुबंधि मोसाणुबंधि तेणाणुबंधि सारक्खणाणुबंधि, रुद्दस्स णं झाणस्स चत्तारि लक्खणा पं० तं० - ओसण्णदोसे बहुदोसे अन्नाण ( नाणाविह पा० ) दोसे आमरणंतदोसे, धम्मे झाणे, चउव्विहे चउप्पडोयारे ( यावयारे पा० ) पं०तं० -

आणाविजते अवायविजते विवागविजते संठाणविजते, धम्मस्स णं झाणस्स चत्तारि लक्खणा पंतं -आणारूई निसगारूई सुत्तरूई ओगाढरुती, धम्मस्स णं झाणस्स चत्तारि आलंबणा पंतं -वायणा पुडिपुच्छणा परियट्टणा अणुप्पेहा, धम्मस्स णं झाणस्स चत्तारि अणुप्पेहाओ पंतं -एगाणुप्पेहा अणिच्चाणुप्पेहा असरणाणुप्पेहा संसाराणुप्पेहा, सुक्के झाणे चउव्विहे चउप्पडोआरे पंतं -पुहुत्तवितक्के सवियारी १ एगत्तवितक्के अवियारी २ सुहुभकिरिते अणियट्टी ३, समुच्छिन्नकिरिए, अप्पडिवाती ४, सुक्कस्स णं झाणस्स चत्तारि लक्खणा पंतं -अव्वहे असम्मोहे विवेगे विउस्सग्गे, सुक्कस्स णं झाणस्स चत्तारि आलंबणा पंतं -खंती मुत्ती मद्दवे अज्जवे, सुक्कस्स णं झाणस्स चत्तारि अणुप्पेहाओ पंतं -अणंतवत्तियाणुप्पेहा विप्परिणामाणुप्पेहा असुभाणुप्पेहा अवायाणुप्पेहा । २४७ । चउव्विहा देवाण ठिती पंतं -देवे णाममेगे १ देवसिणाते नाममेगे २ देवपुरोहिते नाममेगे ३ देवपज्जलणे नाममेगे ४, चउव्विधे संवासे पंतं -देवे णाममेगे देवीए सद्धिं संवासं गच्छेज्जा, देवे णाममेगे छवीए सद्धिं संवासं गच्छेज्जा, छवी णाममेगे देवीए सद्धिं संवासं गच्छेज्जा, छवी णाममेगे छवीते सद्धिं संवासे गच्छेज्जा । २४८ । चत्तारि कसाया पंतं - कोहकसाए माणकसाए मायाकसाए लोभकसाए, एवं णेरइयाणं जाव वेमाणियाणं २४, चउपत्तिट्ठिते कोहे पंतं - आतपइट्ठिते परपत्तिट्ठिते तदुभयपइट्ठिते अपत्तिट्ठिते, एवं णेरइयाणं जाव वेमाणियाणं २४, एवं जाव लोभे, वेमाणियाणं २४, चउहिं ठाणेहिं कोधुप्पत्ती सिता, तं -खेत्तं पडुच्चा वत्थुं पडुच्चा सरीरं पडुच्चा उवहिं पडुच्चा, एवं णेरइयाणं जाव वेमाणियाणं २४, चउव्विधे कोहे पंतं - अणंताणुबंधिकोहे

अपचक्खाणकोहे पचक्खाणावरणकोहे संजलणकोहे, एवं नेरइयाणं जाव वेमाणियाणं २४, एवं जाव लोभे वेमाणियाणं २४, चउव्विहे कोहे पंतं - आभोगणिव्वत्ति ए अणाभोगणिव्वत्तिते उवसंते अणुवसंते, एवं नेरइयाणं जाव वेमाणियाणं २४, एवं जाव लोभे जाव वेमाणियाणं २४ । २४९ । जीवा णं चउहिं ठाणेहिं अट्ठ कम्मपगडीओ चिणिंसु, तं - कोहेणं माणेणं मायाए लोभेणं, एवं जाव वेमाणियाणं २४, एवं चिणंति एस दंडओ एवं चिणिस्संति एस दंडओ, एवमेतेणं तिन्नि दंडगा, एवं उवचिणिंसु उवचिणंति उवचिणिस्संति बंधिसु ३ उदीरिसु ३ वेदेसु ३ निज्जरेसु निज्जरंति निज्जरिस्संति जाव वेमाणियाणं, एवमेक्केक्के पदे तिन्नि २ दंडगा भाणियव्वा, जाव निज्जरिस्संति । २५० । चत्तारि पडिमाओ पंतं - समाहिपडिमा उवहाणपडिमा विवेगपडिमा विउस्सगपडिमा, चत्तारि पडिमाओ पंतं - भदा सुभदा महाभदा सव्वतोभदा, चत्तारि पडिमातो पंतं - खुडिइया मोयपडिमा महल्लिया मोयपडिमा जवमज्झा वडरमज्झा । २५१ । चत्तारि अत्थिकाया अजीवकाया पंतं - धम्मत्थिकाए अधम्मत्थिकाए आगासत्थिकाए पोग्गलत्थिकाए, चत्तारि अत्थिकाया अरुविकाया पंतं - धम्मत्थिकाए अधम्मत्थिकाए आगासत्थिकाए जीवत्थिकाए । २५२ । चत्तारि फला पंतं - आमे णामं एगे आममहुरे १ आमे णाममेगे पक्कमहुरे २ पक्के णाममेगे आममहुरे ३ पक्के णाममेगे पक्कमहुरे ४, एवामेव चत्तारि पुरिसजाता पंतं - आमे णाममेगे आममहुरफलसमाणे ४ । २५३ । चउव्विहे सच्चे पंतं - काउज्जुयया भासुज्जुयया भावुज्जुयया अविसंवायणाजोगे, चउव्विहे मोसे पंतं - कायअणुज्जुयया भासअणुज्जुयया भावअणुज्जुयया विसंवादणाजोगे, चउव्विहे

पणिहाणे पं०तं० -मणपणिहाणे वइपणिहाणे कायपणिहाणे उवकरणपणिहाणे, एवं णेरइयाणं पंचिंदियाणं जाव वेमाणियाणं २४,  
चउव्विहे सुप्पणिहाणे पं०तं० -मणसुप्पणिहाणे जाव उवगरणसुप्पणिहाणे, एवं संजयमणुस्साणज्जि, चउव्विहे दुप्पणिहाणे पं०तं०-  
मणदुप्पणिहाणे जाव उवकरणदुप्पणिहाणे, एवं पंचिंदियाणं जाव वेमाणियाणं २४ । २५४ । चत्तारि पुरिसजाता पं० तं० - आवातभद्वते  
णाममेगे णो संवासभद्वते १ संवासभद्वए णाममेगे णो आवातभद्वए २ एगे आवातभद्वतेज्जि संवासभद्वतेज्जि ३ एगे णो आवायभद्वते नो  
वा संवासभद्वए ४, १ चत्तारि पुरिसजाया पं०तं० - अप्पणो नाममेगे वज्जं पासति णो परस्स, परस्स णाममेगे वज्जं पासति ४, २,  
चत्तारि पुरिसजाया पं०तं० -अप्पणो णाममेगे वज्जं उदीरइ णो परस्स ४, ३ अप्पणो नाममेगे वज्जं उवसामेति णो परस्स ४, ४ चत्तारि  
परिसजाया पं० तं०- अब्भुट्ठावेति नाममेगे णो अब्भुट्ठावेति, ५, एवं वंदति णाममेगे णो वंदावेइ ६, एवं सक्कारेइ ७ सम्माणेति ८ पूएइ  
९ वाएइ १० पडिपुच्छति ( प्र० पडिच्छइ ) ११ पुच्छइ १२ वागरेति १३, सुत्तधरे णाममेगे णो अत्थधरे अत्थधरे नाममेगे णो सुत्तधरे १४  
। २५५ । चमरस्स णं असुरिंदस्स असुरकुमाररन्नो चत्तारि लोगपागा पं० तं० -सोमे जमे वरुणे वेसमणे, एवं बलिस्सवि सोमे जमे  
वेसमणे वरुणे, धरणस्स कालपाले कोलपाले सेलपाले संखपाले, एवं भूयाणंदस्स चत्तारि कालपाले कोलपाले संखपाले सेलपाले,  
वेणुदेवस्स चित्ते विचित्ते चित्तपक्खे विचित्तपक्खे, वेणुदालिस्स चित्ते विचित्ते विचित्तपक्खे चित्तपक्खे, हरिकंतस्स पभे सुप्पभे  
पभकंते सुप्पभकंते, हरिस्सहस्स पभे सुप्पभे सुप्पभकंते पभकंते, अगिगसिहस्स तेऊ तेउसिहे तेउकंते तेउप्पभे, अगिगमाणवस्स तेऊ

तेउसिहे तेउपभे तेउकंते, पुन्नस्स रूए रूयंसे रूदकंते रूदप्पभे, एवं विसिट्ठस्स रूते रूतंसे रूतप्पभे रूयकंते, जलकंतस्स जले जलरते जलकंते जलप्पभे, जलप्पहस्स जले जलरते जलप्पहे जलकंते, अभितगतस्स तुरियगती खिप्पगती सीहगती सीहविव्कमगती, अभितवाहणस्स तुरियगती खिप्पगती सीहविव्कमगती सीहगती, वेलंबस्स काले महाकाले अंजणे रिट्ठे, पभंजणस्स काले महाकाले रिट्ठे अंजणे, घोसस्स आवत्ते वियावत्ते णंदियावत्ते महाणंदियावत्ते, महाघोसस्स आवत्ते वियावत्ते महाणंदियावत्ते णंदियावत्ते २०, सक्कस्स सोमे जमे वरुणे वेसमणे, ईसाणस्स सोमे जमे वेसमणे वरुणे, एवं एगंतरिता जादच्चुतस्स, चउव्विहा वाउकुमारा० पं० तं० -काले महाकाले वेलंबे पभंजणे । २५६ । चउव्विहा देवा पं०तं० -भवणवासी वाणमंतरा जोइसिया विमाणवासी । २५७ । चउव्विहे पमाणे पं०तं० -दव्वप्पमाणे खेत्तप्पमाणे कालप्पमाणे भावप्पमाणे । २५८ । चत्तारि दिसाकुमारीमहत्तरियाओ पं०तं० -रूया रूयंसा सुरूवा रूयावती, चत्तारि विज्जुकुमारीमहत्तरियाओ पं०तं० -चित्ता चित्तकणगा सतेरा सोतामणी । २५९ । सक्कस्स णं देविंदस्स देवरन्नो मज्झिमपरिसाते देवाणं चत्तारि पलिओवमाइं ठिती पं०, ईसाणस्स देविंदस्स देवरन्नो मज्झिमपरिसाए देवीणं चत्तारि पलिओवमाइं ठिई पं० । २६० । चउव्विहे संसारे पं०तं० -दव्वसंसारे खेत्तसंसारे कालसंसारे भावसंसारे । २६१ । चउविहे दिट्ठिवाए पं०तं० - परिकम्भं सुत्ताइं पुव्वगाए अजुजोगे । २६२ । चउविहे पायच्छित्ते पं०तं० णाणपायच्छित्ते दंसणपायच्छित्ते चरित्तपायच्छित्ते चि ( वि०पा० ) यत्तकिच्चपायच्छित्ते १, चउव्विहे पायच्छित्ते पं०तं० -पसिसेवणापायच्छित्ते संजोयणापायच्छित्ते आरोअणापायच्छित्ते

पलिउंचणापायच्छित्ते २ । २६३ । चउव्विहे काले पं०तं० -पमाणकाले अहाउयनिव्वत्तिकाले मरणकाले अब्बाकाले । २६४ ।  
 चउव्विहे पोग्गलपरिणामे पन्नत्ते तं०-वन्नपरिणामे गंधपरिणामे रसपरिणामे फासपरिणामे । २६५ । भरहेरवएसु णं वासेसु  
 पुरिमपच्छिमवज्जा मज्झिमगा बावीसं अरहंता भगवंतो चाउज्जामं धम्मं पण्णवेति तं० - सव्वातो पाणातिवायाओ वेरमणं एवं मुसावायाओ  
 वेरमणं सव्वातो अदिन्नादाणाओ वेरमणं सव्वाओ बहिद्धादाणाओ वेरमणं, सव्वेसु णं महाविदेहेसु अरहंता भगवंतो चाउज्जामं धम्मं  
 पण्णवयंति, तं०-सव्वातो पाणातिवायाओ वेरमणं जाव सव्वातो बहिद्धादाणाओ वेरमणं । २६६ । चत्तारि दुग्गतीतो पं०तं० -  
 णेरइयदुग्गती तिरिक्खजोणियदुग्गती मणुस्सदुग्गती देवदुग्गई १, चत्तारि सोग्गईओ पं० तं० - सिद्धसोग्गती देवसोग्गती मणुयसोग्गती  
 सुकुलपच्चायाती २, चत्तारि दुग्गता पं०तं० -नेरइयदुग्गया तिरिक्खजोणियदुग्गता मणुयदुग्गता देवदुग्गता ३, चत्तारि सुग्गता पं०  
 तं०- सिद्धसुग्गता जाव सुकुलपच्चायाया ४ । २६७ । पढमसमयजिणस्स णं चत्तारि कम्मंसा खीणा भवंति तं० -णाणावरणिज्जं  
 दंसणावरणिज्जं मोहणिज्जं अंतरातितं १, उपन्ननाणदंसणधरे णं अरहा जिणे केवली चत्तारि कम्मंसे वेदेति तं० -वेदणिज्जं आउयं  
 णामं गोतं २, पढमसमयसिद्धस्स णं चत्तारि कम्मंसा जुगवं खिज्जंति तं० -वेयणिज्जं आउयं णामं गोतं ३ । २६८ । चउहिं ठाणेहिं  
 हासुप्पत्ती सिता तं० -पासित्ता भासेत्ता सुणेत्ता संभरेत्ता । २६९ । चउव्विहे अंतरे पं०तं० -कट्ठंतरे पम्हंतरे लोहंतरे पत्थरंतरे, एवामेव  
 इत्थीए वा पुरिसस्स वा चउव्विहे अंतरे पं०तं० -कट्ठंतरसमाणे पम्हंतरसमाणे लोहंतरसमाणे पत्थरंतरसमाणे । २७० । चत्तारि भयगा

पं०तं० - दिवसभयते जत्ताभयते उच्चत्तभयते कब्बालभयते । २७१ । चत्तारि पुरिसजाता पं०तं० - संपागडपडिसेवी णामेगे णो पच्छन्नपडिसेवी पच्छन्नपडिसेवी णामेगे णो संपागडपडिसेवी एगे संपागडपडिसेवीवि पच्छन्नपडिसेवीवि एगे नो संपागडपडिसेवी णो पच्छन्नपडिसेवी । २७२ । चमरस्स णं असुरिंदस्स असुरकुमाररन्नो सोमस्स महारन्नो चत्तारि अग्गमहिसीओ पं०तं० - कणगा कणगलता चित्तगुत्ता वसुंधरा, एवं जमस्स वरुणस्स वेसमणस्स, बलिस्स णं वतिरोयणिंदस्स वतिरोयणरन्नो सोमस्स महारन्नो चत्तारि अग्गमहिसीओ पं०तं० - भित्तगा सुभदा विज्जुता असणी, एवं जमस्स वेसमणस्स वरुणस्स, धरणस्स णं नागकुमारिंदस्स णागकुमाररन्नो कालवालस्स महारन्नो चत्तारि अग्गमहिसीओ पं०तं० - असोगा विमला सुप्पभा सुदंसणा, एवं जाव संखवालस्स, भूताणंदस्स णं णागकुमारिंदस्स णागकुमाररन्नो कालवालस्स महारन्नो चत्तारि अग्ग० पं०तं० - सुणंदा सुभदा सुजाता सुमणा, एवं जाव सेलवालस्स, जहा धरणस्स एवं सव्वेसिं दाहिणिंदलोगपालाणं जाव घोसस्स, जहा भूताणंदस्स एवं जाव महाघोसस्स लोगपालाणं, कालस्स णं पिसाडंदस्स पिसायरन्नो चत्तारि अग्गमहिसीओ पं०तं० - कमला कमलप्पभा उप्पला सुदंसणा, एवं महाकालस्सवि, सुरूवस्स णं भूतिंदस्स भूतरन्नो चत्तारि अग्गमहिसीओ पं०तं० - रुववती बहुरूवा सुरूवा सुभगा, एवं पडिरूवस्सवि, पुण्णभदस्स णं जक्खिंदस्स जक्खरन्नो चत्तारि अग्गमहिसीओ पं०तं० - पुत्ता बहुपुत्तिता उत्तमा तारगा, एवं माणिभदस्सवि, भीमस्स णं रक्खसिंदस्स रक्खसरन्नो चत्तारि अग्गमहिसीओ पं०तं० - पउमा वसुमती कणगा रतणप्पभा, एवं महाभीमस्सवि, किंनरस्स णं किन्नरिंदस्स०

चत्तारि अगग० प०त० - वडेंसा केतुमती रतिसेणा रतिप्पभा, एवं किंपुरिसस्सवि, सप्पुरिसस्स णं किंपुरिसिंदस्स० चत्तारि अगगमहिंसीओ प०त० - रोहिणी णवमिता हिरी पुप्फवती, एवं महापुरिसस्सवि, अतिकायस्स णं महोरगिंदस्स० चत्तारि अगगमहिंसीओ प०त० - भुयगा भुयगवती महाकच्छा फुडा, एवं महाकायस्सवि, गीतरतिस्स णं गंधव्विंदस्स० चत्तारि अगग० प०त० - सुधोसा विमला सुस्सरा सरस्वती, एवं गीयजसस्सवि, चंदस्स णं जोतिसिंदस्स जोतिसरन्नो चत्तारि अगगमहिंसीओ प०त० - चंदप्पभा दोसिणाभा अच्चिमाली पभंकरा, एवं सूरस्सवि, णवरं सूरप्पभा दोसिणाभा अच्चिमाली पभंकरा, इंगालस्स णं महागहस्स चत्तारि अगगमहिंसीओ प०त० - विजया वेजयंती जयंती अपराजिया, एवं सव्वेसिं महग्गहाणं जाव भावकेउस्स, सक्कस्स णं देविंदस्स देवरन्नो सोमस्स महारन्नो चत्तारि अगग० प०त० - रोहिणी मयणा चित्ता सोभा, एवं जाव वेसमणस्स, ईसाणस्स णं देविंदस्स देवरन्नो सोमस्स महारन्नो चत्तारि अगग० प०त० - पुढवी राती रयणा विज्जू, एवं जाव वरुणस्स । २७३ । चत्तारि गोरसविगतीओ प०त० - खीरं दहिं सप्पिं णवणीतं, चत्तारि सिणेहविगतीओ प०त० - तेल्लं घयं वसा णवणीतं, चत्तारि महाविगतीओ प०त० - महं मंसं मज्जं णवणीतं । २७४ । चत्तारि कूडागारा प०त० - गुत्ते णामं एगे गुत्ते गुत्ते णामं एगे अगुत्ते अगुत्ते णामं एगे गुत्ते अगुत्ते णामं एगे अगुत्ते, एवामेव चत्तारि पुरिसजाता प०त० - गुत्ते णाममेगे गुत्ते ४, चत्तारि कूडागारसालाओ प०त० - गुत्ता णाममेगा गुत्तदुवारा गुत्ता णाममेगा अगुत्तदुवारा अगुत्ता णाममेगा गुत्तदुवारा अगुत्ता णाममेगा अगुत्तदुवारा, एवामेव चत्तारिस्थीओ प०त० - गुत्ता नाममेगा गुत्तिंदिता गुत्ता णाममेगा अगुत्तिंदिता

४ । २७५ । चउविहा ओगाहणा पंतं० - दव्वोगाहणा खेतोगाहणा कालोगाहणा भावोगाहणा । २७६ । चत्तारि पन्नतीओ अंगवाहिरियातो पंतं० - चंदपन्नती सूरपन्नती जंबुद्दीवपन्नती दीवसागरपन्नती । २७७ । अ० ४३० १ ॥ चत्तारि पडिसंलीणा पंतं० - कोहपडिसंलीणे माणपडिसंलीणे मायापडिसंलीणे लोभपडिसंलीणे १, चत्तारि अपडिसंलीणा पंतं० - कोहअपडिसंलीणे जाव लोभअपडिसंलीणे २, चत्तारि पडिसंलीणा पंतं० - मणपडिसंलीणे वतिपडिसंलीणे कायपडिसंलीणे इंदियपडिसंलीणे ३, चत्तारि अपडिसंलीणा पंतं० - मणअपडिसंलीणे जाव इंदियअपडिसंलीणे ४, । २७८ । चत्तारि पुरिसजाता पंतं० - दीणे णाममेगे दीणे दीणे णाममेहे अदीणे अदीणे णाममेगे दीणे अदीणे णाममेगे अदीणे १, चत्तारि पुरिसजाता पंतं० - दीणे णाममेगे दीणपरिणते दीणे णामं एगे अदीणपरिणते अदीणे णामं एगे दीणपरिणते अदीणे णाममेगे अदीणपरिणते २, चत्तारि पुरिसजाता पंतं० - दीणे णाममेगे दीणरूवे ह ४, ३. एवं दीणमणे ४-४ दीणसंकप्पे ४-५, दीणपन्ने ४-६, दीणदिट्ठी ४-७, दीणसीलाचारे ४-८, दीणववहारे ४-९, चत्तारि पुरिसजाया पंतं० - दीणे णाममेगे दीणपरक्कमे, दीणे णाममेगे अदीण० ह ४, १०, एवं सव्वेसिं चउभंगो भाणियव्वो, चत्तारि पुरिसजाता पंतं० - दीणे णाममेगे दीणवित्ती ४-११, एवं दीणजाती दीणभासी १३, दीणोभासी १४, चत्तारि पुरिसजाता पंतं० - दीणे णाममेगे दीणसेवी ह ४, १५, एवं दीणे णाममेगे दीणपरियाए ४, १६, दीणे णाममेगे दीणपरियाले ह ४, १७, सव्वत्थ चउभंगो । २७९ । चत्तारि पुरिसजाता पंतं० - अज्जे णाममेगे अज्जे ४, १, चत्तारि पुरिसजाता पंतं० - अज्जे णाममेगे अज्जपरिणंए ४, २ एवं

अजरूवे ३ अजमणे ४ अजसंकपे ५ अजपने ६ अजदिट्ठी ७ अजसीलाचारे ८ अजववहारे ९, अजपरक्कमे १० अजविती ११ अजजाती १२ अजभासी १३ अजओभासी १४ अजसेवी १५ अजपरियाए १६ अजपरियाले १७ एवं सत्तर आलावगा १७ जहा दीणेणं भणिया तहा अजेणवि भाणियव्वा, चत्तारि पुरिसजाया पंतं० -अजे णाममेगे अजभावे अजे नाममेगे अणजभावे अणजे नाममेगे अज भावे अणजे नाममेगे अणजभावे १९ । २८० । चत्तारि उसभा पंतं० -जातिसंपन्ने कुलसंपन्ने बलसंपन्ने रूवसंपन्ने, एवामेव चत्तारि पुरिसजाता पंतं० - जातिसंपन्ने जाव रूव संपन्ने १, चत्तारि उसभा पंतं० -जातिसंपन्ने णामं एगे नो कुलसंपण्णे, कुलसंपण्णे नामं एगे नो जाइसंपण्णे, एगे जातिसंपण्णेऽवि कुलसंपण्णेऽवि, एगे नो जातिसंपण्णे नो कुलसंपन्ने, एवामेव चत्तारि पुरिसजाया पंतं० -जातिसंपन्ने नाममेगे ४, २ चत्तारि उसभा पन्त्ता तं० -जातिसंपन्ने नामं एगे नो बलसंपन्ने, एवामेव चत्तारि पुरिसजाया पंतं० -जातिसंपन्ने ४, ३, चत्तारि उसभा पंतं० -जाइसंपन्ने नामं एगे नो रूवसंपन्ने ४, एवामेव चत्तारि पुरिसजाया पंतं० -जातिसंपन्ने नामं एगे नो रूवसंपन्ने रूवसंपन्ने णाममेगे ४, ४, चत्तारि उसभा पंतं० - कुलसंपन्ने नामं एगे नो बलसंपन्ने ४ एवामेव चत्तारि पुरिसजाया पंतं० - कुलसंपन्ने नाममेगे नो बलसंपन्ने ४, ५, चत्तारि उसभा पंतं० - कुलसंपन्ने णाममेगे णो रूवसंपन्ने, ४, एवामेव चत्तारि पुरिसजाता पंतं० - कुल. ४, ६, चत्तारि उसभा पंतं० -बलसंपन्ने णामं एगे नो रूवसंपण्णे ४ एवामेव चत्तारि पुरिसजाया पण्णत्ता तं० - बलसंपण्णे नाममेगे ४, ७ । चत्तारि हत्थी पंतं० - भदे मंदे मिते संकिन्ने, एवामेव चत्तारि

પુરિસજાયા પંતં - ભદ્રે મંદે મિતે સંકિન્ને, ચત્તારિ હત્થી પંતં - ભદ્રે ણામમેગે ભદ્રમણે, ભદ્રે ણામમેગે મંદમણે, ભદ્રે ણામમેગે મિયમણે, ભદ્રે ણામમેગે સંકિન્નમણે, એવામેવ ચત્તારિ પુરિસજાયા પંતં - ભદ્રે ણામમેગે ભદ્રમણે ભદ્રે ણામમેગે મંદમણે ભદ્રે ણામમેગે મિયમણે ભદ્રે ણામમેગે સંકિન્નમણે, ચત્તારિ હત્થી પંતં - મંદે ણામમેગે ભદ્રમણે મંદે નામમેગે મંદમણે મંદે ણામમેગે મિયમણે મંદે ણામમેગે સંકિન્નમણે, એવામેવ ચત્તારિ પુરિસજાતા, પંતં - મંદે ણામમેગે ભદ્રમણે તં ચેવ, ચત્તારિ હત્થી પંતં - મિતે ણામમેગે ભદ્રમણે મિતે ણામમેગે મંદમણે મિતે ણામમેગે મિયમણે મિતે ણામમેગે સંકિન્નમણે, એવામેવ ચત્તારિ પુરિસજાતા પંતં - મિતે ણામમેગે ભદ્રમણે તં ચેવ, ચત્તારિ હત્થી પંતં - સંકિણ્ણે નામમેગે ભદ્રમણે સંકિન્ને નામમેગે મંદમણે સંકિન્ને નામમેગે મિયમણે સંકિન્ને ણામમેગે સંકિન્નમણે, એવામેવ ચત્તારિ પુરિસજાયા પંતં - સંકિન્ને નામમેગે ભદ્રમણે તં ચેવ જાવ સંકિન્ને નામમેગે સંકિન્નમણે મધુગુલિયપિંગલક્કહો અણુપુવ્વસુજાયદીહણંગૂલો । પુરઓ ઉદગ્ગધીરો સવ્વંગસમાધિતો ભદ્દો ॥ ૧૪ ॥ ચલ્લબ્હલવિસમચમ્મો થૂલસિરો થૂલણ પેણ । થૂલણહદંતવાલો હરિપિંગલલોચણો મંદો ॥ ૧૫ ॥ તણુઓ તણુતગ્ગીવો તણુયતતો તણુયદંતણહવાલો । ખીરૂ તત્થુવ્વિગ્ગો તાસી ય ભવે મિતે ણામં ॥ ૧૬ ॥ એતેસિં હત્થીણં થોવં થોવં તુ જો હરતિ હત્થી । રૂવેણ વ સીલેણ વ સો સંકિન્નોતિ નાયવ્વો ॥ ૧૭ ॥ ભદ્દો મજ્જિ સરે મંદો ડણ મજ્જતે વસંતંમિ । મિડ મજ્જતિ હેમંતે સંકિન્નો સવ્વકાલંમિ ॥ ૧૮ ॥ ૧૨૮૧ । ચત્તારિ વિકહાતો પંતં - ઇત્થિકહા ભત્તકહા દેસકહા રાયકહા, ઇત્થિકહા ચડવ્વિહા પંતં - ઇત્થીણં જાઙ્ગકહા ઇત્થીણં કુલકહા ઇત્થીણં રૂવકહા ઇત્થીણં ણેવત્થકહા,

भक्तकहा चउव्विहा पं०तं० - भत्तस्स आवावकहा भत्तस्स णिव्वावकहा भत्तस्स आरंभकहा भत्तस्स निट्ठाणकहा, देसकहा चउव्विहा पं०तं० - देसविहिकहा देसविकप्पकहा देसच्छंदकहा देसनेक्थकहा, राथकहा चउव्विहा पं०तं० - रन्नो अत्तिताणकहा रन्नो निज्जाणकहा रन्नो बलवाहणकहा रन्नो कोसकोट्ठागारकहा, चउव्विहा धम्मकहा पं०तं० - अक्खेवणी विक्खेवणी संवेयणी निव्वेगणी, अक्खेवणी कहा चउव्विहा पं०तं० - आयारअक्खेवणी ववहारअक्खेवणी पन्नत्तिअक्खेवणी दिट्ठीवायअक्खेवणी, विक्खेवणी कहा चउव्विहा पं०तं० - ससमयं कहेइ ससमयं कहित्ता परसमयं कहेइ १ परसमयं कहेत्ता ससमयं ठावत्तिता भवति २ सम्मावातं कहेइ सम्मावातं कहेत्ता भिच्छावातं कहेइ ३ भिच्छावातं कहेत्ता सम्मावातं ठावइत्ता भवति ४, संवेगणी कथा चउव्विहा पं०तं० - इहालोगसंवेगणी परलोगसंवेगणी आतसरीरसंवेगणी परसरीरसंवेगणी, णिव्वेगणीकहा, चउव्विहा पं० तं० - इहलोगे दुच्चिन्ना कम्मा इहलोगे दुहफलविवागसंजुत्ता भवन्ति १ इहलोगे दुच्चिन्ना कम्मा परलोगे दुहफलविवागसंजुत्ता भवन्ति २ परलोगे दुच्चिन्ना कम्मा इहलोगे दुहफलविवागसंजुत्ता भवन्ति ३ परलोगे दुच्चिन्ना कम्मा परलोये दुहफलविवागसंजुत्ता भवन्ति ४, इहलोगे सुच्चिन्ना कम्मा इहलोगे सुहफलविवागसंजुत्ता भवन्ति १ इहलोगे सुच्चिन्ना कम्मा परलोगे सुहफलविवागसंजुत्ता भवन्ति २ एवं चउभंगो तहेव । २८२ । चत्तारि पुरिसजाया पं०तं० - किसे णाममेगे किसे किसे णाममेगे दढे दढे णाममेगे किसे, दढे णाममेगे किसे दढे, चत्तारि पुस्सिजाया पं०तं० - किसे णाममेगे किससरीरे किसे णाममेगे दढसरीरे दढे णाममेगे किससरीरे दढे णाममेगे दढसरीरे ४, चत्तारि पुरिसजाया पं०तं० -

किससरीरस्स नाममेगस्स णाणदंसणे समुप्पज्जति णो दढसरीरस्स दढसरीरस्स णाम एगस्स णाणदंसणे समुप्पज्जति णो किससरीरस्स एगस्स किससरीरस्सवि णाणदंसणे समुप्पज्जति दढसरीरस्सवि एगस्स नो किससरीरस्स णाणदंसणे समुप्पज्जति णो दढसरीरस्स । २८३ । चउहिं ठाणेहिं निग्गंथाण वा निग्गंथीण वा अस्सिं समयंसि अतिसेसे नाणदंसणे समुप्पज्जिउकामेऽवि न समुप्पज्जेज्जा, तं० - अभिक्खणं अभिक्खणमित्थिकहं भत्तकहं देसकहं रायकहं कहेत्ता भवति १ विवेगेण विउस्सगेणं णो सम्ममप्पाणं भावित्ता भवति २ पुव्वरत्तावरत्तकालसमयंसि णो धम्मजागरितं जागरत्तित्ता भवत्ति ३ फासुयस्स एसणिज्जस्स उंछस्स सामुदाणियस्स णो सम्मं गवेसित्ता भवति ४, इच्चेतेहिं चउहिं ठाणेहिं निग्गंथाण वा निग्गंथीण वा जाव नो समुप्पज्जेज्जा, चउहिं ठाणेहिं निग्गंथाण वा निग्गंथीण वा अतिसेसे णाणदंसणे समुप्पज्जिउकामे समुप्पज्जेज्जा, तं० - इत्थीकहं भत्तकहं देसकहं रायकहं नो कहेत्ता भवति १ विवेगेण विउस्सगेणं सम्ममप्पाणं भावेत्ता भवति २ पुव्वरत्तावरत्तकालसमयंसि धम्मजागरियं जागरत्तित्ता भवति ३ फासुयस्स एसणिज्जस्स उंछस्स सामुदाणियस्स सम्मं गवेसिया भवति, इच्चेएहिं चउहिं ठाणेहिं निग्गंथाण वा निग्गंथीण वा जाव समुप्पज्जेज्जा । २८४ । नो कप्पति निग्गंथाण वा निग्गंथीण वा चउहिं महापडिवएहिं सज्झायं करेत्तए, तं० - आसाढपाडिवए इंदमहपाडिवए कत्तियपाडिवए सुगिम्हपाडिवए १, णो कप्पइ निग्गंथाण वा निग्गंथीण वा चउहिं संझाहिं सज्झायं करेत्तए, तं० - पढमाते पच्छिमाते मज्झण्हे अइढरत्ते २, कप्पइ निग्गंथाण वा निग्गंथीण वा चाउक्कालं सज्झायं करेत्तए, तं० - पुव्वण्हे अवरण्हे पओसे पच्चूसे । २८५ । चउव्विहा लोगदिठती

पं०तं० - आगासपतिदिठए वाते वातपतिदिठए उदधी उदधिपतिदिठया पुढवी पुढवीपइदिठया तसा थावरा पाणा ४ । २८६ । चत्तारि पुरिसजाता पं०तं० - तहे नाममेगे नोतहे नाममेगे सोवत्थी नाममेगे पधाणे नाममेगे ४, चत्तारि पुरिसजाया पं०तं० - आयंतकरे नाममेगे णो परंतकरे १ परंतकरे णाममेगे णो आतंतकरे २ एगे आतंतकरेवि परंतकरेवि ३ एगे णो आतंतकरे णो परंतकरे ४, २ चत्तारि पुरिसजाता पं०तं० - आतंतमे नाममेगे नो परंतमे, परंतमे नो ४, ३, चत्तारि पुरिसजाया पं०तं० - आयंदमे नाममेगे णो परंदमे ४, ४, । २८७ । चउव्विधा गरहा पं०तं० - उवसंपज्जामित्तेगा गरहा वित्तिगिच्छामित्तेगा गरहा जंकिंचिभिच्छामीत्तेगा गरहा एवंपि पन्नत्तेगा गरहा । २८८ । चत्तारि पुरिसजाया पं०तं० - अप्पणो नाममेगे अलमंथू भवति णो परस्स परस्स नाममेगे अलमंथू भवति णो अप्पणो एगे अप्पणोऽवि अलमंथू भवति परस्सवि एगे नो अप्पणो अलमंथू भवति णो परस्स १, चत्तारि भग्गा पं०तं० - उज्जू नाममेगे उज्जू उज्जू नाममेगे वंके वंके नाममेगे उज्जू वंके नाममेगे वंके २, एवामेव चत्तारि पुरिसजाया पं० तं० - उज्जू नाममेगे उज्जू ४, ३, चत्तारि भग्गा पं०तं० - खेमे नाममेगे खेमे खेमे णाममेगे अखेमे ४, ४, एवामेव चत्तारि पुरिसजाता पं०तं० - खेमे णाममेगे खेमे, ४, ५, चत्तारि भग्गा पं०तं० - खेमे णाममेगे खेमरूवे, खेमे णाममेगे अखेमरूवे ४, ६, एवामेव चत्तारि पुरिसजाया पं०तं० - खेमे नाममेगे खेमरूवे ४, ७, चत्तारि संबुक्का पं०तं० - वामे नाममेगे वामावत्ते वामे नाममेगे दाहिणावत्ते दाहिणे नाममेगे वामावत्ते दाहिणे नाममेगे दाहिणावत्ते ८, एवामेव चत्तारि पुरिसजाया पं०तं० - वामे नाममेगे वामावत्ते, ४, ९, चत्तारि धूमसिहाओ पं०तं० - वामा नाममेगा वामावत्ता ४, १०,

एवामेव चत्तारिस्थीओ पंतं - वामा णाममेगा वामावत्ता ४, ११, चत्तारि अग्गिसिहाओ पंतं - वामा णाममेगा वामावत्ता ४, १२, एवामेव चत्तारिस्थीओ पंतं - वामा णा ४, १३, चत्तारि वायमंडलिया पंतं - वामा णाममेगा वामावत्ता ४, १४, एवामेव चत्तारिस्थीओ पंतं - वामा णाममेगा वामावत्ता ४, १५, चत्तारि वणसंडा पंतं - वामे नाममेगे वामावत्ते ४, १६, एवामेव चत्तारि पुरिसजाया पंतं - वामे णाममेगे वामावत्ते ४, १७, १ २८९ १ चउहिं ठाणेहिं णिग्गंथे णिग्गंथिं आलवमाणे वा संलवमाणे वा णातिक्कमति तं - पंथं पुच्छमाणे वा १ पंथं देसेमाणे वा २ असणं वा पाणं वा खाइमं वा साइमं वा दलेमाणे वा ३ दलावेमाणे वा ४ १ २९० १ तमुक्कायस्स णं चत्तारि नामधेज्जा पंतं - तमिति वा तमुक्कातेति वा अंधकारेति वा महंधकारेति वा, तमुक्कायस्स णं चत्तारि णामधेज्जा पंतं - लोगंधगारेति वा लोगतमसेति वा देवंधगारेति वा देवतमसेति वा, तमुक्कायस्स णं चत्तारि नामधेज्जा पंतं - वातफलिहेति वा वातफलिहखोभेति वा देवरन्नेति वा देववूढे ( प्र०हे० ) ति वा, तमुक्काते णं चत्तारि कप्पे आवरित्ता चिट्ठति तं - सोधम्मीसाणं सणंकुमारमाहिंदं १ २९१ १ चत्तारि पुरिसजाता पंतं - संपागडपडिसेवी णाममेगे पच्छन्नपडिसेवी णाममेगे पडुप्पन्नंदी ( सेवी पा० ) नाममेगे णिस्सरणणंदी णाममेगे १, चत्तारि सेणाओ पंतं - जत्तिता णाममेगे णो पराजिणिता पराजिणिता णाममेगे णो जत्तिता एगा जत्तितावि पराजिणितावि एगा नो जत्तिता नो पराजिणिता २, एवामेव चत्तारि पुरिसजाता पंतं - जत्तिता नाममेगे नो पराजिणिता ४, ३, चत्तारि सेणाओ पंतं - जत्तिता णामं एगा जयई जइत्ता णाममेगा पराजिणति

पराजिणिता नाममेगा जयति पराजिणिता नाममेगा पराजिणति ४, ४, एवामेव चत्तारि पुरिसजाता पंतं० - जइता नाममेगे जयति ४, ५, १२१२ १ ( चत्तारि राइओ पन्ताओ तं० - पव्वयराई पुढवीराई रेणुराई जलराई, एवामेव चउव्विहे कोहे० पा० ) चत्तारि केतणा पंतं० - वंसीमूलकेतणते मेंढविसाणकेतणते गोमुत्तिकेतणते अवलेहणितकेतणते, एवामेव चउविधा माया पंतं० - वंसीमूलकेतणासमाणा जाव अवलेहणितासमाणा, वंसीमूलकेतणासमाणं मायं अणुपविट्ठे जीवे कालं करेति णेरइएसु उववज्जति, मेंढविसाणकेतणासमाणं मायमणुपविट्ठे जीवे कालं करेति तिरिक्खजोणितेसु उववज्जति, गोमुत्ति० जाव कालं करेति मणुस्सेसु उववज्जति, अवलेहणिता जाव देवेसु उववज्जति, चत्तारि थंभा पंतं० - सेलथंभे अदिठथंभे दारूथंभे तिणिसलताथंभे, एवामेव चउव्विधे माणे पंतं० - सेलथंभसमाणे जाव तिणिसलताथंभसमाणे, सेलथंभसमाणं माणं अणुपविट्ठे जीवे कालं करेति नेरतिएसु उववज्जति, एवं जाव तिणिसलताथंभसमाणं माणं अणुपविट्ठे जीवे कालं करेति देवेसु उववज्जति, चत्तारि वत्था पंतं० - किमिरागरत्ते कदमरागरत्ते खंजणरागरत्ते हलिदरागरत्ते, एवामेव चउव्विधे लोभे पंतं० - किमिरागरत्तवत्थसमाणे कदमरागरत्तवत्थसमाणे खंजणरागरत्तवत्थसमाणे हलिदरागरत्तवत्थसमाणे, किमिरागरत्तवत्थसमाणं लोभमणुपविट्ठे जीवे कालं करेइ नेरइएसु उववज्जइ, तहेव जाव हलिदरागरत्तवत्थसमाणं लोभमणुपविट्ठे जीवे कालं करेइ देवेसु उववज्जति । २९३ । चउव्विहे संसारे पंतं० - णेरतियसंसारे जाव देवसंसारे, चउव्विहे आउते पंतं० - णेरतिआउते जाव देवाउते, चउव्विहे भवे पंतं० - नेरतियभवे जाव देवभवे । २९४ ।

चउव्विहे आहारे पंतंतं - असणे पाणे खाइमे साइमे, चउव्विहे आहारे पंतंतं - उवक्खरसंपन्ने ( नोउवक्खरसंपन्ने पा० ) उवक्खडसंपन्ने, सभावसंपन्ने परिजुसियसंपन्ने । २९५ । चउव्विहे बंधे पंतंतं - पगतिबंधे ठितीबंधे अणुभावबंधे पदेसबंधे, चउव्विहे उवक्कमे पंतंतं - बंधणोवक्कमे उदीरणोवक्कमे उवसमणोवक्कमे विप्परिणामणोवक्कमे, बंधणोवक्कमे चउव्विहे पंतंतं - पगतिबंधणोवक्कमे ठितिबंधणोवक्कमे अणुभावबंधणोवक्कमे पदेसबंधणोवक्कमे, उदीरणोवक्कमे चउव्विहे पंतंतं - पगतीउदीरणोवक्कमे ठितीउदीरणोवक्कमे अणुभावउदीरणोवक्कमे पदेसउदीरणोवक्कमे, उवसमणोवक्कमे चउव्विहे पंतंतं - पगतिउवसामणोवक्कमे ठिति० अणु० पतेसुवसामणोवक्कमे, विप्परिणामणोवक्कमे चउव्विहे पंतंतं - पगति० ठिती० अणु० पतेसविप्प०, चउव्विहे अप्पाबहुए पंतंतं - पगतिअप्पाबहुए ठिति० अणु० पतेसप्पाबहुते, चउव्विहे संकमे पंतंतं - पगतिसंकमे ठिती० अणु० पएससंकमे, चउव्विहे णिधत्ते पंतंतं - पगतिणिधत्ते ठिती० अणु० पएसणिधत्ते, चउव्विहे णिकायिते पंतंतं - पगतिणिकायिते ठिती० अणु० पएसणिकायिते । २९६ । चत्तारि एक्का पंतंतं - दविएक्कते माउपएक्कते पज्जतेक्कते संगहेक्कते । २९७ । चत्तारि कती पंतंतं - दवितकती माउयपयकती पज्जवकती संगहकती । २९८ । चत्तारि सव्वा पंतंतं - नामसव्वए ठवणसव्वए आएससव्वते निरवसेससव्वते । २९९ । माणुसुत्तरस्स णं पव्वयस्स चउदिसिं चत्तारि कूडा पंतंतं - रयणे रतणुच्चते सव्वरयणे रतणसंचये । ३०० । जंबुद्दीवे २ भरहेरवतेसु वासेसु तीताते उस्सप्पिणीए सुसमसुसमाए समाए चत्तारि सागरोवमकोडाकोडीओ कालो हुत्था, जंबुद्दीवे २ भरहेरवते इमीसे ओसप्पिणीए

सुसमसुसमाए समाए चत्तारि सागरोवमकोडाकोडीओ कालो हुत्था, जंबुद्दीवे २ भरहेरवाएसु वासेसु आगमेस्साते उस्सप्पिणीते सुसमसुसमाते समाए चत्तारि सागरोवमकोडाकोडीओ कालो भविस्सइ । ३०१ । जंबुद्दीवे २ देवकुरुउत्तरकुरुवज्जाओ चत्तारि अकम्मभूमीओ पंतं० -हेमवते हेरन्नवते हरिवस्से रम्मगवासे, चत्तारि वट्टवेयइढपव्वता पंतं० -सद्दावई वियडावई गंधावई मालवंतपरिताते, तत्थ णं चत्तारि देवा महिडिढतीया जाव पलिओवमट्ठितीता परिवसंति, तं० -साती पभासे अरुणे पउमे, जंबुद्दीवे २ महाविदेहे वासे चउव्विहे पंतं० -पुव्वविदेहे अवरविदेहे देवकुरा उत्तरकुरा, सव्वेऽवि णं णिसढणीलवंतवासहरपव्वता चत्तारि जोयणसयाइं उड्ढंउच्चत्तेणं चत्तारि गाउयसयाइं उव्वेहेणं पंतं०, जंबुद्दीवे २ मंदरस्स पव्वयस्स पुरत्थिमेणं सीताए महानदीए उत्तरकूले चत्तारि वक्खारपव्वया पंतं० -चित्तकूडे पम्हकूडे णलिणकूडे एगसेले, जंबू० मंदर० पुर० सीताए महानदीए दाहिणकूले चत्तारि वक्खारपव्वया पंतं० -तिकूडे वेसमणकूडे अंजणे मातंजणे, जंबू० मंदर० पच्चत्थिमेणं सीओदाए महानतीए दाहिणकूले चत्तारि वक्खारपव्वता पंतं० -अंकावती पम्हावती आसीविसे सुहावहे, जंबू० मंदर० पच्च० सीओदाए महाणतीते उत्तरकूले चत्तारि वक्खारपव्वया पंतं० -चंदपव्वते सूरपव्वते देवपव्वते णागपव्वते, जंबू० मंदरस्स पव्वयस्स चउसु विदिसासु चत्तारि वक्खारपव्वया पंतं० -सोमणसे विज्जुपभे गंधमायणे मालवंते, जंबुद्दीवे २ महाविदेहे वासे जहन्नपते चत्तारि अरहंता चत्तारि चक्कवट्टी चत्तारि बलदेवा चत्तारि वासुदेवा उप्पज्जिंसु वा उप्पज्जंति वा उप्पज्जिस्संति वा, जंबुद्दीवे २ मंदरपव्वते चत्तारि वणा पंतं० - भद्दसालवणे

नंदणवणे सोमणसवणे पंडगवणे, जंबू० मन्दरे पव्वए पंडगवणे चत्तारि अभिसेगसिलाओ पं०तं० - पंडुकंबलसिला, अइपंडुकंबलसिला रत्तकंबलसिला अतिरत्तकंबलसिला, मंदरचूलिया णं उवरिं चत्तारि जोयणाइं विक्खंभेणं पन्नत्ता, एवं धायइसंडदीवपुरच्छिमद्धेऽवि कालं आदिं करेत्ता जाव मंदरचूलियत्ति, एवं जाव पुक्खरवरदीवपच्चच्छिमद्धे जाव मंदरचूलियत्ति -जंबूदीवग ( वे जं पा० ) आवस्सगं तु कालाओ चूलिया जाव । धायइसंडे पुक्खरवरे य पुव्वावरे पासे ॥ १९ ॥ ३०२ । जंबुदीवस्स णं दीवस्स चत्तारि दारा पं०तं० -विजये वेजयंते जयंते अपराजिते, ते णं दारा चत्तारि जोयणाइं विक्खंभेणं तावतितं चेव पवेसेणं पं०, तत्थ णं चत्तारि देवा महिइढीया जाव पलिओवमट्ठितीता परिवसंति विजते वेजयंते जयंते अपराजिते । ३०३ । जंबुदीवे २ मंदरस्स पव्वयस्स दाहिणेणं चुल्लहिमवंतस्स वासहरपव्वयस्स चउसु विदिसासु लवणसमुदं तिन्नि २ जोयणसयाइं ओगाहिता एत्थ णं चत्तारि अंतरदीवा पं०तं० -एगूरुयदीवे आभासियदीवे वेसाणितदीवे णंगूलियदीवे, तेसु णं दीवेसु चउव्विहा मणुस्सा परिवसंति, तं० - एगुरूता आभासित्ता वेसाणिता णंगोलिया, तेसिं णं दीवाणं चउसु विदिसासु लवणसमुदं चत्तारि २ जोयणसयाइं ओगाहेत्ता एत्थ णं चत्तारि अंतरदीवा पं०तं० हयकन्नदीवे गयकन्नदीवे गोकन्नदीवे संकुलिकन्नदीवे, तेसु णं दीवेसु चउव्विहा मणुस्सा परिवसंति तं० -हयकन्ना गयकन्ना गोकन्ना संकुलिकन्ना, तेसिं णं दीवाणं चउसुविदिसासु लवणसमुदं पंच २ जोयणसयाइं ओगाहिता एत्थ णं चत्तारि अंतरदीवा पं०तं० -आयंसमुहदीवे मेढमुहदीवे अओमुहदीवे गोमुहदीवे, तेसु णं दीवेसु चउव्विहा मणुस्सा भाणियव्वा, तेसिं णं दीवाणं चउसु

विदिसासु लवणसमुदं छ छ जोयणसयाइं ओगाहेत्ता एत्थ णं चत्तारि अंतरदीवा पंतं - आसमुहदीवे हत्थिमुहदीवे सीहमुहदीवे  
 वाधमुहदीवे, तेसु णं दीवेसु मणुस्सा भाणियव्वा, तेसिं णं दीवाणं चउसु विदिसासु लवणसमुदं सत्त सत्त जोयणसयाइं ओगाहेत्ता एत्थ  
 णं चत्तारि अंतरदीवा पंतं - आसकन्नदीवे हत्थिकन्नदीवे अकन्नदीवे कन्नपाउरणदीवे, तेसु णं दीवेसु मणुया भाणियव्वा, तेसिं णं  
 दीवाणं चउसु विदिसासु लवणसमुदं अट्ठट्ठ जोयणसयाइं ओगाहेत्ता एत्थ णं चत्तारि अंतरदीवा पंतं - उक्कामुहदीवे मेहमुहदीवे  
 विज्जुमुहदीवे विज्जुदंतदीवे, तेसु णं दीवेसु मणुस्सा भाणियव्वा, तेसिं णं दीवाणं चउसु विदिसासु लवणसमुदं णव णव जोयणसयाइं  
 ओगाहेत्ता एत्थ णं चत्तारि अंतरदीवा पंतं - धणदंतदीवे लट्ठदंतदीवे गूढदंतदीवे सुद्धदंतदीवे, तेसु णं दीवेसु चउव्विहा मणुस्सा  
 परिवसंति, तं - धणदंता लट्ठदंता गूढदंता सुद्धदंता, जंबुद्दीवे २ मंदरस्स पव्वयस्स उत्तरेणं सिंहस्स वासहरपव्वयस्स चउसु  
 विदिसासु लवणसमुदं तिन्नि २ जोयणसयाइं ओगाहेत्ता एत्थ णं चत्तारि अंतरदीवा पंतं - एगूरुयदीवे सेसं तदेव निरवसेसं भाणियव्वं  
 जाव सुद्धदंता । ३०४ । जंबुद्दीवस्स णं दीवस्स बाहिरिल्लाओ वेतितंताओ चउदिसिं लवणसमुदं पंचाणउइं जोयणसहस्साइं ओगाहेत्ता  
 एत्थ णं महत्तिमलता महालंजरसंठाणसंठिता चत्तारि महापायाला पंतं - वलंतामुहे केउते जूवए ईसरे, एत्थ ( प्रंतत्थ ) णं चत्तारि  
 देवा महिडिढया जाव पलिओवमट्ठितीता परिवसंति, तं - काले महाकाले वेलंबे पभंजणे, जंबुद्दीवस्स णं दीवस्स बाहिरिल्लाओ  
 वेतितंताओ चउदिसिं लवणसमुदं बायालीसं २ जोयणसहस्साइं ओगाहेत्ता एत्थ णं चउण्हं वेलंधरनागराईणं चत्तारि आवासपव्वता

पं०तं० - गोश्रूभे उदयभासे संखे दगसीमे, तत्थ णं चत्तारि देवा महिडिढया जाव पलिओवमदिठतीता परिवसंति तं० - गोश्रूभे सिवा संखे मणोसिलाते, जंबुद्वीवस्स णं दीवस्स बाहिरिल्लाओ वेइयंताओ चउसु विदिसासुं लवणसमुदं बायालीसं २ जोयणसहस्साइं ओगाहेत्ता एत्थ णं चउण्हं अणुवेलंधरणागरातीणं चत्तारि आवासपव्वता पं०तं० -कक्कोडए विजुप्पभे केलासे अरूणप्पभे, तत्थ णं चत्तारि देवा महिडिढया जाव पलिओवमदिठतीता परिवसंति, तं० -कक्कोडए कद्दमए केलासे अरूणप्पभे, लवणे णं समुदे णं चत्तारि चंदा पभासिंसु वा पभासंति वा पभासिस्संति वा, चत्तारि सूरिता तविंसु वा तवंति वा तविस्संति वा, चत्तारि कत्तियाओ जाव चत्तारि भरणीओ, चत्तारि अग्गी जाव चत्तारि जमा, चत्तारि अंगारा जाव चत्तारि भावकेऊ, लवणस्स णं समुदस्स चत्तारि दारा पं०तं०- विजए विजयंते जयंते अपराजिते, ते णं दारा णं चत्तारि जोयणाइं विक्खंभेणं तावतितं चेव पवेसेणं पं०, तत्थ णं चत्तारि देवा महिडिढया जाव पलिओवमदिठतिया परिवसंति विजये वेजयंते जयंते अपराजिए । ३०५ । धायइसंडे दीवे चत्तारि जोयणसयसहस्साइं चक्कवालविक्खंभेणं पं०, जंबुद्वीवस्स णं दीवस्स बहिया चत्तारि भरहाइं चत्तारि एरवयाइं, एवं जहा सद्दुदेसते तहेव निरवसेसं भाणियव्वं जाव चत्तारि मंदरा चत्तारि मन्दरचूलिआओ । ३०६ ।

( अथ नन्दीश्वरविचारः ) णंदीसरवरस्स णं दीवस्स चक्कवालविक्खंभस्स बहुमज्झदेसभागे चउद्दिसिं चत्तारि अंजणगपव्वता पं०तं०-पुरत्थिमिल्ले अंजणगपव्वते दाहिणिल्ले अंजणगपव्वए पच्चत्थिमिल्ले अंजणगपव्वते उत्तरिल्ले अंजणगपव्वते, ते णं

अंजणगपव्वता चउरासीतिं जोयणसहस्साइं उइढंउच्चत्तेणं ( सहस्सं ) उव्वेहेणं मूले दस जोयणसहस्साइं विक्खंभेणं तदणंतं च णं  
 मायाए २ परिहातेमाणा २ उवरिमेगं जोयणसहस्सं विक्खंभेणं पण्णत्ता, मूले इक्कतीसं जोयणसहस्साइं छच्च तेवीसे जोयणसते एगं  
 जोयणसहस्सं परिक्खेवेणं, उपरिं तिन्नि २ जोयणसहस्साइं एगं च छावट्ठं जोयणसतं परिक्खेवेणं, मूले विच्छिन्ना मज्झे संखेत्ता  
 उप्पिं तणुया गोपुच्छसंठाणसंठिता सव्वअंजणमया अच्छा सण्हा लण्हा घट्ठा मट्ठा नीरया निप्पंका निक्कंकडच्छाया सप्पभा  
 समिरीया सउज्जोया पासाईया दरिसणीया अभिरूवा पडिरूवा, तेसिं णं अंजणगपव्वयाणं उवरिं बहुसमरमणिज्जा भूमिभागा पं०,  
 तेसिं णं बहुसमरमणिज्जभूमिभागाणं बहुमज्झदेसभागे चत्तारि सिद्धाययणा पण्णत्ता, ते णं सिद्धाययणा एगं जोयणसयं आयामेणं  
 पण्णत्ता पण्णासं जोयणाइं विक्खंभेणं बावत्तरि जोयणाइं उइढंउच्चत्तेणं, तेसिं सिद्धाययणाणं चउदिसिं चत्तारि दारा पं०तं० देवदारे  
 असुरदारे णागदारे सुवन्नदारे, तेसु णं दारेसु चउव्विहा देवा परिवसंति, तं० -देवा असुरा नागा सुवण्णा, तेसिं णं दाराणं पुरतो चत्तारि  
 मुहमंडवा पं०, तेसिं णं मुहमंडवाणं पुरओ चत्तारि पेच्छाघरमंडवा पं०, तेसिं णं पेच्छाघरमंडवाणं बहुमज्झदेसभागे चत्तारि वइरामया  
 अक्खाडगा पं०, तेसिं णं वइरामयाणं अक्खाडगाणं बहुमज्झदेसभागे चत्तारि मणिपेढियातो पं०, तासिं णं मणिपेढिताणं उवरिं  
 चत्तारि सीहासणा पं०, तेसिं णं सीहासणाणं उवरिं चत्तारि विजयदूसा पन्नत्ता, तेसिं णं विजयदूसगाणं बहुमज्झदेसभागे चत्तारि  
 वइरामता अंकुसा पं०, तेसु णं वतिरामतेसु अंकुसेसु चत्तारि कुंभिका मुत्तादामा पं०, ते णं कुंभिका मुत्तादामा पत्तेयं २ अन्नेहिं

तदद्भुतचत्तपमाणमित्तेहिं चउहिं अद्भुतकुंभिकेहिं मुत्तादामेहिं सव्वतो समंता संपरिक्खित्ता, तेसिं णं पेच्छाघरमंडवाणं पुरओ चत्तारि मणिपेढिताओ पण्णत्ताओ, तासिं णं मणिपेढियाणं उवरिं चत्तारि २ चेतितथूभा पण्णत्ता, तासिं णं चेतितथूभाणं पत्तेयं २ चउदिसिं चत्तारि मणिपेढियातो पं०, तासिं णं मणिपेढिताणं उवरिं चत्तारि जिणपडिमाओ सव्वरयणामईतो संपलियंकणिसन्नाओ थूभाभिमुहीओ चिट्ठंति, तं० -रिसभा वद्धमाणा चंदाणणा वारिसेणा, तेसिं णं चेतितथूभाणं पुरतो चत्तारि मणिपेढिताओ पं०, तासिं णं मणिपेढिताणं उवरिं चत्तारि चेतितरुक्खा पं०, तेसिं णं चेतितरुक्खाणं पुरओ चत्तारि मणिपेढियाओ पं०, तासिं णं मणिपेढियाणं उवरिं चत्तारि महिंदज्झया पं०, तेसिं णं महिंदज्झताणं पुरओ चत्तारि णंदातो पुक्खरिणीओ पं०, तासिं णं पुक्खरिणीणं पत्तेयं २ चउदिसिं चत्तारि वणसंडा पं०तं० -पुरच्छिमेणं दाहिणेणं पच्चत्थिमेणं उत्तरेणं पुव्वेण असोमवणं दाहिणओ होइ सत्तवण्णवणं । अवरेण चंपगवणं चूतवणं उत्तरे पासे ॥२०॥ तत्थ णं जे से पुरच्छिमिल्ले अंजणगपव्वते तस्स णं चउदिसिं चत्तारि णंदाओ पुक्खरिणीतो पं०तं० - णंदुत्तरा णंदा आणंदा नंदिवद्धणा, ताओ णंदाओ पुक्खरिणीओ एगं जोयणसयसहस्सं आयामेणं पन्नासं जोयणसहस्साइं विक्खंभेणं दस जोयणसताइं उव्वेहेणं, तासिं णं पुक्खरिणीणं पत्तेयं २, चउदिसिं चत्तारि तिसोवाणपडिरूवगा, तेसिं णं तिसोवाणपडिरूवगाणं पुरतो चत्तारि तोरणा पं०तं० -पुरच्छिमेणं दाहिणेणं पच्चत्थिमेणं उत्तरेणं, तासिं णं पुक्खरिणीणं पत्तेयं २ चउदिसिं चत्तारि वणसंडा पं०तं० - पुरतो दाहिणं पच्चं उत्तरेणं, पुव्वेणं असोगवणं जाव चूयवणं उत्तरे पासे, तासिं णं पुक्खरिणीणं बहुमज्झदेसभागे चत्तारि

દધિમુહગપવ્વયા પં૦, તે પાં૦ દધિમુહગપવ્વયા ચઠ્ઠાંઠ જોયણસહસ્સાંં ડહંઠંઠચ્છત્તેણંં એગંં જોયણસહસ્સંં ડવ્વેહેણંં સવ્વત્થ સમા  
 પલ્લગસંંઠાણસંંઠિતા દસ જોયણસહસ્સાંંં વિક્કખંંભેણંં એક્કતીસંં જોયણસહસ્સાંંં છચ્ચ તેવીસે જોયણસતે પરિક્કહેવેણંં સવ્વરયણામતા  
 અચ્છા જાવ પડિરૂવા, તેસિંં પાંં દધિમુહગપવ્વતાણંં ડવરિંંં બહુસમરમણિજા ભૂમિભાગા પં૦, સેસંંં જહેવ અંંજણગપવ્વતાણંંં તહેવ નિરવસેસંં  
 ભાણિયવ્વંં જાવ ચૂતવણંંં ડત્તરે પાસે, તત્થ પાંંં જે સે દાહિણિલ્લે અંંજણગપવ્વતે તસ્સ પાંંં ચઢ્ઠિસિંંં ચત્તારિ પંંંદાઓ પુક્કરિણીઓ  
 પંંંતંં-ભદ્દા વિસાલા કુમુદા પુંંડરીગિણી, તાતો પંંંદાતો૦ એગંં જોયણસયસહસ્સંંં સેસંંં તંંં ચેવ જાવ દધિમુહગપવ્વતા જાવ વણસંંંડા,  
 તત્થ પાંંં જે સે પચ્ચત્થિમિલ્લે અંંજણગપવ્વતે તસ્સ પાંંં ચઢ્ઠિસિંંં ચત્તારિ પંંંદાઓ પુક્કરિણીઓ પંંંતંં -પંંંદિસેણા અમોહા ગોથૂભા  
 સુદંસણા, સેસંંં તંંં ચેવ, તહેવ દધિમુહગપવ્વતા તહેવ સિદ્ધાયયણા જાવ વણસંંંડા, તત્થ પાંંં જે સે ડત્તરિલ્લે અંંજણગપવ્વતે તસ્સ પાંંં  
 ચઢ્ઠિસિંંં ચત્તારિ પંંંદાઓ પુક્કરિણીઓ પંંંતંં -વિજયા વેજયંંતી જયંંતી અપરાજિતા, તાતો પાંંં પુક્કરિણીઓ એગંં જોયણસયસહસ્સંંં  
 તંંં ચેવ પમાણંંં તહેવ દધિમુહગપવ્વતા તહેવ સિદ્ધાયયણા જાવ વણસંંંડા, પંંંદીસરવરસ્સ પાંંં દીવસ્સ ચક્કવાલવિક્કખંંભસ્સ બહુમજ્જદેસભાગે  
 ચઢ્ઠસુ વિદિસાસુ ચત્તારિ રતિકરગપવ્વતા પંંંતંં -ડત્તરપુરચ્છિમિલ્લે રતિકરગપવ્વતે દાહિણપુરચ્છિમિલ્લે રડ્ડકરગપવ્વે  
 દાહિણપચ્ચત્થિમિલ્લે રતિકરગપવ્વતે ડત્તરપચ્ચત્થિમિલ્લે રતિકરગપવ્વે, તે પાંંં રતિકરગપવ્વતા દસ જોયણસયાંંં ડહંંઠંંઠચ્છત્તેણંંં દસ  
 ગાડતસતાંંં ડવ્વેહેણંંં સવ્વત્થ સમા ડ્ઢલ્લરિસંંઠાણસંંઠિતા દસ જોયણસહસ્સાંંં વિક્કખંંભેણંંં એક્કતીસંં જોયણસહસ્સાંંં છચ્ચ તેવીસે

जोयणसते परिक्रवेवेणं सव्वरयणामता अच्छा जाव पडिरूवा, तत्थ णं जे से उत्तरपुरच्छिमिल्ले रतिकरगपव्वते तस्स णं चउदिसिं ईसाणस्स देविंदस्स देवरन्नो चउण्हमग्गमहिसीणं जंबुद्दीवपमाणाओ चत्तारि रायहाणीओ पंतं - णंदुत्तरा णंदा उत्तरकुरा देवकुरा, कणहाते कणहरातीते रामाए रामरक्खियाते, तत्थ णं जे से दाहिणपुरच्छिमिल्ले रतिकरगपव्वते तस्स णं चउदिसिं सक्कस्स देविंदस्स देवरन्नो चउण्हमग्गमहिसीणं जंबुद्दीवपमाणाओ चत्तारि रायहाणीओ पंतं - समणा सोमणसा अच्छिमाली मणोरमा, पउमाते सिवाते सतीते अंजूए, तत्थ णं जे से दाहिणपच्चत्थिमिल्ले रतिकरगपव्वते तत्थ णं चउदिसिं सक्कस्स देविंदस्स देवरन्नो चउण्हमग्गमहिसीणं जंबुद्दीवपमाणमेत्ताओ चत्तारि रायहाणीओ पंतं - भूता भूतवडेंसा गोथूभा सुदंसणा, अमलाते अच्छराते णवमिताते रोहिणीते, तत्थ णं जे से उत्तरपच्चत्थिमिल्ले रतिकरगपव्वते तस्स णं चउदिसिंमीसाणस्स देविंदस्स देवरन्नो चउण्हमग्गमहिसीणं जंबुद्दीवपमाणमित्ताओ चत्तारि रायहाणीओ पंतं - रयणा रतणुच्चता सव्वरतणा रतणसंचया, वसूते वसुगुत्ताते वसुमित्ताते वसुंधराए । ३०७ । चउव्विहे सच्चे पंतं - णामसच्चे ठवणसच्चे दव्वसच्चे भावसच्चे । ३०८ । आजीवियाणं चउव्विहे तवे पंतं - उगतवे ( ओरालतवे पा० ) धोरतवेरसणिज्जूहणता जिब्भिंदियपडिसंलीणता । ३०९ । चउव्विहे संजमे पंतं - मणसंजमे वतिसंजमे कायसंजमे उवगरणसंजमे, चउव्विधे चिताते पंतं - मणचिताये वतिचियाते कायचियाते उवगरणचियाते, चउव्विहा अकिंचणता पंतं - मणअकिंचणता वतिअकिंचणता कायअकिंचणता उवगरणअकिंचणता । ३१० । ॥ अ० ४ उ० २ ॥ चत्तारि रातीओ पंतं पव्वयराती पुढवीराती

वालुयराती उदगराती, एवामेव चउव्विहे कोहे पंतं - पव्वयरातिसमाणे पुढवीरातिसमाणे वालुयरातिसमाणे उदगरातिसमाणे,  
 पव्वयरातिसमाणं कोहं अणुपविट्ठे जीवे कालं करेइ णेरइतेसु उववज्जति, पुढवीरातिसमाणं कोहमणुपविट्ठे. तिरिक्खजोणितेसु  
 उववज्जति, वालुयरातिसमाणं कोहं अणुपविट्ठे समाणे. मणुस्सेसु उववज्जति, उदगरातिसमाणं कोहमणुपविट्ठे समाणे० देवेसु  
 उववज्जति १ । चत्तारि उदगा पंतं - कद्दमोदए खंजणोदए वालुओदए सेलोदए, एवामेव चउव्विहे भावे पंतं - कद्दमोदगसमाणे  
 खंजणोदगसमाणे वालुओदगसमाणे सेलोदगसमाणे, कद्दमोदगसमाणं भावमणुपविट्ठे जीवे कालं करेइ णेरइएसु उववज्जति, एवं  
 जाव सेलोदगसमाणं भावमणुपविट्ठे जीवे कालं करेइ देवेसु उववज्जइ । ३११ । चत्तारि पक्खी पंतं - रुयसंपन्ने नाममेगे णो  
 रुवसंपन्ने रुवसंपन्ने नाममेगे नो रुतसंपन्ने एगे रुवसंपन्नेऽवि रुतसंपन्नेवि नो रुतसंपन्ने णो रुवसंपन्ने, एवामेव चत्तारि पुरिसजाया  
 पंतं - रुयसंपन्ने नाममेगे णो रुवसंपन्ने० ४, चत्तारि पुरिसजाया पंतं - पत्तियं करेमीतेगे पत्तियं करेइ पत्तियं करेमीतेगे अपत्तितं  
 करेति अप्पत्तियं करेमीतेगे पत्तितं करेइ अप्पत्तियं करेमीतेगे अप्पत्तितं करेति, चत्तारि पुरिसजाया पंतं - अप्पणो णाममेगे पत्तितं  
 करेति णो परस्स परस्स नाममेगे पत्तियं करेति णो अप्पणो० ४. चत्तारि पुरिसजाया पंतं - पत्तियं पवेसामीतेगे पत्तितं पवेसेइ पत्तियं  
 पवेसामीतेगे अप्पत्तितं पवेसेति० ४, चत्तारि पुरिसजाया पंतं - अप्पणो नाममेगे पत्तितं पवेसेइ णो परस्स परस्स० ४ । ३१२ । चत्तारि  
 रुक्खा पंतं - पत्तोवाए पुप्फोवाए फलोवाए छायोवाए, एवामेव चत्तारि पुरिसजाया पंतं - पत्तोवारुक्खसमाणे पुप्फोवारुक्खसमाणे

फलोवारुक्खसमाणे छातोवारुक्खसमाणे । ३१३ । भारणं वहमाणस्स चत्तारि आसासा पन्नत्ता, तं० - जत्थ णं अंसातो अंसं साहरइ  
 तत्थज्विय से एगे आसासे पण्णत्ते १ जत्थज्विय णं उच्चारं वा पासवणं वा परिट्ठावेति तत्थज्विय से एगे आसासे पण्णत्ते २  
 जत्थज्विय णं णागकुमारावासंसि वा सुवन्नकुमारावासंसि वा वासं उवेति तत्थज्विय से एगे आसासे पन्नत्ते ३, जत्थज्विय णं  
 आवकधाते चिट्ठति तत्थज्विय से एगे आसासे पन्नत्ते ४, एवामेव समणोवासग्गस्स चत्तारि आसासा पं० तं० - जत्थ णं  
 सीलव्वतगुणव्वतवेरमणपच्चक्खाणपोसहोववासाइं पडिवज्जेति तत्थज्विअ से एगे आसासे पण्णत्ते १ जत्थज्विय णं सामाइयं  
 देसावगासियं सम्ममणुपालेइ तत्थज्विय से एगे आसासे पं० २ जत्थज्विय णं चाउहसट्ठमुद्धिट्ठपुन्नमासिणीसु पडिपुन्नं पोसहं सम्मं  
 अणुपालेइ तत्थज्विय से एगे आसासे पण्णत्ते ३ जत्थिज्वि य णं अपच्छिममारणं तितसंलेहणाजूसणाजूसिते भत्तपाणपडितातिविस्वते  
 पाओवगते कालमणवकंखमाणे विहरति तत्थज्विय से एगे आसासे पन्नत्ते । ३१४ । चत्तारि पुरिसजाया पं० तं० - उदितोदिते णाममेगे  
 उदितत्थमिते णाममेगे अत्थमितोदिते णाममेगे अत्थमियत्थमिते णाममेगे, भरहे राया चाउरंतचक्कवट्ठी णं उदितोदिते १ बंभदत्ते णं  
 राया चाउरंतचक्कवट्ठी उदिअत्थमिते २ हरितेसबले णमणगारे णमत्थमिओदिते ३ काले णं सोयरिये अत्थमितत्थमिते ४ । ३१५ ।  
 चत्तारि जुम्मा पं० तं० - कडजुम्मे तेयोए दावरजुम्मे कलिओए, नेरतिताणं चत्तारि जुम्मा पं० तं० - कडजुम्मे तेओए दावरजुम्मे कलितोए,  
 एवं असुरकुमाराणं जाव थणियकुमाराणं, एवं पुढवीकाइयाणं आउ० तेउ० वाउ० वणस्सति० बेदिताणं तेदियाणं चउरिंदियाणं

पंचिंदियतिरिक्खजोणियाणं मणुस्साणं वाणमंतराणं जोइसियाणं वेमाणियाणं सब्वेसिं जहा णेरइयाणं । ३१६ । चत्तारि सूर पंतं-  
 खंतिसूरे तवसूरे दाणसूरे जुद्धसूरे, खंतिसूरा अरहंता तवसूरा अणगारा दाणसूरे वेसमणे जुद्धसूरे वासुदेवे । ३१७ । चत्तारि पुरिसजाया  
 पंतं- उच्चे णाममेगे उच्चच्छंदे उच्चे णाममेगे णीतच्छंदे णीते णाममेगे उच्चच्छंदे नीए णाममेगे णीयच्छंदे । ३१८ । असुरकुमाराणं  
 चत्तारि लेसातो पंतं- कणहलेसा णीललेसा काउलेसा तेउलेसा, एवं जाव थणियकुमाराणं, एवं पुढवीकाइयाणं आउवणस्सइकाइयाणं  
 वाणमंतराणं सब्वेसिं जहा असुरकुमाराणं । ३१९ । चत्तारि जाणा पंतं- जुत्ते नाममेगे जुत्ते जुत्ते नाममेगे अजुत्ते अजुत्ते णाममेगे  
 जुत्ते अजुत्ते णाममेगे अजुत्ते, एवामेव चत्तारि पुरिसजाया पंतं- जुत्ते णाममेगे जुत्ते जुत्ते णाममेगे अजुत्ते० ४, चत्तारि जाणा  
 पंतं- जुत्ते णाममेगे जुत्तपरिणते जुत्ते णाममेगे अजुत्तपरिणते० एवामेव चत्तारि पुरिसजाया पंतं- जुत्ते णाममेगे जुत्तपरिणते० ४,  
 चत्तारि जाणा पंतं- जुत्ते णाममेगे जुत्तरूवे जुत्ते णाममेगे अजुत्तरूवे अजुत्ते णाममेगे जुत्तरूवे० ४, एवामेव चत्तारि पुरिसजाया  
 पंतं- जुत्ते णाममेगे जुत्तरूवे० ४, चत्तारि जाणा पंतं- जुत्ते णाममेगे जुत्तसोभे० ४, एवामेव चत्तारि पुरिसजाया पंतं- जुत्ते  
 णाममेगे जुत्तसोभे० ४, चत्तारि जुग्गा पंतं- जुत्ते नाममेगे जुत्ते० ४, एवामेव चत्तारि पुरिसजाया पंतं- जुत्ते णाममेगे जुत्ते० ४,  
 एवं जथा जाणेण चत्तारि आलावगा तथा जुग्गेणवि, पडिपक्खो तहेव पुरिसजाता जाव सोभेत्ति । चत्तारि सारही पंतं- जोयावइत्ता  
 णामं एगे नो विजोयावइत्ता विजोयावइत्ता नामं एगे नो जोयावइत्ता एगे जोयवइत्तावि विजोयावइत्तावि एगे नो जोयावइत्ता नो

विजोयावइत्ता, एवामेव चत्तारि हया पं०तं० -जुत्ते णामं एगे जुत्ते जुत्ते णाममेगे अजुत्ते० ४, एवामेव चत्तारि पुरिसजाया पं०तं० -जुत्ते णाममेगे जुत्ते० ४ एवं जुत्तपरिणते जुत्तरूवे जुत्तसोभे सब्वेसिं पडिवक्खो पुरिसजाता । चत्तारि गया पं०तं०-जुत्ते णाममेगे जुत्ते० ४, एवामेव चत्तारि पुरिसजाया पं०तं० -जुत्ते णाममेगे जुत्ते ४, एवं जहा हयाणं तहा गयाणऽवि भाणियव्वं, पडिवक्खा तहेव पुरिसजाया । चत्तारि जुग्गारिता पं०तं० -पंथजाती णाममेगे णो उप्पहजाती उप्पथजाती णाममेगे णो पंथजाती एगे पंथजातीऽवि उप्पहजातीऽवि एगे णो पंथजाती णो उप्पहजाती, एवामेव चत्तारि पुरिसजाया । चत्तारि पुष्फा पं०तं० -रूवसंपन्ने नाममेगे णो गंधसंपन्ने गंधसंपन्ने णाममेगे नो रूवसंपन्ने एगे रूवसंपन्नेऽवि गंधसंपन्नेऽवि एगे णो रूवसंपन्ने णो गंधसंपन्ने, एवामेव चत्तारि पुरिसजाता पं०तं०-रूवसंपन्ने णाममेगे णो सीलसंपन्ने० ४, चत्तारि पुरिसजाया पं०तं० - जातिसंपन्ने नाममेगे नो कुलसंपन्ने० ४, १ चत्तारि पुरिसजाया पं०तं० -जातिसंपण्णे नामं एगे णो बलसंपन्ने बलसंपन्ने नामं एगे णो जातिसंपन्ने० ४, २, एवं जातीते रूवेण चत्तारि आलावगा ३, एवं जातीते सुएण ४, ४, एवं जातीते सीलेण ४, ५, एवं जातीते चरित्तेण ४, ६, एवं कुलेण बलेण ४, ७, एवं कुलेण रूवेण ४, ८, कुलेण सुतेण ४, ९, कुलेण सीलेण ४, १०, कुलेण चरित्तेण ४, ११, चत्तारि पुरिसजाता पं०तं० -बलसंपण्णे नाममेगे णो रूवसंपन्ने० ४, १२, एवं बलेण सुतेण ४, १३, एवं बलेण सीलेण ४, १४, एवं बलेण चरित्तेण ४, १५, चत्तारि पुरिसजाया पं०तं०-रूवसंपन्ने नाममेगे णो सुयसंपण्णे० ४, १६, एवं रूवेण सीलेण ४, १७ रूवेण चरित्तेण ४, १८, चत्तारि पुरिसजाता पं०तं०-

सुयसंपन्ने नाममेगे णो सीलसंपन्ने० ४, १९, एवं सुतेण चरित्तेण य ४, २०, चत्तारि पुरिसजाता पंतं० - सीलसंपन्ने नाममेगे नो चरित्तसंपन्ने० ४, २१, एते एक्कवीसं भंगा भाणितव्वा, चत्तारि फला पंतं० - आमलगमहुरे मुद्धितामहुरे खीरमहुरे खंडमहुरे, एवामेव चत्तारि आयरिया पंतं० - आमलगमहुरफलसमाणे जाव खंडमहुरफलसमाणे, चत्तारि पुरिसजाया पंतं० - आतवेतावच्चकरे नाममेगे नो परवेतावच्चकरे० ४, चत्तारि पुरिसजाता पंतं० - करेति नाममेगे वेयावच्चं णो पडिच्छइ पडिच्छइ नाममेगे वेयावच्चं नो करेइ० ४, चत्तारि पुरिसजाता पंतं० - अट्ठकरे णाममेगे णो माणकरे माणकरे णाममेगे णो अट्ठकरे एगे अट्ठकरेऽवि माणकरेऽवि एगे णो अट्ठकरे णो माणकरे, चत्तारि पुरिसजाता पंतं० - गणट्ठकरे णाममेगे णो माणकरे० ४, चत्तारि पुरिसजाता पंतं० - गणसंगहकरे णाममेगे णो माणकरे० ४, चत्तारि पुरिसजाया पंतं० - गणसोभकरे णामं एगं णो माणकरे० ४, चत्तारि पुरिसजाया पंतं० - गणसोहिकरे णाममेगे नो माणकरे ० ४, चत्तारि पुरिसजाया पंतं० - रूवं नाममेगे जहति नो धम्मं धम्मं नाममेगे जहति नो रूवं एगे रूवंपि जहति धम्मंपि जहति एगे नो रूवं जहति नो धम्मं, चत्तारि पुरिसजाया पंतं० - धम्मं नाममेगे जहति नो गणसंठितं० ४, चत्तारि पुरिसजाया पंतं० - पियधम्मे नाममेगे नो दढधम्मे दढधम्मे नाममेगे नो पितधम्मे एगे पियधम्मेऽवि दढधम्मेऽवि एगे नो पियधम्मे नो दढधम्मे, चत्तारि आयरिया पंतं० - पव्वायणायरिते नाममेगे णो उवट्ठावणायरिते उवट्ठावणायरिए णाममेगे णो पव्वायणायरिए एगे पव्वायणातरितेऽवि उवट्ठावणातरितेऽवि एगे नो पव्वायणातरिते नो उवट्ठावणातरिते धम्मायरिए ४, चत्तारि आयरिया पंतं० -

उद्देसणायरिए णाममेगे णो वायणायरिए० धम्मायरिए ४, चत्तारि अंतेवासी पंतं० - पव्वायणंतेवासी नामं एगे णो उवट्ठावणंतेवासी० धम्मंतेवासी ४, चत्तारि अंतेवासी पंतं० -उद्देसणंतेवासी नामं एगे नो वायणंतेवासी० धम्मंतेवासी ४, चत्तारि निग्गंथा पंतं० रातिणिये समणे निग्गंथे महाकम्मे महाकिरिए अणायावी असमिते धम्मस्स अणाराधते भवति १ राइणिते समणे निग्गंथे अप्पकम्मे अप्पकिरिते आतावी समिए धम्मस्स आराहते भवति २ ओमरातिणिते समणे निग्गंथे महाकम्मे महाकिरिते अणातावी असमिते धम्मस्स अणाराहते भवति ३ ओमरातिणिते समणे निग्गंथे अप्पकम्मे अप्पकिरिते आतावी समिते धम्मस्स आराहते भवति ४, चत्तारि निग्गंथीओ पंतं० -रातिणिया समणी निग्गंथी० एवं चेव ४, चत्तारि समणोवासगा पंतं० -रायणिते समणोवासए महाकम्मे० तहेव ४, चत्तारि समणोवासिताओ पंतं० -राइणिया समणोवासिता महाकम्मा० तहेव चत्तारि गमा । ३२० । चत्तारि समणोवासगा पंतं०-अम्मापितिसमाणे भातिसमाणे मित्तसमाणे सवत्तिसमाणे, चत्तारि समणोवासगा पंतं० -अद्दागसमाणे पडागसमाणे खाणुसमाणे खरकंटयसमाणे । ३२१ । समणस्स णं भगवतो महावीरस्स समणोवासगाणं सोधम्मकप्पे अरुणाभे विमाणे चत्तारि पलिओवमाइं ठिती पन्नत्ता । ३२२ । चउहिं ठाणेहिं अहुणोववन्ने देवे देवलोगेसु इच्छेज्जा माणुसं लोगं हव्वमागच्छित्तते णो चेव णं संचातेति हव्वमागच्छित्तते, तं० -अहुणोववन्ने देवे देवलोगेसु दिव्वेसु कामभोगेसु मुच्छिते गिद्धे गढिते अज्झोववन्ने से णं माणुस्सए कामभोगे नो आढाइ नो परियाणाति णो अट्ठं बंधइ णो णिताणं पगरेति णो ठितिपगप्पं पगरेति ? अहुणोववन्ने देवे देवलोगेसु दिव्वेसु कामभोगेसु

मुच्छिते० तस्स णं माणुस्सते पेम्मे वोच्छिन्ने दिव्वे संकंते भवति २ अहुणोववन्ने देवे देवलोएसु दिव्वेसु कामभोगेसु मुच्छिते० तस्स णं एवं भवतिइण्हं गच्छं मुहुत्तेणं गच्छं तेणं कालेणमप्पाउया मणुस्सा कालधम्मणा संजुत्ता भवन्ति ३ अहुणोववन्ने देवे देवलोएसु दिव्वेसु कामभोगेसु मुच्छिते० तस्स णं माणुस्सए गंधे पडिकूले पडिलोमे तावि भवति, उड्ढंपिय णं माणुस्सए गंधे जाव चत्तारि पंच जोयणसताइं हव्वमागच्छति ४, इच्चेतेहिं चउहिं ठाणेहिं अहुणोववण्णे देवे देवलोएसु इच्छेज्जा माणुसं लोगं हव्वमागच्छित्तए णो चेव णं संचातेति हव्वमागच्छित्तए । चउहिं ठाणेहिं अहुणोववन्ने देवे देवलोएसु इच्छेज्जा माणुसं लोगं हव्वमागच्छित्तते संचाएइ हव्वमागच्छित्तए, तं० - अहुणोववन्ने देवे देवलोगेसु दिव्वेसु कामभोगेसु अमुच्छिते जाव अणज्झोववन्ने तस्स णं एवं भवति-अत्थि खलु मम माणुस्सए भवे आयरितेति वा उवज्झाएति वा पवत्तीति वा थरेति वा गणीति वा गणधरेति वा गणावच्छेएति वा जेसिं पभावेणं मए इमा एतारूवा दिव्वा देविइढी दिव्वा देवजुत्ती लद्धा पत्ता अभिसमन्नागया, तं गच्छामि णं ते भगवंते वंदामि जाव पज्जुवासामि १ अहुणोववन्ने देवे देवलोएसु जाव अणज्झोववन्ने तस्स णमेवं भवति एस णं माणुस्सए भवे णाणीति वा तवस्सीति वा अइदुक्करदुक्करकारते तं गच्छामि णं ते भगवंते वंदामि जाव पज्जुवासामि २ अहुणोववन्ने देवे देवलोएसु जाव अणज्झोववन्ने तस्स णमेवं भवति अत्थि णं मम माणुस्सए भवे माताति वा जाव सुणहाति वा तं गच्छामि णं तेसिमंतितं पाउब्भवामि पासंतु ता मे ( इमे पा० ) इममेतारूवं दिव्वं देविइढिं दिव्वं देवजुत्तिं लद्धं पत्तं अभिसमन्नागतं ३ अहुणोववन्ने देवे देवलोगेसु जाव अणज्झोववन्ने तस्स णमेवं भवति अत्थि णं मम

माणुस्सए भवे मित्तेति वा सहीति वा सुहीति वा सहाएति वा संगएति वा तेसिं च णं अम्हे अन्नमन्नस्स संगारे पडिसुते भवति जो मे पुविं चयति से संबोहेतव्वे, इच्चेतेहिं जाव संचातेति हव्वमागच्छित्तते ४ । ३२३ । चउहिं ठाणेहिं लोगंधगारे सिया, तं० - रहंतेहिं वोच्छिज्जमाणेहिं १, अरहंतपन्नत्ते धम्मे वोच्छिज्जमाणे २ पुव्वगते वोच्छिज्जमाणे ३ जायतेते वोच्छिज्जमाणेल ४। चउहिं ठाणेहिं लोउज्जोते सिता, तं०- अरहंतेहिं जायमाणेहिं १ अरहंतेहिं पव्वतमाणेहिं २ अरहंताणं णाणुप्पायमहिमासु ३ अरहंताणं परिनिव्वाणमहिमासु ४, एवं देवंधगारे देवुज्जोते देवसन्निवाते देवुक्कलिताते देवकहकहते, चउहिं ठाणेहिं देविंदा माणुस्सं लोगं हव्वमागच्छंति एवं जहा तिठाणे जाव लोगंतिता देवा माणुस्सं लोगं हव्वमागच्छेज्जा, तं०-अरहंतेहिं जायमाणेहिं जाव अरिहंताणं परिनिव्वाणमहिमासु । ३२४। चत्तारि दुहसेज्जाओ पं०, तत्थ खलु इमा पढमा दुहसेज्जा तं०- से णं मुंडे भवित्ता अगारातो अणगारियं पव्वतिते निगंथे पावयणे संकिते कंखिते वित्तिगिच्छिते भेयसमावन्ने कलुससमावन्ने निगंथं पावयणं णो सदहति णो पत्तियति णो रोएइ, निगंथं पावयणं असदहमाणे अपत्तितेमाणे अरोएमाणे मणं उच्चावतं नियच्छति विणिघातमावज्जति पढमा दुहसेज्जा १ अहावरा दुच्चा दुहसेज्जा से णं मुंडे भवित्ता आगारातो जाव पव्वतिते सएणं लाभेणं णो तुस्सति परस्स लाभमासाएति पीहेति पत्थेति अभिलसति परस्स लाभमासाएमाणे जाव अभिलसमाणे मणं उच्चावयं नियच्छइ विणिघातमावज्जति दोच्चा दुहसेज्जा २ अहावरा तच्चा दुहसेज्जा से णं मुंडे भवित्ता जाव पव्वइए दिव्वमाणुस्सए कामभोगे आसाएइ जाव अभिलसति दिव्वमाणुस्सए कामभोगे आसाएमाणे जाव अभिलसमाणे मणं उच्चावयं

निर्यच्छति विणिघातमावज्जति तच्चा दुहसेज्जा ३ अहावरा चउत्था दुहसेज्जा से णं मुंडे जाव पव्वइए तस्स णमेवं भवति जया णं अहमगारवासमावसांमि तदा णमहं संवाहणपरिमदणगातब्भंगगातुच्छोलणाइं लभामि जप्पभिइं च णं अहं मुंडे पव्वतिते तप्पभिइं च णमहं संवाहण जाव गातुच्छोलणाइं णो लभामि, से णं संवाहण जाव गातुच्छोलणाइं आसाएति जाव अभिलसति से णं संवाहण जाव गातुच्छोलणाइं आसाएमाणे जाव मणं उच्चावतं नियच्छति विणिघायमावज्जति, चउत्था दुहसेज्जा ४ । चत्तारि सुहसेज्जाओ पं०, तत्थ खलु इमा पढमा सुहसेज्जा-से णं मुंडे भवित्ता आगारातो अणगारियं पव्वतिए निगंथे पावयणे निस्संक्किते णिवक्कंखिते निव्वित्तिणिच्छिए नो भेदसमावन्ने नो कलुससमावन्ने निगंथं पावयणं सदहइ पत्तियइ रोतेति निगंथं पावयणं सदहमाणे पत्तितेमाणे रोएमाणे नो मणं उच्चावतं नियच्छति णो विणिघातमावज्जति, पढमा सुहसेज्जा १ अहावरा दोच्चा सुहसेज्जा से णं मुंडे जाव पव्वतिते सतेणं लाभेणं तुस्सति परस्स लाभं णो आसाएति णो पीहेति णो पत्थेइ णो अभिलसति परस्स लाभमणासाएमाणे जाव अणभिलसमाणे नो मणं उच्चावतं नियच्छति णो विणिघातमावज्जति० दोच्चा सुहसेज्जा २ अहावरा तच्चा सुहसेज्जा से णं मुंडे जाव पव्वइए दिव्वमाणुस्सए कामभोगे णो आसाएति जाव नो अभिलस्सति दिव्वमाणुस्सए कामभोगे अणासाएमाणे जाव अणभिलसमाणे नो मणं उच्चावतं नियच्छति णो विणिघातमावज्जति, तच्चा सुहसेज्जा ३, अहावरा चउत्था सुहसेज्जा से णं मुंडे जाव पव्वतिते तस्स णं एवं भवति जइ ताव अरहंता भगवंतो हट्ठा आरोग्गा बलिया कल्लसरीरा अन्नयराइं ओरालाइं कल्लाणाइं विउलाइं पयताइं पग्गहिताइं महाणुभागाइं

कम्पक्खयकारणाइं तवोकम्माइं पडिवज्जंति किमंग पुण अहं अब्भोवगमिओवक्कमियं वेयणं नो सम्भं सहामि खमामि तित्तिक्खेमि  
 अहियासेमि? ममं च'णं अब्भोवगमिओवक्कमियं० सम्भमसहमाणस्स अक्खममाणस्स अत्तित्तिक्खमाणस्स अणहियासेमाणस्स किं  
 मन्ने कज्जति?, एगंतसो मे पावे कम्मे कज्जति, ममं च णं अब्भोवगमिओ जाव सम्भं सहमाणस्स जाव अहियासेमाणस्स किं मन्ने  
 कज्जति?, एगंतसो मे निज्जरा कज्जति, चउत्था सुहसेज्जा ४ । ३२५ । चत्तारि अवायणिज्जा पंतं०- अविणीए विगईपडिबद्धे  
 अविओसवितपाहुडे माई, चत्तारि वातणिज्जा पंतं० - विणीते अविगतीपडिबद्धे वितोसवितपाहुडे अमाती । ३२६ । चत्तारि पुरिसजाया  
 पंतं० -आतंभरे नाममेगे नो परंभरे परंभरे नाममेगे नो आतंभरे एगे आतंभरेऽवि परंभरेऽवि एगे नो आयंभरे नो परंभरे, चत्तारि  
 पुरिसजाया पंतं० -दुग्गए नाममेगे दुग्गए दुग्गए नाममेगे सुग्गते सुग्गते नाममेगे दुग्गए सुग्गए नाममेगे सुग्गए, चत्तारि पुरिसजाया  
 पंतं० -दुग्गते नाममेगे दुव्वए दुग्गए नाममेगे सुव्वए सुग्गए नाममेगे दुव्वते सुग्गए नाममेगे सुव्वए ४, चत्तारि पुरिसजाया पंतं०-  
 दुग्गते नाममेगे दुप्पडिताणंदे दुग्गते नाममेगे सुप्पडिताणंदे० ४, चत्तारि पुरिसजाया पंतं०-दुग्गते नाममेगे दुग्गतिगामी दुग्गए नाममेगे  
 सुग्गतिगामी० ४, चत्तारि पुरिसजाया पंतं० - दुग्गते नाममेगे दुग्गतिं गते दुग्गते नाममेगे सुग्गतिं गते० ४, चत्तारि पुरिसजाया पंतं०-  
 तमे नाममेगे तमे तमे नाममेगे जोती जोती णाममेगे तमे जोती णाममेगे जोती ४, चत्तारि पुरिसजाया पंतं०- तमे नाममेगे तमबले तमे  
 नाममेगे जोतिबले जोती नाममेगे तमबले जोती नाममेगे जोतीबले, चत्तारि पुरिसजाया पंतं० -तमे नाममेगे तमबलपलज्जणे ( पज्जलणे

पा० ) तमे नाममेगे जोतीबलपलज्जणे० ४, चत्तारि पुरिसजाता पं०तं० -परिन्नायकम्मे नाममेगे नो परिन्नातसन्ने परिन्नातसन्ने णाममेगे  
 णो परिन्नातकम्मे एगे परिन्नातकम्मेवि० ४, चत्तारि पुरिसजाता पं०तं० -परिण्णातकम्मे नाममेगे नो परिन्नातगिहावासे परिन्नातगिहावासे  
 णामं एगे णो परिन्नातकम्मे० ४, चत्तारि पुरिसजाता पं०तं० - परिण्णायसन्ने णाममेगे नो परिन्नातगिहावासे परिन्नातगिहावासे णामं  
 एगे ० ४, चत्तारि पुरिसजाता पं०तं० -इहत्थे णाममेगे नो परत्थे परत्थे नाममेगे नो इहत्थे० ४, चत्तारि पुरिसजाता पं०तं० -एगेणं  
 णाममेगे वड्ढति एगेणं हायति एगेणं णाममेगे वड्ढइ दोहिं हायति दोहिं णाममेगे वड्ढति एगेणं हातति एगे दोहिं नाममेगे वड्ढति  
 दोहिं हायति, चत्तारि कंथका ( पकंथका पा० ) पं०तं० -आइन्ने नाममेगे आइन्ने आइन्ने नाममेगे खलुंके खलुंके नाममेगे आइन्ने  
 खलुंके नाममेगे खलुंके ४, एवामेव चत्तारि पुरिसजाता पं०तं० -आइन्ने नाममेगे आइन्ने० चउभंगो, चत्तारि कंथगा पं०तं० -आतिन्ने  
 नाममेगे आतिन्नाते विहरति ( वहइ पा० ) आइन्ने नाममेगे खलुंकताए विहरति० ४, एवामेव चत्तारि पुरिसजाता पं०तं० -आइन्ने  
 नाममेगे आइन्नाताए विहरइ० चउभंगो, चत्तारि पकंथगा पं०तं० -जातिसंपन्ने नाममेगे णो कुलसंपन्ने० ४, एवामेव चत्तारि पुरिसजाता  
 पं०तं० -जातिसंपन्ने नाममेगे चउभंगो, चत्तारि कंथगा पं०तं० -जातिसंपन्ने नाममेगे णो बलसंपन्ने० ४, एवामेव चत्तारि पुरिसजाता  
 पं०तं० -जातिसंपन्ने नाममेगे णो बलसंपण्णे० ४, चत्तारि कंथगा पं०तं० -जातिसंपन्ने णाममेगे णो रूवसंपन्ने० ४, एवामेव चत्तारि  
 पुरिसजाता पं०तं० - जातिसंपन्ने नाममेगे णो रूवसंपण्णे० ४, चत्तारि कंथगा पं०तं०- जाइसंपन्ने णाममेगे णो जयसंपण्णे० ४,

एवामेव चत्तारि पुरिसजाया पंतं० -जातिसंपन्ने० ४, एवा कुलसंपन्नेण य बलसंपण्णेण त ४, कुलसंपन्नेण य रूवसंपण्णेण त ४, कुलसंपण्णेण त जयसंपन्नेण त ४ एवं बलसंपन्नेण त रूवसंपन्नेण त ४ बलसंपन्नेण त जयसंपण्णेण त ४, सव्वत्थ पुरिसजाया पडिवक्खो, चत्तारि कंथगा पंतं० -रूवसंपन्नेणाममेगे णो जयसंपन्ने० ४, एवामेव चत्तारि पुरिसजाया पंतं० -रूवसंपण्णे नाममेगे णो जयसंपण्णे० ४, चत्तारि पुरिसजाया पं० तंजहा-सीहत्ताते णाममेगे निक्खंते सीहत्ताते विहरइ सीहत्ताते नाममेगे निक्खंते सियालत्ताए विहरइ सियालत्ताए नाममेगे निक्खंते सीहत्ताए विहरइ सियालत्ताए नाममेगे निक्खंते सियालत्ताए विहरइ । ३२७ । चत्तारि लोगे समा पंतं० -अपइट्ठाणे नरए १ जंबुदीवे दीवे २ पालते जाणविमाणे ३ सव्वट्टुसिद्धे महाविमाणे ४, चत्तारि लोगे समा सपक्खि सपडिदिसिं पंतं० -सीमंतए नरए समयक्खेत्ते उडुविमाणे ईसीपब्भारा पुढवी । ३२८ । उडुढलोगे णं चत्तारि बिसरीरा पंतं० - पुढवीकाइया आउ० वणस्सइ० उराला तसा पाणा १ अहोलोगे णं चत्तारि बिसरीरा पंतं०- एवं चेव० एवं तिरियलोएवि । ३२९ । चत्तारि पुरिसजाया पंतं० -हिरिसत्ते हिरिमणसत्ते चलसत्ते थिरसत्ते । ३३० । चत्तारि सिज्जपडिमाओ पं०, चत्तारि वत्थपडिमाओ पं०, चत्तारि पायपडिमाओ पं० चत्तारि ठाणपडिमाओ पं० । ३३१ । चत्तारि सरीरगा जीवफुडा पंतं० -वेउव्विए आहारए तेयए कम्मए, चत्तारि सरीरगा कम्मुम्मीसगा पंतं० -ओरालिए वेउव्विए आहारते तेउते । ३३२ । चउहिं अत्थिकाएहिं लोगे फुडे पंतं० -धम्मत्थिकाएणं अधम्मत्थिकाएणं जीवत्थिकाएणं पुग्गलत्थिकाएणं, चउहिं बादरकातेहिं उववज्जमाणेहिं लोगेफुडे पंतं० -पुढविकाइएहिं आउ०

वा३० वणस्सइकाइएहिं । ३३३ । चत्तारि पएसग्गेणं तुल्ला पंतं० - धम्मत्थिकाए अधम्मत्थिकाए लोगागासे एगजीवे । ३३४ ।  
 चउण्हमेगं सरीरं नो सुप्पस्सं ( पस्सं पा० ) भवइ० तं० - पुढविकाइयाणं आ३० ते३० वणस्सकाइयाणं । ३३५ । चत्तारि इंदियत्था  
 पुट्ठा वेदेति तं० - सोत्तिंदियत्थे घाणिंदियत्थे जिब्भिंदियत्थे फासिंदियत्थे । ३३६ । चउहिं ठाणेहिं जीवा य पोग्गला य णो संचातेति  
 बहिया लोगंता गमणताते, तं० - गतिअभावेणं णिरुवग्गहताते लुक्खताते लोगाणुभावेणं । ३३७ । चउव्विहे णाते पंतं० - आहरणे  
 आहरणतद्देसे आहरणतद्दोसे उवन्नासोवणाए १, आहरणे चउव्विहे पंतं० - अवाते उवाते ठवणाकम्मे पडुप्पन्नविणासी २, आहरणतद्देसे  
 चउव्विहे पंतं० - अणुसिद्धी उवालंभे पुच्छा निस्सावयणे ३, आहरणतद्दोसे चउव्विहे पंतं० - अधम्मजुत्ते पडिलोमे अत्तोवणीते  
 दुरुवणीते ४, उवन्नासोवणाए चउव्विहे पंतं० - तव्वत्थुते तदन्नवत्थुते पडिनिभे हेतू ५, हेऊ चउव्विहे पंतं० - जावते थावते वसंते  
 लूसते, अथवा हेऊ चउव्विहे पंतं० - पच्चक्खे अणुमाणे ओवम्मे आगमे, अहवा हेऊ चउव्विहे पंतं० - अत्थित्तं अत्थि सो हेऊ १  
 अत्थित्तं णत्थि सो हेऊ २ णत्थित्ते अत्थि सो हेऊ ३ णत्थित्ते णत्थि सो हेऊ ४ । ३३८ । चउव्विहे संखाणे पंतं० - पडिकम्भं १ ववहारे  
 २ रज्जू ३ रासी ४ । अहोलोगे णं चत्तारि अंधगारं करेति, तं० - नरगा णेरइया पावाइं कम्माइं असुभा पोग्गला १ तिरियलोगे णं चत्तारि  
 उज्जोतं करेति० तं० - चंदा सूरामणी जोती २ उड्ढलोगे णं चत्तारि उज्जोतं करेति, तं० - देवा देवीओ विमाणा आभरणा ३ । ३३९ ॥  
 अ० ४ उ० ३ ॥ चत्तारि पसप्पगा पंतं० - अणुप्पन्नाणं भोगाणं उप्पाएत्ता एगे पसप्पए पुव्वुपन्नाणं ( पच्चुप्पन्नाणं पा० ) भोगाणं

अविष्यतो गेणं एगे पसप्यते अणुप्पन्नाणं सोक्खाणं उप्पाइता एगे पसप्यए पुव्वुप्पन्नाणं सोक्खाणं अविष्यओगेणं एगे पसप्यए । ३४० ।  
 णोरतिताणं चउव्विहे आहारे पंतं० - इंगालोवमे मुम्मुरोवमे सीतले हिमसीतले, तिरिक्खजोणियाणं चउव्विहे आहारे पंतं० - कंकोवमे  
 बिलोवमे पाणमंसोवमे पुत्तमंसोवमे० मणुस्साणं चउव्विहे आहारे पंतं० - असणे जाव सातिमे, देवाणं चउव्विहे आहारे पंतं० -  
 वन्नमंते गंधमंते रसमंते फासमंते । ३४१ । चत्तारि जातिआसीविसा पंतं० - विच्छुतजातीयासीविसे मंडुक्कजातीयासीविसे  
 उरगजातीयासीविसे मणुस्सजातिआसीविसे० विच्छुयजातिआसीविसस्स णं भंते ! केवइए विसए पन्नत्ते ?, पभू णं विच्छुयजातिआसीविसे  
 अब्धभरहप्यमाणमेत्तं बोदि विसेणं विसपरिणयं विसट्टमाणिं करित्तए विसए से विसट्टताए नो चेव णं संपत्तीए करेसु वा करेति वा  
 करिस्संति वा, मंडुक्कजातिआसीविसस्स पुच्छा, पभू णं मंडुक्कजातिआसीविसे भरहप्यमाणमेत्तं बोदिं विसेणं विसट्टमाणिं सेसं तं चेव  
 जाव करेस्संति वा, उरगजाति पुच्छा, पभू णं उरगजातिआसीविसे जंबुद्दीवपमाणमेत्तं बोदिं विसेणं सेसं तं चेव जाव करेस्संति वा,  
 मणुस्सजातिपुच्छा० पभू णं मणुस्सजातिआसीविसे समतखेत्तपमाणमेत्तं बोदिं विसेणं विसपरिण ( ग पा० ) तं विसट्टमाणिं करेत्तए,  
 विसते से विसट्टताते नो चेव णं जाव करिस्संति वा । ३४२ । चउव्विहे वाही पंतं० - वातिते पित्तिते सिंभिते सन्निवातिते० चउव्विहा  
 तिगिच्छा पंतं० - विज्जो ओसधाइं आउरे परिचारते १ । ३४३ । चत्तारि तिगिच्छगा पंतं० - आततिगिच्छते नाममेगे णो परतिगिच्छते  
 १ परतिगिच्छए नाममेगे० ४. २. चत्तारि पुरिसजाया पंतं० - वणकरे णाममेगे नो वणपरिमासी वणपरिमासी नाममेगे णो वणकरे एगे

वणकरेऽवि वणपरिमासीऽवि एगे णो वणकरे णो वणपरिमासी १, चत्तारि पुरिसजाया पंतं - वणकरे नाममेगे णो वणसारक्खी०  
 ४, २, चत्तारि पुरिसजाया पंतं - वणकरे नामं एगे णो वणसंरोही० ४, ३, चत्तारि वणा पंतं - अंतोसल्ले नाममेगे णो  
 बाहंसल्ले० ४, १, एवामेव चत्तारि पुरिसजाया पंतं - अंतोसल्ले णाममेगे णो बाहंसल्ले ४, २, चत्तारि वणा पंतं - अंतोदुट्ठे  
 नामं एगे णो बाहंदुट्ठे बाहंदुट्ठे नामं एगे नो अंतो० ४, ३, एवामेव चत्तारि पुरिसजाया पंतं - अंतोदुट्ठे० णो बाहंदुट्ठे० ४, ४, चत्तारि  
 पुरिसजाया पंतं - सेतंसे णाममेगे सेयंसे सेयंसे नाममेगे पावंसे पावंसे णामं एगे सेयंसे पावंसे णाममेगे पावंसे १, चत्तारि पुरिसजाया  
 पंतं - सेतंसे णाममेगे सेतंसेत्ति सालिसए सेतंसे णाममेगे पावंसेत्ति सालिसते० ४, २, चत्तारि पुरिसा पंतं - सेतंसेत्ति णाममेगे  
 सेतंसेत्ति मण्णति सेतंसेत्ति णाममेगे पावंसेत्ति मण्णति० ४, ३, चत्तारि पुरिसजाता पंतं - सेयंसे णाममेगे सेयंसेत्ति सालिसते मन्नति  
 सेतंसे णाममेगे पावंसेत्ति सालिसत्ते मन्नति० ४, ४. चत्तारि पुरिसजाता पंतं - आधवत्तिता णाममेगे णो परिभावइत्ता परिभावइत्ता  
 णाममेगे णो आधवत्तिता० ४, ५, चत्तारि पुरिसजाया पंतं - आधवत्तिता णाममेगे नो उंछजीविसंपन्ने उंछजीविसंपन्ने णाममेगे णो  
 आधवइत्ता० ४, ६, चउव्विहा रुक्खविगुव्वणा पंतं - पवालत्ताए पत्तत्ताए पुप्फत्ताए फलत्ताए । ३४४ । चत्तारि वातिसमोसरणा  
 पंतं - किरियावादी अकिरियावादी अन्नाणितवादी वेणतियवादी । णेरइयाणं चत्तारि वातिसमोसरणा पंतं - किरियावादी  
 जाव वेणतितवादी, एवमसुरकुमाराणऽवि जाव थणियकुमाराणं, एवं विगलंदियवज्जं जाव वेमाणियाणं । ३४५ । चत्तारि मेहा

पं०तं० - गज्जित्ता णाममेगे णो वासित्ता वासित्ता णाममेगे णो गज्जित्ता एगे गज्जित्तावि वासित्तावि एगे णो गज्जित्ता णो वासित्ता १,  
 एवामेव चत्तारि पुरिसजाया पं०गं० - गज्जित्ता णाममेगे णो वासित्ता० ४, २, चत्तारि मेहा पं०तं०- गज्जित्ता णाममेगे णो विज्जुयाइत्ता  
 विज्जुयाइत्ता णाममेगे० ४, ३, एवामेव चत्तारि पुरिसजाया पं०तं० -गज्जित्ता णाममेगे णो विज्जुयाइत्ता० ४, ४, चत्तारि मेहा पं०तं०-  
 वासित्ता णाममेगे णो विज्जुयाइत्ता० ४, ५, एवामेव चत्तारि पुरिस० वासित्ता णाममेगे णो विज्जुयाइत्ता० ४, ६, चत्तारि मेहा पं०तं०-  
 कालवासी णाममेगे णो अकालवासी० ४, ७, एवामेव चत्तारि पुरिसजाया पं०तं० -कालवासी णाममेगे नो अकालवासी० ४, ८,  
 चत्तारि मेहा पं०तं० - खेत्तवासी णाममेगे णो अखित्तवासी० ४, ९, एवामेव चत्तारि पुरिसजाया पं०तं० -खेत्तवासी णाममेगे णो  
 अखेत्तवासी० ४, १०, चत्तारि मेहा पं०तं० -जणत्तित्ता णाममेगे णो णिम्मवइत्ता णिम्मवइत्ता णाममेगे णो जणत्तित्ता० ४, ११,  
 एवामेव चत्तारि अभ्मापियरो पं०तं० -जणइत्ता णाममेगे णो णिम्मवइत्ता० ४, १२, चत्तारि मेहा पं०तं० -देसवासी णाममेगे णो  
 सव्ववासी०, ४, १३, एवामेव चत्तारि रायाणो पं०तं० - देसाधिवती णाममेगे णो सव्वाधिवती० ४, १४ । ३४६ । चत्तारि मेहा  
 पं०तं०- पुक्खलसंवट्ठते पज्जुत्ते जीमूते जिम्हे, पुक्खलसंवट्ठए णं महामेहे एगेणं वासेणं दस वाससहस्साइं भावेति, पज्जुत्ते णं महामेहे  
 एगेणं वासेणं दस वाससयाइं भावेत्ति, जीमूते णं महामेहे एगेणं वासेणं दस वासाइं भावेत्ति, जिम्हे णं महामेहे बहूहिं वासेहिं एगं वासं  
 भावेत्ति वा ण वा भावेइ १५ । ३४७ । चत्तारि करंडगा पं०तं० - सोवागकरंडते वेसिताकरंडते गाहावतिकरंडते रायकरंडते १६,

एवामेव चत्तारि आयरिया पंतं० - सोवागकरंडगसमाणे वेसिताकरंडगसमाणे गाहावडकरंडगसमाणे रायकरंडगसमाणे १७ । ३४८ ।  
 चत्तारि रुक्खा पंतं० - साले नाममेगे सालपरियाते साले नाममेगे एरंडपरियाए एरंडे० ४, १८, एवामेव चत्तारि आयरिया पंतं० -  
 साले णाममेगे सालपरियाते साले णाममेगे एरंडपरियाए एरंडे णाममेगे० ४, १९ चत्तारि रुक्खा पंतं० -साले णाममेगे सालपरिवारे०  
 ४, २०, एवामेव चत्तारि आयरिया पंतं० - साले नाममेगे सालपरिवारे० ४, २१, सालदुममज्झयारे जह साले णाम होइ दुमराया । इय  
 सुंदरआयरिए सुंदरसीसे मुणेयव्वे ॥ २१ ॥ एरंडमज्झयारे जह साले णाम होइ दुमराया । इय सुंदरआयरिए मंगुलसीसे मुणेयव्वे ॥ २२ ॥  
 सालदुममज्झयारे एरंडे णाम होति दुमराया । इय मंगुलआयरिए सुंदरसीसे मुणेयव्वे ॥ २३ ॥ एरंडमज्झयारे एरंडे णाम होइ दुमराया ।  
 इय मंगुलआयरिए मंगुलसीसे मुणेयव्वे ॥ २४ ॥ चत्तारि मच्छा पंतं० -अणुसोयचारी पडिसोयचारी अंतचारी मज्झचारी, २२  
 एवामेव चत्तारि भिक्खागा पंतं० - अणुसोयचारी पडिसोयचारी अंतचारी मज्झचारी, २३ चत्तारि गोला पंतं० -मधुसिस्थगोले  
 जउगोले दारूगोले मट्टियागोले, २४ एवामेव चत्तारि पुरिसजाया पंतं० -मधुसिस्थगोलसमाणे० ४, २५ चत्तारि गोला पंतं० -  
 अयगोले तउगोले तंबगोले सीसगोले, २६ एवामेव चत्तारि पुरिसजाया पंतं० -अयगोलसमाणे जाव सीसगोलसमाणे, २७ चत्तारि  
 गोला पंतं० -हिरण्णगोले सुवन्नगोले रयणगोले वयरगोले, २८ एवामेव चत्तारि पुरिसजाया पंतं० - हिरण्णगोलसमाणे जाव  
 वडरगोलसमाणे, २९ चत्तारि पत्ता पंतं० - असिपत्ते करपत्ते खुरपत्ते कलम्बचीरितापत्ते, ३० एवामेव चत्तारि पुरिसजाया पंतं० -

असिपत्तसमाणे जाव कलंबचीरितापत्तसमाणे, ३१ चत्तारि कडा पं०तं० - सुंबकडे विदलकडे चम्पकडे कंबलकडे, ३२ एवामेव चत्तारि पुरिसजाया पं०तं० - सुंबदलकडसमाणे जाव कंबलकडसमाणे ३३ । ३४९ । चउव्विहा चउप्पया पं०तं० - एगखुरा दुखुरा गंडीपदा सणप्फदा, ३४ चउव्विहा पक्खी पं०तं० - चम्पपक्खी लोमपक्खी समुग्गपक्खी विततपक्खी, ३५ चउव्विहा खुड्डपाणा पं०तं० - बेइंदिया तेइंदिया चउरिंदिया संमुच्छिमपंचिंदियतिरिक्खजोणिया ३६ । ३५० । चत्तारि पक्खी पं०तं० - णिवत्तिता णाममेगे नो परिवत्तिता परिवइत्ता नामं एग नो निवइत्ता एगे निवत्तितावि परिवत्तितावि एगे नो निवत्तिता नो परिवत्तिता, ३७ एवामेव चत्तारि भिक्खागा पं०तं० - णिवत्तिता णाममेगे नो परिवत्तिता ४, ३८ । ३५१ । चत्तारि पुरिसजाया पं०तं० - णिक्कट्टे णाममेगे णिक्कट्टे निक्कट्टे नाममेगे अणिक्कट्टे ४, ३९, चत्तारि पुरिसजाया पं०तं० - णिक्कट्टे नाममेगे निक्कट्टप्पा निक्कट्टे नाममेगे अनिक्कट्टप्पा ४, ४० चत्तारि पुरिसजाया पं०तं० - बुहे नाममेगे बुहे बुहे नाममेगे अबुहे ४, ४१ चत्तारि पुरिसजाया पं०तं० - बुधे नाममेगे बुधहियए ४, ४२ चत्तारि पुरिसजाता पं०तं० - आयाणुकंपते प्पाममेगे नो पराणुकंपते ४, ४३ । ३५२ । चउव्विहे संवासे पं०तं० - दिव्वे आसुरे रक्खसे माणुसे १, चउव्विधे संवासे पं०तं० - देवे णाममेगे देवीए सद्धिं संवासं गच्छति देवे नाममेगे असुरीए सद्धिं संवासं गच्छति असुरे णाममेगे देवीए सद्धिं संवासं गच्छइ असुरे नाममेगे असुरीए सद्धिं संवासं गच्छति २, चउव्विधे संवासे पं०तं० - देवे नाममेगे देवीए सद्धिं संवासं गच्छति देवे नाममेगे रक्खसीए सद्धिं संवासं गच्छति रक्खसे नाममेगे देवीए सद्धिं संवासं गच्छति रक्खसे नाममेगे

रक्खसीए सद्धिं संवासं गच्छति ४, ३, चउव्विधे संवासे पंतं - देवे नाममेगे देवीए सद्धिं संवासं गच्छति देवे नाममेगे मणुस्सीहिं सद्धिं संवासं गच्छति मणुस्से नाममेगे देवीहिं सद्धिं संवासं गच्छति मणुस्से नाममेगे मणुस्सीइ सद्धिं संवासं गच्छति ४, ४, चउव्विधे संवासे पंतं - असुरे णाममेगे असुरीए सद्धिं संवासं गच्छति असुरे नाममेगे रक्खसीए सद्धिं संवासं गच्छति ४, ५, चउव्विधे संवासे पंतं - असुरे नाममेगे असुरीए सद्धिं संवासं गच्छति असुरे णाममेगे मणुस्सीए सद्धिं संवासं गच्छति ४, ६, चउव्विधे संवासे पंतं - रक्खसे नाममेगे रक्खसीए सद्धिं संवासं गच्छति रक्खसे नाममेगे माणुसीए सद्धिं संवासं गच्छति ४, ७ । ३५३ । चउव्विधे अवद्धंसे पंतं - आसुरे आभिओगे संमोहे देवकिब्बिसे, चउहिं ठाणेहिं जीवा आसुरत्ताते कम्मं पगरेति, तं - कोवसीलताते पाहुडसीलयाते संसत्ततवोकम्भेणं निमित्ताजीवयाते, चउहिं ठाणेहिं जीवा आभिओगत्ताते कम्मं पगरेति तं - अत्तुक्कोसेणं परपरिवातेणं भूतिकम्भेणं कोउयकरणेणं, चउहिं ठाणेहिं जीवा सम्मोहत्ताते कम्मं पगरेति, तं - उम्मग्गदेसणाए मग्गंतराएणं कामासंसपओगेणं भिज्जानियाणकरणेणं, चउहिं ठाणेहिं जीवा देवकिब्बिसियत्ताते कम्मं पगरेति तं - अरहंताणं अवन्नं वयमाणे अरहंतपन्नत्तस्स धम्मस्स अवन्नं वयमाणे आयरियउवज्झायाणमवन्नं वदमाणे चाउवन्नस्स संघस्स अवन्नं वदमाणे । ३५४ । चउव्विहा पव्वज्जा पंतं - इहलोगपडिबद्धा परलोगपडिबद्धा दुहतोलोगपडिबद्धा अप्पडिबद्धा १, चउव्विहा पव्वज्जा पंतं - पुरओपडिबद्धा मग्गओपडिबद्धा दुहतोपडिबद्धा अपडिबद्धा २, चउव्विहा पव्वज्जा पंतं - ओवायपव्वज्जा अक्खातपव्वज्जा संगारपव्वज्जा विहगगइपव्वज्जा

(विहगपव्वज्जा पा०) ३ चउव्विहा पव्वज्जा पंतं० -तुयावइत्ता (उयावइत्ता पा०) पुयावइत्ता बुयावइत्ता (मोयावइत्ता पा०) परिपूयावइत्ता ४, चउव्विहा पव्वज्जा पंतं० -नडखइया भडखइया सीहखइया सियालक्खइया ५, चउव्विहा किग्गी पंतं० - वाविया परिवाविया णिंदिता परिणिंदिता ६, एवामेव चउव्विहा पव्वज्जा पंतं० - वाविता परिवाविता णिंदिता परिणिंदिता ७, चउव्विहा पव्वज्जा पंतं० -धन्नपुंजितसमाणा धन्नविरल्लितसमाणा धन्नविक्खित्तसमाणा धन्नसङ्कट्टितसमाणा ८ । ३५५ । चत्तारि सन्नाओ पंतं० -आहारसन्ना भयसन्ना मेहुणसन्ना परिग्गहसन्ना १, चउहिं ठाणेहिं आहारसन्ना समुप्पज्जति, तं० -ओमकोट्टताते १ छुहावेयणिज्जस्स कम्मस्स उदएणं २ मतीते ३ तदट्ठोवओगेणं ४, २ चउहिं ठाणेहिं भयसन्ना समुप्पज्जति० तं०-हीणसत्तत्ताते भयवेयणिज्जस्स कम्मस्स उदएणं मतीते तदट्ठोवओगेणं ३ चउहिं ठाणेहिं मेहुणसन्ना समुप्पज्जति, तं० - चितमंससोणिययाए मोहणिज्जस्स कम्मस्स उदएणं मतीते तदट्ठोवओगेणं ४, चउहिं ठाणेहिं परिग्गहसन्ना समुप्पज्जइ, तं० -अविमुत्तयाए लोभवेयणिज्जस्स कम्मस्स उदएणं मतीते तदट्ठोवओगेणं ५ । ३५६ । चउव्विहा कामा पंतं० -सिंगारा कलुणा बीभत्सा रोद्धा, सिंगारा कामा देवाणं कलुणा कामा मणुयाणं बीभत्सा कामा तिरिक्खजोणियाणं रोद्धा कामा णेरइयाणं । ३५७ । चत्तारि उदगा पंतं० -उत्ताणे णाममेगे उत्ताणोदए उत्ताणे णाममेगे गंभीरोदए गंभीरे णाममेगे उत्ताणोदए गंभीरे णाममेगे गंभीरोदए १, एवामेव चत्तारि पुरिसजाया पंतं० -उत्ताणे नाममेगे उत्ताणहिदए उत्ताणे णाममेगे गंभीरहिदए० ४, २, चत्तारि उदगा पंतं० - उत्ताणे णाममेगे उत्ताणोभासी उत्ताणे णाममेगे

गंभीरोभासी० ४, ३, एवामेव चत्तारि पुरिसजाया पं०तं० -उत्ताणे णाममेगे उत्ताणोभासी उत्ताणे नाममेगे गंभीरोभासी० ४, ४, चत्तारि उदही पं०तं० -उत्ताणे णाममेगे उत्ताणोदही उत्ताणे णाममेगे गंभीरोदही० ४, ५, एवामेव चत्तारि पुरिसजाता पं०तं० -उत्ताणे णाममेगे उत्ताणहियए० ४, ६, चत्तारि उदही पं०तं० -उत्ताणे णाममेगे उत्ताणोभासी उत्ताणे णाममेगे गंभीरोभासी० ४, ७, एवामेव चत्तारि पुरिसजाया पं०तं० - उत्ताणे णाममेगे उत्ताणोभासी० ४, ८, १ ३५८ १ चत्तारि तरगा पं०तं० - समुदं तरामीतेगे समुदं तरइ समुदं तरामीतेगे गोप्पतं तरति गोप्पतं तरातीतेगे० ४, १ चत्तारि तरगा पं०तं० - समुदं तरित्ता नाममेगे समुदे विसीतते समुदं तरेत्ता णाममेगे गोप्पते विसीतति गोपतं० ४, २ १ ३५९ १ चत्तारि कुंभा पं०तं० - पुत्रे नाममेगे पुत्रे पुत्रे नाममेगे तुच्छे तुच्छे णाममेगे पुत्रे तुच्छे णाममेगे तुच्छे, एवामेव चत्तारि पुरिसजाया पं०तं० - पुत्रे नाममेगे पुत्रे० ४, चत्तारि कुंभा पं०तं० -पुत्रे नाममेगे पुन्नोभासी पुत्रे नाममेगे तुच्छोभासी तुच्छे नाममेगे पुन्नोभासी तुच्छे नाममेगे तुच्छोभासी, एवं चत्तारि पुरिसजाया पं०तं० -पुत्रे णाममेगे पुन्नोभासी० ४, चत्तारि कुंभा पं०तं० -पुत्रे नाममेगे पुन्नरूवे पुत्रे नाममेगे तुच्छरूवे० ४, एवामेव चत्तारि पुरिसजाया पं०तं० -पुत्रे नाममेगे पुन्नरूवे० ४, चत्तारि कुंभा पं०तं० -पुत्रेऽवि एगे पित्ठे पुत्रेऽवि एगे अवदले तुच्छेऽवि एगे पिय्ठे तुच्छेऽवि एगे अवदले, एवामेव चत्तारि पुरिसजाया पं०तं० -पुत्रेऽवि एगे पित्ठे० ४, तहेव चत्तारि कुंभा पं०तं० - पुत्रेऽवि एगे विस्संदति पुत्रेऽवि एगे णो विस्संदति तुच्छेऽवि एगे विस्संदति तुच्छेऽवि एगे नो विस्संदइ, एवामेव चत्तारि पुरिसजाया पं०तं० -पुत्रेऽवि एगे विस्संदति० ४, तहेव चत्तारि कुंभा पं०तं०-

भिन्ने जज्जरिए परिस्साई अपरिस्साई, एवामेव चउव्विहे चरित्ते पंतं - भिन्ने जाव अपरिस्साई, चत्तारि कुंभा पंतं - महकुंभे नामं  
 एगे महुप्पिहाणे महकुंभे णामं एगे विसपिहाणे विसकुंभे नामं एगे महुपिहाणे विसकुंभे णाममेगे विसपिहाणे एवामेव चत्तारि पुरिसजाया  
 पंतं - महकुंभे नाम एगे मधुपिहाणे ० ४ - हिययमपावमकलुसं जीहाऽवि य महुरभासिणी निच्चं । जंमि पुरिसंमि विज्जति से मधुकुंभे  
 मधुपिहाणे ॥ २५ ॥ हिययमपावमकलुसं जीहाऽवि य कडुयभासिणी निच्चं । जंमि पुरिसंमि विज्जति से मधुकुंभे विसपिहाणे ॥ २६ ॥  
 जं हिययं कलुसमयं जीहाऽवि य मधुरभासिणी निच्चं । जंमि पुरिसंमि विज्जति से विसकुंभे महुपिहाणे ॥ २७ ॥ जं हिययं कलुसमयं  
 जीहाऽवि कडुयभासिणी निच्चं । जंमि पुरिसंमि विज्जति से विसकुंभे विसपिहाणे ॥ २८ ॥ ३६० । चउव्विहा उवसग्गा पंतं -  
 दिव्वा माणुस्सा तिरिक्खजोणिया आयसंचेणीया १, दिव्वा उवसग्गा चउव्विहा पंतं - हासा पओसा वीमंसा पुढोविमाता २,  
 माणुस्सा उवसग्गा चउव्विधा पंतं - हासा पओसा वीमंसा कुसीलपडिसेवणया ३, तिरिक्खजोणिया उवसग्गा चउव्विहा पंतं -  
 भता पदोसा आहारहेउं अवच्चलेणसारक्खणया ४, आतसंचेयणिज्जा उवसग्गा चउव्विहा पंतं घट्टणता पवडणता थंभणता लेसणता  
 ५ । ३६१ । चउव्विहे कम्मे पंतं - सुभे नाममेगे सुभे सुभे नाममेगे असुभे असुभे नामं ४, १ चउव्विहे कम्मे पंतं - सुभे नाममेगे  
 सुभविभागे सुभे णाममेगे असुभविवागे असुभे नाममेगे सुभविवागे असुभे नाममेगे असुभविवागे ४, २, चउव्विहे कम्मे पंतं -  
 पगडीकम्मे ठितीकम्मे अणुभावकम्मे पदेसकम्मे ४, ३ । ३६२ । चउव्विहे संघे पंतं - समणा समणीओ सावगा सावियाओ । ३६३ ।

चउव्विहा बुद्धी पं०तं० -उप्पत्तिता वेणत्तिता कम्भिया परिणामिया, चउव्विधा मई पं०तं० - उग्गहमती ईहामती अवायमई धारणामती,  
 अथवा चउव्विहा मती पं०तं० -अरंजरोदगसमाणा वियरोदयसमाणा सरोदगसमाणा सागरोदगसमाणा । ३६४ । चउव्विहा  
 संसारसमावन्नगा जीवा पं० तं० -णेरइता तिरिक्खजोणीया मणुस्सा देवा० चउव्विहा सव्वजीवा पं०तं० -मणजोगी वइजोगी कायजोगी  
 अजोगी, अहवा चउव्विहा सव्वजीवा पं०तं० -इत्थिवेयगा पुरिसवेदगा णपुंसकवेदगा अवेदगा० अथवा चउव्विहा सव्वजीवा पं०तं०-  
 चक्खुदंसणी अचक्खुदंसणी ओहिदंसणी केवलदंसणी, अहवा चउव्विहा सव्वीजीवा पं०तं० -संजया असंजया संयजासंजया  
 णोसंजयाणोअसंजया । ३६५ । चत्तारि पुरिसजाया पं०तं० - मित्ते नाममेगे मित्ते मित्ते नाममेगे अमित्ते अमित्ते नाममेगे मित्ते अमित्ते  
 णाममेगे अमित्ते १ चत्तारि पुरिसजाया पं०तं०- मित्ते णाममेगे मित्तरूवे० चउभंगो. ४, २ चत्तारि पुरिसजाया पं०तं० - मुत्ते णाममेगे  
 मुत्ते मुत्ते णाममेगे अमुत्ते० ४, ३ चत्तारि पुरिसजाया पं० तं०-मुत्ते णाममेगे मुत्तरूवे ४. ४ । ३६६ । पंचिंदियतिरिक्खजोणिया  
 चउगईआ चउआगईया पं०तं० -पंचिंदियतिरिक्खजोणिया पंचिंदियतिरिक्खजोणिएसु उववज्जमाणा णेरइएहिंतो वा तिरिक्खजोणिएहिंतो  
 वा मणुस्सेहिंतो वा देवेहिंतो वा उववज्जेज्जा, से चेव णं से पंचिंदियतिरिक्खजोणिए पंचिंदियतिरिक्खजोणियत्तं विप्पजहमाणे णेरइतत्ताए  
 वा जाव देवत्ताते वा उवागच्छेज्जा, मणुस्सा चउगईआ चउआगत्तिता० एवं चेव मणुस्सावि । ३६७ । बेइंदिया णं जीवा असमारभमाणस्स  
 चउविहे संजमे कज्जति, तं० - जिब्भामयातो सोक्खातो अववरोवित्ता भवति, जिब्भामणं दुक्खेणं असंजोगेत्ता भवति, फासमयातो

सोक्खातो अववरोवेत्ता भवइ, एवं चेव ४, बेइंदिया णं जीवा समारभमाणस्स चउविधे असंजमे कज्जति, तं० - जिब्भामयातो सोक्खाओ ववरोवेत्ता भवति, जिब्भामतेणं दुक्खेणं संजोगित्ता भवति, फासामयातो सोक्खाओ ववरोवेत्ता भवइ ॥३६८॥ सम्मद्विट्ठिताणं णेरइयाणं चत्तारि किरियाओ पं०तं० - आरंभिता परिग्गहिता मातावत्तिया अपच्चक्खाणकिरिया, सम्मद्विट्ठिताणमसुरकुमाराणं चत्तारि किरियाओ पं०तं० - एवं चेव, एवं विगल्लिंदियवज्जं जाव वेमाणियाणं ॥३६९॥ चउहिं ठाणेहिं संते गुणे नासेज्जा, तं० - कोहेणं पडिनिवेसेणं अकयण्णुयाए मिच्छत्ताभिनिवेसेणं, चउहिं ठाणेहिं संते ( असंते पा० ) गुणे दीवेज्जा तंजहा अब्भासवत्तितं परच्छंदाणुवत्तितं कज्जहेउं कतपडिकत्तिते वा, ॥३७०॥ णेरइयाणं चउहिं ठाणेहिं सरीरुप्पत्ती सिता तंजहा कोहेणं माणेणं मायाए लोभेणं, एवं जाव वेमाणियाणं, णेरइयाणं चउहिं ठाणेहिं निव्वत्तिते सरीरे पं०तं० - कोहनिव्वत्तिए जाव लोभणिव्वत्तिए एवं जाव वेमाणियाणं ॥३७१॥ चत्तारि धम्मदारा पन्नत्ता, तंजहा खंती मुत्ती अज्जवे मद्दवे ॥३७२॥ चउहिं ठाणेहिं जीवा णेरतियत्ताए कम्मं पकरेंति, तंजहा महारंभताते महापरिग्गहयाते पंचिंदियवहेणं कुणिमाहारेणं १ चउहिं ठाणेहिं जीवा तिरिक्खजोणियत्ताए कम्मं पगरेंति० तं० - माइल्लताते णियडिल्लताते अलियवयणेणं कूडतुलकूडमाणेणं २ चउहिं ठाणेहिं जीवा मणुस्सत्ताते कम्मं पगरेंति, तं० - पगतिभदताते पगतिविणीययाए साणुक्कोसयाते अमच्छरित्ताते ३ चउहिं ठाणेहिं जीवा देवाउयत्ताए कम्मं पगरेंति, तं० - सरागसंजमेणं संजमासंजमेणं बालतवोकम्मेणं अकामणिज्जराए ४ ॥३७३॥ चउव्विहे वजे पं०तं० - तते वितते षणे झुसिरे १ चउव्विहे नट्टे पं०तं० - अंचिए रिभिए आरभडे भसोले २ चउव्विहे गेए

पं०तं० -उक्खित्तए पत्तए मंदए रोविंदए ३ चउव्विहे मल्ले पं०तं० -गंथिमे वेढिमे पूरिमे संघातिमे ४ चउव्विहे अलंकारे पं०तं० -  
 केसालंकारे वत्थालंकारे मल्लालंकारे आभरणालंकारे ५ चउव्विहे अभिणते पं०तं० -दिट्ठंति ते पांडु ( पांड ) सुते सामंतोवणिवातणिते  
 लोगमब्भावसिते ६ । ३७४ । सणंकुमारमाहिंदेसु णं कप्पेसु विमाणा चउवन्ना पं०तं० - नीला लोहिता हलिदा सुक्खिळा, महासुक्खसहस्सारेसु  
 णं कप्पेसु देवाणं भवधारणिज्जा सरीरगा उक्कोसेणं चत्तारि रयणीओ उड्ढंउच्चत्तेणं पन्नत्ता । ३७५ । चत्तारि उदकगब्भा पं०तं० -  
 उस्सा महिया सीता उसिणा, चत्तारि उदकगब्भा पं०तं० - हेमगा अब्भसंथडा सीतोसिणा पंचरूविता माहे उ हेमगा गब्भा, फग्गुणे  
 अब्भसंथडा । सीतोसिणा उ चित्ते, वतिसाहे पंचरूविता ॥ २९ ॥ ३७६ । चत्तारि माणुस्सीगब्भा पं०तं० -इत्थित्ताए पुरिसत्ताए  
 णपुंसगत्ताते बिंबत्ताए अप्पं सुक्कं बहं ओयं, इत्थी तत्थ पजातति । अप्पं ओयं बहं सुक्कं, पुरिसो तत्थ पजातति ॥ ३० ॥ दोणहंपि  
 रत्तसुक्काणं, तुल्लभावे णपुंसओ । इत्थीतोतसमाओगे, बिंबं तत्थ पजायति ॥ ३१ ॥ ३७७ । उप्पायपुव्वस्स णं चत्तारि चूलवत्थू पं०  
 । ३७८ । चउव्विहे कव्वे पं०तं०- गज्जे पज्जे कत्थे गोए । ३७९ । णेरत्तिताणं चत्तारि समुग्धाता पं०तं० -वेयणासमुग्धाते कसायसमुग्धाते  
 मारणंतियसमुग्धाए वेउव्वियसमुग्धाए, एवं वाउक्काइयाणवि । ३८० । अरिहतो णं अरिड्ढनेमिस्स चत्तारि सया चोदसपुव्वीणमजिणाणं  
 जिणसंकासाणं सव्वक्खरसन्निवाइणं जिणो इव अवितथं वागरमाणाणं उक्कोसिता चउदसपुव्विसंपया हुत्था । ३८१ । समणस्स णं  
 भगवओ महावीरस्स चत्तारि सया वादीणं सदेवमणुयासुराते परिसाते अपराजियाणं उक्कोसिता वातिसंपया हुत्था । ३८२ । हेड्डिळा

चत्तारि कप्पा अद्धचंदसंठाणसंठिया पंतं० - सोहम्मे ईसाणे सणंकुमारे माहिंदे, मज्झिल्ला चत्तारि कप्पा पडिपुनचंदसंठाणसंठिया पंतं० - बंभलोगे लंतते महासुक्के सहस्सारे, उवरिल्ला चत्तारि कप्पा अद्धचंदसंठाणसंठिता पंतं० - आणते पाणते आरणे अच्युते । ३८३ । चत्तारि समुद्धा पत्तेयरसा पंतं० - लवणे ( लवणोदे पा० ) वरुणोदे खीरोदे घतोदे । ३८४ । चत्तारि आवत्ता पंतं० - खरावत्ते उन्नतावत्ते गूढावत्ते आमिसावत्ते, एवामेव चत्तारि कसाया पंतं० - खरावत्तसमाणे कोहे उन्नतावत्तसमाणे माणे गूढावत्तसमाणा माता आमिसावत्तसमाणे लोभे, खरावत्तसमाणं कोहं अणुपविट्ठे जीवे कालं करेति णेरइएसु उववज्जति, उन्नतावत्तसमाणं माणं एवं चेव गूढावत्तसमाणं मातमेवं चेव आमिसावत्तसमाणं लोभमणुपविट्ठे जीवे कालं करेति नेरइएसु उववज्जेति । ३८५ । अणुराहानक्खत्ते चउत्तारे पं० पुव्वासाढे एवं चेव उत्तरासाढे एवं चेव । ३८६ । जीवाणं चउठाणनिव्वत्तिते पोग्गले पावकम्मत्ताते चिणिंसु वा चिणंति वा चिणिस्संति वा ( तं०- ) नेरुत्तियनिव्वत्तिते तिरिक्खजोणितनिव्वत्तिते मणुस्स० देवनिव्वत्तिते, एवं उवचिणिंसु वा उवचिणंति वा उवचिणिस्संति वा, एवं चिय उवचिय बंध उदीर वेत तह निज्जरे चेव । ३८७ । चउपदेसिया खंधा अणंता पन्नत्ता चउपदेसोगाढा पोग्गला अणंता० चउसमयठितिया पोग्गला अणंता० चउगुणकालगा पोग्गला अणंता० जाव चउगुणलुक्खा पोग्गला अणंता पण्णत्ता । ३८८ । ३ ०४ चत्तुः- स्थानकाध्ययनम् ४ ॥

पंच महव्वया पंतं० - सव्वातो पाणातिवायाओ वेरमणं जाव सव्वातो परिग्गहातो वेरमणं, पंचाणुव्वता पंतं० - थूलातो

पाणाइवायातो वेरमणं थूलातो मुसावायातो वेरमणं थूलातो अदिन्नादाणातो वेरमणं सदारसंतोसे इच्छापरिमाणे । ३८९ । पंच वज्रा  
 पंतं० - किण्हा नीला लोहिता हालिद्दा सुक्खिद्दा १ पंच रसा पंतं० - तित्ता जाव मधुरा २ पंच कामगुणा पंतं० - सद्दा रूवा गंधा  
 रसा फासा ३ पंचहिं ठाणेहिं जीवा सज्जंति तं० - सद्देहिं जाव फासेहिं ४ एवं रज्जंति ५ मुच्छंति ६ गिज्झंति ७ अज्झोववज्जंति ८ पंचहिं  
 ठाणेहिं जीवा विणिघायमावज्जंति, तं० - सद्देहिं जाव फासेहिं ९ पंच ठाणा अपरिण्णाता जीवाणं अहिताते असुभाते अखमाते  
 अणिस्सेयसत्ताते अणाणुगामितत्ताते भवन्ति, तं० - सद्दा जाव फासा १० पंच ठाणा सुपरिन्नाता जीवाणं हिताते सुभाते जाव  
 आणुगामियत्ताए भवन्ति, तं० - सद्दा जाव फासा ११ पंच ठाणा अपरिण्णाता जीवाणं दुग्गतिगमणाए भवन्ति तं० - सद्दा जाव फासा  
 १२ पंच ठाणा परिण्णाया जीवाणं सुग्गतिगमणाए भवन्ति तं० - सद्दा जाव फासा १३ । ३९० । पंचहिं ठाणेहिं जीवा दोग्गतिं गच्छंति,  
 तं० - पाणातिवातेणं जाव पस्सिग्गहेणं, पंचहिं ठाणेहिं जीवा सोग्गतिं गच्छंति, तं० - पाणातिवातवेरमणेणं जाव परिग्गहवेरमणेणं  
 । ३९१ । पंच पडिमात्तो पंतं० - भद्दा सुभद्दा महद्दा सव्वतोभद्दा भददुत्तरपडिमा । ३९२ । पंच थावरकाया पंतं० - इंदे थावरकाए  
 बंधे० सिप्पे० सं( ५० सु )प्पती थावरकाए पाजावच्चे थावरकाए, पंच थावरकायाधिपती पंतं० - इंदे थावरकाताधिपती जाव पातावच्चे  
 थावरकाताधिपती । ३९३ । पंचहिं ठाणेहिं ओहिदंसणे समुप्पज्जिउकामेऽवि तप्पढमयाते खंभातेज्जा, तं० - अप्पभूतं वा पुढविं पासित्ता  
 तप्पढमयाते खंभातेज्जा कुंथुरासिभूतं वा पुढविं पासित्ता तप्पढमयाते खंभातेज्जा महतिमहालतं वा महोरगसरीरं पासित्ता तप्पढमताते

खंभातेजा देवं वा महड्डियं जाव महेसकंखं पासित्ता तप्पढमताते खंभातेजा पुरेसु वा पोराणाइं ( ओरालाइं पा० ) महतिमहालतानि  
महानिहाणाइं पहीणसामित्ताति पहीणसेउयाति पहीणमुत्तागाराइं उच्छिन्नसामियाइं उच्छिन्नसेउयाइं उच्छिन्नमुत्तागाराइं जाइं इमाइं  
गामागरणगरखेडकब्बडदोणमुहपट्टणासमसंबाहसन्निवेसेसु सिंघाडगतिगचउक्कचच्चरचउम्मुहमहापहपहेसु णगरणिद्धमणेसु सुसाणसुत्रा-  
गारगिरिकंदरसन्तिसेलोवट्ठावणभवणगिहेसु सन्निक्खित्ताइं चिट्ठंति ताइं वा पासित्ता तप्पढमताते खंभातेजा, इच्चेएहिं पंचहिं ठाणेहिं  
ओदिहंसणे समुप्पज्जिउकामेऽवि तप्पढमताते खंभाएजा, पंचहिं ठाणेहिं केवलवरणाणदंसणे समुप्पज्जिउकामे तप्पढमताते नो खंभातेजा,  
तं० अप्पभूतं वा पुढविं पासित्ता तप्पढमताते णो खंभातेजा सेसं तहेव जाव भवणगिहेसु सन्निक्खित्ताइं चिट्ठंति ताइं वा पासित्ता  
तप्पढमताते णो खंभातेजा, इच्चेएहिं पंचहिं ठाणेहिं जाव नो खंभातेजा । ३९४ । णेरइयाणं सरीरगा पंचवन्ना पंचरसा पं०तं० -  
किण्हा जाव सुक्किल्ला, तित्ता जाव मधुरा, एवं निरंतरं जाव वेमाणियाणं, पंच सरीरगा पं०तं० -ओरालिते वेउव्विते आहारते तेयते  
कम्मते, ओरालितसरीरे पंचवन्ने पंचरसे पं०तं० -किण्हे जाव सुक्किल्ले, तित्ते जाव महुरे, एवं जाव कम्मगसरीरे, सब्बेऽवि णं  
बादरबोदिधसु कलेवरा पंचवन्ना पंचरसा दुगंधा अट्ठफासा । ३९५ । पंचहिं ठाणेहिं पुरिमपच्छिमगाणं जिणाणं दुग्गमं भवति, तं०-  
दुआइक्खं दुविभज्जं ( दुविभवं पा० ) दुपस्सं दुतितिक्खं दुरणुचरं, पंचहिं ठाणेहिं मज्झिमगाणं जिणाणं सुग्गमं भवति, तं० - सुआतिक्खं  
सुविभज्जं सुपस्सं सुतितिक्खं सुरणुचरं, पंच ठाणाइं समणेणं भगवता महावीरेणं समणाणं णिग्गंथाणं णिच्चं वन्निताइं निच्चं कित्तिताइं

णिच्चं बुतिताइं णिच्चं पसत्थाइं निच्चमब्भणुन्नाताइं भवन्ति, तं० - खंती गुत्ती अज्जवे महवे लाघवे, पंच ठाणाइं समणेणं भगवता  
महावीरेणं जाव अब्भणुन्नायाइं भवन्ति, तं० - सच्चे संजमे तवे चिताते बंभचेरवासे, पंच ठाणाइं समणाणं जाव अब्भणुन्नाइं भवन्ति,  
तं० - उक्खिच्चत्तचरते निक्खिच्चत्तचरते अंतचरते पंतचरते लूहचरते, पंच ठाणाइं जाव अब्भणुण्णायाइं भवन्ति, तं० - अन्नातचरते अन्नइलायचरे  
( अन्नवेलाचरे पा० ) मोणचरे संसट्टकप्पिते तज्जातसंसट्टकप्पिते, पंच ठाणाइं जाव अब्भणुन्नाताइं भवन्ति, तं० - उवनिहिते सुद्धेसणिते  
संखादत्तिते दिट्ठलाभिते पुट्ठलाभिते, पंच ठाणाइं जाव अब्भणुण्णाताइं भवन्ति, तं० - आयंबिलिते निव्वियते पुरमड्ढिते परिमितपिंडवातिते  
भिन्नपिंडवातिते, पंच ठाणाइं० अब्भणुन्नायाइं भवन्ति, तं० - अरसाहारे विरसाहारे अंताहारे पंताहारे लूहाहारे, पंच ठाणाइं० अब्भणुन्नायाइं  
भवन्ति, तं० - अरसजीवी विरसजीवी अंतजीवी पंतजीवी लूहजीवी, पंच ठाणाइं० भवन्ति, तं० - ठाणातिते उक्कडुआसणिए पडिमट्ठाती  
वीरासणिए णेसज्जिए, पंच ठाणाइं० भवन्ति, तं० - दंडायतिते लगंडसाती आतावते अवाउडते अकंडूयते । ३९६ । पंचहिं ठाणेहिं  
समणे निगंथे महानिज्जे महापज्जवसाणे भवति, तं० - अगिलाते आयरियवेयावच्चं करेमाणे एवं उवज्झायवेयावच्चं करेमाणे  
थेरवेयावच्चं० तवस्सिवेयावच्चं० गिलाणवेयावच्चं करेमाणे, पंचहिं ठाणेहिं समणे निगंथे महानिज्जे महापज्जवसाणे भवति, तं० -  
अगिलाते सेहवेयावच्चं करेमाणे, अगिलाते कुलवेया०, अगिलाए गणवे०, अगिलाए संघवे०, अगिलाते साहम्मियवेयावच्चं करेमाणे  
। ३९७ । पंचहिं ठाणेहिं समणे णिगंथे साहम्मितं संभोतितं विसंभोतितं करेमाणे णातिक्कमति, तं० - सकिरितट्ठाणं पडिसेवित्ता

भवति, पडिसेवित्ता णो आलोएइ, आलोइत्ता णो पट्टवेति, पट्टवेत्ता णो णिव्विसति, जाइं इमाइं थेराणं ठित्तिपक्क्याइं भवन्ति ताइं अतियंचिय २ पडिसेवेति से हंदऽहं पडिसेवामि किं मं थेरा करिस्संति ?, पंचहिं ठाणेहिं समणे निग्गंथे साहंमितं पारंचितं करेमाणे णातिक्कमति, तं० -कुले वसति सकुलस्स भेदाते अब्भुट्ठित्ता भवति, गणे वसति सगणस्स भेदाते अब्भुट्ठित्ता भवति, हिंसप्पेही, छिद्वप्पेही, अभिक्खणं २ पसिणाततणाइं पउंजित्ता भवन्ति । ३९८ । आयरियउवज्झायस्स णं गणंसि पंच वुग्गहट्ठाणा पंतं० - आयरियउवज्झाए णं गणंसि आणं वा धारणं वा नो सम्मं पउंजेत्ता भवति, आयरियउवज्झाए णं गणंसि आधारातिणियाते कित्तिकम्मं नो सम्मं पउंजित्ता भवति, आयरियउवज्झाते गणंसि जे सुत्तपज्जवजाते धारेति ते काले २ णो सम्मणुप्पवात्तिता भवति, आयरियउवज्झाए गणंसि गिलाणसेहवेयावच्चं नो सम्ममब्भुट्ठित्ता भवति, आयरियउवज्झाते गणंसि अणापुच्छित्तचारी यावि हवइ, नो आपुच्छियचारी आयरियउवज्झायस्स णं गणंसि पंचावुग्गहट्ठाणा पंतं० -आयरियउवज्झाए गणंसि आणं वा धारणं वा सम्मं पउंजित्ता भवति, एवमधारायणिताते सम्मं किइकम्मं पउंजित्ता भवइ, आयरियउवज्झाए णं गणंसि जे सुत्तपज्जवजाते धारेति ते काले २ सम्मं अणुपवाइत्ता भवइ, आयरियउवज्झाए गणंसि गिलाणसेहवेतावच्चं सम्मं अब्भुट्ठित्ता भवति, आयरियउवज्झाते गणंसि आपुच्छियचारी यावि भवति णो अणापुच्छियचारी । ३९९ । पंच निसिज्जाओ पंतं० -उक्कुडुती गोदोहिता समपायपुता पलितंका अब्धपलितंका, पंच अज्जवट्ठाणा पंतं० -साधुअज्जवं साधुमद्ववं साधुलाघवं साधुखंती साधुमुत्ती । ४०० । पंचविहा जोइसिया पंतं० -चंदा सूरा गहा नक्खत्ता

नाराओ, पंचविहा देवा पं०तं० - भवितदव्वदेवा णरदेवा धम्मदेवा देवातिदेवा भावदेवा । ४०१ । पंचविहा परितारणा पं०तं० -  
 कातपरिचारणा फासपरितारणा रूवपरितारणा सद्दपरितारणा मणपरितारणा । ४०२ । चमरस्स णं असुरिंदस्स असुरकुमाररन्नो पंच  
 अग्गमहिंसीओ पं०तं० - काले राती रतणी विज्जू मेहा, बलिस्स णं वतिरोतणिंदस्स वतिरोतणरन्नो पंच अग्गमहिंसीओ पं०तं० - सुभा  
 णिसुभा रंभा णिरंभा मतणा । ४०३ । चमरस्स णमसुरिंदस्स असुरकुमाररण्णो पंच संगामिता अणिता पंच संगामिया अणियाधिवती  
 पं०तं० - पायत्ताणिते पीढाणिते कुंजराणिते महिसाणिते रहाणीते, दुमे पायत्ताणिताधिवती सोदामी आसराया पीढाणिताधिवती कुंथू  
 हत्थिराया कुंजराणिताधिवती लोहितक्खे महिसाणिताधिवती किन्नरे रधाणिताधिवती, बलिस्स णं वतिरोतणिंदस्स वतिरोतणरन्नो  
 पंच संगामिताणिता पंच संगामिताणीयाधिवती पं०तं० - पायत्ताणिते जाव रधाणिते, महददुमे पायत्ताणिताधिवती महासोतामो आसराया  
 पीढाणिताधिवती मालंकारो हत्थिराया कुंजराणिताधिपती महालोहिअक्खो महिसाणिताधिवती किंपुरिसे रधाणिताधिपती, धरणस्स  
 णं णागकुमारिंदस्स णागकुमाररन्नो पंच संगामिता अणिता पंच संगामिताणीयाधिपती पं०तं० - पायत्ताणिते जाव रहाणीए, भदसेणे  
 पायत्ताणिताधिपती जसोधरे आसराया पीढाणिताधिपती सुदंसणे हत्थिराया कुंजराणिताधिपती नीलकंठे महिसाणिताधिपती आणंदे  
 रहाणिताहिवई, भूयाणंदस्स नागकुमारिंदस्स नागकुमाररन्नो पंच संगामियाणिता पंच संगामियाणीयाहिवई पं०तं० - पायत्ताणीए  
 जाव रहाणीए, दक्खे पायत्ताणिताहिवई सुग्गीवे आसराया पीढाणिताहिवई सुविक्कमे हत्थिराया कुंजराणिताहिवई सेयकंठे

महिसाणियाहिवई नंदुत्तरे रहाणियाहिवई, वेणुदेवस्स णं सुवन्निंदस्स सुवन्नकुमाररन्नो पंच संगामियाणिता पंच संगामिताणिताहिपती  
 पं०तं० - पायत्ताणीते एवं जथा धरणस्स तथा वेणुदेवस्सवि, वेणुदालियस्स जहा भूताणंदस्स, जथा धरणस्स तथा सव्वेसिं दाहिणिल्लाणं  
 जाव घोसस्स, जथा भूताणंदस्स तथा सव्वेसिं उत्तरिल्लाणं जाव महाघोसस्स, सक्कस्स णं देविंदस्स देवरन्नो पंच संगामिता अणिता पंच  
 संगामिताणिताधिवती पं०तं० - पायत्ताणिता जाव उसभाणिते, हरिणेगमेसी पायत्ताणिताधिवती वाऊ आसराता पीढाणिताधिवई  
 एरावणे हत्थिराया कुंजराणिताधिपई दामड्ढी उसभाणिताधिपती माढरो रथाणिताधिपती, ईसाणस्स णं देविंदस्स देवरन्नो पंच  
 संगामिया अणिता जाव पायत्ताणिता पीढाणिता कुंजराणिता उसभाणिता रथाणिते, लहुपरक्कमे पायत्ताणिताधिवती महावाऊ आसराया  
 पीढाणियाहिवई पुप्फदंते हत्थिराया कुंजराणियाहिवती महादामड्ढी उसभाणियाहिवई महामाढरे रथाणियाहिवती, जथा सक्कस्स तथा  
 सव्वेसिं दाहिणिल्लाणं जाव आरणस्स, जथा ईसाणस्स तथा सव्वेसिं उत्तरिल्लाणं जाव अच्युतस्स । ४०४ । सक्कस्स णं देविंदस्स देवरन्नो  
 अब्भंतरपरिसाए देवाणं पंच पलिओवमाइं ठिती पं०, ईसाणस्स णं देविंदस्स देवरन्नो अब्भंतरपरिसाते देवीणं पंच पलिओवमाइं ठिती  
 पं०, । ४०५ । पंचविहा पडिहा पं०तं० - गतिपडिहा ठितीपडिहा बंधणपडिहा भोगपडिहा बलवीरियपुरिसयारपरक्कमपडिहा । ४०६ ।  
 पंचविधे आजीविते पं०तं० - जातिआजीवे कुलाजीवे कम्माजीवे सिप्पाजीवे लिंगाजीवे । ४०७ । पंच रातककुहा पं०तं० - खग्गं छत्तं  
 उप्पेसं उवाणहाओ वालवीअणी । ४०८ । पंचहिं ठाणेहिं छउमत्थे णं उदिन्ने परिस्सहोवसग्गे सम्मं सहेज्जा खमेज्जा तितिक्खेज्जा ।

अहियासेज्जा० तं०-उदिन्नकम्मे खलु अयं पुरिसे उम्भत्तभूते तेण मे एस पुरिसे अक्कोसति वा अवहसति वा णिच्छोढेति वा णिब्भंछेति वा बंधति वा रूंभति वा छविच्छेतं करेति वा पमारं वा नेति उह्वेइ वा वत्थं वा पडिग्गहं वा कंबलं वा पायपुंछणम ( णं वा आ ) च्छिंदति वा विच्छिंदति वा भिंदति वा अवहरति वा १ जक्खातिट्ठे खलु अयं पुरिसे तेण मे एस पुरिसे अक्कोसति वा तहेव जाव अवहरति वा २ ममं च णं तब्भववेयणिज्जे कम्मे उतिन्ने भवति तेण मे एस पुरिसे अक्कोसति वा जाव अवहरति वा ३ ममं च णं सम्ममसहमाणस्स अखममाणस्स अतितिक्खमाणस्स अणधितासेमाणस्स किं मन्ने कज्जति ? एगंतसो मे पावे कम्मे कज्जति ४ ममं च णं सम्मं सहमाणस्स जाव अहियासेमाणस्स किं मन्ने कज्जति ? एगंतसो मे णिज्जरा कज्जति ५ इच्चेतेहिं पंचहिं ठाणेहिं छउमत्थे उदिन्ने परीसहोवसग्गे सम्मं सहेज्जा जाव अहियासेज्जा । पंचहिं ठाणेहिं केवली उदिन्ने परीसहोवसग्गे सम्मं सहेज्जा जाव अहियासेज्जा, तं०-खित्तचित्ते खलु अतं पुरिसे तेण मे एस पुरिसे अक्कोसति वा तहेव जाव अवहरति वा १ दित्तचित्ते खलु अयं पुरिसे तेण मे एस पुरिसे जाव अवहरति वा २ जक्खातिट्ठे खलु अयं पुरिसे तेण मे एस पुरिसे जाव अवहरति वा ३ ममं च णं तब्भववेयणिज्जे कम्मे उदिन्ने भवति तेण मे एस पुरिसे जाव अवहरति वा ४ ममं च णं सम्मं सहमाणं खममाणं तितिक्खमाणं अहियासेमाणं पासेत्ता बहवे अन्ने छउमत्था समणा णिग्गंथा उदिन्ने २ परीसहोवसग्गे एवं सम्मं सहिस्संति जाव अहियासिस्संति ५, इच्चेतेहिं पंचहिं ठाणेहिं केवली उदिन्ने परीसहोवसग्गे सम्मं सहेज्जा जाव अहियासेज्जा । ४०९ । पंच हेऊ पं०तं० - हेउं न जाणति हेउं ण पासति हेउं ण बुज्झति हेउं णाभिगच्छति हेउं अन्नाणमरणं

मरति १ पंच हेऊ पंतं० -हेउणा ण जाणति जाव हेउणा अन्नाणमरणं मरति २ पंच हेऊ पंतं० हेउं जाणइ जाव हेउं छउमत्थमरणं मरइ ३ पंच हेऊ पंतं० -हेउणा जाणइ जाव हेउणा छउमत्थमरणं मरइ ४ पंच अहेऊ पंतं० -अहेउं ण याणति जाव अहेउं छउमत्थमरणं मरति ५ पंच अहेउं पंतं० अहेउणा न जाणति जाव अहेउणा छउमत्थमरणं मरति ६ पंच अहेऊ पंतं० -अहेउं जाणति जाव अहेउं केवलिमरणं मरति ७ पंच अहेऊ पंतं० -अहेउणा ण जाणति जाव अहेउणा केवलिमरणं मरति ८ केवलिस्स णं पंच अणुत्तरा पंतं०-अणुत्तरे नाणे अणुत्तरे दंसणे अणुत्तरे चरित्ते अणुत्तरे तवे अणुत्तरे वीरिते १ । ४१० । पउमप्पहे णमरहा पंचचित्ते हुत्था, तं० -चित्ताहिं चुते चइत्ता गब्भं वक्कंते चित्ताहिं जाते चित्ताहिं मुंडे भवित्ता अगाराओ अणगारितं पव्वइए चित्ताहिं अणंते अणुत्तरे णिव्वाघाए णिरावरणे कसिणे पडिपुन्ने केवलवरणाणदंसणे समुप्पन्ने चित्ताहिं परिणिव्वुते, पुप्फदंते णं अरहा पंचमूले हुत्था, तं०- मूलेणं चुते चइत्ता गब्भं वक्कंते एवं चेव एवमेतेणं अभिलावेणं इमातो गाहातो अणुगंतव्वातो पउमप्पभस्स चित्ता १ मूले पुण होइ पुप्फदंतस्स २ । पुव्वाइं असाढा ३ सीयलस्सुत्तर विमल भद्वता ४ ॥ ३२ ॥ रेवतिताणंतजिणो ५ पूसो घम्मस्स ६ संतिणो भरणी ७ । कुंथुस्स कत्तियाओ ८ अरस्स तह रेवतीतो य ९ ॥ ३३ ॥ मुणिसुव्वयस्स सवणो १० आसिणि णमिणो ११ य नेमिणो चित्ता १२ । पासस्स विसाहाओ १३ पंचयहत्थुत्तरो वीरो १४ ॥ ३४ ॥ समणे भगवं महावीरे पंचहत्थुत्तरे होत्था तं०-हत्थुत्तराहिं चुए चइत्ता गब्भं वक्कंते हत्थुत्तराहिं गब्भाओ गब्भं साहरिए हत्थुत्तराहिं जाते हत्थुत्तराहिं मुंडे भवित्ता जाव पव्वइए हत्थुत्तराहिं अणंते अणुत्तरे जाव

केवलवरनाणदंसणे समुप्पन्ने । ४११ ॥ अ० ५ उ० १ ॥ नो कप्पइ निग्गंथाण वा निग्गंथीण वा इमाओ उद्धिद्धाओ गणियाओ वितंजितातो पंच महण्णवातो महाणदीओ अंतो मासस्स दुक्खुत्तो वा तिक्खुत्तो उत्तरित्तए वा संतरित्तए वा, तं०-गंगा जउणा सरऊ, एरावती मही, पंचहिं ठाणेहिं कप्पत्ति, तं०- भतंसि वा १ दुब्भिक्खंसि वा २ पव्वहेज्ज व णं कोई ३ दओघंसि वा एज्जमाणंसि ४ महत्ता वा अणारितेसु ५ । ४१२ । णो कप्पइ णिग्गंथाण वा णिग्गंथीण वा पढमपाउसंसि गामाणुगामं दूइज्जित्तए, पंचहिं ठाणेहिं कप्पइ, तं०-भयंसि वा दुब्भिक्खंसि वा जाव महत्ता वा अणारितेहिं ५, वासावासं पज्जोसविताणं णो कप्पइ णिग्गंथाण वा २ गामाणुगामं दूइज्जित्तए, पंचहिं ठाणेहिं कप्पइ, तं०- णाणट्ठयाए दंसणट्ठयाए चरित्तट्ठयाए आयरियउवज्झाया वा से वीसुंभेज्जा आयरित्तउज्झायाण वा बहिता वेआवच्चं करणाताते । ४१३ । पंच अणुग्धातिता पं०तं० - हत्थाकम्मं करेमाणे मेहुणं पडिसेवेमाणे रातीभोयणं भुंजेमाणे सागारित्तिपिंडं भुंजेमाणे रायपिंडं भुंजेमाणे । ४१४ । पंचहिं ठाणेहिं समणे निग्गंथे रायंतेउरमणुपविसमाणे नाइक्कमत्ति, तं० - नगरं सिता सव्वतो समंता गुत्ते गुत्तदुवारे, बहवे समणमाहणा णो संचाएंति भत्ताते वा पाणाते वा निक्खमिच्चते वा पविसित्तते वा तेसिं विन्नवणट्ठताते रातंतेउरमणुपव्विसेज्जा १ पाडिहारितं वा पीढफलगसेज्जासंथारगं पच्चप्पिणमाणे रायंतेउरमणुपवेसेज्जा २ हतस्स वा गयस्स वा दुट्ठस्स आगच्छमाणस्स भीते रायंतेउरमणुपवेसिज्जा ३ परो व णं सहसा वा बलसा वा बाहाते गहाय अंतेउरमणुपवेसेज्जा ४ बहिता व णं आरामगयं वा उज्जाणगयं वा रायंतेउरजणो सव्वतो समंता संपरिक्खवित्ताणं निवेसिज्जा ५ इच्चेतेहिं पंचहिं ठाणेहिं

समणे निग्गंथे जाव णातिक्रमइ । ४१५ । पंचहिं ठाणेहिमित्थी पुरिसेण सद्धिं असंवसमाणीवि गब्भं धरेज्जा, तं०- इत्थी दुव्वियडा दुन्निसण्णा सुक्कपोग्गले अधिद्धिज्जा, सुक्कपोग्गलसंसिद्धे व से वत्थे अंतो जोणीते अणुपवेसेज्जा, सयं वा सा सुक्कपोग्गले अणुपवेसेज्जा, परो व से सुक्कपोग्गले अणुपवेसेज्जा, सीओदगवियडेण वा से आयममाणीते सुक्कपोग्गला अणुपवेसेज्जा, इच्चेतेहिं पंचहिं ठाणेहिं जाव धरेज्जा १, पंचहिं ठाणेहिं इत्थी पुरिसेण सद्धिं संवसमाणीवि गब्भं नो धरेज्जा, तं० -अप्पत्तजोवणा १, अतिकंतजोवणा २ जातिवङ्गा ३ गेलन्नपुट्टा ४ दोमणंसिया ५ इच्चेतेहिं पंचहिं ठाणेहिं जाव नो धरेज्जा २, पंचहिं ठाणेहिमित्थी पुरिसेण सद्धिं संवसमाणीवि नो गब्भं धरेज्जा, तं०-निच्चोउया अणोउया वावन्नसोया वाविद्धसोया अणंगपडिसेवणा, इच्चेतेहिं पंचहिं ठाणेहिमित्थी पुरिसेण सद्धिं संवसमाणीवि गब्भं णो धरेज्जा ३, पंचहिं ठाणेहिं इत्थी० तं० -उउंमि णो णिगामपडिसेविणी तावि भवति १ समागता वा से सुक्कपोग्गला पडिविद्धंसंति २ उदिन्ने वा से पित्तसोणिते ३ पुरा वा देवकम्मणा ४ पुत्तफले वा नो निद्धिद्धे भवति ५ इच्चेतेहिं जाव नो धरेज्जा ४ । ४१६ । पंचहिं ठाणेहिं निग्गंथा निग्गंथीओ य एगतओ ठाणं वा सिज्जं वा निसीहियं वा चेतेमाणा णातिक्रमंति, तं०- अत्थेगइया निग्गंथा निग्गंथीओ य एगं महं अगामितं छिन्नावायं दीहमद्धमडविमणुपविट्ठा तत्थेगततो ठाणं वा सेज्जं वा निसीहियं वा चेतेमाणा णातिक्रमंति १ अत्थेगइआ णिग्गंथा० गामंसि वा णगरंसि वा जाव रायहाणिंसि वा वासं उवागता एगातिया यज्ज्थ उवस्सयं लभंति एगतिता णो लभंति तत्थेगततो ठाणं वा जाव नातिक्रमंति २ अत्थेगतिता निग्गंथा य० नागकुमारावासंसि वा ( सुवण्णकुमारावासंसि

वा ) वासं उवागता तत्थेगयओ जाव णातिक्कमंति ३ आमोसगा दीसंति ते इच्छंति निग्गंथीओ चीवरपडिताते पडिगाहित्ते तत्थेगयओ  
 ठाणं वा जाव णातिक्कमंति ४ जुवाणा दीसंति ते इच्छंति निग्गंथीओ मेहुणपडिताते पडिगाहित्ते तत्थेगयओ ठाणं वा जाव णातिक्कमंति  
 ५, इच्चेतेहिं पंचहिं ठाणेहिं जाव नातिक्कमंति, पंचहिं ठाणेहिं समणे निग्गंथे अचेलए सचेलियाहिं निग्गंथीहिं सद्धिं संवसमाणे  
 नाइक्कमति, तं० - खित्तचित्ते समणे णिग्गंथे निग्गंथेहिमविज्जमाणेहिं अचेलए सचेलियाहिं निग्गंथीहिं सद्धिं संवसमाणे णातिक्कमति  
 १ एवमेतेण गमएणं दित्तचित्ते जक्खातिट्ठे उम्मायपत्ते निग्गंथीपव्वावियते समणे णिग्गंथेहिं अविज्जमाणेहिं अचेलए सचेलियाहिं  
 णिग्गंथीहिं सद्धिं संवसमाणे णातिक्कमंति । ४१७ । पंच आसवदारा पं०तं०-मिच्छत्तं अविरती पमादे कसाया जोगा, पंच संवरदारा  
 पं०तं०- सम्मत्तं विरती अपमादो अकसात्तित्तमजोगित्तं, पंच दंडा पं०तं०-अट्ठादंडे अणट्ठादंडे हिंसादंडे अकम्हा (स्मात्) दंडे  
 दिट्ठीविप्परियासितादंडे । ४१८ । मिच्छादिट्ठियाणं पंच किरिताओ पं०तं०-आरंभिता १ परिग्गहिता २ मातावत्तिता ३ अपच्चक्खाणकिरिया  
 ४ मिच्छादंसणवत्तिता ५, मिच्छादिट्ठियाणं नेरइयाणं पंच किरियाओ पं०तं० -जाव मिच्छादंसणवत्तिया, एवं सव्वेसिं निरन्तरं जाव  
 मिच्छादिट्ठिताणं वेमाणित्ताणं, नवरं विगलंदिता मिच्छदिट्ठी ण भन्नंति, सेसं तहेव० पंच किरियातो पं०तं० -कात्तिता १ अहिगरिणता  
 २ पातोसिया ३ पारितावणिया ४ पाणातिवात्तकिरिया ५, णेरइयाणं पंच किरियाओ एवं चेव निरन्तरं जाव वेमाणियाणं १, पंच  
 किरिताओ पं०तं०-आरंभिता जाव मिच्छादंसणवत्तिता, णेरइयाणं पंच किरिता, निरन्तरं जाव वेमाणियाणं २ पंच किरियातो पं०तं०-

दिष्टिता १ पुष्टिता २ पाडोचि ( डुच्चि )ता ३ सामंतोवणिवाइया ४ साहत्थिता ५, एवं णेरइयाणं जाव वेमाणियाणं २४, ३ पंच  
किरियातो पंतं - णेसत्थिता १ आणवणिता २ वेयारणिता ३ अणाभोगवत्तिता ४ अणवकंखवत्तिता ५, एवं जाव वेमाणियाणं  
२४, ४, पंच किरियाओ पंतं - पेज्जवत्तिता १ दोसवत्तिया २ पओगकिरिया ३, समुदाणकिरिया ४ ईरयावहिया ५, एवं मणुस्साणवि,  
सेसाणं नत्थि ५ । ४१९ । पंचविहा परित्रा पंतं - उवहिपरित्रा उवस्सयपरिण्णा कसायपरिन्ना जोगपरिन्ना भत्तपाणपरिन्ना । ४२० ।  
पंचविहे ववहारे पंतं - आगमे सुते आणा धारणा जीते, जहा से तत्थ आगमे सिता आगमेणं ववहारं पट्टवेज्जा, णो से तत्थ आगमे  
सिया जहा से तत्थ सुते सिता सुतेणं ववहारं पट्टवेज्जा णो से तत्थ सुते सिता एवं जाव जहा से तत्थ जीए सिया जीतेणं ववहारं  
पट्टवेज्जा० इच्चेतेहिं पंचहिं ववहारं पट्टवेज्जा आगमेणं जाव जीतेणं० जथा २ से तत्थ आगमे जाव जीते तहा २ ववहारं पट्टवेज्जा० से  
किमाहु भंते ? आगमबलिया समणा निगंथा, इच्चेतं पंचविधं ववहारं जता जता जहिं जहिं तथा तता तहिं तहिं अणिस्सितोवस्सितं  
सम्मं ववहरमाणे समणे णिगंथे आणाते आराधते भवति । ४२१ । संजतमणुस्साणं सुत्ताणं पंच जागरा पंतं - सदा जाव फासा,  
संजतमणुस्साणं जागराणं पंच सुत्ता पंतं - सदा जाव फासा, असंजयमणुस्साणं सुत्ताणं वा जागराणं वा पंच जागरा पंतं - सदा  
जाव फासा । ४२२ । पंचहिं ठाणेहिं जीवा रतं आदिज्जंति० तं - पाणातिवातेणं जाव परिग्गहेणं० पंचहिं ठाणेहिं जीवा रतं वमंति०  
तं - पाणातिवातवेरमणेणं जाव परिग्गहवेरमणेणं । ४२३ । पंचमासियं णं भिक्खुपडिमं पडिवन्नस्स अणगारस्स कप्पंति पंच

दत्तीओ भोयणस्स पडिगाहेत्तते पंच पाणगस्स । ४२४ । पंचविधे उवघाते पं०तं० -उग्गमोवघाते उप्पायणोवघाते एसणोवघाते परिकम्भोवघाते परिहरणोवघाते, पंचविहा विसोही पं०तं० -उग्गमविसोही उप्पायणविसोधी एसणाविसोही परिकम्भविसोही परिहरणविसोधी । ४२५ । पंचहिं ठाणेहिं जीवा दुल्लभबोधियत्ताए कम्मं पकरेंति० तं०-अरहंताणं अवन्नं वदमाणे १ अरहंतपन्नत्तस्स धम्मस्स अवन्नं वदमाणे २ आयरियउवज्झायाणं अवन्नं वदमाणे ३ चाउवन्नस्स संघस्स अवन्नं वयमाणे ४ विवक्कतवबंभचेराणं देवाणं अवन्नं वदमाणे ५, पंचहिं ठाणेहिं जीवा सुलभबोधियत्ताए कम्मं पगरेति, तं० - अरहंताणं वन्नं वदमाणे जाव विवक्कतवबंभचेराणं देवाणं वन्ने वदमाणे । ४२६ । पंच पडिसंलीणा पं०तं० -सोइंदियपडिसंलीणे जाव फासिंदियपडिसंलीणे, पंच अप्पडिसंलीणा पं०तं० -सोतिंदियअप्पडिसंलीणे जाव फासिंदियअप्पडिसंलीणे, पंचविधे संवरे पं०तं० - सोतिंदियसंवरे जाव फासिंदियसंवरे, पंचविहे असंवरे पं०तं० - सोइंदियअसंवरे जाव फासिंदियअसंवरे । ४२७ । पंचविधे संजमे पं० तं० - सामातितसंजमे छेदोवट्ठावणियसंजमे परिहारविसुद्धितसंजमे सुहुमसंपरागसंजमे अहक्खायचरित्तसंजमे । ४२८ । एगिंदिया णं जीवा असमारभमाणस्स पंचविधे संजमे कज्जति, तं०-पुढविकातियसंजमे जाव वणस्सतिकातितसंजमे, एगिंदिया णं जीवा समारभमाणस्स पंचविहे असंजमे कज्जति, तं० - पुढविकातितअसंजमे जाव वणस्सतिकातितअसंजमे । ४२९ । पंचिंदिया णं जीवा असमारभमाणस्स पंचविधे संजमे कज्जति, तं०-सोतिंदितसंजमे जाव फासिंदियसंजमे० पंचिंदिया णं जीवा समारंभमाणस्स पंचविधे असंजमे कज्जति० तं० - सोतिंदियअसंजमे जाव

फासिंदियअसंजमे० सव्वपाणभूयजीवसत्ता णं असमारभमाणस्स पंचविधे संजमे कज्जति, तं० - एगिंदितसंजमे जाव पंचिंदियसंजमे,  
 सव्वपाणभूतजीवसत्ता णं समारंभमाणस्स पंचविधे असंजमे कज्जति, तं०-एगिंदितअसंजमे जाव पंचिंदियअसंजमे । ४३० । पंचविधा  
 तणवणस्सतिकातिता पं०तं० -अग्गबीया मूलबीया पोरबीया खंधबीया बीयरुहा । ४३१ । पंचविधे आयारे पं०तं० - णाणायारे  
 दंसणायारे चरित्तायारे तवायारे वीरियायारे । ४३२ । पंचविधे आयारपकप्पे पं०तं०- मासिते उग्घातिते मासिए अणुग्घाइए चाउम्मासिए  
 उग्घाइए चाउम्मासिए अणुग्घातीते आरोवणा, आरोवणा पंचविहा पं०तं० -पट्ठविया ठविया कसिणा अकसिणा हाडहडा । ४३३ ।  
 जंबुद्दीवे २ मंदरस्स पव्वयस्स पुरत्थिमेणं सीयाए महानईए उत्तरेणं पंच वक्खारपव्वता पं०तं० - मालवंते चित्तकूडे पम्हकूडे णलिणकूडे  
 एगसेले १ जंबूमंदरस्स पुरओ सीताए महानदीए दाहिणेणं पंच वक्खारपव्वता पं०तं० -तिकूडे वेसमणकूडे अंजणे मायंजणे सोमणसे  
 २ जंबूमंदरस्स पच्चत्थिमेणं सीओताते महाणदीए दाहिणेणं पंच वक्खारपव्वता पं०तं० -विज्जुप्पभे अंकावती पम्हावती आसीविसे  
 सुहावहे ३ जंबूमंदरपच्चत्थिमेणं सीतोताते महानदीते उत्तरेणं पंच वक्खारपव्वता पं०तं०-चंदपव्वते सूरपव्वते णागपव्वते देवपव्वते  
 गंधमादणे ४ जंबूमंदरदाहिणेणं देवकुराए कुराए पंच महदहा पं०तं० -निसहदहे देवकुरुदहे सूरदहे सुलसदहे विज्जुप्पभदहे ५  
 जंबूमंदरउत्तरेणं उत्तरकुराते कुराए पंच महदहा पं०तं० -नीलवंतदहे उत्तरकुरुदहे चंददहे एरावणदहे मालवंतदहे ६ सव्वेऽवि णं  
 वक्खारपव्वया सीयासीओयाओ महाणईओ मंदरं वा पव्वतंतेणं पंच जोयणसताइं उइढंउच्चत्तेणं पंच गाउयसताइं उव्वेहेणं ७ ।

धायइसंडे दीवे पुरच्छिमद्धेणं मंदरस्स पव्वयस्स पुरच्छिमेणं सीताते महाणतीते उत्तरेणं पंच वक्खवारपव्वता पं०तं० -मालवंते एवं जथा जंबुदीवे तथा जाव पुक्खवरदीवइढपच्चत्थिमद्धे वक्खारा दहा य उच्चत्तं भाणियव्वं । समयक्खेत्ते णं पंच भरहाइं पंच एरवताइं एवं जथा चउट्ठाणे बितीयउद्देसे तहा एत्थवि भाणियव्वं जाव पंच मंदरा पंच मंदरचूलिताओ, णवरं उसुयारा णत्थि । ४३४ । उसभे णं अरहा कोसलिए पंच धणुसताइं उइढंउच्चत्तेणं होत्था १ भरहे णं राया चाउरंतचक्कवट्ठी पंच धणुसयाइं उइढंउच्चत्तेणं हुत्था २ बाहुबली णमणगारे एवं चेव ३ बंभीणामजा एवं चेव ४ एवं सुंदरीवि ५ । ४३५ । पंचहिं ठाणेहिं सुत्ते विबुज्जेजा० तं०- सहेणं फासेणं भोयणपरिणामेणं णिहक्खएणं सुविणदंसणेणं । ४३६ । पंचहिं ठाणेहिं समणे णिग्गंथे णिग्गंथिं गिणहमाणे वा अवलंबमाणे वा णातिक्कमति, तं० -निग्गंथिं च णं अन्नयरे पसुजातिए वा पक्खिज्जातिए वा ओहातेजा तत्थ णिग्गंथे णिग्गंथिं गिणहमाणे वा अवलंबमाणे वा नातिक्कमति १ णिग्गंथे णिग्गंथिं दुग्गंसि वा विसमंसि वा पक्खलमाणिं वा पवडमाणिं वा गिणहमाणे वा अवलंबमाणे वा णातिक्कमति २ णिग्गंथे णिग्गंथिं सेतंसि वा पंकंसि वा पणगंसि वा उदगंसि वा उक्कसमाणीं वा उवुज्झमाणीं वा गिणहमाणे वा अवलंबमाणे वा णातिक्कमति ३ निग्गंथे निग्गंथिं नावं आरुभमाणे वा ओरोहमाणे वा णातिक्कमति ४ खेत्तइत्तं दित्तइत्तं जक्खाइइं उम्मायपत्तं उवसग्गपत्तं साहिगरणं सपायच्छित्तं जाव भत्तपाणपडियातिक्खियं अट्टजायं वा निग्गंथे निग्गंथिं गेणहमाणे वा अवलंबमाणे वा णातिक्कमति ५ । ४३७ । आयरियउवज्झायस्स णं गणंसि पंच अतिसेसा पं०तं० -आयरियउवज्झाए अंतो उवस्सगस्स पाए

निगिञ्जिय २ पण्फोडेमाणे वा पमज्जेमाणे वा णातिक्रमति १ आयरियउवज्झाए अंतो उवस्सगस्स उच्चारपासवणं विगिंचमाणे वा विसोधेमाणे वा णातिक्रमति २ आयरियउवज्झाए पभू इच्छा वेयावडियं करेज्जा इच्छ णो करेज्जा ३ आयरियउवज्झाए अंतो उवस्सगस्स एगरायं वा दुरातं वा एगागी वसमाणे णां० ४ आयरियउवज्झाए बाहिं उवस्सगस्स एगरातं वा दुरातं वा वसमाणे णातिक्रमति ५ ॥४३८॥ पंचहिं ठाणेहिं आयरियउवज्झायस्स गणावक्कमणे पंतं० - आयरियउवज्झाए गणंसि आणं वा धारणं वा नो सम्मं पउंजित्ता भवति १ आयरियउवज्झाए गणंसि अधारायणियाते कितिकम्भं वेणइयं णो सम्मं पउंजित्ता भवति २ आयरियउवज्झाए गणंसि जे सुयपज्जवजाते धारिंति ते काले नो सम्ममणुपवादेत्ता भवति ३ आयरियउवज्झाए गणंसि सगणिताते वा परगणिताते वा निगंथीते बहिल्लेसे भवति ४ मित्ते णातीगणे वा से गणातो अवक्कमेज्जा तेसिं संगहोवग्गहट्टयाते गणावक्कमणे पत्तत्ते ५ ॥ ४३९ ॥ पंचविहा इड्ढीमंता मणुस्सा पंतं० - अरहंता चक्कवट्ठी बलदेवा वासुदेवा भावियप्पाणो अणगारा ॥ ४४० ॥ अ० ५ ३० २ ॥ पंच अत्थिकाया पंतं० - धम्मत्थिकाते अधम्मत्थिकाते आगासत्थिकाते जीवत्थिकाते पोग्गलत्थिकाए, धम्मत्थिकाए, अवन्ने अगंधे अरसे अफासे अरूवी अजीवे सासए अवट्टिए लोगदव्वे, से समासओ पंचविधे पंतं० - दव्वओ खित्तओ कालओ भावओ गुणओ, दव्वओ णं धम्मत्थिकाए एगं दव्वं खेत्ततो लोगपमाणमेत्ते कालओ ण कयाति णासी न कयाइ न भवति ण कयाइ ण भविस्सइत्ति भुविं च भवति य भविस्सति त धुवे णितिते सासते अक्खए अव्वते अवट्टिते णिच्चे भावतो अवन्ने अगंधे अरसे अफासे गुणतो गमणगुणे य १

अधम्मत्थिकाए अवन्ने एवं चेव, णवरं गुणतो ठाणगुणो २ आगासत्थिकाए अवन्ने एवं चेव णवरं खेत्तओ लोगालोगपमाणमित्ते गुणतो अवगाहणागुणे, सेसं तं चेव ३ जीवत्थिकाए णं अवन्ने एवं चेव णवरं दव्वओ णं जीवत्थिगाते अणंताइं दव्वाइं अरूवी जाव सासते, गुणतो उवओगगुणे सेसं तं चेव ४ पोग्गलत्थिगाते पंचवन्ने पंचरसे दुग्गंधे अट्ठफासे रूवी अजीवे सासते जाव दव्वओ णं पोग्गलत्थिकाए अणंताइं दव्वाइं खेत्तओ लोगपमाणमेत्ते कालतो ण कयाइ णासि जाव णिच्चे भावतो वन्नमंते गंधमंते रसमंते फासमंते गुणतो गहणागुणे । ४४१ । पंच गतीतो पं०तं० -निरयगती तिरियगती मणुयगती देवगती सिद्धिगती । ४४२ । पंच इंदियत्था पं०तं० -सोतिंदियत्थे जाव फासिंदियत्थे १ पंच मुंडा पं०तं० -सोतिंदियमुंडे जाव फासिंदियमुंडे २ अहवा पंच मुंडा पं०तं० -कोहमुंडे माणमुंडे मायामुंडे लोभमुंडे सिरमुंडे ३ । ४४३ । अहेलोगे णं पंच बायरा पं०तं० - पुढवीकाइगा आउ० वाउ० वणस्सइ० ओराला तसा पाणा १ उड्ढलोगे णं पंच बायरा पं० तं०- एवं तं चेव २ तिरियलोगे णं पंच बायरा पं०तं० -एगिंदिया जाव पंचिंदिता ३ पंचविधा बायरतेउकाइया पं०तं० -इंगाले जाला मुम्भुरे अच्छी अलाते १ पंचविधा बादरवाउकाइया पं०तं० -पाईणवाते पडीणवाते दाहिणवाते उदीणवाते विदिसवाते २ पंचविधा अचित्ता वाउकाइया पं०तं० -अक्कंते धंते पीलिए सरीराणुगते संमुच्छिमे ३ । ४४४ । पंच निग्गंथा पं०तं० -पुलाते बउसे कुसीले णिग्गंथे सिणाते १ पुलाए पंचविहे पं०तं० -णाणपुलाते दंसणपुलाते चरित्तपुलाते लिंगपुलाते अहासुहमपुलाते नामं पंचमे २ बउसे पंचविधे पं०तं० - आभोगबउसे अणाभोगबउसे संवुडबउसे असंवुडबउसे अहासुहमबउसे

नामं पंचमे ३ कुसीले पंचविधे पंतं - णाणकुसीले दंसणकुसीले चरित्तकुसीले लिंगकुसीले अहासुहुमकुसीले नामं पंचमे ४ नियंते पंचविधे पंतं - पढमसमयनियंते अपढमसमयनियंते चरिमसमयनियंते अचरिमसमयनियंते अहासुहुमनियंते नामं पंचमे ५ सिणाते पंचविधे पंतं - अच्छवी १ असबले २ अकम्भंसे ३ संसुद्धणाणदंसणधरे अरहा जिणे केवली ४ अपरिस्सावी ५, ६ । ४४५ । कप्पंति ( प्र० कप्पइ ) णिगंथाण वा णिगंथीण वा पंच वत्थाइं धारित्तए वा परिहरित्तते वा, तं - जंगिते भंगिते साणते पोत्तिते तिरीडपट्टते णामं पंचमए, कप्पंति निगंथाण वा निगंथीण वा पंच रयहरणाइं धारित्तए वा परिहरित्तते वा, तं जहाउणिणए उट्टिते साणते पच्चापिच्चियते मुंजापिच्चियते नामं पंचमए । ४४६ । धम्मं चरमाणस्स पंच णिस्साठाणा पंतं - छक्काए गणे राया गिहवती सरीरं । ४४७ । पंच णिही पंतं - पुत्तनिही भित्तनिही सिप्पनिही धणाणिही धन्नणिही । ४४८ । पंचविधे सोए पंतं - पुढवीसोते आउसोते तेउसोते मंतसोते बंभसोते । ४४९ । पंच ठाणाइं छउमत्थे सव्वभावेणं ण जाणति ण पासति, तं - धम्मत्थिकातं अधम्मत्थिकातं आगासत्थिकायं जीवं असरीरपडिबद्धं परमाणुयोग्गलं, एयाणि चेव उप्पन्नणाणदंसणधरे अरहा जिणे केवली सव्वभावेणं जाणति पासति धम्मत्थिकातं जाव परमाणुयोग्गलं । ४५० । अधोलोके णं पंच अणुत्तरा महतिमहालता महानिरया पंतं - काले महाकाले रोरुते महारोरुते अप्पत्तिट्ठाणे १ उड्ढल्लोके णं पंच अणुत्तरा महतिमहालता महाविष्णुणा पंतं - विजये विजयंते जयंते अपराजिते सव्वट्ठसिद्धे २ । ४५१ । पंच पुरिसज्जाता पंतं - हिरिसत्ते हिरिमणसत्ते चल्हसत्ते थिरसत्ते उदतणसत्ते । ४५२ । पंच मच्छा पंतं - अणुसोतचारी

पडिसोतचारी अंतचारी मन्त्रचारी सव्वचारी, एवामेव पंच भिक्खागा पंतं - अणुसोयचारी जाव सव्वसोयचारी । ४५३ । पंच वणीमगा पंतं - अतिहिवणीमते किविणवणीमते माहणवणीमते साणवणीमते समणवणीमते । ४५४ । पंचहिं ठाणेहिं अचेलए पसत्थे भवति, तं - अप्पा पडिलेहा १ लाघविए पसत्थे २ रूवे वेसासिते ३ तवे अणुनाते ४ विउले इंदियनिग्गहे ५ । ४५५ । पंच उक्कला पंतं - दंडुक्कले रज्जुक्कले तेणुक्कले देसुक्कले सव्वुक्कले । ५५६ । पंच समितीतो पंतं - ईरियासमिती भासा जाव पारिठावणियासमिती । ४५७ । पंचविधा संसारसमावन्नगा जीवा पंतं - एगिंदिता जाव पंचिंदिता १ एगिंदिया पंचगतिया पंचागतिता पंतं - एगिंदिए एगिंदितेसु उववज्जमाणे एगिंदितेहिंतो जाव पंचिंदिएहिंतो वा उववज्जेज्जा, से चेव णं से एगिंदिए एगिंदितत्तं विप्पजहमाणे एगिंदितत्ताते वा जाव पंचिंदितत्ताते वा गच्छेज्जा २ बेदिया पंचगतिता पंचागइया एवं चेव ३ एवं जाव पंचिंदिया पंचगतिता पंचागइया पंतं - पंचिंदिया जाव गच्छेज्जा ४-५-६ पंचविधा सव्वजीवा पंतं - कोहकसाई जाव लोभकसाई अकसाती ७ अहवा पंचविधा सव्वजीवा पंतं - नेरइया जाव देवा सिद्धा ८ । ४५८ । अह भंते ! कलमसूरतिलमुग्गमासणिप्फावकुलत्थआ ( प्र०अ ) लिसंदगसतीणपलिमंथगाणं एतेसिं णं धन्नाणं कुट्ठाउत्ताणं जथा सालीणं जाव केवतितं कालं जोणी संचिड्ढति ?, गोयमा ! ( प्र०सा ) जहण्णेणं अंतोमुहुत्तं उक्कोसेणं पंच संवच्छराइं, तेण परं जोणी पमिलायति जाव तेण परं जोणीवोच्छेदे पण्णत्ते । ४५९ । पंच संवच्छरा पंतं - णक्खत्तसंवच्छरे जुगसंवच्छरे पमाणसंवच्छरे लक्खणसंवच्छरे सणिंवरसंवच्छरे १ जुगसंवच्छरे पंचविहे

पं०तं० - चंदे चंदे अभिवडिढते चंदे अभिवडिढते चेव २ पमाणसंवच्छरे पंचविहे पं०तं० - नक्खत्ते चंदे ऊऊ आदिच्चे अभिवडिढते  
 ३ लक्खणसंवच्छरे पंचविहे पं०तं० - समगं नक्खत्ता जोमं जोयंति समगं उदू परिणमंति । णच्चुण्ह णातिसीतो बहूदतो होति नक्खत्ते  
 १ ॥ ३५ ॥ ससिसगलपुण्णमासी जोतेती विसमचारणक्खत्ते । कडुतो बहूदतो ( या ) तमाहु संवच्छरं चंदं २ ॥ ३६ ॥ विसमं  
 पवालिणो परिणमंति अणुदूसु देतिं पुप्फफलं । वासं न सम्म वासति तमाहु संवच्छरं कम्मं ३ ॥ ३७ ॥ पुढविदगाणं तु रसं पुप्फफलाणं  
 तु देइ आदिच्चो । अप्पेणवि वासेणं सम्मं णिप्फज्जए सस्सं ( प्र०सासं ) ४ ॥ ३८ ॥ आदिच्चतेयतविता खणलवदिता उऊ परिणमंति ।  
 पूरिति रेणुथलताइं ( प्र०पूरेइ य थलयाइं ) तमाहु अभिवडिढतं जाण ५ ॥ ३९ ॥ ४६० । पंचविधे जीवस्स णिज्जाणमग्गे पं०तं० - पातेहिं  
 ऊरूहिं उरेणं सिरेणं सव्वंगेहिं, पाएहिं णिज्जाणमाणे निरयगामी भवति, ऊरूहिं णिज्जाण ( प्र०य ) माणे तिरियगामी भवति उरेणं  
 निज्जायमाणे मणुयगामी भवति सिरेणं णिज्जायमाणे देवगामी भवति सव्वे ( व्वंगे ) हिं निज्जायमाणे सिद्धिगतिपज्जवसाणे पण्णत्ते  
 ॥ ४६१ ॥ पंचविहे छेयणे पं०तं० - उप्पाछेयणे वियच्छेयणे बंधच्छेयणे पएसच्छेयणे ( पंथच्छेयणे पा० ) दोधारच्छेयणे, पंचविधे  
 आणंतरे पं०तं० - उप्पातणंतरे वितणंतरे पतेसाणंतरे समताणंतरे सामण्णाणंतरे, पंचविधे अणंतरे पं०तं० - णामणंतरे  
 ठवणाणंतरे दव्वाणंतरे गणणाणंतरे पदेसाणंतरे, अहवा पंचविहे अणंतरे पं०तं० - एगतोऽणंतरे दुहतोऽणंतरे देसवित्थारणंतरे  
 सव्ववित्थारणंतरे सासयाणंतरे ॥ ४६२ ॥ पंचविहे णाणे पं०तं० - आभिणिबोहियणाणे सुयणाणे ओहिणाणे मणपज्जवणाणे केवलणाणे

॥ ४६३ ॥ पंचविहे णाणावरणिजे कम्मे पंतं० - आभिणिबोहियणाणावरणिजे जाव केवलनाणावरणिजे ॥ ४६४ ॥ पंचविहे सज्जाए पंतं० - वायणा पुच्छणा परियट्टणा अणुप्पेहा धम्मकहा ॥ ४६५ ॥ पंचविहे पच्चक्खाणे पंतं० - सदहणसुद्धे विणयसुद्धे अणुभासणासुद्धे अणुपालणासुद्धे भावसुद्धे ॥ ४६६ ॥ पंचविहे पडिक्कमणे पंतं० - आसवदारपडिक्कमणे मिच्छत्तपडिक्कमणे कसायपडिक्कमणे जोगपडिक्कमणे भावपडिक्कमणे ॥ ४६७ ॥ पंचहिं ठाणेहिं सुत्तं वाएज्जा० तं० - संगहट्टयाते उवग्गहणट्टयाते णिज्जरणट्टयाते सुत्ते वा मे पज्जवयाते भविस्सति सुत्तस्स वा अवोच्छित्तिणयाते, पंचहिं ठाणेहिं सुत्तं सिक्खिज्जा, तं० - णाणट्टयाते दंसणट्टयाते चरित्तट्टयाते वुग्गहविमोतणट्टयाते अहत्ये वा भावे जाणिस्सामीतिकट्टु ॥ ४६८ ॥ सोहम्मीसाणेसु णं कप्पेसु विमाणा पंचवण्णा पंतं० - किण्हा जाव सुक्किला १ सोहम्मीसाणेसु णं कप्पेसु विमाणा पंच जोयणसयाइं उड्ढंउच्चत्तेणं पत्रत्ता २ बंभलोगलंततेसु णं कप्पेसु देवाणं भवधारणिज्जसरीरगा उक्कोसेणं पंचरयणी उड्ढंउच्चत्तेणं पंतं० ३ नेरइया णं पंचवत्ते पंचरसे पोग्गले बंधेसु वा बंधंति वा बंधिस्संति वा तं० - किण्हा जाव सुक्किल्ले, तित्ते जाव मधुरे, एवं जाव वेमाणित्ता २४, ४ ॥ ४६९ ॥ जंबुद्वीवे २ मंदरस्स पव्वयस्स दाहिणेणं गंगा महानदी पंच महानदीओ समप्पेति, तं० - जउणा सरऊ आदी कोसी मही १ जंबुमंदरस्स दाहिणेणं सिंधुमहाणदी पंच महानदीओ समप्पेति तं० - सतददू विभासा वितत्था एरावती चंदभागा २ जंबूमंदरस्स उत्तरेणं रत्ता महानई पंच महानईओ समप्पेति तं० - किण्हा महाकिण्हा नीला महानीला महातीरा ३ जंबूमंदरस्स उत्तरेणं रत्तावती महानई पंच महानईओ समप्पेति तं० - इंदा इंदसेणा

सुसेणा वारिसेणा महाभोया ४ । ४७० । पंच तित्थगरा कुमारवासमज्जे वसित्ता ( ज्झावसित्ता ) मुंडा जाव पव्वतिता, तं०-वासुपुज्जे मल्ली अरिद्धनेमी पासे वीरे । ४७१ । चमरचंचाए रायहाणीए पंच सभा पं०तं० -सभा सुधम्मा उववातसभा अभिसेयसभा अलंकारितसभा ववसातसभा, एगमेगेणं इंदद्धाणेणं पंच सभाओ पं०तं०- सभा सुहम्मा जाव ववसातसभा । ४७२ । पंच णक्खत्ता पंचतारा पं०तं० - धणिट्ठा रोहिणी पुणव्वसू हत्थो विसाहा । ४७३ । जीवाणं पंचट्ठाणणिव्वित्ति ते पोग्गले पावकम्मत्ता ते चिणिंसु वा चिणिंति वा चिणिस्संति वा, तं०-एगिंदितनिव्वत्ति ते जाव पंचिंदितनिव्वत्ति ते, एवं चिण उवचिण बंध उदीर वेद तह णिज्जरा चेव । पंचपतेसिता खंधा अणंता पण्णत्ता पंचपतेसोगाढा पोग्गला अणंता पण्णत्ता जाव पंचगुणलुक्खा पोग्गला अणंता पण्णत्ता । ४७४ ॥ ३० ३ पञ्चस्थानाध्ययनं ५ ॥

छहिं ठाणेहिं संपन्ने अणगारे अरिहति गणं धारित्ते, तं०- सडढी पुरिसजाते १ सच्चे पुरिसजाते २ मेहावी पुरिसजाते ३ बहुस्सुते पुरिसजाते ४ सत्तिमं ५ अप्पाधिकरणे ६ । ४७५ । छहिं ठाणेहिं निगंथे निगंथिं गिणहमाणे वा अवलंबमाणे नाइक्कमइ, तं०- खित्तचित्तं दित्तचित्तं जक्खातिट्ठं उम्मातपत्तं उवसग्गपत्तं साहिकरणं । ४७६ । छहिं ठाणेहिं निगंथा निगंथीओ य साहम्भितं कालगतं समायरमाणा णाइक्कभंति, तं० -अंतोहिंतो वा वाहिं णीणेमाणा १ बाहीहिंतो वा निब्बाहिं णीणेमाणा २ उवेहमाणा वा ३ उवासमाणा वा ( भयमाणा वा उवसामेमाणा वा पा० ) ४ अणुन्नवेमाणा वा ५ तुसिणीते वा संपव्वयमाणा ६ । ४७७ । छ ठाणाइं छउमत्थे सव्वभावेणं

१) जाणति १) पासति, तं० - धम्मत्थिकायमधम्मत्थिकात् आयासं जीवमसरीरपडिबद्धं परमाणुपोग्गलं सहं, एताणि चेव उप्पन्नानाणदंसणधरे अरहा जिणे जाव सव्वभावेणं जाणति पासति तं० - धम्मत्थिकात् जाव सहं । ४७८ । छहिं ठाणेहिं सव्वजीवाणं णत्थि इइढीति वा जुत्तीति वा० परक्कमेति वा, तं० - जीवे वा अजीवं करणताते १ अजीवं वा जीवं करणताते २ एगसमएणं वा दो भासातो भासित्तते ३ सयं कडं वा कम्मं वेदेमि वा मा वा वेएमि ४ परमाणुपोग्गलं वा छिंदित्तए वा भिंदित्तए वा अगणिकातेणं वा समोदहित्तते ५ बहिता वा लोगंता गमणताते ६ । ४७९ । छ जीवनिकाया पं०तं० - पुढवीकाइया जाव तसकाइया । ४८० । छ तारग्गहा, पं०तं० - सुक्के बुहे बहस्सती अंगारते सनिच्चरे केतू । ४८१ । छव्विहा संसारसमावन्नगा जीवा पं०तं० - पुढवीकाइया जाव तसकाइया, पुढवीकाइया छगइया छआगतिता पं०तं० - पुढवीकातिते पुढवीकाइएसु उववज्जमाणे पुढवीकाइएहिंतो वा जाव तसकाइएहिंतो वा उववजेज्जा, सो चेव णं से पुढवीकातिते पुढवीकातितत्तं विप्पजहमाणे पुढवीकातितत्ताते वा जाव तसकातितत्ताते वा गच्छेज्जा, आउकातियावि छगतिता छआगतिता, एवं चेव जाव तसकातिता । ४८२ । छव्विहा सव्वजीवा पं०तं० - आभिणिबोहियणाणी जाव केवलणाणी अन्नाणी, अहवा छव्विधा सव्वजीवा पं०तं० - एगिंदिया जाव पंचिंदिया अणिंदिया, अहवा छव्विहा सव्वजीवा पं०तं० - ओरालियसरीरी वेउव्वियसरीरी आहारगसरीरी तेअगसरीरी कम्मगसरीरी असरीरी । ४८३ । छव्विहा तणवणस्सतिकतिता पं०तं० - अग्गबीया मूलबीया पोरबीया खंधबीया बीयरुहा संमुच्छिमा । ४८४ । छट्ठाणाइं सव्वजीवाणंणो सुलभाइं भवंति, तं० - माणुस्सए

भवे १ आयरिए ( प्र०आरिए ) खित्ते जम्भं २ सुकुले पच्यायाती ३ केवलिपत्रत्तस्स धम्मस्स सवणता ४ सुयस्स वा सद्वहणता ५, सद्वहितस्स वा पत्तितस्स वा रोइतस्स वा सम्भं काएणं फासणया ६ । ४८५ । छ इंदियत्था पंतं० - सोइंदियत्थे जाव फासिंदियत्थे नोइंदियत्थे । ४८६ । छव्विहे संवरे पंतं० - सोतिंदियसंवरे जाव फासिंदियसंवरे अणिंदियसंवरे, छव्विहे असंवरे पंतं० - सोइंदिअअसंवरे जाव फासिंदितअसंवरे णोइंदितअसंवरे । ४८७ । छव्विहे साते पंतं० - सोइंदियसाते जाव नोइंदियसाते, छव्विहे असाते पंतं० - सोतिंदितअसाते जाव नोइंदितअसाते । ४८८ । छव्विहे पायच्छित्ते पंतं० - आलोयणारिहे पडिक्कमणारिहे तदुभयारिहे विवेगारिहे विउस्सगारिहे तवारिहे । ४८९ । छव्विहा मणुस्सगा पंतं० - जंबूदीवगा धायइसंडदीवपुरच्छिमद्धगा घाततिसंडदीवपच्चत्थिमद्धगा पुक्खरवरदीवइढपुरत्थिमद्धगा पुक्खरवरदीवइढपच्चत्थिमद्धगा अंतरदीवगा० अहवा छव्विहा मणुस्सा पंतं० - संमुच्छिममणुस्सा कम्मभूमगा १ अकम्मभूमगा २ अंतरदीवगा ३, गम्भवक्कंतिअमणुस्सा कम्मभूमिगा १ अकम्मभूमगा २ अंतरदीवगा ३ । ४९० । छव्विहा इइढीमंता मणुस्सा पंतं० - अरहंता चक्कवट्ठी बलदेवा वासुदेवा चारणा विज्जाहरा, छव्विहा अणिइढीमंता मणुस्सा पंतं० - हेमवंतगा हेरत्रवंतगा हरिवंसगा रम्मगवंसगा कुरुवासिणो अंतरदीवगा । ४९१ । छव्विहा ओसप्पिणी पंतं० - सुसमसुसमा जाव दूसमदूसमा, छव्विहा उस्सप्पिणी पंतं० - दुस्समदुस्समा जाव सुसममममा । ४९२ । जंबुद्दीवे २ भरहेरवएसु वासेसु तीताए उस्सप्पिणीते सुसमसुसमाते समाए मणुया छच्च धणुसहस्साइं उइढमुच्चत्तेणं हुत्था, छज्ज अद्धपलिओवमाइं परमाउं पालयित्था १ जंबुद्दीवे २

भरहेरवंतेसु वासेसु इमीसे ओसप्पिणीते सुसमसुसमाते समाए एवं चेव २ जंबू० भरहेरवते आगमेस्साते उस्सप्पिणीते सुसमसुसमाते समाए एवं चेव जाव छच्च अद्धपलिओवमाइं परमाउं पालतिस्संति ३ जंबुदीवे २ देवकुरुउत्तरकुरासु मणुया छ धणुस्सहस्साइं उड्ढंउच्चत्तेणं पं० छच्च अद्धपलिओवमाइं परमाउं पालेति ४ एवं धायइसंडदीवपुरच्छिमद्धे चत्तारि आलावगा जाव पुक्खरवरदीवड्ढ-पच्चच्छिमद्धे चत्तारि आलावगा । ४९३ । छव्विहे संघयणे पं०तं० - वतिरोसभणारातसंघयणे उसभणारायसंघयणे नारायसंघयणे अद्धनारायसंघयणे खीलितसंघयणे छे ( प्र०से० ) वट्टसंघयणे । ४९४ । छव्विहे संठाणे पं०तं० -समचउरंसे णग्गोहपरिमंडले साती खुज्जे वामणे हुंडे । ४९५ । छ ठाणा अणत्तवओ अहिताते असुभाते अखमाते अनीसेयसाए अणाणुगामियत्ताते भवंति, तं० -परिताते परिताले सुते तवे लाभे पूतासक्कारे, छट्ठाणा अत्तवतो हिताते जाव आणुगामियत्ताते भवंति, तं०-परिताते परिताले जाव पूतासक्कारे । ४९६ । छव्विहा जाइआरिया मणुस्सा पं०तं० -अंबट्टा य कलंदा य, वेदेहा वेदिगातिता । हरिता चुंचुणा चेव, छप्पेता इब्भजातिओ ॥४०॥ छव्विधा कुलारिता मणुस्सा पं०तं० -उग्गा भोगा राइन्ना इक्खागा णाता कोरव्वा । ४९७ । छव्विधा लोगट्ठिती पं०तं० - आगासपतिट्ठिते वाए वायपतिट्ठिए उदही उदधिपतिट्ठिता पुढवी पुढवीपइट्ठिया तसा थावरा पाणा अजीवा जीवपइट्ठिया जीवा कम्मपतिट्ठिया । ४९८ । छदिसाओ पं०तं० -पातीणा पडीणा दाहिणा उतीणा उड्ढा अथा, छहिं दिसाहिं जीवाणं गती पवत्तति, तं०- पाईणाते जाव अथाते १ एवमागई २ वक्कंती ३ आहारे ४ वुड्ढी ५ निवुड्ढी ६ विगुव्वणा ७ गतिपरिताते ८ समुग्घाते ९ कालसंजोगे १० दंसणाभिगमे

११ णाणाभिगमे १२ जीवाभिगमे १३ अजीवाभिगमे १४, एवं पंचिंदियतिरिक्खजोणियाणवि मणुस्साणवि । ४९९ । छहिं ठाणेहिं समणे निग्गंथे आहारमाहारमाणे णातिक्कमति, तं० -वेयण वेयावच्चे ईरियट्ठाए य संजमट्ठाए । तह पाणवत्तियाए छट्ठं पुण धम्मचिंत्ताए ॥ ४१ ॥ छहिं ठाणेहिं समणे निग्गंथे आहारं वोच्छिदमाणे णातिक्कमति, तं० -आतंके उवसग्गे तितिक्खणे बंभचेरगुत्तीते । पाणिदया तवहेउं सरीरवुच्छेयणट्ठाए ॥ ४२ ॥ ५०० । छहिं ठाणेहिं आया उम्मायं ( उम्मायपमायं पा० ) पाउणेज्जा, तं० -अरहंताणमवणं वदमाणे १ अरहंतपन्नत्तस्स धम्मस्स अवन्नं वदमाणे २ आयरियउक्ख्झायाणमवन्नं वदमाणे ३ चाउव्वन्नस्स संघस्स अवन्नं वदमाणे ४ जक्खावेसेण चेव ५ मोहणिज्जस्स चेव कम्मस्स उदएणं ६ । ५०१ । छव्विहे पमाते पं०तं० -मज्जपमाए णिदपमाते विसयपमाते कसायपमाते जूतपमाते पडिलेहणापमाए । ५०२ । छव्विधा पमायपडिलेहणा पं०तं० -आरभडा संमहा वज्जेयव्वा य मोसली तत्तिता ( अठाणठवणाय पा० ) । पप्फोडणा चउत्थी वक्खित्ता वेत्तिया छट्ठी ॥ ४३ ॥ छव्विहा अप्पमायपडिलेहणा पं०तं० -अणच्चावितं अवलितं अणाणुबंधिं अमोसलिं चेव । छप्पुरिमा नव खोडा पाणी पाणविसोहणी ॥ ४४ ॥ ५०३ । छ लेसाओ पं०तं० -कणहलेसा जाव सुक्कलेसा, पंचिंदियतिरिक्खजोणियाणं छ लेसाओ पं०तं० -कणहलेसा जाव सुक्कलेसा, एवं मणुस्सदेवाणवि । ५०४ । सक्कस्स णं देविंदस्स देवरन्नो सोमस्स महारन्नो छ अगमहिसीतो पं० सक्कस्स णं देविंदस्स देवरण्णो जमस्स महारन्नो छ अगमहिसीओ पं० । ५०५ । ईसाणस्स णं देविंदस्स मज्झिमपरिसाए देवाणं छ पलिओवमाइं ठिती पं० ( सक्क०म०देवाणं० ) । ५०६ । छ

दिसिकुमारिमहतरितातो पं०तं० - रूता रूतंसा सुरूवा रूपवती रूपकंता रूतप्पभा, छ विज्जुकुमारिमहत्तरितातो पं०तं० -आला  
 ( प्र०अला ) सक्का ( प०मक्का ) सतेरा सोतामणी इंदा घणविज्जुया । ५०७ । धरणस्स णं नागकुमारिंदस्स नागकुमाररत्तो छ अग्गमहिंसीओ  
 पं०तं० -आला सक्का सतेरा सोतामणी इंदा धणविज्जुया, भूताणंदस्स णं नागकुमारिंदस्स नागकुमाररत्तो छ अग्गमहिंसीओ पं०तं० -  
 रूवा रूवंसा सुरूवा रूववती रूवकंता रूवप्पभा, जथा धरणस्स तथा सव्वेसिं दाहिणिल्लाणं जाव घोसस्स, जथा भूताणंदस्स तथा  
 सव्वेसिं उत्तरिल्लाणं जाव महाघोसस्स । ५०८ । धरणस्स णं नागकुमारिंदस्स नागकुमाररत्तो छस्सामाणियसाहस्सीओ पं० एवं भूताणंदस्सवि  
 जाव महाघोसस्स । ५०९ । छव्विहा उग्गमती पं०तं० -खिप्पमोगिणहति बहुमोगिणहति बहुविधमोगिणहति धुवमोगिणहति  
 अणिस्सियमोगिणहइ असंदिद्धमोगिणहइ, छव्विहा ईहामती पं०तं० -खिप्पमीहति बहुमीहति जाव असंदिद्धमीहति, छव्विधा, अवायमती  
 पं०तं० -खिप्पमवेति जाव असंदिद्धं अवेति, छव्विधा धारणा पं०तं० -बहु धारेइ बहुविहं धारेइ पोराणं धारेति दुद्धरं धारेति अणिस्सितं  
 धारेति असंदिद्धं धारेति । ५१० । छव्विहे बाहिरते तवे पं०तं० -अणसणं ओमोदरिया भिक्खातरिता रसपरिच्चाते कायकिलेसो  
 पडिसंलीनता, छव्विधे अब्भंतरीते तवे पं०तं० -पायच्छित्तं विणओ वेयावच्चं तहेव सज्झाओ । झाणं विउस्सगो । ५११ । छव्विहे  
 विवादे पं०तं० -ओसक्कतित्ता ( ओसक्कवइत्ता पा० ) उस्सक्कइत्ता ( उस्सक्कावइत्ता पा० ) अणुलोमइत्ता पडिलोमतित्ता भइत्ता भेलतित्ता  
 ( भेयइत्ता पा० ) । ५१२ । छव्विहा खुड्डा पाणा पं०तं० - बेदिता तेइंदिता चउरिंदिता संमुच्छिमपंचिंदिततिरिक्खजोणिता तेउकातिता

वाउकातिता । ५१३ । छव्विधा गोयरचरिता पंतं० -पेडा अद्धपेडा गोमुत्तिता पतंगविहिता संबुक्कवट्टा गंतुपच्चागता । ५१४ ।  
जंबुद्दीवे २ मंदरस्स पव्वयस्स य दहिणेणमिमीसे रतणप्पभाते पुढवीए छ अवकं( कं )तमहानिरता पंतं०- लोले लोलुए उदइढे  
निदइढे जरते पज्जरते, चउत्थीए णं पंकप्पभाए पुढवीते छ अवक्कंता महानिरता पंतं० -आरे वारे मारे रारे रोरुते खाडखडे । ५१५ ।  
बंभलोगे णं कप्पे छ विमाणपत्थडा पंतं० -अरते विरते णीरते निम्मले वितिभिरे विसुद्धे । ५१६ । चंदस्स णं जोतिसिंदस्स जोतिसरत्रो  
छ णक्खत्ता पुव्वंभागा समखेत्ता तीसतिमुहुत्ता पंतं० -पुव्वाभद्ववया कत्तिता महा पुव्वाफग्गुणी मूलो पुव्वासाढा, चंदस्स णं जोतिसिंदस्स  
जोतिसरण्णो छ णक्खत्ता णत्तंभागा अवइढक्खेत्ता पन्नरसमुहुत्ता पंतं० - सयभिसता भरणी अद्दा अस्सेसा साती जेड्डा, चंदस्स णं  
जोइसिंदस्स जोतिसरत्रो छ नक्खत्ता उभयंभागा दिवइढक्खेत्ता पणयालीसमुहुत्ता पंतं० -रोहिणी पुणव्वसू उत्तराफग्गुणी विसाहा  
उत्तरासाढा उत्तराभद्ववया । ५१७ । अभिचंदे णं कुलकरे छ धणुसयाइं उइढंउच्चत्तेणं हुत्था । ५१८ । भरहे णं राया चाउरंतचक्कवट्टी  
छ पुव्वसतसहस्साइं महाराया हुत्था । ५१९ । पासस्स णं अरहओ पुरिसादाणीयस्स छ सता वादीणं सदेवमणुयासुराते परिसाते  
अपराजियाणं० संपया होत्था, वासुपुज्जे णं अरहा छहिं पुरिससतेहिं सद्धिं मुंडे जाव पव्वइते, चंदप्पभे णं अरहा छम्मासे छउमत्थे हुत्था  
। ५२० । तेतिंदियाणं जीवाणं असमारभमाणस्स छव्विहे संजमे कज्जति, तं० - घाणामातो सोक्खातो अववरोवेत्ता भवति घाणामएणं  
दुक्खेणं असंजोएत्ता भवति जिब्भामातो सोक्खातो अववरोवेत्ता भवइ० एवं चेव फासामातोऽवि । तेइंदियाणं जीवाणं समारभमाणस्स

छव्विहे असंजमे कज्जति, तं० - घाणामातो सोक्खातो ववरोवेत्ता भवति घाणामएणं दुक्खेणं संजोगेत्ता भवति, जाव फासमतेणं दुक्खेणं संजोगेत्ता भवति । ५२१ । जंबुदीवे २ छ अकम्मभूमीओ पंतं० - हेमवते हेरण्णवते हरिवस्से रम्मगवासे देवकुरा उत्तरकुरा १ जंबुदीवे २ छव्वासा पंतं० - भरहे एरवते हेमवते हेरन्नवए हरिवासे रम्मगवासे २ जंबुदीवे २ छ वासहरपव्वता पंतं० - चुल्लहिमवंते महाहिमवंते निसढे नीलवंते रूपि सिहरी ३ जंबूमंदरदाहिणेणं छ कूडा पंतं० - चुल्लहिमवंतकूडे वेसमणकूडे महाहिमवंतकूडेवेरुलितकूडे निसढकूडे रुयगकूडे ४ जंबूमंदरउत्तेरणं छ कूडा पंतं० - नेलवंतकूडे उवदंसणकूडे रूपिकूडे मणिकंचणकूडे सिहरिकूडे तिगिच्छकूडे ५ जंबुदीवे २ छ महद्दहा पंतं० - पउमदहे महापउमदहे तिगिच्छदहे केसरिदहे महापोंडरीयदहे पुंडरीयदहे ६ तत्थ णं छ देवयाओ महडिढयाओ जाव पलिओवमड्ढितीतो परिवसंति, तं०- सिरि हिरि धिति कित्ति बुद्धि लच्छी ७ जंबूमंदरदाहिणेणं छ महानईओ पंतं०- गंगा सिंधू रोहिया रोहितंसा हरी हरिकंता ८ जंबूमंदरउत्तेरणं छ महानतीतो पंतं० - नरकंता नारीकंता सुवन्नकूला रूप्यकूला रत्ता रत्तवती ९ जंबूमंदरपुरिच्छमेणं सीताते महानदीते उभयकूले छ अंतरनईओ पंतं० - गाहावती दहावती पंकवती तत्तजला मत्तजला उम्भत्तजला १० जंबूमंदरपच्चत्थिमेणं सीतोदाते महानतीते उभयकूले छ अंतरनदीओ पंतं० - खीरोदा सीहसोता अंतोवाहिणी उम्भिमालिणी फेणमालिणी गंभीरमालिणी ११ धायइसंडदीवपुरच्छिमद्धेणं छ अकम्मभूमीओ पंतं० - हेमवए एवं जहा जंबुदीवे २ तहा नदी जाव अंतरणदीतो २२ जाव पुक्खरवरदीवद्धपच्चत्थिमद्धे भाणितव्वं ५५ । ५२२ । छ उदू पंतं० - पाउसे वरिसारत्ते सरए

हेमंते वसंते गिम्हे १ । ५२३ । छ ओमरत्ता पं०तं० - ततिते पव्वे सत्तमे पव्वे एक्कारसमे पव्वे पन्नरसमे पव्वे एगूणवीसइमे पव्वे तेवीसइमे पव्वे २ छ अइरत्ता पं०तं० - चउत्थे पव्वे अट्टमे पव्वे दुवालसमे पव्वे सोलसमे पव्वे वीसइमे पव्वे चउवीसइमे पव्वे ३ । ५२४ । आभिणिबोहियणाणस्स णं छव्विहे अत्थोग्गहे पं०तं० - सोइंदियत्थोग्गहे जाव नोइंदियत्थोग्गहे । ५२५ । छव्विहे ओहिणाणे पं०तं० - आणुगाभिए अणाणुगामिते वड्ढमाणते हीयमाणते पडिवाती अपडिवाती । ५२६ । नो कप्पइ निगंथाण वा २ इमाइं छ अवतणाइं वदित्तते तं० - अलियवयणे हीलिअवयणे खिंसितवयणे फरुसवयणे गारत्थियवयणे विउसवितं वा पुणो उदीरित्तते । ५२७ । छ कप्पस्स पत्थारा पं०तं० - पाणातिवायस्स वायं वयमाणे १ मुसावायस्स वादं वयमाणे २ अदिन्नादाणस्स वादं वयमाणे ३ अविरतिवायं वयमाणे ४ अपुरिसवातं वयमाणे ५ दासवायं वयमाणे ६ इच्चेते छ कप्पस्स पत्थारे पत्थारेत्ता सम्ममपरिपूरेमाणो तट्ठाणपत्ते । ५२८ । छ कप्पस्स पलिमंथू पं०तं० - कोकुतिते संजमस्स पलिमंथू १ मोहरिते सच्चवयणस्स पलिमंथू २ चक्खुलोलुते ईरितावहिताते पलिमंथू ( परिमंथा पा० ) ३ तित्तिणिते एसणागोतरस्स पलिमंथू ४ इच्छालोमिते मोत्तिमग्गस्स पलिमंथू ५ भिज्जाणिताणकरणे मोक्खमग्गस्स पलिमंथू ६ सव्वत्थ भगवता अणिताणता पसत्था । ५२९ । छव्विहा कप्पठिती पं०तं० - सामातितकप्पठिती छेतोवट्ठावणितकप्पठिती निव्विसमाणकप्पठिती णिव्विट्ठकप्पठिती जिणकप्पठिती थिविर( प्र०थेर )कप्पठिती । ५३० । समणे भगवं महावीरे छट्ठेणं भत्तेणं अपाणाणं मुंडे जाव पव्वइए, समणस्स णं भगवओ महावीरस्स छट्ठेणं भत्तेणं अपाणाणं अणंते अणुत्तरे जाव समुप्पन्ने, समणे भगवं

महावीरे छट्ठेणं भत्तेणं अपाणएणं सिद्धे जाव सव्वदुक्खप्पहीणे । ५३१ । सणंकुमारमाहिंदेसु णं कप्पेसु विमाणा छ जोयणसयाइं उड्ढंउच्चत्तेणं पं० सणंकुमारमाहिंदेसु णं कप्पेसु देवाणं भवधारणिज्जगा सरीरगा उक्कोसेणं छ रतणीओ उड्ढंउच्चत्तेणं पं० । ५३२ । छव्विहे भोयणपरिमाणे पं०तं० -मणुन्ने रसिते पीणणिज्जे बिंहणिज्जे मयणिज्जे ( दीवणिज्जे पा० ) दप्पणिज्जे छव्विहे विसपरिणामे पं०तं० -डक्के भुत्ते निवतिते मंसाणुसारी सोणिताणुसारी अट्ठिभिंजाणुसारी । ५३३ । छव्विहे पट्ठे ( छव्विहे अट्ठे पा० ) पं०तं० -संसयपट्ठे वुग्गहपट्ठे अणुजोगी अणुलोमे तहणाणे अतहणाणे । ५३४ । चमरचंचा णं रायहाणी उक्कोसेणं छम्मासा विरहिता उववातेणं, एगमेगे णं इंदट्ठाणे उक्कोसेणं छम्मासा विरहिते उववातेणं, अथेसत्तमा णं पुढवी उक्कोसेणं छम्मासा विरहिता उववातेणं, सिद्धिगती णं उक्कोसेणं छम्मासा विरहिता उववातेणं । ५३५ । छव्विधे आउयबंधे पं०तं० -जातिणामनिधत्ताउते गतिणामणिधत्ताउए ठितिनामनिधत्ताउते ओगाहणाणामनिधत्ताउते पएसणामनिधत्ताउए अणुभावनामनिहत्ताउते, नेरतियाणं छव्विहे आउयबंधे पं०तं० -जातिणामनिहत्ताउते जाव अणुभावनामणिहत्ताउए एवं जाव वेमाणियाणं० नेरइया णियमा छम्मासावसेसाउता परभवियाउयं पगरेंति, एवामेव असुरकुमारावि जाव थणियकुमारा, असंखेज्जवासाउता सन्निपंचिंदियतिरिक्खजोणिया णियमं छम्मासावसेसाउया परभवियाउयं पगरेंति, असंखेज्जवासाउया सन्निमणुस्सा नियमं जाव पगरिंति, वाणमंतरा जोतिसवासिता वेमाणिता जहा णेरतिता । ५३६ । छव्विधे भावे पं०तं० -ओदतिते उवसमिते खतिते खतोवसमिते पारिणामिते सन्निवाइए । ५३७ । छव्विहे पडिक्कमणे पं०तं० -उच्चारपडिक्कमणे

पासवणपडिक्कमणे इत्तरिते आवकहिते जंकिंचिमिच्छा सोमणंतिते । ५३८ । कत्तिताणक्खत्ते छतारे पं०, असिलेसाणक्खत्ते छतारे पं० । ५३९ । जीवाणं छट्ठाणनिव्वत्तिते पोग्गले पावकम्मत्ताते चिणिसु वा ३ तं० - पुढवीकाइयनिव्वत्तिते जाव तसकायणिव्वत्तिते, एवं चिण उवचिण बंध उदीर वेय तह निज्जरा चेव ४, छप्पतेसिया णं खंधा अणंता पं० छप्पतेसोगाढा पोग्गला अणंता पं० छसमयट्ठितीता पोग्गला अणंता० छगुणकालगा पोग्गला जाव छगुणालुक्खा पोग्गला अणंता पण्णत्ता । ५४० ॥ षट्स्थानकाध्ययनं ६ ॥

सत्तविहे गणावक्कमणे पं०तं० - सव्वधम्मा रोतेमि ( सव्वधम्मं जाणामि पा० ) १ एगतिता रोएसि एगइया णो रोएमि २ सव्वधम्मा वित्तिगिच्छामि ३ एगतिया वित्तिगिच्छामि एगतिया नो वित्तिगिच्छामि ४ सव्वधम्मा जुहुणामि ५ एगतिया जुहुणामि एगतिया णो जुहुणामि ६ इच्छामि णं भंते ! एगल्लविहारपडिमं उवसंपज्जित्ताणं विहरित्तते ७ । ५४१ । सत्तविहे विभंगणाणे पं०तं०-एगदिसिलोगाभिगमे १ पंचदिसिलोगाभिगमे २ किरियावरणे जीवे ३ मुदग्गे जीवे ४ अमुदग्गे जीवे ५ रूवी जीवे ६ सव्वमिणं जीवा ७, तत्थ खलु इमे पढमे विभंगणाणे जया णं तहारूवस्स समणस्स वा माहणस्स वा विभंगणाणे समुप्पज्जति से णं तेणं विभंगणाणेणं समुप्पन्नेणं पासति पातीणं वा पडीणं वा दाहिणं वा उदीणं वा उड्ढं वा जाव सोहम्मे कप्पे, तस्स णमेवं भवति अत्थि णं मम अतिसेसे णाणदंसणे समुप्पन्ने एगदिसिं लोगाभिगमे, संतेगतिया समणा वा माहणा वा एवमाहंसु पंचदिसिं लोगाभिगमे, जे ते एवमाहंसु मिच्छं ते एवमाहंसु, पढमे विभंगणाणे १, अहावरे दोच्चे विभंगणाणे, जता णं तहारूवस्स समणस्स वा माहणस्स वा विभंगणाणे समुप्पज्जति से णं तेणं

विभंगणाणेणं समुप्पन्नेणं पासति पातीणं वा पडीणं वा दाहिणं वा उदीणं वा उड्ढं जाव सोहम्मे कप्पे तस्स णमेवं भवति अत्थि णं मम अतिसेसे णाणदंसणे समुप्पन्ने पंचदिसिं लोगाभिगमे, संतेगतिता समणा वा माहणा वा एवमाहंसु एगदिसिं लोयाभिगमे, जे ते एवमाहंसु मिच्छं ते एवमाहंसु, दोच्चे विभंगणाणे २ अहावरे तच्चे विभंगणाणे, जया णं तहारूवस्स समणस्स वा माहणस्स वा विभंगणाणे समुप्पज्जति, से णं तेणं विभंगणाणेण समुप्पन्नेणं पासति पाणे अतिवातेमाणे मुसं वतेमाणे अदिन्नमादितमाणे मेहुणं पडिसेवमाणे परिग्गहं परिगिण्हमाणे राइभोयणं भुंजमाणे वा पावं च णं कम्मं कीरमाणं णो पासति, तस्स णमेवं भवति अत्थि णं मम अतिसेसे णाणदंसणे समुप्पन्ने किरितावरणे जीवे, संतेगतिता समणा वा माहणा वा एवमाहंसु नो किरितावरणे जीवे, जे ते एवमाहंसु मिच्छं ते एवमाहंसु, तच्चे विभंगणाणे ३, अहावरे चउत्थे विभंगणाणे जया णं तथारूवस्स समणस्स वा माहणस्स वा जाव समुप्पज्जति से णं तेणं विभंगणाणेणं समुप्पन्नेणं देवामेव पासति बाहिरब्भंतरते पोग्गले परितादितित्ता पुढेगत्तं णाणत्तं फुसिया फुरेत्ता फुट्टित्ता ( संवट्टिय निवट्टिय पा० ) विकुव्वित्ताणं विउव्वित्ताणं चिट्ठिए, तस्स णमेवं भवति अत्थि णं मम अतिसेसे णाणदंसणे समुप्पन्ने मुदग्गे जीवे, संतेगतिता समणा वा माहणा वा एवमाहंसु अमुदग्गे जीवे, जे ते एवमाहंसु मिच्छं ते एवमाहंसु, चउत्थे विभंगणाणे ४ अहावरे पंचमे विभंगणाणे, जया णं तथारूवस्स समणस्स जाव समुप्पज्जति से णं तेणं विभंगणाणेणं समुप्पन्नेणं देवामेव पासति बाहिरब्भंतरते पोग्गले अपरितादितित्ता पुढेगत्तं णाणत्तं जाव विउव्वित्ताणं चिट्ठिते तस्स णमेवं भवति अत्थि जाव समुप्पन्ने अमुदग्गे जीवे,

संतेगतिता समणा वा माहणा वा एवमाहंसु मुदगगे जीवे, जे ते एवमाहंसु मिच्छं ते एवमाहंसु, पंचमे विभंगणाणे ५ अहावरे छट्टे विभंगणाणे, जया णं तधारूवस्स समणस्स वा माहणस्स वा जाव समुप्पज्जति से णं तेणं विभंगणाणेणं समुप्पन्नेणं देवामेव पासति बाहिरब्भंतरते पोग्गले परितात्तिता वा अपरियात्तिता वा पुढेगत्तं णाणत्तं फुसेत्ता जाव विकुब्बित्ता चिट्ठिते, तस्स णमेवं भवति अत्थि णं मम अतिसेसे णाणदंसणे समुप्पन्ने, रूवी जीवे, संतेगतिता समणा वा माहणा वा एवमाहंसु अरूवी जीवे, जे ते एवमाहंसु मिच्छं ते एवमाहंसु, छट्टे विभंगणाणे ६, अहावरे सत्तमे विभंगणाणे, जया णं तधारूवस्स समणस्स वा माहणस्स वा विभंगणाणे समुप्पज्जति से णं तेणं विभंगणाणेणं समुप्पन्नेणं पासइ सुहुमेणं वायुकातेणं फुडं पोग्गलकायं एतंतं वेतंतं चलंतं खुब्भंतं फंदंतं घट्टंतं उदीरंतं तं तं भावं परिणमंतं, तस्स णमेवं भवति अत्थि णं मम अतिसेसे णाणदंसणे समुप्पन्ने, सब्बमिणं जीवा, संतेगतिता समणा वा माहणा वा एवमाहंसु जीवा चेव अजीवा चेव, जे ते एवमाहंसु मिच्छं ते एवमाहंसु, तस्स णमिमं चत्तारि जीवनिकाया णो सम्भमुवगता भवंति, तं-पुढवीकाइया आऊ० तेऊ० वाउकाइया, इच्चेतेहिं चउहिं जीवनिकाएहिं मिच्छादंडं पवत्तेइ, सत्तमे विभंगणाणे ७ । ५४२ । सत्तविधे जोणिसंगधे पंतं -अंडजा पोतजा जराउजा रसजा संसत्तगा ( प्र०संसेइया ) संमुच्छिमा उब्भिगा, अंडगा सत्तगतिता सत्तागतिता पंतं -अंडगे अंडगेसु उववज्जमाणे अंडतेहिंतो वा पोतजेहिंतो वा जाव उब्भिएहिंतो वा उववज्जेजा, से चेव णं मे अंडते अंडगत्तं विप्पजहमाणे अंडगत्ताते वा पोतगत्ताते वा जाव उब्भियत्ताते वा गच्छेजा, पोत्तगा सत्तगतिता सत्तागतिता एवं चेव सत्तण्हवि

गतिरागती भाणियव्वा जाव उब्भियत्ति । ५४३ । आयरियउवज्झायस्स णं गणंसि सत्त संगहठाणा पंतं - आयरियउवज्झाए गणंसि  
 आणं वा धारणं वा सम्मं पउजित्ता भवति, एवं जथा पंचट्ठाणे जाव आयरियउवज्झाए गणंसि आपुच्छियचारी यावि भवति नो  
 अणापुच्छियचारी यावि भवति, आयरियउवज्झाए गणंसि अणुप्पन्नाइं उवगरणाइं सम्मं उप्पाइत्ता भवति, आयरियउवज्झाए गणंसि  
 पुव्वुप्पन्नाइं उवकरणाइं सम्मं सारक्खेत्ता संगोवित्ता भवति, णो असम्मं सारक्खेत्ता संगोवित्ता भवइ, आयरियउवज्झायस्स गणंसि  
 सत्त असंगहठाणा पंतं - आयरियउवज्झाए गणंसि आणं वा धारणं वा नो सम्मं पउजित्ता भवति, एवं जाव उवगरणाणं नो सम्मं  
 सारक्खेत्ता संगोवेत्ता भवति । ५४४ । सत्त पिंडेसणाओ पंतं सत्त पाणेसणाओ पंतं सत्त उग्गहपडिमातो पंतं सत्तसत्तिक्कया पंतं सत्त  
 महज्झयणा पंतं सत्तसत्तमिया णं भिक्खुपडिमा एकूणपण्णताते रातिंदिएहिमेगेण य छण्णउएणं भिक्खासतेणं अहासुत्तं जाव आराहिया  
 यावि भवति । ५४५ । अहेलोगे णं सत्त पुढवीओ पंतं सत्त घणोदधीतो पंतं सत्त घणवाता सत्त तणुवाता पंतं सत्त उवासंतरा पंतं, एतेसु  
 णं सत्तसु उवासंतरेसु सत्त तणुवाया पइड्डिया, एतेसु णं सत्तसु तणुवातेसु सत्त घणवाता पइड्डिया, एएसु णं सत्तसु घणवातेसु सत्त  
 घणोदधी पतिड्डिता, एतेसु णं सत्तसु घणोदधीसु पिंडलगपिहुणसंठाणसंठिआओ ( छत्तातिच्छत्तसंठाणसंठिआओ । पिहुणपिहुण-  
 संठाणसंठिआओ पा० ) सत्त पुढवीओ पंतं - पढमा जाव सत्तमा, एतासिं णं सत्तण्हं पुढवीणं सत्त णामधेज्जा पंतं - घम्मा वंसा  
 सेला अंजणा रिट्ठा मघा भाधवती, एतासिं णं सत्तण्हं पुढवीणं सत्त गोत्ता पंतं - रयणप्पभा सक्करप्पभा वालुअप्पभा पंकप्पभा

धूमप्यभा तमा तमतमा । ५४६ । सत्तविहा बायरवाउकाइया पंतं० - पातीणवाते पडीणवाते दाहिणवाते उदीणवाते उड्ढवाते  
 अहोवाते विदिसिवाते । ५४७ । सत्त संठाणा पंतं० - दीहे रहस्से वट्टे तंसे चउरंसे पिहुले परिमंडले । ५४८ । सत्त भयट्टाणा पंतं० -  
 इहलोगभते परलोगभते आदाणभते अकम्हाभते वेयणभते मरणभते असिलोगभते । ५४९ । सत्तहिं ठाणेहिं छउमत्थं जाणेज्जा, तं० -  
 पाणे अइवाएत्ता भवति मुसं वइत्ता भवति अदिन्नमादिता भवति सद्धफरिसरसरूवगंधे आसादेत्ता भवति पूतासक्कारमणुवूहेत्ता भवति  
 इमं सावज्जंति पण्णवेत्ता पडिसेवेत्ता भवति णो जधावादी तथाकारी यावि भवति, सत्तहिं ठाणेहिं केवली जाणेज्जा, तं० - णो पाणे  
 अइवाइत्ता भवति जाव जधावाती तथाकारी यावि भवति । ५५० । सत्त मूलगोत्ता पंतं० - कासवा गोतमा वच्छा कोच्छा कोसिता  
 मंडवा वासिड्डा, जे कासवा ते सत्तविधा पंतं० - ते कासवा ते संडेला ते गोला ते वाला ते मुंजतिणो ते पव्वपेच्छतिणो ( प्र०  
 पव्वइणो ) ते वरिसकण्हा, जे गोयमा ते सत्तविधा पंतं० - ते गोयमा ते गग्गा ते भारद्वा ते अंगिरसा ते सक्काराभा ते भक्खराभा ते  
 उदगत्ताभा ( प्र० उदन्नाभा ), जे वच्छा ते सत्तविधा पंतं० - ते वच्छा ते अग्गेया ते भित्तिया ते सामि ( प्र० म० ) लिणो ते सेलतता ते  
 अट्ठिसेणा ते वीयकम्हा, जे कोच्छा ते सत्तविधा पंतं० - ते कोच्छा ते मोग्गलायणा ते पिंगला ( प्र० ग० ) यणा ते कोडीणा ते मंडलिणो  
 ते हारिता ते सोमया ( प्र० सोमलि ), जे कोसिआ ते सत्तविधा पंतं० - ते कोसिता ते कच्चातणा ते सालंकातणा ते गोलिंकातणा ते  
 पक्खिकायणा ते अग्गिच्चा ते लोहिच्चा, जे मंडवा ते सत्तविहा पंतं० - ते मंडवा ते अरिड्डा ते समुता ते तेला ते एलावच्चा ते कंडिल्ला

( प्र०कडेला ) ते खारातणा ( प्र.खातणा ), जे वासिढा ते सत्तविहा पं०तं० -ते वासिढा ते उंजायणा ते जारे( प्र०रु )कण्हा ते वग्धावच्या ते कोडिन्ना ते सण्णी ते पारासरा ॥ ५५१ ॥ सत्त मूलनया पं०तं० -नेगमे संगहे ववहारे उज्जुसुते सद्दे समभिरूढे एवंभूते ॥ ५५२ ॥ सत्त सरा पं०तं० -सज्जे रिसभे गंधारे, मज्झिमे पंचमे सरे । धेवते ( रेवते पा० ) चेव णिसाते, सरा सत्त वियाहिता ॥ ४५ ॥ एएसिं णं सत्तण्हं सराणं सत्त सरट्ठाणा पं०तं० - सज्जं तु अग्गजिब्भाते, उरेणं रिसभं सरं । कंदुग्गतेण गंधारं, मज्झजिब्भाते मज्झिमं ॥ ४६ ॥ णासाए पंचमं बूया, दंतोद्वेण य धेवतं । मुद्धाणेण य णेसातं, सरठाणा वियाहिता ॥ ४७ ॥ सत्त सरा जीवनिस्सिता पं०तं० - सज्जं रवति मयूरो, कुक्कुडो रिसहं सरं । हंसो णदति गंधारं, मज्झिमं तु गवेलगा ॥ ४८ ॥ अह कुसुमसंभवे काले, कोइला पंचमं सरं । छट्ठं च सारसा कोंचा, णिसायं सत्तमं गता ॥ ४९ ॥ सत्त सरा अजीवनिस्सिता पं०तं० - सज्जं रवति मुइंगो, गोमुही रिसभं सरं । संखो णदति गंधारं, मज्झिमं पुण झल्लरी ॥ ५० ॥ चउचलणपतिट्ठाणा, गोहिया पंचमं सरं । आडंबरो रेवततं, महाभेरी य सत्तमं ॥ ५१ ॥ एतेसिं णं सत्तसराणं सत्त सरलक्खणा पं०तं० -सज्जेण लभति वित्तिं, कतं च ण विणस्सति । गावो भित्ता य पुत्ता य, णारीणं चेव वल्लभो ॥ ५२ ॥ रिसभेण उ एसज्जं, सेणावच्चं धणाणि य । वत्थगंधमलंकारं, इत्थिओ सयणाणि व ॥ ५३ ॥ गंधारं गीतजुत्तिण्णा, वज्जवित्ती कलाहिता । भवंति कतिणो पन्ना, जे अन्ने सत्थपारगा ॥ ५४ ॥ मज्झिमसरसंपन्ना, भवंति सुहजीविणो । खायती पीयती देती, मज्झिमं सरमस्सितो ॥ ५५ ॥ पंचमसरसंपन्ना, भवंति पुढवीपती । सूरु संगहकत्तारो, अणेगगणणातगा ॥ ५६ ॥ रेवतसरसंपन्ना, भवंति

कलहप्पिया । साउणिता वग्गुरिया, सोयरिया मच्छबंथा य ॥ ५७ ॥ चंडाला मुट्ठियाऽनेया, जे अन्ने पावकम्मिणो । गोघातगा य जे चोरा, णिसायं सरमस्सिता ॥ ५८ ॥ एतेसिं सत्तण्हं सराणं तओ गामा पण्णत्ता, तं० - सज्जगामे मज्झिमगामे गंधारगामे, सज्जगामस्स णं सत्त मुच्छणातो पं०तं०- मंगी कोरव्वीया हरी य रतणी य सारकंता य । छट्ठी य सारसी णाम सुद्धसज्जा य सत्तमा ॥ ५९ ॥ मज्झिमगामस्स णं सत्त मुच्छणातो पं०तं० -उत्तरमंदा रयणी, उत्तरा उत्तरासमा । आसोकता य सोवीरा, अभिरू हवति सत्तमा ॥ ६० ॥ गंधारगामस्स णं सत्त मुच्छणातो पं०तं० -णंदी त खुदिमा पूरिमा य चउत्थी य सुद्धगंधारा । उत्तरगंधारावि त पंचमिता हवति मुच्छा उ ॥ ६१ ॥ सुट्ठुतरमायामा सा छट्ठी णियमसो उ णायव्वा । अह उत्तरायता कोडीमातसा सत्तमी मुच्छा ॥ ६२ ॥ सत्त सराओ कओ संभवन्ति ? गेयस्स का भवति जोणी ? । कतिसमता उस्सासा ? कति वा गेयस्स आगारा ? ॥ ६३ ॥ सत्त सरा णाभीतो भवन्ति गीतं च रुय ( प्र०रुण्ण ) जोणीतं । पादसमा ऊसासा तिन्नि य गेयस्स आगारा ॥ ६४ ॥ आइमिउ आरभंता समुव्वहंता य मज्झगारंमि । अवसाणे तज्जविंतो तिन्नि य गेयस्स आगारा ॥ ६५ ॥ छट्ठोसे अट्ठ गुणे तिन्नि य वित्ताइं दो य भणितीओ । जाणाहिति सो गाहिइ सुसिक्खिओ रंगमज्झमि ॥ ६६ ॥ भीतं दुतं रहस्सं ( उप्पिच्छं पा० ) गायंतो मा त गाहि उत्तालं । काकस्सरमणुनासं च होति गेयस्स छट्ठोसा ॥ ६७ ॥ पुत्रं १ रत्तं २ च अलंकियं ३ च वत्तं ४ तहा अविधुट्ठं ५ । मधुरं ६ सम ७ सुकुमारं ८ अट्ठ गुणा होति गेयस्स ॥ ६८ ॥ उरकंठसिरपसत्थं च गेज्जंते मउरिभिअपदबद्धं । समतालपडुक्खेवं सत्तसरसीहरं गीयं ॥ ६९ ॥ निट्ठोसं सारवंतं च, हेउजुत्तमलंकियं ।

उवणीयं सोवयारं च, मियं मधुरमेव य ॥ ७० ॥ सममद्धसमं चेव, सव्वत्थ विसमं च जं । तिन्नि वित्तप्पयाराइं, चउत्थं नोवलब्भती ॥ ७१ ॥ सक्रता पागता चेव, दुहा भणितीओ आहिया । सरमंडलंमि गिज्जंते, पसत्था इसिभासिता ॥ ७२ ॥ केसी गातति मधुरं ? केसी गातति खरं च रुक्खं च ? । केसी गायति चउरं ? केसि विलंबं ? दुतं केसी ? ॥ ७३ ॥ विस्सरं पुण केरिसी ?, सामा गायइ मधुरं काली गायइ खरं च रुक्खं च । गोरी गातति चउरं काण विलंबं दुतं अंधा ॥ ७४ ॥ विस्सरं पुण पिंगला ॥ तंतिसमं तालसमं पादसमं लयसमं गहसमं च । नीससिऊससियसमं संचारसमा सरा सत्त ॥ ७५ ॥ सत्त सरा य ततो गामा, मुच्छणा एक्कवीसती । ताणा एगूणपण्णासा, समत्तं सरमंडलं ॥ ७६ ॥ ५५३ । स्वरप्रकरणं ॥ सत्तविधे कायकिलिसे पंतं - ठाणातिते उक्कुडुयासणिते पडिमठाती वीरासणिते णेसज्जिते दंडातिते लगंडसाती । ५५४ । जंबुद्दीवे २ सत्त वासा पंतं - भरहे एरवते हेमवते हेरन्नवते हरिवासे रम्भगवासे महाविदेहे, जंबुद्दीवे २ सत्त वासहरपव्वता पंतं - चुल्लहिमवंते महाहिमवंते निसढे नीलवंते रुप्पी सिहरी मंदरे, जंबुद्दीवे २ सत्त महानदीओ पुरत्थाभिमुहीओ लवणसमुदं समप्पेति, तं - गंगा रोहिता हरी सीता णारकंता सुवण्णकूला रत्ता, जंबुद्दीवे २ सत्त महानतीओ पच्चत्थाभिमुहीओ लवणसमुदं समप्पेति, तं - सिंधू रोहितंसा हरिकंता सीतोदा णारीकंता रुप्पकूला रत्तवती, धायइसंडदीवपुरच्छिमद्धेणं सत्त वासा पंतं - भरहे जाव महाविदेहे, धायइसंडदीवपुरच्छिमेणं सत्त वासहरपव्वता पंतं - चुल्लहिमवंते जाव मंदरे, धायइसंडदीवपुरं सत्त महानतीओ पुरच्छाभिमुहीतो कालोयसमुदं समप्पेति, तं - गंगा जाव रत्ता, धायइसंडदीवपुरच्छिमद्धेणं सत्त महानतीओ

पच्चत्थाभिमुहीओ लवणसमुदं समप्पेति, तं० -सिंधु जाव रत्तवती, धायइसंडदीवे पच्चत्थिमद्धेणं सत्त वासा एवं चेव, णवरं  
 पुरत्थाभिमुहीओ लवणसमुदं समप्पेति पच्चत्थाभिमुहीओ कालोदं सेसं तं चेव, पुक्खरवरदीवइढपुरच्छिमद्धेणं सत्त वासा तहेव, णवरं  
 पुरत्थाभिमुहीओ पुक्खरोदं समुदं समप्पेति पच्चत्थाभिमुहीओ कालोदं समुदं समप्पेति सेसं तं चेव, एवं पच्चत्थिमद्धेणं, णवरं  
 पुरत्थाभिमुहीओ कालोदं समुदं सम० पच्चत्थाभिमुहीओ पुक्खरोदं० समप्पेति, सव्वत्थ वासा वासहरपव्वता णतीतो य भाणितव्वाणि  
 १ ५५५ १ जंबुदीवे २ भारहे वासे तीताते उस्स( ओस प्र० )प्पिणीते सत्त कुलगरा हुत्था, तं० -मित्तदामे सुदामे य, सुपासे सयंपभे ।  
 विमलघोसे सुघोसे त, महाघोसे य सत्तमे ॥ ७७ ॥ जंबुदीवे २ भारहे वासे इमीसे ओसप्पिणीए सत्त कुलगरा हुत्था पढमित्थ विमलवाहण  
 १ चक्खुम २ जसमं ३ चउत्थमभिचंदे ४ १ तत्तो य पसेणइ ५ पुण मरुदेवे चेव ६ नाभी य ७ ॥ ७८ ॥ एएसिं णं सत्तणं कुलगराणं  
 सत्त भारियाओ होत्था, तं० - चंदजस १ चंदकांता २ सुरूव ३ पडिरूव ४ चक्खुकंता ५ य १ सिरिकंता ६ मरुदेवी ६ कुलकरइत्थीण  
 नामाइं ॥ ७९ ॥ जंबुदीवे २ भारहे वासे आगमिस्साए उस्सप्पिणीए सत्त कुलकरा भविस्संति-मित्तवाहण सुभोमे य, सुप्पभे य सयंपभे ।  
 दत्ते सुहुमे सुबंधू य, आगमेस्सेण होक्खती ॥ ८० ॥ विमलवाहणे णं कुलकरे सत्तविधा रुक्खा उवभोगत्ताते हव्वमागच्छिसु, तं० -  
 मत्तंगता त भिंगा चित्तंगा चेव होति चितरसा १ मणियंगा त अणियणा सत्तमगा कप्परुक्खा य ॥ ८१ ॥ ॥ ५५६ ॥ सत्तविधा दंडनीती  
 प०तं० - हक्कारे मक्कारे धिक्कारे परिभासे मंडलबंधे चारते छविच्छेदे १ ५५७ १ एगमेगस्स णं रत्तो चाउरंतचक्कवट्टिस्स णं सत्त

एगिंदियरतणा पं०तं० - चक्रयणे १ छत्तरयणे २ चम्परयणे ३ दंडरयणे ४ असिरयणे ५ मणिरयणे ६ काकणिरयणे ७, एगमेगस्स  
 णं रत्तो चाउरंतचक्कवट्टिस्स सत्त पंचिंदियरतणा पं०तं० - सेणावतीरयणे १ गाहावतिरयणे २ वड्ढतिरयणे ३ पुरोहितरयणे ४ इत्थिरयणे  
 ५ आसरयणे ६ हत्थिरयणे ७ । ५५८ । सत्तहिं ठाणेहिं ओगाढं दुस्समं जाणेज्जा, तं० - अकाले वरिसइ १ काले ण वरिसइ २ असाधू  
 पुज्जंति ३ साधू ण पुज्जंति ४ गुरूहिं जणो मिच्छं पडिवन्नो ५ मणोदुहता ६ वत्तिदुहता ७, सत्तहिं ठाणेहिं ओगाढं सुसमं जाणेज्जा, तं० -  
 अकाले न वरिसइ १ काले वरिसइ २ असाधू ण पुज्जंति ३ साधू पुज्जंति ४ गुरूहिं जणो सम्मं पडिवन्नो ५ मणोसुहता ६ वत्तिसुहता ७  
 । ५५९ । सत्तविहा संसारसमावन्नगा जीवा पं०तं० - नेरतिता तिरिक्खजोणिता तिरिक्खजोणिणीतो मणुस्सा मणुस्सीओ देवा देवीओ  
 । ५६० । सत्तविधे आउभेदे पं०तं० - अज्झवसाण निमित्ते आहारे वेयणा पराघाते । फासे आणापाणू सत्तविधं भिज्जे आउं ॥ ८२ ॥ ५६१ ।  
 सत्तविधा सव्वजीवा पं०तं० - पुढवीकाइया आउ० तेउ० वाउ० वणस्सति० तसकातिता अकातिता, अहवा सत्तविहा सव्वजीवा  
 पं०तं० - कण्हलेसा जाव सुक्कलेसा अलेसा । ५६२ । बंभदत्ते णं राया चाउरंतचक्कवट्टी सत्त धणूडं उड्ढंउच्चत्तेणं सत्त य वाससयाइं  
 परमाउं पालइत्ता कालमासे कालं किच्चा अथे सत्तमाए पुढवीए अप्पत्तिट्ठाणे णरए णेरतितत्ताए उववन्ने । ५६३ । मल्ली णं अरहा  
 अप्पसत्तमे मुंडे भवित्ता अगारातो अणगारियं पव्वइए, तं० - मल्ली विदेहरायवरकन्नगा १ पडिबुद्धी इक्खागराया २ चंदच्छाये अंगराया  
 ३ रुप्पी कुणालाधिपती ४ संखे कासीराया ५ अदीणसत्तू कुरुराता ६ जितसत्तू पंचालराया । ५६४ । सत्तविहे दंसणे पं०तं० -

सम्भदंसणे मिच्छादंसणे सम्भामिच्छादंसणे चक्खुदंसणे अचक्खुदंसणे ओहिदंसणे केवलदंसणे । ५६५ । छउमत्थवीयरगे णं मोहणिज्जवज्जाओ सत्त कम्मपयडीओ वेयेति, तं० -णाणावरणिज्जं दंसणावरणिज्जं वेयणीयं आउयं नामं गोतमंतरातितं । ५६६ । सत्त ठाणाइं छउमत्थे सव्वभावेणं न याणति न पासति, तं० -धम्मत्थिकायं अधम्मत्थिकायं आगासत्थिकायं जीवं असरीरपडिबद्धं परमाणुपोग्गलं सहं गंधं, एयाणि चेव उप्पन्नणाणे( ण ) जाव जाणति पासति, तं० -धम्मत्थिगातं जाव गंधं । ५६७ । समणे भगवं महावीरे वयरोसभणारायसंधयणे समचउरंससंठाणसंठिते सत्त रयणीओ उड्ढंउच्चत्तेणं हुत्था । ५६८ । सत्त विकहाओ पंतं० - इत्थिकहा भत्तकहा देसकहा रायकहा मिउकालुणिता दंसणभेयणी चरित्तभेयणी । ५६९ । आयरियउवज्झायस्स णं गणंसि सत्त अइसेसा पंतं० -आयरिउवज्झाए अंतो उवस्सगस्स पाते णिगिज्झिय २ पप्फोडेमाणे वा पमज्जेमाणे वा णातिक्कमति, एवं जथा पंचट्टाणे जाव बाहिं उवस्सगस्स एगरातं वा दुरातं वा वसमाणे नातिक्कमति, उवकरणातिसेसे भत्तपाणातिसेसे । ५७० । सत्तविधे संजमे पंतं० -पुढवीकातितसंजमे जाव तसकातितसंजमे अजीवकायसंजमे, सत्तविधे असंजमे पंतं० - पुढवीकातितअसंजमे जाव तसकातितअसंजमे अजीवकायअसंजमे, सत्तविधे आरंभे पंतं० -पुढवीकातितआरंभे जाव अजीवकातआरंभे, एवमणारंभेऽवि, एवं सारंभेऽवि, एवमसारंभेऽवि, एवं समारंभेऽवि, एवं असमारंभेऽवि, जाव अजीवकायअसमारंभे । ५७१ । अथ भंते ! अदसिकुसुंभकोद्वकंगुरालगसणसरिसवमूला( प्र० मूलग ) बीयाणं एतेसिं णं धन्नाणं कोट्टाउत्ताणं पल्लाउत्ताणं जाव पिहियाणं केवतितं

कालं जोणी संचिद्वृत्ति ?, ( ×गो० !× ) जहण्णेणं अंतोमुहत्तं उक्कोसेणं सत्त संवच्छराइं, तेण परं जोणी पमिलायति जाव जोणीवोच्छेदे पण्णत्ते १ । ५७२ । बायरआउकाइयाणं उक्कोसेणं सत्त वाससहस्साइं ठिती पं० २, तच्चाए णं बालुयप्पभाते पुढवीए उक्कोसेणं नेरइयाणं सत्त सागरोवमाइं ठिती पं० ३, चउत्थीतेणं पंकप्पभाते पुढवीते जह० नेरइयाणं सत्त सागरोवमाइं ठिती पं० ४ । ५७३ । सक्कस्स णं देविंदस्स देवरन्नो वरुणस्स महारन्नो सत्त अगगमहिसीतो पं०, ईसाणस्स णं देविंदस्स देवरन्नो सोमस्स महारन्नो सत्त अगगमहिसीतो पं०, ईसाणस्स णं देविंदस्स देवरन्नो जमस्स महारन्नो सत्त अगगमहिसीओ पं० । ५७४ । ईसाणस्स णं देविंदस्स देवरन्नो अब्भिंतरपरिसाते देवाणं सत्त पलिओवमाइं ठिती पं०, सक्कस्स णं देविंदस्स देवरन्नो अगगमहिसीणं देवीणं सत्त पलिओवमाइं ठिती पं०, सोहम्मे कप्पे परिग्गहियाणं देवीणं उक्कोसेणं सत्त पलिओवमाइं ठिती पं० । ५७५ । सारस्सयमाइच्चाणं सत्त देवा सत्त देवसता पं०, गहतोयतुसियाणं देवाणं सत्त देवा सत्त देवसहस्सा पं० । ५७६ । सणंकुमारे कप्पे उक्कोसेणं देवाणं सत्त सागरोवमाइं ठिती पं०, माहिंदे कप्पे उक्कोसेणं देवाणं सातिरेगाइं सत्त सागरोवमाइं ठिती पं०, बंभलोगे कप्पे जहण्णेणं देवाणं सत्त सागरोवमाइं ठिती पं० । ५७७ । बंभलोयलंततेसु णं कप्पेसु विमाणा सत्त जोयणसताइं उड्ढंउच्चत्तेणं पं० । ५७८ । भवणवासीणं देवाणं भवधारणिज्जा सरीरगा उक्कोसेणं सत्त रयणीओ उड्ढंउच्चत्तेणं, एवं वाणमंतराणं, एवं जोइसियाणं, सोहम्मीसाणेसु णं कप्पेसु देवाणं भवधारणिज्जगा सरीरा सत्त रयणीओ उड्ढंउच्चत्तेणं पं० । ५७९ । णंदिस्सरवरस्स णं दीवस्स अंतो सत्त दीवा पं० तं० - जंबुद्दीवे दीवे १ धायइसंडे दीवे

२ पोक्खरवरे २ वरुणवरे ४ खीरवरे ५ घयवरे ६ खोयवरे ७ । णंदीसरवरस्स णं दीवस्स अंतो सत्त समुद्दा पंतं० - लवणे कालोते पुक्खरोदे वरुणोदे खीरोदे घओदे खोतोदे । ५८० । सत्त सेढीओ पंतं० - उज्जुआयता एगतोवंका दुहतोवंका एगतोखुहा दुहतोखुहा चक्कवाला अद्धचक्कवाला । ५८१ । चमरस्स णं असुरिंदस्स असुरकुमाररत्तो सत्त अणिता सत्त अणिताधिपती पंतं० - पायत्ताणीए १ पीढाणिए २ कुंजराणिए ३ महिसाणिए ४ रहाणिए ५ नट्टाणिए ६ गंधव्वाणिए ७ दुमे पायत्ताणिताधिपती एवं जहा पंचट्टाणे जाव किंनरे रथाणिताधिपती रिट्ठे णट्टाणियाहिवती गीतरती गंधव्वाणिताधिपती, बलिस्स णं वड्ढोयणिंदस्स वड्ढोयणरण्णो सत्ताणीया सत्त अणीयाधिपती पंतं० - पायत्ताणिते जाव गंधव्वाणिते, महददुमे पायत्ताणिताधिपती जाव किंपुरिसे रथाणिताधिपती महारिट्ठे णट्टाणिताधिपती गीतजसे गंधव्वाणिताधिपती, धरणस्स णं नागकुमारिंदस्स नागकुमाररण्णो सत्त अणीता सत्त अणिताधिपती पंतं० - पायत्ताणिते जाव गंधव्वाणिए दुद्धमसेणे पायत्ताणिताधिपती जाव आणंदे रथाणिताधिपती नंदणे णट्टाणियाधिपती तेतली गंधव्वाणियाधिपती, भूताणंदस्स सत्त अणिया सत्त अणियाहिवई पंतं० - पायत्ताणिते जाव गंधव्वाणीए दक्खे पायत्ताणीयाहिवती जाव णंदुत्तरे रहाणि० रती णट्टाणि० माणसे गंधव्वाणियाहिवई, एवं जाव घोसमहाघोसाणं नेयव्वं, सक्कस्स णं देविंदस्स देवरत्तो सत्त अणिया सत्त अणियाहिवती पंतं० - पायत्ताणिए जाव गंधव्वाणिए, हरिणेगमेसी पायत्ताणीयाधिवती जाव माढरे रथाणिताधिपती सेते णट्टाणिताहिवती तुंबुरू गंधव्वाणिताधिपती, ईसाणस्स णं देविंदस्स देवरत्तो सत्त अणीया सत्त अणियाहिवइणो पंतं० -

पायत्ताणिते जाव गंधव्वाणिते लहुपरक्कमे पायत्ताणियाहिवती जाव महासेते णट्टाणि० रते गंधव्वाणिताधिपती सेसं जहा पंचट्टाणे, एवं जाव अच्युतस्सवि नेतव्वं । ५८२ । चमरस्स णं असुरिंदस्स असुरकुमाररत्तो दुमस्स पायत्ताणिताहिवतिस्स सत्त कच्छाओ पंतं० - पढमा कच्छा जाव सत्तमा कच्छा, चमरस्स णमसुरिंदस्स असुरकुमाररत्तो दुमस्स पायत्ताणिताधिपतिस्स पढमाए कच्छाए चउसट्ठिं देवसहस्सा पंतं० जावतिता पढमा कच्छा तब्बिगुणा दोच्या कच्छा तब्बिगुणा तच्या कच्छा एवं जाव जावतिता छट्ठा कच्छा तब्बिगुणा सत्तमा कच्छा, एवं बलिस्सवि, णवरं महददुमे सट्ठिदेवसाहस्सीतो, सेसं तं चेव, धरणास्स एवं चेव, णवरमट्ठावीसं देवसहस्सा, सेसं तं चेव, जथा धरणास्स एवं जाव महाघोसस्स, नवरं पायत्ताणिताधिपती अन्ने ते पुव्वभणिता, सक्कस्स णं देविंदस्स देवरत्तो हरिणोगमेसिस्स सत्त कच्छाओ पंतं० - पढमा कच्छा एवं जहा चमरस्स तहा जाव अज्जुतस्स, णाणत्तं पायत्ताणिताधिपतीणं ते पुव्वभणिता, देवपरीमाणमिमं सक्कस्स चउरासीतिं देवसहस्सा, ईसाणास्स असीती देवसहस्साइं, देवा इमाते गाथाते अणुगंतव्वा 'चउरासीति असीति बावेत्तरि सत्तरी य सट्ठी या । पन्ना चत्तालीसा तीसा वीसा दससहस्सा ॥ ८३ ॥ जाव अच्युतस्स लहुपरक्कमस्स दस देवसहस्सा जाव जावतिता छट्ठा कच्छा तब्बिगुणा सत्तमा कच्छा । ५८३ । सत्तविहे वयणविकप्पे पंतं० - आलावे अणालावे उल्लावे अणुल्लावे ( अणुलावे पा० ) संलावे पलावे विप्पलावे । ५८४ । सत्तविहे विणए पंतं० - णाणविणए दंसणविणए चरित्तविणए, मणविणए वतिविणए कायविणए लोगोवयारविणए, पसत्थमणविणए सत्तविधे पंतं० - अपावते असावज्जे अकिरिते निरुवक्केसे अणणहकरे

अच्छविकरे अभूताभिसंकणे, अप्सत्थमणविणए सत्तविधे पंतं - पावते सावजे सकिरिते सउवक्केसे अणहकरे छविकरे भूताभिसंकणे, पसत्थवइविणए सत्तविधे पंतं -अपावते असावजे जाव अभूताभिसंकणे, अपसत्थवइविणते सत्तविधे पंतं -पावते जाव भूताभिसंकणे, पसत्थकातविणए सत्तविधे पंतं -आउत्तं गमणं आउत्तं ठाणं आउत्तं निसीयणं आउत्तं तुअट्टणं आउत्तं उल्लंघणं आउत्तं पल्लंघणं आउत्तं सव्विदितजोगजुंजणता, अपसत्थकातविणते सत्तविधे पंतं -अणाउत्तं गमणं जाव अणाउत्तं सव्विदितजोगजुंजणता, लोगोवतारविणते सत्तविधे पंतं - अब्भासवत्तितं परच्छंदाणुवत्तितं कज्जहेउं कतपडिकितिता अत्तगवेसणता देसकालण्णुता सव्वत्थेसु यापडिलोमता । ५८५ । सत्त समुग्धाता पंतं - वेयणासमुग्धाए कसायसमुग्धाए मारणंतियसमुग्धाए वेउव्वियसमुग्धाते तेजससमुग्धाए आहारगसमुग्धाते केवलिसमुग्धाते, मणुस्साणं सत्त समुग्धाता पं एवं चेव । ५८६ । समणस्स णं भगवओ महावीरस्स तित्थंसि सत्त पवतणनिण्हगा पंतं - बहुरता जीवपतेसिता अवत्तिता सामुच्छेइता दोकिरिता तेरासिता अबद्धिता, एएसिं णं सत्तण्हं पवयणनिण्हगाणं सत्त धम्मातरिता हुत्था, तं -जमालि तीसगुत्ते आसाढे आसमित्ते गंगे छलुए गोट्टाभाहिले, एतेसिं णं सत्तण्हं पवयणनिण्हगाणं सत्तुप्पत्तिनगरा होत्था, तं -सावत्थी उसभपुरं सेतविता मिहिलमुल्लागातीरं । पुरिमंतरंजि दसपुर णिण्हगउप्पत्तिनगराइं ॥ ८४ ॥ ५८७ । सातावेयणिज्जस्स कम्मस्स सत्तविधे अणुभावे पंतं -मणुन्ना सद्दा मणुण्णा रूवा जाव मणुन्ना फासा मणोसुहता वतिसुहता, असाता वेयणिज्जस्स णं कम्मस्स सत्तविधे अणुभावे पंतं -अमणुन्ना सद्दा जाव वतिदुहता

॥५८८॥ महाणक्खत्ते सत्ततारे पं० अभितीयादिता सत्त णक्खत्ता पुव्वदारिता पं० तं० - अभिती सवणो धणिट्ठा सतभिसता पुव्वाभद्वता उत्तराभद्वता रेवती, अस्सणितादिता णं सत्त णक्खत्ता दाहिणदारिता पं० तं० - अस्सिणी भरणी कित्तिता रोहिणी भिगसिरे अद्दा पुणव्वसू, पुस्सादिता णं सत्त णक्खत्ता अवरदारिता पं० तं० - पुस्सो असिलेसा मघा पुव्वाफग्गुणी उत्तराफग्गुणी हत्था चित्ता, सात्तितातिया णं सत्त णक्खत्ता उत्तरदारिता पं० तं० - सात्ति विसाहा अणुराहा जेट्ठा मूला पुव्वासाढा उत्तरासाढा ॥५८९॥ जंबूदीवे दीवे सोमणसे वक्खारपव्वते सत्त कूडा पं० तं० - सिद्धे १ सोमणसे २ तह बोद्धव्वे मंगलावतीकूडे ३ ॥ देवकुरु ४ विमल ५ कंचण ६ विसिद्धकूडे ७ त बोद्धव्वे ॥८५॥ जंबूदीवे २ गंधमायणे वक्खारपव्वते सत्त कूडा पं० तं० - सिद्धे त गंधमातण बोद्धव्वे गंधिलावतीकूडे ॥ उत्तरकुरु फलिहे लोहितक्ख आणंदणे चेव ॥८६॥ ५९० ॥ बिंतिदिताणं सत्त जातीकुलकोडि जोणीपमुहसयसहस्सा पं० ॥५९१॥ जीवा णं सत्तट्ठाणनिव्वत्तिते पोग्गले पावकम्मत्ताते चिणिंसु वा चिणंति वा चिणिस्संति वा तं० - नेरतियनिव्वत्तिते जाव देवनिव्वत्तिए, एवं चिण जाव णिज्जरा चेव ॥५९२॥ सत्तपतेसिता खंधा अणंता पं० सत्तपतेसोगाढा पोग्गला जाव सत्तगुणलुक्खा पोग्गला अणंता पं० ॥५९३॥ समस्थानकाध्ययनं ७ ॥

अट्ठहिं ठाणेहिं संपन्ने अणगारे अरिहति एगल्लविहारपडिमं उवसंपज्जित्ताणं विहरित्तते, तं० - सड्ढी पुरिसजाते सच्चे पुरिसजाए मेहावी पुरिसजाते बहुस्सुते पुरिसजाते सत्तिमं अप्पाहिकरणे धित्तिमं वीरितसंपन्ने ॥५९४॥ अट्ठविधे जोणिसंगहे पं० तं० - अंडगा

पोतगा जाव उब्भिगा उववातिता, अंडगा अट्टगतिता अट्टागइआ पंतं - अंडए अंडएसु उवज्जमाणे अंडएहिंतो वा पोतएहिंतो वा जाव उववातितेहिंतो वा उववज्जेजा, से चेव णं से अंडते अंडगत्तं विप्पजहमाणे अंडगत्ताते वा पोतगत्ताते वा जाव उववातितत्ताते वा गच्छेजा, एवं पोतगावि, जराउजावि, सेसाणं गतीरागती णत्थि । ५९५ । जीवा णमट्ट कम्मपगडीतो चिणिसु वा चिणंति वा चिणिस्संति वा, तं - णाणावरणिज्जं दरिसणावरणिज्जं वेयणिज्जं मोहणिज्जं आउयं नामं गोत्तं अंतगतितं, नेरइया णं अट्ट कम्मपगडीओ चिणिसु वा ३, एवं निरंतरं जाव वेमाणियाणं २४, जीवा णमट्ट कम्मगडीओ उवचिणिसु वा ३ एवं चेव; 'एवं चिण १ उवचिण २ बंध ३ उदीर ४ वेय ५ तह णिज्जरा ६ चेव । एते छ चउवीसा २५ दंडगा भाणियव्वा । ५९६ । अट्टहिं ठाणेहिं माती मायं कट्टु नो आलोतेजा नो पडिक्कमेजा जाव नो पडिवज्जेजा, तं - करिसु वाऽहं १ करेमि वाऽहं २ करिस्साभि वाऽहं ३ अकित्ती वा मे सिया ४ अवण्णे वा मे सिया ५ अवि( व )णए वा मे सिया ६ कित्ती वा मे परिहाइस्सइ ७ जसे वा मे परिहाइस्सइ ८, अट्टहिं ठाणेहिं माई मायं कट्टु आलोएजा जाव पडिवज्जेजा, तं - मातिस्स णं अस्सि लोए गरहिते भवति १ उववाए गरहिते भवति २ आज्ञाती गरहिता भवति ३ एगमवि माती मातं कट्टु नो आलोएजा जाव नो पडिवज्जेजा णत्थि तस्स आराहणा ४ एगमवि मायी मायं कट्टु आलोएजा जाव पडिवज्जेजा अत्थि तस्स आराहणा ५ बहुतोवि माती मायं कट्टु नो आलोएजा जाव नो पडिवज्जेजा नत्थि तस्स आराहणा ६ बहुओवि माती मायं ( प्र०मायाओ ) कट्टु आलोएजा जाव अत्थि तस्स आराहणा ७ आयरियउवज्झायस्स वा मे

अतिसेसे नाणदंसणे समुप्पज्जेजा, से त मममालोएजा माती णं एसे ८, माती णं मातं कट्टु से जहानामए अयागरेति वा तंबागरेति वा तउआगरेति वा सीसागरेति वा रुप्पागरेति वा सुवन्नागरेति वा तिलागणीति वा तुसागणीति वा बुसागणीति वा णलागणीति वा दलागणीति वा सोडितालिच्छाणि वा भंडितालिच्छाणि वा गोलियालिच्छाणि वा कुंभारावातेति वा कवेल्लुवावातेति वा इड्ढावातेति वा जंतवाडचुल्लीति वा लोहारंबरिसाणि वा तत्ताणि समजोतिभूताणि किंसुकफुल्लसमाणाणि उक्कासहस्साइं विणिम्भुतमाणाइं २ जालासहस्साइं पमुंचमाणाइं इंगालसहस्साइं परिकीरमाणाइं अंतो २ झियायंति एवामेव माती मायं कट्टु अंतो २ झियायइ जतिवि त णं अन्ने केति वदति तंपि त णं माती जाणति अहमेसे अभिसङ्गिज्जामि २, माती णं मातं कट्टु ( से णं तस्स पा० ) अणालोतितपडिक्कंते कालमासे कालं किच्चा अण्णतरेसु देवलोगेसु देवदत्ताते उववत्तारो भवन्ति, तं० -नो महिडिढएसु जाव नो दूरंगतितेसु नो चिरट्ठितीएसु, से णं तत्थ देवे भवति णो महिडिढएसु जाव नो चिरट्ठितीते, जाऽवित से तत्थ बाहिरब्भंतरिया परिसा भवति साऽविय णं नो आढाति नो परियाणाति णो महरिहेणमासणेणं उवनिमंतेति, भासंपि य से भासमाणस्स जाव चत्तारि पंच देवा अवुत्ता चेव अब्भुट्ठंति मा बहं देवे! भासउ २ से णं ततो देवलोगाओ आउक्खएणं भवक्खएणं ठितिक्खएणं अणंतं चयं चइत्ता इहेव माणुस्सए भवे जाइं इमाइं कुलाइं भवन्ति, तं० -अंतकुलाणि वा पंतकुलाणि वा तुच्छकुलाणि वा दरिद्वकुलाणि वा भिक्खागकुलाणि वा किवणकुलाणि वा तहप्पगारेसु कुलेसु पुमत्ताते पच्चायाति, से णं तत्थ पुमे भवति दुरूवे दुवत्ते दुग्गंधे दुरसे दुफासे अणिट्ठे अकंते अप्पिते अमणुण्णे अमणामे

हीणस्सरे दीणस्सरे अणिट्ठसरे अकंतसरे अण्णितस्सरे अमणुण्णस्सरे अमणामस्सरे अणाएज्जवयणे पच्चायाते, जाऽविय से तत्थ बाहिरब्भंतरिता परिसा भवति साऽवि तं णं णो आढाति णो परिताणाति नो महारिहेणं आसणेणं उवणिमंतेति, भासंपि त से भासमाणस्स जाव चत्तारि पंच जणा अवुत्ता चेव अब्भुट्ठेति मा बहुं अज्जउत्तो! भासउ २, माती णं मातं कट्ठु आलोचितपडिक्कंते कालमासे कालं किच्चा अण्णतरेसु देवलोगेसु देवत्ताए उववत्तारो भवन्ति, तं० -महिड्ढिणसु जाव चिरट्ठितीएसु, से णं तत्थ देवे भवति महिड्ढीए जाव चिरट्ठितीते हारविरातितवच्छे कडकतुडितथंभितभुते अंगदकुंडलमउडगंडतलकन्नपीढधारी विचित्तहत्थाभरणे विचित्तवत्थाभरणे विचित्तमालामउली कल्लाणगपवरवत्थपरिहिते कल्लाणगपवरगंध ( मल्लाणु पा० ) लेवणधरे भासुरबोदी पलंबवणमालधरे दिव्वेणं वत्तेणं दिव्वेणं गंधेणं दिव्वेणं रसेणं दिव्वेणं फासेणं दिव्वेणं संघातेणं दिव्वेणं संठाणेणं दिव्वाए इड्ढीते दिव्वाते जुतीते ( जुत्तीते पा० ) दिव्वाते पभाते दिव्वाते छायाते दिव्वाए अच्छीए दिव्वेणं तेएणं दिव्वाते लेस्साए दस दिसाओ उज्जोवेमाणा पभासेमाणा महयाऽहतणट्ठगीतवातिततंतीतलतालतुडितधणमुत्तिंगपडुप्पवातितरवेणं दिव्वाइं भोगभागाइं भुंजमाणे विहरइ, जाऽवित से तत्थ बाहिरब्भंतरिता परिसा भवति साऽवित णमाढाइ परियाणाति महारिहेण आसणेण उवनिमंतेति भासंपि त से भासमाणस्स जाव चत्तारि पंच देवा अवुत्ता चेव अब्भुट्ठिंति बहुं देव ! भासउ २ से णं तओ देवलोगातो आउक्खएणं जाव चइत्ता इहेव माणुस्सए भवे जाइं इमाइं कुलाइं भवन्ति अड्ढाइं जाव बहुजणस्स अपरिभूताइं तहप्पगारेसु पुमत्ताते पच्चायाति, से णं तत्थ पुमे भवति सुरूवे सुवत्ते

सुगंधे सुरसे सुफासे इट्टे कंते जाव मणामे अहीणस्सरे जाव मणामस्सरे आदेज्जवतणे पच्चायाते, जाऽविय से तत्थ बाहिरब्भंतरिता परिसा भवति साऽवि त णं आढाति जाव बहुमज्जउत्ते ! भासउ २ । ५९७ । अट्टविहे संवरे पं०तं० - सोइंदियसंवरे जाव फासिंदियसंवरे मणसंवरे वतिसंवरे कायसंवरे, अट्टविहे असंवरे पं०तं० - सोतिंदिअसंवरे जाव कायअसंवरे । ५९८ । अट्ट फासा पं०तं० - कक्कडे मउते गरुते लहुते सीते उसिणे निब्बे लुक्खे । ५९९ । अट्टविधा लोगठिती पं०तं० - आगासपतिट्ठिते वाते वातपतिट्ठिते उदही एवं जथा छट्ठाणे जाव जीवा कम्मपतिट्ठिता अजीवा जीवसंगहीता जीवा कम्मसंगहीता । ६०० । अट्टविहा गणिसंपत्ता पं०तं० - आचारसंपत्ता १ सुयसंपत्ता २ सरीरसंपत्ता ३ वतणसंपत्ता ४ वातणासंपत्ता ५ मतिसंपत्ता ६ पतोगसंपत्ता ७ संगहपरिण्णा णाम अट्टमा ८ । ६०१ । एगमेगे णं महानिही अट्टचक्कवालपतिट्ठाणे अट्टट्ट जोयणाइं उइढंउच्चत्तेणं पं० । ६०२ । अट्ट समितीतो पं०तं० - ईरियासमिति भासासमिति एसणा० आयाणभंडमत्त० उच्चारपासवण० मणस०वइस० कायसमिति । ६०३ । अट्टहिं ठाणेहिं संपन्ने अणगारे अरिहति आलोतणा पडिच्छित्तए, तं० - आतारवं आहारवं ववहारवं ओवीलए पकुव्वते अपरिस्साति निज्जावते अवातदंसी, अट्टहिं ठाणेहिं संपन्ने अणगारे अरिहति अत्तदोसमालोइत्तते, तं० - जातिसंपन्ने कुलसंपन्ने विणयसंपन्ने णाणसंपन्ने दंसणसंपन्ने चरित्तसंपन्ने खंते दंते । ६०४ । अट्टविहे पायच्छिते पं०तं० - आलोयणारिहे पडिक्कमणारिहे तदुभयारिहे विवेगारिहे विउस्सगारिहे तवारिहे छेयारिहे मूलरिहे । ६०५ । अट्ट मतट्ठाणा पं०तं० - जातिमते कुलमते बलमते रूवमते तव० सुत० लाभ० इस्सरितमते । ६०६ । अट्ट अकिरियावाती पं०तं० -

एगावाती १ अणेगावाती २ मितवादी ३ निम्मितवादी ४ सायावाती ५ समुच्छेदवाती ६ णितावादी ७ ण संति परलोगवाती ८ । ६०७ ।  
 अट्टविहे महानिमित्ते पंतं - भोमे उप्पाते सुविणे अंतलिक्खे अंगे सरे लक्खणे वंजणे । ६०८ । अट्टविधा वयणविभत्ती पंतं -  
 निद्देसे पढमा होती, बीतीया उवतेसणे । तत्तिता करणंमि कता, चउत्थी संपदावणे ॥ ८७ ॥ पंचमी त अवाताणे, छट्ठी सस्सामिवायणे ।  
 सत्तमी सन्निहाणत्थे, अट्टमी आमंतणी भवे ॥ ८८ ॥ तत्थ पढमा विभत्ती निद्देसे सो इमो अहं वत्ति १ । बितीता उण उवतेसे भण कुण  
 व तिमं व तं वत्ति २ ॥ ८९ ॥ तत्तिता करणंमि कया णीतं च कतं च तेण व मते वा ३ । हंदि णमो साहाते हवति चउत्थी पदाणंमि ४  
 ॥ ९० ॥ अवणे गिणहसु तत्तो इत्तोति च पंचमी अवादाणे ५ । छट्ठी तस्स इमस्स व गतस्स वा सामिसंबंधे ६ ॥ ९१ ॥ हवइ पुण सत्तमी  
 तंमिमंमि आहारकालभावे त ७ । आमंतणी भवे अट्टमी उ जह हे जुवाणत्ती ८ ॥ ९२ ॥ ॥ ६०९ ॥ अट्ट ठाणाइं छउमत्थेणं सव्वभावेणं  
 ण याणति न पासति, तं - धम्मत्थिगातं जाव गंधं वातं, एताणि चेव उप्पन्नानाणदंसणधरे अरहा जिणे केवली जाणइ पासइ जाव गंधं  
 वातं । ६१० । अट्टविधे आउवेदे पंतं - कुमारभिच्चे कायतिगिच्छा सालाती सल्लहत्ता जंगोली भूतवेज्जा खारतंते रसातणे । ६११ ।  
 सक्कस्स णं देविंदस्स देवरन्नो अट्टग्गमहिंसीओ पंतं - पउमा सिवा सती ( प्रंसूती ) अंजू अमला अच्छरा णवमिया रोहिणी १  
 ईसाणस्स णं देविंदस्स देवरन्नो अट्टग्गमहिंसीओ पंतं - कण्हा कणहराती रामा रामरक्खिता वसू वसुगुत्ता वसुमिक्ता वसुंधरा २  
 सक्कस्स णं देविंदस्स देवरन्नो सोमस्स महारन्नो अट्टग्गमहिंसीओ पं ३ ईसाणस्स णं देविंदस्स देवरन्नो वेसमणस्स महारन्नो

अट्टगमहिंसीओ पं० ४ अट्ट महग्गहा पं०तं० -चंदे सूर सुक्के बुहे बहस्सती अंगारे सणिंचरे केऊ ५ । ६१२ । अट्टविधा तणवणस्सतिकातिथा पं०तं० -मूले कंदे खंधे तथा साले पवाले पत्ते पुण्णे । ६१३ । चउरिंदिया णं जीवा असमारभमाणस्स अट्टविधे संजमे कज्जति, तं० -चक्खुमातो सोक्खातो अववरोवित्ता भवति, चक्खुमतेणं दुक्खेणं असंजोएत्ता भवति, एवं जाव फासामातो सोक्खातो अववरोवेत्ता भवति फासमाएणं दुक्खेणं असंजोगेत्ता भवति, चउरिंदिया णं जीवा समारभमाणस्स अट्टविधे असंजमे कज्जति, तं० -चक्खुमातो सोक्खातो ववरोवेत्ता भवति चक्खुमतेणं दुक्खेणं संजोगेत्ता, भवति, एवं जाव फासामातो सोक्खातो । ६१४ । अट्ट सुहुमा पं०तं० -पाणसुहुमे १ पणगसुहुमे २ बीयसुहुमे ३ हरितसुहुमे ४ पुण्फसुहुमे ५ अंडसुहुमे ६ लेणसुहुमे ७ सिणेहसुहुमे ८ । ६१५ । भरहस्स णं रन्नो चाउरंतचक्कवट्टिस्स अट्ट पुरिसजुगाइं अणुबद्धं सिद्धाइं जाव सव्वदुक्खप्पहीणाइं, तं० -आदिच्चजसे महाजसे अतिबले महाबले तेतवीरिते कित्तवीरिते दंडवीरिते जलवीरिते । ६१६ । पासस्स णं अरहओ पुरिसादाणीतस्स अट्ट गणा अट्ट गणहरा होत्था, तं० -सुभे अज्जघोसे वसिद्धे बंभचारी सोमे सिरिधरिते वीरिते भद्दजसे । ६१७ । अट्टविधे दंसणे पं०तं० -सम्मदंसणे भिच्छदंसणे सम्माभिच्छदंसणे चक्खुदंसणे जाव केवलदंसणे सुविणदंसणे । ६१८ । अट्टविधे अब्धोवमिते पं०तं० -पलितोवमे सागरोवमे उस्सप्पिणी ओसप्पिणी पोग्गलपरियट्ठे तीतद्धा अणागतद्धा सव्वद्धा । ६१९ । अरहतो णं अरिट्ठनेमिस्स जाव अट्टमातो पुरिसजुगातो जुगंतकरभूमी दुवासपरियात्ते अंतमकासी । ६२० । समणेणं भगवता महावीरेणं अट्ट रायाणो मुंडे भवेत्ता अगारातो अणगारितं पव्वाविता, तं० -वीरंगय वीरजसे

संजय एणिज्जते य रायरिसी । सेयसिवे उदायणे संखे कासिवद्धणे । ६२१ । अट्टविहे आहारे पंतं० - मणुण्णे असणे पाणे खाइमे साइमे अमणुण्णे जाव साइमे । ६२२ । उप्पिं सणंकुमारमाहिंदाणं कप्पाणं हेट्ठिं बंभलोगे कप्पेरिट्ठविमाणे पत्थडे एत्थ णमक्खाडगसमचउ- रंससंठाणसंठितातो अट्ट कणहरातीतो पंतं० पुरच्छिमेणं दो कणहरातीतो दाहिणेणं दो कणहराईओ पच्चच्छिमेणं दो कणहराईओ उत्तरेणं दो कणहराईओ, पुरच्छिमं अब्भंतरा कणहराती दाहिणं बाहिरं कणहराइं पुट्ठा, दाहिणा अब्भंतरा कणहराती पच्चच्छिमं बाहिरं कणहराइं पुट्ठा, पच्चच्छिमा अब्भंतरा कणहराती उत्तरं बाहिरं कणहराइं पुट्ठा, उत्तरा अब्भंतरा कणहराती पुरिच्छिमं बाहिरं कणहराती पुट्ठा, पुरिच्छिमपच्चच्छिमिल्लाओ बाहिराओ दो कणहरातीतो छलंसातो, उत्तरदाहिणाओ बाहिराओ दो कणहरातीतो तंसाओ, सव्वाओ ऽवि णं अब्भंतरकणहरातीतो चउरंसाओ १, एतासिं णं अट्टण्हं कणहरातीणं अट्ट नामधेज्जा पंतं० - कणहरातीति वा मेहरातीति वा मघाति वा माघवतीति वा वातफलिहेति वा वातपलिक्खोभेति वा देवपलिहे वा देवपलिक्खोभेति वा २ एतासिं णं अट्टण्हं कणहरातीणं अट्टसु उवासंतरेसु अट्ट लोगंतितविमाणा पंतं० - अच्ची अच्चिमाली वतिरोअणे पभंकरे चंदाभे सूरभे सुपइट्ठाभे अग्गिच्चाभे ३ एतेसु णं अट्टसु लोगंतितविमाणेसु अट्टविधा लोगंतिता देवा पंतं० - सारस्सतमाइच्चा वण्ही वरुणा य गहतोया य । तुसिता अब्बाबाहा अग्गिच्चा चेव बोद्धव्वा ॥ १३ ॥ ४ एतेसिं णमट्टण्हं लोगंतितदेवाणं अजहण्णमणुक्कोसेणं अट्ट सागरोवमाइं ठिती पंतं ५ । ६२३ । अट्ट धम्मत्थिगातमज्झपतेसा पंतं अट्ट अधम्मत्थिगातं एवं चेव अट्ट आगासत्थिगां एवं चेव अट्ट जीवमज्झपएसा पंतं । ६२४ । अरहंता

णं महापउमे अट्ट रायाणो मुंडा भवित्ता आगारातो अणगारितं पव्वावेस्सति, तं० -पउमं पउमगुम्भं नलिणं नलिनगुम्भं पउमद्धतं  
 धणुद्धतं कणगरहं भरहं १ । ६२५ । कणहस्स णं वासुदेवस्स अट्ट अगमहिंसीओ अरहतो णं अरिट्ठनेमिस्स अंतिते मुंडा भवेत्ता अगारातो  
 अणगारितं पव्वतिता सिद्धाओ जाव सव्वदुक्खप्पहीणाओ, तं० -पउमावती गोरी गंधारी लक्खणा सुसीमा जंबूवती सच्चभामा  
 रुपिणी कणहअगमहिंसीओ २ । ६२६ । वीरितपुव्वस्स णं अट्ट वत्थू अट्ट चूलिआ( प्र०चूल )वत्थू पं० । ६२७ । अट्ट गतितो पं०तं० -  
 णिरतगती तिरियगई जाव सिद्धिगती गुरुगती पणोल्लणगती पब्भारगती । ६२८ । गंगासिंधुरत्तारत्तवतीदेवीणं दीवा अट्ट २ जोयणाइं  
 आयामविक्खंभेणं पं० । ६२९ । उक्कामुहमेहमुहविज्जुमुहविज्जुदंतदीवाणं दीवा अट्ट २ जोयणसयाइं आयामविक्खंभेणं पं० । ६३० ।  
 कालोते णं समुदे अट्ट जोयणसयसहस्साइं चक्कवालविक्खंभेणं पं० । ६३१ । अब्भंतरपुक्खरद्धे णं अट्ट जोयणसयसहस्साइं  
 चक्कवालविक्खंभेणं पं०, एवं बाहिरपुक्खरद्धेऽवि । ६३२ । एगमेगस्स णं रन्नो चाउरंतचक्कवट्ठिस्स अट्टसोवन्निते काकिणिरयणे  
 छत्तले दुवालसंसिते अट्टकण्णिगते अधिकरणिसंठिते पं० । ६३३ । मागधस्स णं जोयणस्स अट्ट धणुसहस्साइं निधत्ते ( निहत्ते, निहारे,  
 पा० )पं० । ६३४ । जंबू० णं सुदंसणा अट्ट जोयणाइं उद्धंउच्चत्तेणं बहुमज्झदेसभाए अट्ट जोयणाइं विक्खंभेणं सातिरेगाइं अट्ट  
 जोयणाइं सव्वगणेणं पं० १, कूडसामली णं अट्ट जोयणाइं एवं चेव २ । ६३५ । तिमिसगुहा णमट्ट जोयणाइं उद्धंउच्चत्तेणं ३  
 खंडप्पवातगुहा णं अट्ट जोयणाइं उद्धंउच्चत्तेणं एवं चेव ४ । ६३६ । जंबूमंदरस्स पव्वयस्स पुरच्छिमेणं सीताते महानतीते उंभतोकूले

अट्ट वक्खारपव्वया पंतं - चित्तकूडे पम्हकूडे नलिणकूडे एगसेले तिकूडे वेसमणकूडे अंजणे मायंजणे १ जंबूमंदरपच्चच्छिमेणं  
सीतोताते महानतीते उभतोकूले अट्ट वक्खारपव्वता पंतं - अंकावती पम्हावती आसीविसे सुहावहे चंदपव्वते सूरपव्वते णागपव्वते  
देवपव्वते २ जंबूमंदरपुरच्छिमेणं सीताते महानतीते उत्तरेणं अट्ट चक्कवट्टिविजया पंतं - कच्छे सुकच्छे महाकच्छे कच्छगावती  
आवत्ते जाव पुक्खलावती ३ जंबूमंदरपुरच्छिमेणं सीताते महानतीते दाहिणेणमट्ट चक्कवट्टिविजया पंतं - वच्छे सुवच्छे जाव मंगलावती  
४ जंबूमंदरपच्चच्छिमेणं सीतोतामहानतीते दाहिणेणं अट्ट चक्कवट्टिविजया पंतं - पम्हे जाव सलिलावती ५ जंबूमंदरपच्चत्थिमेणं  
सीतोताए महानदीए उत्तरेणं अट्ट चक्कवट्टिविजया पंतं - वप्पे सुवप्पे जाव गंधिलावती ६ जंबूमंदरपुरच्छिमेणं सीताते महानतीते  
उत्तरेणमट्ट रायहाणीतो पंतं - खेमा खेमपुरी चेव जाव पुंडरीगिणी ७ जंबूमंदरपुरं सीताए महाणईए दाहिणेणं अट्ट रायहाणीतो  
पंतं - सुसीमा कुंडला चेव जाव रयणसंचया ८ जंबूमंदरपच्चच्छिमेणं सीओदाते महाणदीते दाहिणेणं अट्ट रायहाणीओ पंतं -  
आसपुरा जाव वीतसोगा ९ जंबूमंदरपच्चं सीतोताते महानतीते उत्तरेणमट्ट रायहाणीओ पंतं - विजया वेजयंती जाव अउज्झा १०  
। ६३७ । जंबूमंदरपुरं सीताते महाणदीए उत्तरेणं उक्कोसपए अट्ठ अरहंता अट्ठ चक्कवट्ठी अट्ठ बलदेवा अट्ठ वासुदेवा उप्पज्जिं  
वा उप्पज्जंति वा उप्पज्जिस्संति वा ११, जंबूमंदरपुरच्छिं सीताए महाणदीए दाहिणेणं उक्कोसपए एवं चेव १२ जंबूमंदरपच्चत्थिं  
सीओयाते महाणदीए दाहिणेणं उक्कोसपए एवं चेव १३ एवं उत्तरेणवि १४ । ६३८ । जंबूमंदरपुरं सीताते महानईए उत्तरेणं अट्ट

दीहवेयइढा अट्ट तिमिसगुहाओ अट्ट खंडगप्पवातगुहा अट्ट कयमालगा देवा अट्ट णट्टमालगा देवा अट्ट गंगाकुंडा अट्ट सिंधुकुंडा अट्ट गंगातो अट्ट सिंधूओ अट्ट उसभकूडा पव्वता अट्ट उसभकूडा देवा पं० १५ जंबूमंदरपुरच्छिमेणं सीताते महानतीते दाहिणेणं अट्ट दीहवेअइढा एवं चेव जाव अट्ट उसभकूडा देवा पं०, नवरमेत्थ रत्तारत्तावतीतो तांसि चेव कुंडा १६ जंबूमंदरपच्चच्छिमेणं सीतोताए महानदीते दाहिणेणं अट्ट दीहवेयइढा जाव अट्ट नट्टमालगा देवा अट्ट गंगाकुंडा अट्ट सिंधुकुंडा अट्ट गंगातो अट्ट सिंधूओ अट्ट उसभकूडपव्वता अट्ट उसभकूडा देवा पं० १७ जंबूमंदरपच्चत्थि० सीओताते महानतीते उत्तरेणं अट्ट दीहवेयइढा जाव अट्ट नट्टमालगा देवा अट्ट रत्तकुंडा अट्ट रत्तावतीकुंडा अट्ट रत्ताओ जाव अट्ट उसभकूडा देवा पं० १८। ६३९ । मंदरचूलिया णं बहुमज्झदेसभाते अट्ट जोयणाइं विक्खंभेणं पं० १९ । ६४० । धायइसंडदीवे पुरत्थिमद्धेणं धायतिरुक्खे अट्ट जोयणाइं उइढंउच्चत्तेणं पं० बहुमज्झदेसभाए अट्ट जोयणाइं विक्खंभेणं साइरेगाइं अट्ट जोयणाइं सव्वग्गेणं पं० एवं धायइरुक्खातो आढवेत्ता सच्चेव जंबुदीववत्तव्वता भाणियव्वा जाव मंदरचूलियत्ति, एवं पच्चच्छिमद्धेऽवि महाधाततिरुक्खातो आढवेत्ता जाव मंदरचूलियत्ति, एत पुक्खरवरदीवइढपुरच्छिमद्धेऽवि पउमरुक्खाओ आढवेत्ता जाव मंदरचूलियत्ति, एवं पुक्खरवरदीवपच्चत्थि० महापउमरुक्खातो जाव मंदरचूलितत्ति । ६४१ । जंबुदीवे २ मंदरे पव्वते भद्दसालवणे अट्ट दिसाहत्थिकूडा पं०तं० - पउमुत्तर नीलवंते सुहत्थि अंजणागिरी कुमुते य । पलासते वडिंसे ( अट्टमए ) रोयणागिरी ॥ ९४ ॥ १ जंबुदीवस्स णं दीवस्स जगती अट्ट जोयणाइं उइढंउच्चत्तेणं

बहुमज्झदेसभाते अट्ट जोयणाइं विस्खंभेणं २ । ६४२ । जंबूदीवे २ मंदरस्स पव्वयस्स दाहिणेणं महाहिमवंते वासहरपव्वते अट्ट कूडा पंतं० - सिद्ध महाहिमवंते हिमवंते रोहिता हरीकूडे । हरिकंता हरिवासे वेरुलिते चेव कूडा ३ ॥ ९५ ॥ ३, जंबूमंदरउत्तरेणं रुप्पिंमि वासहरपव्वते अट्ट कूडा पंतं० - सिद्ध य रुप्पी रम्भग नरकंता बुद्धि रुप्पकूडे या । हिरण्णवते मणिकंचणे त रुप्पिंमि कूडा ३ ॥ ९६ ॥ ४, जंबूमंदरपुरच्छिमेणं रुयगवरे पव्वते अट्ट कूडा पंतं० - रिट्ठे तवणिज्ज कंचण रयत दिसासोत्थिते पलंबे य । अंजण अंजणपुलते रुयगस्स पुरच्छिमे कूडा ॥ ९७ ॥ १, तत्थ णं अट्ट दिसाकुमारिहमत्तरितातो महिड्ढियातो जाव पलिओवमट्ठितीतातो परिवसंति तं० - णंदुत्तरा य णंदा, आणंदा णंदिवद्धणा । विजया य वेजयंती, जयंती अपराजिया ॥ ९८ ॥ २, जंबूमंदरदाहिणेणं रुतगवरे पव्वते अट्ट कूडा पंतं० - कणते कंचणे पउमे नलिणे ससि दिवायरे चेव । वेसमणे वेरुलिते रुयगस्स ३ दाहिणे कूडा ॥ ९९ ॥ ३, तत्थ णं अट्ट दिसाकुमारिमहत्तरियातो महिड्ढियातो जाव पलिओवमट्ठितीतातो परिवसंति तं० - समाहारा सुप्पतिण्णा, सुप्पबुद्धा जसोहरा । लच्छिवती सेसवती, चित्तगुत्ता वसुंधरा ॥ १०० ॥ ४, जंबूमंदरपच्च० रुयगवरे पव्वते अट्ट कूडा पंतं० - सोत्थिते त अमोहे य, हिमवं मंदरे तहा । रुअगे रुतगुत्तमे चंदे, अट्टमे त सुदंसणे ॥ १०१ ॥ ५, तत्थ णमट्ट दिसाकुमारिमहत्तरियाओ महिड्ढियातो जाव पलिओवमट्ठितीतातो परिवसंति तं० - इलादेवी सुरादेवी, पुढवी पउमावती । एगनासा णवमिता, सीता भद्दा त अट्टमा ॥ १०२ ॥ ६, जंबूमंदरउत्तररुअगवरे पव्वते अट्ट कूडा पंतं० - रयणे रयणुच्चते ता सव्वरयण रयणसंचते चेव । विजये य विजयंते जयंते

अपराजिते ॥ १०३ ॥ ७, तत्थ णं अट्ठ दिसाकुमारिमहत्तरियातो महडिढताओ जाव पलिओवमट्ठितीताओ परिवसंति तं० - अलंबुसा मितकेसी, पोंडरी गीतवारुणी । आसा य सव्वगा चेव, सिरि हिरि चेव उत्तरतो ॥ १०४ ॥ ८, अट्ठ अहेलोगवत्थव्वातो दिसाकुमारिमहत्तरितातो पंतं० - भोगंकरा भोगवती, सुभोगा भोगमालिणी । सुवच्छा वच्छमित्ता य, वारिसेणा बलाहगा ॥ १०५ ॥ १, अट्ठ उड्ढलोगवत्थव्वाओ दिसाकुमारिमहत्तरितातो पंतं० - मेघंकरा मेघवती, सुमेघा मेघमालिणी । तोयधारा विचित्ता य, पुष्फमाला अण्णिदिता ॥ १०६ ॥ १२ । ६४३ । अट्ठ कप्पा तिरितमिस्सोवन्नगा पंतं० - सोहम्मे जाव सहस्सारे ३, एतेसु णमट्ठसु कप्पेसु अट्ठ इंदा पंतं० सक्के जाव सहस्सारे ४, एतेसिं णं अट्ठण्हमिंदाणं अट्ठ परियाणिया विमाणा पंतं० - पालते पुष्फते सोमणसे सिरिवच्छे णंदा ( प्रंदिया ) वत्ते कामकमे पीतिमणे विमले ५ । ६४४ । अट्ठट्ठमियाणं भिक्खुपडिमाणं चउसट्ठीते राइंदिएहिं दोहि य अट्ठसीतेहिं भिक्खासतेहिं अहासुत्ता जाव अणुपालितायावि भवति । ६४५ । अट्ठविधा संसारसमावन्नगा जीवा पंतं० - पढमसमयनेरतिता अपढमसमयनेरतिता एवं जाव अपढमसमयदेवा १ अट्ठविधा सव्वजीवा पंतं० - नेरतिता तिरिक्खजोणिता तिरिक्खजोणिणीओ मणुस्सा मणुस्सीओ देवा देवीओ सिद्धा २ अथवा अट्ठविधा सव्वजीवा पंतं० - आभिणिबोहितनाणी जाव केवलनाणी मतिअन्नाणी सुतअण्णाणी विभंगणाणी ३ । ६४६ । अट्ठविधे संजमे पंतं० - पढमसमयसुहुमसंपरागसरागसंजमे अपढमसमयसुहुमसंपरायसरागसंजमे पढमसमयबादरसंजमे अपढमसमयबादरसंयमे पढमसमयउवसंतकसायवीतरायसंजमे अपढमसमयउवसंतकसायवीतरागसंजमे

पढमसमयखीणकसायवीतरागसंजमे अपढमसमयखीण० । ६४७ । अट्ट पुढवीओ पं०तं० - रयणप्पभा जाव अहे सत्तमा ईसिपब्भारा  
 १ ईसीपब्भाराते णं पुढवीते बहुमज्झदेसभागे अट्टजोयणिए खेत्ते अट्ट जोयणाइं बाहल्लेणं पं० २ ईसिपब्भाराते णं पुढवीते अट्ट  
 नामधेज्जा पं०तं० - ईसिति वा ईसिपब्भाराति वा तणूति वा तणुतणूइ वा सिद्धीति वा सिद्धालतेति वा मुत्तीति वा मुत्तालतेति वा ३  
 । ६४८ । अट्टहिं ठाणेहिं संमं संघडितव्वं जतितव्वं परक्कमितव्वं अस्सिं च णं अट्टे णो पमातेतव्वं भवति-असुयाणं धम्माणं सम्मं  
 सुणणताते अब्भुट्ठेतव्वं भवति १ सुताणं धम्माणं ओगिणहणयाते उवधारणयाते अब्भुट्ठेतव्वं भवति २ पा( ण पा० )वाणं कम्माणं  
 संजमेणमकरणताते अब्भुट्ठेतव्वं भवति ३ पोराणाणं कम्माणं तवसा विगिंचणताते विसोहणताते अब्भुट्ठेतव्वं भवइ ४  
 असंगिहीतपरितणस्स संगिणहणताते अब्भुट्ठेतव्वं भवति ५ सेहं आचारगोयरगहणताते अब्भुट्ठेतव्वं भवति ६ गिलाणस्स अगिलाते  
 वेयावच्चकरणताए अब्भुट्ठेतव्वं भवति ७ साहम्भिताणमधिकरणंसि उप्पणंसि तत्थ अनिस्सितोवस्सितो अपक्खग्गाही मज्झत्थभावभूते  
 कह णु साहम्भिता अप्पसद्दा अप्पझंझा अप्पतुमंतुमा उवसामणताते अब्भुट्ठेतव्वं भवति ८ । ६४९ । महासुक्कसहस्सारेसु णं कप्पेसु  
 विमाणा अट्ठ जोयणसताइं उइढंउच्चत्तेणं पं० । ६५० । अरहतो णं अरिट्ठनेमिस्स अट्ट सया वादीणं सदेवमणुयासुराते परिसाते वादे  
 अपराजिताणं उक्कोसिया वादिसंपया हुत्था । ६५१ । अट्टसमतिए केवलिसमुग्धाते पं०तं० - पढमे समए दंडं करेति बीए समए क्वाडं  
 करेति ततिए समए मंथानं करेति चउत्थे समए लोगं पूरेति पंचमे समए लोगं पडिसाहरति छट्ठे समए मंथं पडिसाहरति सत्तमे समए,

कवाडं पडिसाहरति अट्टमे समए दंडं पडिसाहरति । ६५२ । समणस्स णं भगवतो महावीरस्स अट्ट सया अणुत्तरोववातियाणं गतिकल्लाणाणं जाव आगमेसिभद्दाणं उक्कोसिता अणुत्तरोववातितसंपया हुत्था १ । ६५३ । अट्टविधा वाणमंतरा देवा पंतं - पिसाया भूता जक्खा रक्खसा किन्नरा किंपुरिसा महोरगा गंधव्वा २, एतेसिं णं अट्टण्हं ( प्र० विहाणं ) वाणमंतरदेवाणं अट्ट चेतितरुक्खा पंतं - कलंबो अ पिसायाणं, वडो जक्खाण चेतितं । तुलसी भूयाणं भवे, रक्खसाणं च कंडओ ॥ १०७ ॥ असोओ किन्नराणं च, किंपुरिसाण य चंपतो । नागरुक्खो भुयंगाणं, गंधव्वाण य तेदुओ ॥ १०८ ॥ ३ । ६५४ । इमीसे रयणप्पभाते पुढवीते बहुसमरमणिज्जाओ भूमिभागाओ अट्टजोयणसते उडढमाबाहाते सूरविमाणे चारं चरति ४ । ६५५ । अट्ट नक्खत्ता चंदेणं सद्धिं पमदं जोगं जोतेति तं - कत्तिता रोहिणी पुणव्वसू महा चित्ता विसाहा अणुराधा जेट्टा ५ । ६५६ । जंबुदीवस्स णं दीवस्स दारा अट्ट जोयणाइं उडढउच्चत्तेणं पंतं १ सव्वेसिंपि दीवसमुद्दाणं दारा अट्ट जोयणाइं उडढउच्चत्तेणं पंतं २ । ६५७ । पुरिसवेयणिजस्स णं कम्मस्स जहन्नेणं अट्टं संवच्छराइं बंधठिती पंतं १ जसोकिन्तीनामएणं कम्मस्स जहण्णेणं अट्ट मुहुत्ताइं बंधठिती पंतं २ उच्चगोयस्स णं कम्मस्स एवं चेव ३ । ६५८ । तेइंदियाणमट्ट जातीकुलकोडीजोणीपमुहसतसहस्सा पंतं । ६५९ । जीवा णं अट्टठाणणिव्वत्तिते पोग्गले पावकम्मत्ताते चिणिंसु वा चिणांति वा चिणिस्संति वा, तंतं - पढमसमयनेरतितनिव्वत्तिते जाव अपढमसमयदेवनिव्वत्तिते, एवं चिण उवचिण जाव निज्जरा चेव, अट्टपतेसिता खंधा अणंता पंतं अट्टपतेसोगाढा पोग्गला अणंता पंतं जाव अट्टगुणलुक्खा पोग्गला अणंता पण्णत्ता

॥६६०॥ अष्टमस्थानकाध्ययनं ८ ॥

नवहिं ठाणेहिं समणे णिग्गंथे संभोतितं विसंभोतितं करेमाणे णातिक्कमति, तं०- आयरियपडिणीयं उवज्झायपडिणीयं थेरपडिणीयं कुल० गण० संघ० नाण० दंसण० चरित्तपडिणीयं । ६६१ । णव बंभचेरा पंतं० - सत्थपरिन्ना लोगविजओ जाव उवहाणसुयं महापरिण्णा । ६६२ । नव बंभचेरगुत्तीतो पंतं० - विवित्ताइं सयणासणाइं सेवित्ता भवति, णो इत्थिसंसत्ताइं नो पसुसंसत्ताइं नो पंडगसंसत्ताइं० १नो इत्थीणं कहं कहेत्ता २नो इत्थिठाणाइं सेवित्ता भवति ३ णो इत्थीणमिंदिताइं मणोहराइं मणोरमाइं आलोइत्ता निज्झाइत्ता भवइ ४ णो पणीतरसभोती० ५ णो पाणभोयणस्स अतिमत्तं( प्र० मातं ) आहारते सत्ता भवति ६ णो पुव्वरतं पुव्वकीलियं समरेत्ता भवति ७ णो सद्वाणुवाती णो रूवाणुवाती णो सिलोगाणुवाती० ८ णो सातसोक्खपडिबद्धे यावि भवति ९, णव बंभचेरअगुत्तीओ पंतं०- णो विवित्ताइं सयणासणाइं सेवित्ता भवइ, इत्थीसंसत्ताइं पसुसंसत्ताइं पंडगसंसत्ताइं० इत्थीणं कहं कहेत्ता भवइ इत्थीणं ठाणाइं सेवित्ता भवति इत्थीणं इंदियाइं जाव निज्झाइत्ता भवति पणीयरसभोई० पाणभोयणस्स अइमायमाहारए सत्ता भवइ पुव्वरयं पुव्वकीलियं सरित्ता भवइ, सद्वाणुवाई रूवाणुवाई सिलोगाणुवाई जाव सायासुक्खपडिबद्धे यावि भवति । ६६३ । अभिणंदणाओ णं अरहओ सुमती अरहा नवहिं सागरोवमकोडीसयसहस्सेहिं विइक्कंतेहिं समुप्पन्ने । ६६४ । नव सब्भावपयत्था पंतं० - जीवा अजीवा पुण्णं पावो आसवो संवरो निज्जरा बंधो मोक्खो । ६६५ । णवविहा संसारसमावन्नगा जीवा पंतं०- पुढवीकाइया जाव वणस्सइकाइया

बेइंदिया जाव पंचिंदितत्ति १ पुढवीकाइया नवगइया नवआगतिता पं०तं० - पुढवीकाइए पुढवीकाइएसु उववज्जमाणे पुढवीकाइएहिंतो वा जाव पंचिंदियेहिंतो वा उववज्जेजा, से चेव णं से पुढवीकातिते पुढवीकाइयत्तं विप्पजहमाणे पुढवीकाइयत्ताए जाव पंचिंदियत्ताते वा गच्छेजा २ एवामाउकाइयावि ३ जाव पंचिंदियत्ति १ णवविधा सव्वजीवा पं०तं० - एगिंदिया बेइंदिया तेइंदिया चउरिंदिया नेरतिता पंचेदियतिरिक्खजोणिया मणुस्सा देवा सिद्धा ११ अथवा णवविहा सव्वजीवा पं०तं० - पढमसमयनेरतिता अपढमसमयनेरतिता जाव अपढमसमयदेवा सिद्धा १२ नवविहा सव्वजीवोगाहणा पं०तं० पुढवीकाइओगाहणा आउकाइओगाहणा जाव वणस्सइकाइओगाहणा बेइंदियओगाहणा तेइंदियओगाहणा चउरिंदियओगाहणा पंचिंदियओगाहणा १३ जीवाणं नवहिं ठाणेहिं संसारं वत्तिंसु वा वत्तंति वा वत्तिस्संति वा, तं० - पुढवीकाइत्ताए जाव पंचिंदियत्ताए १४ । ६६६ । णवहिं ठाणेहिं रोगुप्पत्ती सिया तं०-अच्चासणाते अहितासणाते अतिणिद्वाए अतिजागरितेण उच्चारनिरोहेणं पासवणनिरोहेणं अब्बाणगमणेणं भोयणपडिकूलताते इंदियत्थविकोवणयाते १५ । ६६७ । णवविधे दरिसणावरणिज्जे कम्मे पं०तं० -निद्वा निद्धानिद्वा पयला पयलापयला थीणागिद्धी चक्खुदंसणावरणे अचक्खुदंसणावरणे अवधिदंसणावरणे केवलदंसाणवरणे । ६६८ । अभीती णं णक्खत्ते सातिरेगे नव मुहुत्ते चंदेण सद्धिं जोगं जोतेति, अभीतीआतिआ णं णव नक्खत्ता णं चंदस्स उत्तरेणं जोगं जोतेति, तं०-अभीती सवणो धणिद्धा जाव भरणी । ६६९ । इमीसे णं रयणप्पभाते पुढवीए बहुसमरमणिज्जाओ भूमिभागाओ णव जोअणसताइं उद्धं अब्बाहाते उवरिल्ले ( प्र०अवरिल्ले )

तारारूवे चारं चरति । ६७० । जंबूदीवे णं दीवे णवजोणिआ मच्छा पविसिंसु वा पविसंति वा पविसिस्संति वा । ६७१ । जंबुद्दीवे दीवे भारहे वासे इमीसे ओसप्पिणीते णव बलदेववासुदेवपियरो हुत्था तं० - पयावती त बंभे य, रोहे सोमे सिवेतिता । महासीहे अग्गिसीहे, दसरह नवमे य वसुदेवे ॥ १०९ ॥ इत्तो आढत्तं जथा समवाये निरवसेसं जाव एगा से गब्भवसही सिज्झिस्सति आगमेस्सेणं । जंबुद्दीवे दीवे भारहे वासे आगमेस्साए उस्सप्पिणीते नव बलदेववासुदेवपितरो भविस्संति, नव बलदेव० मायरो भविस्संति एवं जथा समवाते निरवसेसं जाव महाभीमसेण सुग्गीवे य अपिच्छमे । एए खलु पडिसत्तू किन्तीपुरिसाण वासुदेवाणं । सव्वेवि चक्कजोही हम्मेहंती सचक्केहिं ॥ ११० ॥ ६७२.१ एगमेगे णं महानिधी णं णव णव जोयणाइं विक्खंभेणं पं०, एगमेगस्स णं रत्तो चाउरंतचक्कवट्टिस्स नव महानिहओ पं०तं० - णेसप्पे १ पंडुयए २ पिंगलते ३ सव्वरयण ४ महापउमे ५ । काले य ६ महाकाले ७ माणवग ८ महानिही संखे ९ ॥ १११ ॥ णेसप्पंमि निवेसा गामागरनगरपट्टणाणं च । दोणमुहमडंबाणं खंधाराणं गिहाणं च ॥ ११२ ॥ गणियस्स य बीयाणं माणुम्माणुस्स जं पमाणं च । धन्नस्स य बीयाणं उप्पत्ती पंडुते भणिया ॥ ११३ ॥ सव्वा आभरणाविही पुरिसाणं जा य होइ महिलाणं । आसाण य हत्थीण य पिंगलगनिहिंमि सा भणिया ॥ ११४ ॥ रयणाइं सव्वरयणे चोदस पवराइं चक्कवट्टिस्स । उप्पज्जंति एगिंदियाइं पंचिंदियाइं च ॥ ११५ ॥ वत्थाण य उप्पत्ती निप्फत्ती चेव सव्वभत्तीणं । रंगाण य धोयाण य सव्वा एसा महापउमे ॥ ११६ ॥ काले कालण्णाणं भव्वपुराणं च तीसु वासेसु । सिप्पसतं कम्माणि य तिन्नि पयाए हियकराइं ॥ ११७ ॥ लोहस्स य उप्पत्ती होइ महाकालि

आगराणं च । रुप्यस्स सुवन्नस्स य मणिमोत्तिसिलप्यवालाणं ॥ ११८ ॥ जोधाण य उप्पत्ती आवरणाणं च पहरणाणं च । सव्वा य जुद्धनीती माणवते दंडनीती य ॥ ११९ ॥ नट्टविही नाडगविही कव्वस्स चउव्विहस्स उप्पत्ती । संखे महानिहिम्मी तुडियंगाणं च सव्वेसिं ॥ १२० ॥ चक्कट्टपड्डाणा अट्टुस्सेहा य नव य विक्खंभे । बारसदीहा मंजूससंठिया जहनवीई मुहे ॥ १२१ ॥ वेरुलियमणिकवाडा कणगमया विविधरयणपडिपुन्ना । ससिसूरचक्कलक्खण अणुसमजुगबाहुवतणा त ॥ १२२ ॥ पलिओवमट्ठिठतीया णिहिसरिणामा य तेसु खलु देवा । जेसिं ते आवासा अक्किजा आहिवच्चा वा ॥ १२३ ॥ एए ते नवनिहओ पभूतधणरयणसंचयसमिद्धा । जे वसमुवगच्छंती सव्वेसिं चक्कवट्ठीणं ॥ १२४ ॥ । ६७३ । णव विगतीतो पंतं - खीरं दधिं णवणीतं सप्पिं तेलं गुलो महं मज्जं मंसं । ६७४ । णवसोतपरिस्सवा बोंदी पंतं - दो सोत्ता दो णेत्ता दो घाणा मुहं पोसे पाऊ । ६७५ । णवविधे पुत्ते पंतं - अन्नपुत्ते १ पाणपुण्णे २ वत्थपुत्ते ३ लेणपुण्णे ४ सयणपुत्ते ५ मणपुत्ते ६ वतिपुण्णे ७ कायपुण्णे ८ नमोक्कारपुण्णे ९ । ६७६ । णव पावस्सायतणा पंतं - पाणातिवाते मुसावाते जाव परिग्गहे कोहे माणे माया लोभे । ६७७ । नवविधे पावसुयपसंगे पंतं - उप्पाते १ निमित्ते २ मंते ३, आतिक्खिते ४ तिगिच्छते ५ । कला ६ आवरणे ७ ऽन्नाणे ८, मिच्छापावतणेति त ९ ॥ १२५ ॥ ६७८ । नव णेउणिता वत्थू पंतं - संखाणे निमित्ते कातिते पोराणे पारिहत्थिते परपंडिते वातिते भूतिकम्मे तिगिच्छते । ६७९ । समणस्स णं भगवतो महावीरस्स णव गणा हुत्था, तं - गोदासे गणे उत्तरबलिस्सहगणे उद्देहगणे चारणागणे उडुवातितगणे विसवातितगणे कामड्ढितगणे माणवगणे

कोडितगणे । ६८० । समणेणं भगवता महावीरेणं समणाणं णिग्गंथाणं णवकोडिपरिसुद्धे भिक्खे पंतं - ण हणइ ण हणावइ  
हणंतं णाणुजाणइ ण पतति ण पतावेति पतंतं णाणुजाणति ण किणति ण किणावेति किणंतं णाणुजाणति । ६८१ । ईसाणस्स णं  
देविंदस्स देवरण्णो वरुणस्स महारत्तो णव अग्गमहिंसीओ पंतं । ६८२ । ईसाणस्स णं देविंदस्स देवरण्णो अग्गमहिंसीणं णव  
पलिओवमाइं ठिती पंतं, ईसाणे कप्पे उक्कोसेणं देवीणं णव पलिओवमाइं ठिती पंतं । ६८३ । नव देवनिकाया पंतं - सारस्सयमाइच्चा  
वण्ही वरुणा य गहतोया य । तुसिया अच्चाबाहा अग्गिच्चा चेव रिट्ठा य ॥ १२६ ॥ अच्चाबाहाणं देवाणं नव देवा नव देवसया पंतं,  
एवं अग्गिच्चावि, एवं रिट्ठावि । ६८४ । णव गेवेज्जविमाणपत्थडा पंतं - हेट्ठिमहेट्ठिमगेविज्जविमाणपत्थडे हेट्ठिममज्झिमगेविज्ज-  
विमाणपत्थडे हेट्ठिमउवरिमगेविज्जविमाणपत्थडे मज्झिमहेट्ठिमगेविज्जविमाणपत्थडे मज्झिममज्झिमगेविज्जविमाणपत्थडे  
मज्झिमउवरिमगेविज्जविमाणपत्थडे उवरिमहेट्ठिमगेवे० उवरिममज्झिम० उवरिम २ गेविज्जविमाणपत्थडे, एतेसिं णं णवण्हं  
गेविज्जविमाणपत्थडाणं णव नामधिज्जा पंतं - भद्दे सुभद्दे सुजाते, सोमणसे पितदरिसणे । सुदंसणे अमोहे य, सुप्पबुद्धे जसोधरे  
॥ १२७ ॥ ६८५ । नवविहे आउपरिणामे पंतं - गतिपरिणामे गतिबंधणपरिणामे ठिइपरिणामे ठित्तिबंधणपरिणामे उइढंगारवपरिणामे  
अहेगारवपरिणामे तिरितंगारवपरिणामे दीहंगारवपरिणामे रहस्संगारवपरिणामे । ६८६ । णवणवमिता णं भिक्खुपडिमा एगासीते  
रातिंदिएहिं चउहि य पंचुत्तरेहिं भिक्खासतेहिं अधासुत्ता जाव आराहिता तावि भवति । ६८७ । णवविधे पायच्छित्ते पंतं -

आलोयणारिहे जाव मूलारिहे अणवठप्पारिहे । ६८८ । जंबूमंदरदाहिणेणं भरहे दीहवेतइढे नव कूडा पंतं - सिद्धे १ भरहे २ खंडग  
 ३ माणी ४ वेयइढ ५ पुत्र ६ तिमिसगुहा ७ । भरहे ८ वेसमणे ९ या भरहे कूडाण णामां ॥ १२८ ॥ जंबूमंदिरदाहिणेणं निसभे  
 वासहरपव्वते णव कूडा पंतं - सिद्धे १ निसहे २ हरिवास ३ विदेह ४ हरि ५ धिती ६ अ सीतोता ७ । अवरविदेहे ८ रुयगे ९ निसभे  
 कूडाण नामाणि ॥ १२९ ॥ जंबूमंदरपव्वते णंदणवणे णव कूडा पंतं - णंदणे १ मंदरे २ चेव निसहे ३ हेमवते ४ रयय ५ रुयए ६  
 य । सागरचित्ते ७ वडरे ८ बलकूडे ९ चेव बोद्धव्वे ॥ १३० ॥ जंबूमालवंतवक्खारपव्वते णव कूडा पंतं - सिद्धे १ य मालवंते २  
 उत्तरकुरु ३ कच्छ ४ सागरे ५ रयते ६ । सीता ७ तह पुण्णणामे ८ हरिस्सहकूडे ९ य बोद्धव्वे ॥ १३१ ॥ जंबू० कच्छे दीहवेयइढे नव  
 कूडा पंतं - सिद्धे १ कच्छे २ खंडग ३ माणी ४ वेयइढ ५ पुण्ण ६ तिमिसगुहा ७ । कच्छे ८ वेसमणे या ९ कच्छे कूडाण णामां  
 ॥ १३२ ॥ जंबू० सुकच्छे दीहवेयइढे णव कूडा पंतं - सिद्ध १ सुकच्छे २ खंडग ३ माणी ४ वेयइढ ५ पुत्र ६ तिमिसगुहा ७ ।  
 सुकच्छे ८ वेसमणे ९ ता सुकच्छि कूडाण णामां ॥ १३३ ॥ एवं जाव पोक्खलावतिंमि दीहवेयइढे, एवं वच्छे दीहवेयइढे, एवं जाव  
 मंगलावतिंमि दीहवेहइढे, जंबूविज्जुप्पभे वक्खारपव्वते नव कूडा पंतं - सिद्धे १ अ विज्जुणामे २ देवकूडा ३ पम्ह ४ कणग ५  
 सोवत्थी ६ । सीतोता य ७ सयजले ८ हरिकूडे ९ चेव बोद्धव्वे ॥ १३४ ॥ जंबू० पम्हे दीहवेयइढे णव कूडा पंतं - सिद्धे १ पम्हे २  
 खंडग ३ माणी ४ वेयइढ ५ एवं चेव जाव सलिलावतिंमि दीहवेयइढे, एवं वप्पे दीहवेयइढे, एवं जाव गंधिलावतिंमि दीहवेयइढे नव

कूडा पं०तं० -सिद्धे १ गंधिल २ खंडग ३ माणी ४ वेयड्ड ५ पुत्र ६ तिभिसगुहा ७ । गंधिलावति ८ वेसमण ९ कूडाणं होति णामाङ्गं  
 ॥ १३५ ॥ एवं सव्वेसु दीहवेयड्डेसु दो कूडा सरिसणामगा सेसा ते चेव, जंबूमंदरउत्तरेणं नेलवंते वासहरपव्वते णव फूडा पं०तं०-  
 सिद्धे १ निलवंत २ विदेह ३ सीता ४ किच्ची त ५ नारिकंता ६ य । अवरविदेहे रम्मगकूडे ८ उवदंसणे ९ चेव ॥ १३६ ॥ जंबूमंदरउत्तरेणं  
 एरवते दीहवेतड्डे नव कूडा पं०तं० - सिद्धे १ रयणे २ खंडग ३ माणी ४ वेयड्ड ५ पुण्ण ६ तिभिसगुहा ७ । एरवते ८ वेसमणे ९  
 एरवते कूडणामाङ्गं ॥ १३७ ॥ ६८९ । पासे णं अरहा पुरिसादाणीए वज्जरिसहणारातसंधयणे समचउरंससंठाणसंठिते नव रयणीओ  
 उड्डंउच्चत्तेणं हुत्था । ६९० । समणस्स णं भगवतो महावीरस्स तित्थंसि णवहिं जीवेहिं तित्थगरणामगोत्ते कम्मे णिव्वत्तिते सेणितेणं  
 सुपासेणं उदातिणा पोडिलेणं अणगारेणं दढाउणा संखेणं सततेणं सुलसाए साविताते रेवतीते । ६९१ । एस णं अज्जो ! कण्हे वासुदेवे  
 १ रामे बलदेवे २ उदये पेढालपुत्ते ३ पुडिले ४ सतते गाहावती ५ दारुते नितंठे ६ सच्चती नितंठीपुत्ते ७ सावितबुद्धे अम्बडे परिव्वायते  
 ८ अज्जाविणं सुपासा पासावच्चिज्जा ९ आगमेस्साते उस्सप्पिणीते चाउज्जामं धम्मं पन्नवत्तित्ता सिज्झिहन्ति जाव अंतं काहंति । ६९२ ।  
 एस णं अज्जो ! सेणिए राया भिंभिसारे कालमासे कालं किच्चा इमीसे रयणप्पभाए पुढवीते सीमंतते नरए चउरासीतिवाससहस्सट्ठितीयंसि  
 निरयंसि णेरइयत्ताए उवज्जिहिति से णं तत्थ णेरइए भविस्सति काले कालोभासे जाव परमकिण्हे वन्नेणं, से णं तत्थ वेयणं वेदिहिती  
 उज्जलं ( विउलं पा० ) जाव दुरहियासं, से णं ततो नरतातो उव्वट्टेत्ता आगमेसाते उस्सप्पिणीते इहेव जंबुद्दीवे दीवे भारहे वासे

वेयडढगिरिपायमूले पुंडेसु जणवतेसु सतदुवारे णगरे संमुइस्स कुलकरस्स भद्दाए भारियाए कुच्छिसिं पुमत्ताए पच्चायाहिती, तए णं सा भद्दा भारिया नवणहं मासाणं बहुपडिपुण्णाणं अब्बट्ठमाण य राइंदियाणं वीतिकंताणं सुकुमालपाणिपातं अहीणपडिपुन्नपंचिंदियसरीरं लक्खणवंजणजाव सुरूवं दारगं पयाहिती जं रयणिं च णं से दारए पयाहिती तं रयणिं च णं सतदुवारे णगरे सब्भितरबाहिरए भारगसो य कुं भगसो त पउमवासे त रयणवासे त वासे वासिहिति, तए णं तस्स दारयस्स अम्मापियरो एक्कारसमे दिवसे वइक्कंते जाव बारसाहे दिवसे अयमेयारूवं गोण्णं गुणनिप्फण्णं नामधिज्जं काहितिं जम्हा णं अम्हमिमंसि दारगंसि जातंसि समाणंसि सयदुवारे नगरे सब्भितरबाहिरए भारगसो य कुं भगसो य पउमवासे य रयणवासे य वासे वुट्ठे तं होऊ णमम्हमिमस्स दारगस्स नामधिज्जं महापउमे २ तए णं तस्स दारगस्स अम्मापियरो नामधिज्जं काहितिं महापउमेत्ति ( प्र०माति ) २ तए णं महापउमं दारगं अम्मापितरो सातिरेगं अट्ठवासजातगं जाणित्ता महता रायाभिसेएणं अभिसिंचिहितिं, से णं तत्थ राया भविस्सति महताहिमवंतमहंतमलयमंदर० रायवन्नतो जाव रज्जं पसाहेमाणे विहरिस्सति, तते णं तस्स महापउमस्स रत्तो अन्नया कयाइ दो देवा महिडिठया जाव महेसक्खा सेणाकम्भं काहितिं, तं० -पुत्रभद्वते माणिभद्वते, तए णं सतदुवारे नगरे बहवे रातीसरतलवरमाडंबितकोडंबितइब्भसेट्ठिसेणावतिसत्थवाहप्पभितयो अन्नमन्नं सदावेहितिं २ एवं वतिस्संतिजम्हा णं देवाणुप्पिया ! अम्हं महापउमस्स रत्तो दो देवा महिडिठया जाव महेसक्खा सेणाकम्भं करेन्ति, तं० -पुत्रभदे त माणिभदे य, तं होऊ णमम्हं देवाणुप्पिया ! महापउमस्स रत्तो दोच्चेऽवि नामधेजे देवसेणे २ तते णं तस्स

महापउमस्स दोच्चेऽवि नामधेज्जे भविस्सइ देवसेणेति( प्र०णाति ) २ तए णं तस्स देवसेणस्स रत्तो अन्नता कताती सेये संखतलविमलसन्निकासे चउदंते हत्थिरयणे समुप्पज्जिहिति, तए णं से देवसेणे राया तं सेयं संखतलविमलसन्निकासं चउदंतं हत्थिरयणं दुरूढे समाणे सतदुवारं नगरं मज्झंमज्झेणं अभिक्खणं २ अतिज्जाहि ( इ० पा० ) तणिज्जाहि त, तते णं सतदुवारे णगरे बहवे रातीसरतलवर जाव अन्नमन्नं सद्दाविति २ एवं वइस्संति जम्हा णं देवाणुप्पिया! अम्हं देवसेणस्स रन्नो सेते संखतलविमलसन्निकासे चउदंते हत्थिरयणे समुप्पन्ने तं होऊ णमम्हं देवाणुप्पिया! देवसेणस्स रन्नो तच्चेऽवि नामधेज्जे विमलवाहणे, तते णं तस्स देवसेणस्स रन्नो तच्चेऽवि णामधेज्जे भविस्सति विमलवाहणे २ तए णं से विमलवाहणे राया तीसं वासाइं अगारवासमज्झे वसित्ता अम्मापितीहिं देवत्तगतेहिं गुरुमहत्तरतेहिं अब्भणुन्नाते समाणे उदुंमि सरए संबुद्धे अणुत्तरे मोक्खमग्गे पुणरवि लोगंतितेहिं जीयकप्पितेहिं देवेहिं ताहिं इट्ठाहिं कंताहिं पियाहिं मणुन्नाहिं मणामाहिं उरालाहिं कल्लाणाहिं धन्नाहिं सिवाहिं मंगल्लाहिं सस्सिरीआहिं वग्गूहिं अभिणंदिज्जमाणे अभिथुवमाणे य बहिया ( प्र०संबोहिए ) सुभूमिभागे उज्जाणे एगं देवदूसमादाय मुंडे भवित्ता अगाराओ अणगारियं पव्वयाहिति, तस्स णं भगवंतस्स साइरेगाइं दुवालस वासाइं निच्चं वोसट्ठकाए चियत्तदेहे जे केई उवसग्गा उप्पज्जंति तं० - दिव्वा वा माणुसा वा तिरिक्खजोणिया वा ते उप्पन्ने सम्भं सहिस्सइ खमिस्सइ तितिक्खिस्सइ अहियासिस्सइ, तए णं से भगवं ईरियासमिए भासासमिए जाव गुत्तबंभयारी अममे अकिंचणे छिन्नगंथे ( किन्नगंथे पा० ) निरुवलेवे कंसपाईव मुक्कतोए जहा भावणाए जाव सुहुयहुयासणेविव तेयसा जलंते कंसे संखे

जीवे गगणे वाते य सारए सलिले । पुक्खरपत्ते कुंभे विहगे खंगे य भारंडे ॥ १३८ ॥ कुंजर वसहे सीहे नगराया चेव सागरमखोभे ।  
चंदे सूर कणगे वसुंधरा चेव सुहुयहुए ॥ १३९ ॥ नत्थि णं तस्स भगतवंस्स कत्थइ पडिबंधे भवइ, से य पडिबंधे चउव्विहे पं० तं०-  
अंडएइ वा पोयएइ वा उग्गहिएइ वा पग्गहिएइ वा, जणं जणं दिसं इच्छइ तणं तणं दिसं अपडिबद्धे सुचिभूए लहुभूए अणप्पगंथे  
संजमेणं तवसा अप्पाणं भावेमाणे विहरिस्सइ, तस्स णं भगवंतस्स अणुत्तरेणं नाणेणं अणुत्तरेणं दंसणेणं अणुत्तरेणं चरिएणं एवं  
आलएणं विहारेणं अज्जवेमहवेलाधवेखंतीमुत्तीगुत्तीसच्चसंजमतवगुणसुचरियसोवचियफलपरिनिव्वाणभग्गेणं अप्पाणं भावेमाणस्स  
झाणंतरीयाए वट्टमाणस्स अणंते अणुत्तरे निव्वाधाए जाव केवलवरनाणदंसणे समुप्पज्जिहंति, तए णं से भगवं अरहा जिणे भविस्सइ,  
केवली सव्वन्नू सव्वदरिसी सदेवमणुआसुरस्स लोगस्स परियागं जाणइ पासइ सव्वलोए सव्वजीवाणं आगइं गतिं ठियं चयणं उववायं  
तक्कं मणोमाणसियं भुत्तं कडं परिसेवियं आवीकम्मं रहोकम्मं अरहा अरहस्स भागी तं तं कालं मणसवयसकाइए जोगे वट्टमाणानं  
सव्वलोए सव्वजीवाणं सव्वभावे जाणमाणे पासमाणे विहरइ, तए णं से भगवं तेणं अणुत्तरेणं केवलवरनाणदंसणेणं सदेवमणुआसुरं  
लोगं अभिसमिच्चया समणाणं निग्गंथाणं ( प्र० से णं भगवं जं चेव दिवसं मुंडे भवित्ता जाव पव्वयाहि तं चेव दिवसं सयमेतारूवमभिग्गहं  
अभिगिणिहहिति जे केइ उवसग्गा उप्पज्जंति, तं० -दिव्वा वा माणुसा वा तिरिक्खजोणिया वा ते उप्पन्ने सम्मं सहिस्सइ खभिस्सइ  
तित्तिक्खिस्सइ अहियासिस्सइ, तते णं से भगवं अणगारे भविस्सति ईरियासमिते भास० एवं जहा वट्टमाणसामी तं चेव निरवसेसं जाव

अव्वावारविउसजोगजुत्ते, तस्स णं भगवंतस्स एतेणं विहारेणं विहरमाणस्स दुवालसहिं संवच्छरेहिं वीतिक्कंतेहिं तेरसहि य पक्खेहिं तेरसमस्स णं संवच्छरस्स अंतरा वट्टमाणस्स अणुत्तरेणं णाणेणं भावणाते केवलवरणाणदंसणे समुप्पज्जिहिन्ति जिणे भविस्सति केवली सव्वन्नू सव्वदरिसी सणेरइए जाव पंच महव्वयाइं सभावणाइं छच्च जीवनिकायधम्मं देसेमाणे विहरिस्सति, से जहाणामते अज्जो ! मते समणाणं निगगंथाणं एगे आरंभठाणे पं०, एवामेव महापउमेऽवि अरहा समणाणं णिगगंथाणं एगं आरंभट्ठाणं पण्णवेहेति, से जहाणामते अज्जो ! मते समणाणं निगगंथाणं दुविहे बंधणे पं०तं० -पेज्जबंधणे दोसबंधणे, एवामेव महापउमेऽवि अरहा समणाणं णिगगंथाणं दुविहं बंधणं पन्नेवेहिती, तं० -पेज्जबंधणं च दोसबंधणं च, से जहानामते अज्जो ! मते समणाणं निगगंथाणं तओ दंडा पं०तं० -मणदंडे ३ एवामेव महापउमेऽवि० समणाणं निगगंथाणं ततो दंडे पण्णवेहिती, तं० -मणोदंडं ३, से जहानामए एएणं अभिलावेणं चत्तारि कसाया पं०तं० -कोहकसाए ४ पंच कामगुणे पं०तं० -सद्धे ५ छजीवनिकाता पं०तं०- पुढविकाइया जाव तसकाइया, एवामेव जाव तसकाइया, से जहाणामते एएण अभिलावेणं सत्त भयट्ठाणा पं०तं० एवामेव महापउमेऽवि अरहा समणाणं निगगंथाणं सत्त भयट्ठाणा पन्नवेहिती, एवमट्ठ भयट्ठाणे णव बंभचेरगुत्तीओ दसविधे समणधम्मे एवं जाव तेत्तीसमासातणाउत्ति, से जहानामते अज्जो ! मते समणाणं निगगंथाणं नग्गभावे मुंडभावे अण्हाणते अदंतवणे अच्छत्तए अणुवाहणते भूमिसेज्जा फलगसेज्जा कट्ठसेज्जा केसलोए बंभचेरवासे परघरपवेसे ( × जाव ) लद्धावलद्धवित्तीउ पन्नत्ताओ एवामेव महापउमेऽवि अरहा समणाणं निगगंथाणं

णगभावं जाव लब्धावलब्धवित्ती पण्णवेहिती, से जहाणामए अज्जो ! मए समणाणं नि० आधाकम्मिएति वा उद्देसितेतिवा मीसज्जाएति वा अज्झोयरएति वा ५ पूतिए० कीते० पाभिच्चे० अच्छेज्जे० अणिसट्ठे० अभिहडेति वा कंतारभत्तेति वा दुब्भिक्खभत्ते० गिलाणभत्ते० वहल्लिताभत्तेइ वा पाहुणभत्तेइ वा मूलभोयणेति वा कंदभो० फलभो० बीयभो० हरियभोयणेति वा पडिसिद्धे एवामेव महापउमेऽवि अरहा समणाणं० आधाकम्मितं वा जाव हरितभोयणं वा पडिसेहिस्सति, से जहानामते अज्जो ! मए समणाणं० पंचमहव्वतिए सपडिक्कमणे अचेलते धम्मे पण्णत्ते एवामेव महापउमेऽवि अरहा समणाणं णिगंगथाणं पंचमहव्वतितं जाव अचेलगं धम्मं पण्णवेहिती, से जहानामए अज्जो ! मए पंचाणुव्वतिते सत्तसिक्खावतिते दुवालसविधे सावगधम्मे पं० एवामेव महापउमेऽवि अरहा पंचाणुव्वतितं चाव सावगधम्मं पण्णवेस्सति, से जहानामते अज्जो ! मए समणाणं० सेज्जातरपिंडेति वा रायपिंडेति वा पडिसिद्धे एवामेव महापउमेऽवि अरहा समणाणं० सेज्जातरपिंडेति वा० पडिसेहिस्सति, से जहाणामते अज्जो ! मम णव गणा इगारस गणधरा एवामेव महापउमस्सऽवि अरिहतो णव गणा एगारस गणधरा भविस्संति, से जहानामते अज्जो ! अहं तीसं वासाइं अगारवासमज्झे वसित्ता मुंडे भवित्ता जाव पव्वतिते दुवालस संवच्छराइं तेरस पक्खा छउमत्थपरियागं पाउणित्ता तेरसहिं पक्खेहिं ऊणगाइं तीसं वासाइं केवलिपरियागं पाउणित्ता बायालीसं वासाइं सामण्णपरियागं पाउणित्ता बावत्तरि वासाइं सव्वाउयं पालइत्ता सिज्झिस्सं जाव सव्वदुक्खाणमंतं करेस्सं एवामेव महापउमेऽवि अरहा तीसं वासाइं आगारवासमज्झे वसित्ता जाव पव्वइहिती दुवालस संवच्छाराइं जाव बावत्तरि वासाइं सव्वाउयं पालइत्ता सिज्झिहिती

जाव सव्वदुक्खाणमंतं काहिती जंसीलसमायारो अरहा तित्थंकरो महावीरो । तस्सीलसमायारो होहि उ अरहा महापउमे ॥ १४० ॥ ६९३ ॥

श्री महापद्मचरित्रं ॥ णव णक्खत्ता चंदस्स पच्छंभागा पंतं - अभिती समणो धणिट्ठा रेवति अस्सिणि मग्गसिर पूसो । हत्थो चित्ता य तहा पच्छंभागा णव हवन्ति ॥ १४१ ॥ ६९४ ॥ आणतपाणतआरणच्चुतेसु कप्पेसु विमाणा णव जोयणसयाइं उद्धंउच्चत्तेणं पंतं ॥ ६९५ ॥ विमलवाहणे णं कुलकरे णव धणुसताइं उद्धंउच्चत्तेणं हुत्था ॥ ६९६ ॥ उसभे णं अरहा कोसलिते णं इमीसे ओसप्पिणीए णवहिं सागरोवमकोडाकोडीहिं विईक्कंताहिं तित्थे पवत्तिते ॥ ६९७ ॥ धणदंतलट्ठदंतगूढदंतसुद्धदंतदीवाणं दीवा णवणवजोयणसताइं आयामविक्रवंभेणं पंतं ॥ ६९८ ॥ सुक्कस्स णं महागहस्स णव वीहीओ पंतं - हयवीही गतवीही णागवीही वसहवीही गोवीही उरगवीही अयवीही भितवीही वेसाणरवीही ॥ ६९९ ॥ नवविधे नोकसायवेयणिज्जे कम्मे पंतं - इत्थिवेते पुरिसवेते णपुंसगवेते हासे रती अरई भये सोगे दुगुंछे ॥ ७०० ॥ चउरिंदियाणं णव जाइकुलकोडीजोणिपमुहसयसहस्सा पंतं, भुयपरिसप्पथलयरपंचिंदियतिरिक्ख-जोणियाणं नव जाइकुलकोडिजोणिपमुहसयसहस्सा पंतं ॥ ७०१ ॥ जीवा णं णवट्ठाणनिव्वत्तिते पोग्गले पावकम्मत्ताते चिणिंसु वा ३ पुढवीकाइयनिव्वत्तिते जाव पंचिंदितनिव्वत्तिते, एवं चिण उवचिण जाव णिज्जरा चेव ॥ ७०२ ॥ णवपएसिता खंधा अणंता पंतं नवपएसोगाढा पोग्गला अणंता पंतं जाव णवगुणलुक्खा पोग्गला अणंता पंतं ॥ ७०३ ॥ नवस्थानकाध्यनं ९ ॥

दसविधा लोगट्ठिती पंतं - जण्णं जीवा उद्दाइत्ता २ तत्थेव २ भुज्जो २ पच्चायंति एवं एगा लोगट्ठिती पंतं १ जण्णं जीवाणं सता

समियं पावे कम्मे कज्जति एवंप्पेगा लोगट्ठिती पं० २ जण्णं जीवा सया समितं मोहणिज्जे पावे कम्मे कज्जति एवंप्पेगा लोगट्ठिती पं० ३ ण एवं भूतं वा भव्वं वा भविस्सति वा जं जीवा अजीवा भविस्संति अजीवा वा जीवा भविस्संति एवंप्पेगा लोगट्ठिती पं० ४ ण एवं भूतं ३ जं तसा पाणा वोच्छिज्जिस्संति थावरा पाणा ( प्र० भविस्संति थावरा पाणा ) वोच्छिज्जिस्संति तसा पाणा भविस्संति वा एवंप्पेगा लोगट्ठिती पं० ५ ण एवं भूतं ३ जं लोगे अलोगे भविस्सति अलोगे वा लोगे भविस्सति एवंप्पेगा लोगट्ठिती पं० ६ ण एवं भूतं वा ३ जं लोए अलोए पविसति अलोए वा लोए पविसति एवंप्पेगा लोगट्ठिती ७ जाव ताव लोगे ताव ताव जीवा जाव ताव जीवा ताव ताव लोए एवंप्पेगा लोगट्ठिती ८ जाव ताव जीवाण त पोग्गलाण त गतिपरिताते ताव ताव लोए जाव ताव लोगे ताव ताव जीवाण य पोग्गलाण त गतिपरिताते एवंप्पेगा लोगट्ठिती ९ सव्वेसुवि णं लोगंतेसु अबद्धपासपुट्ठ १ पोग्गला लुक्खत्ताते कज्जति जेणं जीवा त पोग्गला त नो संचायंति बहिता लोगंता गमणयाते एवंप्पेगा ( एवमेगा पा० ) लोगट्ठिती पं० १० । ७०४ । दसविहे सद्दे पंतं० - नीहारि १ पिंडिमे २ लुक्खे ३, भिन्ने ४ जज्जरिते ५ इत । दीहे ६ रहस्से ७ पुहुत्ते ८ त, काकणी ९ खिंखिणिस्सरे १० ॥ १४२ ॥ ७०५ । दस इंदियत्था तीता पंतं० - देसेणवि एगे सद्दाइं सुणिंसु सव्वेणवि एगे सद्दाइं सुणिंसु देसेणवि एगे रूवाइं पासिंसु सव्वेणवि एग रूवाइं पासिंसु, एवं गंधाइं रसाइं फासाइं जाव सव्वेणवि एगे फासाइं पडिसंवेदेसु, दस इंदियत्था पडुप्पन्ना पंतं० - देसेणवि एगे सद्दाइं सुणेति सव्वेणवि एगे सद्दाइं सुणेति, एवं जाव फासाइं, दस इंदियत्था अणागता पंतं० - देसेणवि एगे सद्दाइं सुणिस्संति सव्वेणवि एगे सद्दाइं सुणेस्संति एवं

जाव सव्वेणवि एगे फासाइं पडिसंवेदेस्संति । ७०६ । दसहिं ठाणेहिमच्छिन्ने पोग्गले चलेज्जा तं० -आहारिज्जमाणे वा चलेज्जा परिणामेज्जमाणे वा चलेज्जा उस्ससिज्जमाणे वा चलेज्जा निस्ससिज्जमाणे वा चलेज्जा वेदेज्जमाणे वा चलेज्जा णिज्जरिज्जमाणे वा चलेज्जा विउव्विज्जमाणे वा चलेज्जा परियारिज्जमाणे वा चलेज्जा जक्ख्वातिट्ठे वा चलेज्जा वातपरिगते ( प्र०परिगहे ) वा चलेज्जा । ७०७ । दसहिं ठाणेहिं कोधुप्पत्ती सिया तं० -मणुन्नाइं मे सदफरिसरसरूवगंधाइमवहरिसु १ अमणुन्नाइं मे सदफरिसरसरूवगंधाइं उवहरिसु २ मणुण्णाइं मे सदफरिसरसरूवगंधाइं अवहरइ ३ अमणुन्नाइं मे सदफरिसजावगंधाइं उवहरति ४ मणुण्णाइं मे सद जाव अवहरिस्सति ५ अमणुण्णाइं मे सद जाव उवहरिस्सति ६ मणुण्णाइं मे सदजावगंधाइं अवहरिसु वा अवहरइ वा अवहरिस्सति वा ७ अमणुण्णाइं मे सद जाव उवहरिसु वा उवहरति वा उवहरिस्सति वा ८ मणुण्णामणुण्णाइं सद जाव अवहरिसु अवहरति अवहरिस्सइ उवहरिसु उवहरति उवहरिस्सति ९ अहं च णं आयरियउवज्झायाणं सम्मं वट्ठामि ममं च णं आयरियउवज्झाया मिच्छं पडिवन्ना १० । ७०८ । दसविधे संजमे पं०तं० -पुढवीकातितसंजमे जाव वणस्सतिकाइयसंजमे बेइंदितसंजमे तेदितसंजमे चउरिंदितसंजमे पंचिंदियसंजमे अजीवकायसंजमे, दसविधे असंजमे पं० तं० -पुढवीकातितअसंजमे आउ० तेउ० वाउ० वणस्सति० जाव अजीवकायअसंजमे, दसविधे संवरे पं० तं० सोतिंदियसंवरे जाव फासिंदितसंवरे मण० वय० काय० उवकरणसंवरे सूचीकुसगसंवरे, दसविधे असंवरे पं० तं० -सोतिंदितअसंवरे जाव सूचीकुसगअसंवरे । ७०९ । दसहिं ठाणेहिं अहमंतीति थंभिज्जा, तं० -जातिमतेण वा कुलमएण वा जाव

इस्सरियमतेण वा णागसुवन्ना वा मे अंतितं हव्वमागच्छंति पुरिसधम्मातो वा मे उत्तरिते अहोदिते णाणदंसणे समुप्पन्ने । ७१० ।  
 दसविधा समाधी पंतं - पाणातिवायवेरमणे मुसा० अदिन्ना० मेहुण० परिग्गहा० ईरितासमिती भासासमिती एसणासमिती आयाण०  
 उच्चारपासवणखेलसिंघाणगपारिद्धावणितासमिती, दसविधा असमाधी पंतं - पाणातिवाते जाव परिग्गहे ईरिताऽसमिती जाव  
 उच्चारपासवणखेलसिंघाणगपारिद्धावणियाऽसमिती । ७११ । दसविधा पव्वज्जा पंतं - छंदा १ रोसा २ परिजुन्ना ३ सुविणा ४  
 पडिस्सुता ५ चेव । सारणिता ६ रोगिणीता ७ अणाढिता ८ देवसन्नत्ती ९ ॥ १४३ ॥ वच्छाणुबन्धिता १०, दसविधे समणधम्मे पंतं -  
 खंती मुत्ती अज्जवे मद्दवे लाघवे सच्चे संजमे तवे चिताते बंभचेरवासे, दसविधे वेयावच्चे पंतं - आयरियवेयावच्चे उवज्झायवेयावच्चे  
 थेरवेयावच्चे तवस्सि० गिलाण० सेह० कुल० गण० संघवेयावच्चे साहम्मियवेयावच्चे । ७१२ । दसविधे जीवपरिणामे पंतं -  
 गतिपरिणामे इंदितपरिणामे कसायपरिणामे लेसा० जोगपरिणामे उवओग० णाण० दंसण० चरित्त० वेतपरिणामे, दसविधे अजीवपरिणामे  
 पंतं - बंधणपरिणामे गति० संठाणपरिणामे भेद० वण्ण० रस० गंध० फास० अगुरुलहु० सद्दपरिणामे । ७१३ । दसविधे अंतलिक्खिते  
 असज्झाइए पंतं - उक्कावाते दिसिदाघे गज्जिते विज्जुते निग्घाते जूयते जक्खालित्ते धूमिता महिता रतउग्घाते, दसविधे ओरालिते  
 असज्झातिते पंतं - अट्ठिं मंसं सोणिते असुतिसामंते सुसाणसामंते चंदोवराते सूरुवराए पडणे रायवुग्गहे उवस्सयस्स अंतो ओरालिए  
 सरीरगे । ७१४ । पंचिंदिया णं जीवा णं असमारभमाणस्स दसविधे संजमे कज्जति, तं - सोयामताओ सुक्खाओ अववरोवेत्ता भवति

सोतामतेणं दुक्खेणं असंजोगेत्ता भवति एवं जाव फासामतेणं दुक्खेणं असंजोएत्ता भवति, एवं असंयमोऽवि भाणितव्वो । ७१५ । दस सुहुमा पं०तं० - पाणसुहुमे पणगसुहुमे जाव सिणेहसुहुमे गणियसुहुमे भंगसुहुमे । ७१६ । जंबूमंदिरदाहिणेणं गंगासिंधुमहानदीओ दस महानदीओ समप्पेति, तं० - जउणा सरऊ आवी कोसी मही सतददु विवच्छा विभासा एरावती चंद्रभागा, जंबूमंदरउत्तरेणं रत्तारत्तवतीओ महानदीओ दस महानदीओ समप्पेति, तं० - किण्हा महाकिण्हा नीला महानीला तीरा महातीरा इंदा जाव महाभोगा । ७१७ । जंबुद्वीवे २ भरहवासे दस रायहाणीओ पं०तं० - चंपा महुरा वाणारसी य सावत्थी तहत सातेतं । हत्थिणउर कंप्पिल्लं मिहिला कोसंबि रायगिहं ॥ १४४ ॥ एयासु णं दसरायहाणीसु दस रायाणो मुंडा भवेत्ता जाव पव्वतिता, तं० भरहे सगरो मधवं सणंकुमारो संती कूथू अरे महापउमे हरिसेणो जयणामे । ७१८ । जंबुद्वीवे २ मंदरे पव्वए दस जोयणसयाइं उव्वेहेणं धरणितले दस जोयणसहस्साइं विक्खंभेणं उवरिं दस जोयणसयाइं विक्खंभेणं दसदसाइं जोयणसहस्साइं सव्वग्गेणं पं० । ७१९ । जंबुद्वीवे २ मंदरस्स पव्वयस्स बहुमज्झदेसभागे इमीसे रयणप्पभाते पुढवीते उवरिमहेट्टिल्लेसु खुड्डगपतरेसु एत्थ णमट्टपतेसिते रुयणे पं०, जओ णमिमातो दस दिसाओ पवहंति, तं० - पुरच्छिमा पुरच्छिमदाहिणा दाहिणा दाहिणपच्चत्थिमा पच्चत्थिमा पच्चत्थिमुत्तरा उत्तरा उत्तरपुरच्छिमा उद्धा अहो, एतासिं णं दसण्हं दिसाणं दस नामधिज्जा पं०तं० - इंदा अग्गीइ जमा णोरती वारुणी य वायव्वा । सोमा ईसाणाविय विमला य तमा य बोद्धव्वा ॥ १४५ ॥ लवणस्स णं समुद्धस्स दस जोयणसहस्साइं गोतित्थविरहिते खेत्ते पं०, लवणस्स णं समुद्धस्स दस जोयणसहस्साइं उदगमाले पन्नत्ते,

सव्वेऽवि णं महापाताला दसदसाइं जोयणसहस्साइमुव्वेहेणं पं० मूले दस जोयणसहस्साइं विक्खंभेणं पं०, बहुमज्झदेसभागे एगपएसिताते सेढीए दसदसाइं जोयणसहस्साइं विक्खंभेणं पं० उवरिं मुहमूले दस जोयणसहस्साइं विक्खंभेणं पं०, तेसि णं महापातालाणं कुड्डा सव्ववइरामया सव्वत्थ समा दस जोयणसयाइं बाहल्लेणं पं० सव्वेऽवि णं खुदा पाताला दस जोयणसताइं उव्वेहेणं पं०, मूले दसदसाइं जोयणाइं विक्खंभेणं, बहुमज्झदेसभागे एगपएसिताते सेढीते दस जोयणसताइं विक्खंभेणं पं० उवरिं मुहमूले दसदसाइं जोयणाइं विक्खंभेणं पं० -तेसि णं खुड्डागपातालाणं कुड्डा सव्ववइरामया सव्वत्थ समा दस जोयणाइं बाहल्लेणं पं० । ७२० । धायतिसंडगा णं मंदरा दसजोयणसयाइं उव्वेहेणं धरिणतले देसूणाइं दस जोयणसहस्साइं विक्खंभेणं उवरिं दस जोयणसयाइं विक्खंभेणं पं०, पुक्खरवरदीवद्धगा णं मंदरा दस जोयण एवं चेव । ७२१ । सव्वेऽवि णं वट्टवेयद्धपव्वता दस जोयणसयाइं उद्धंउच्चत्तेणं दस गाउयसयाइमुव्वेहेणं सव्वत्थ समा पल्लगसंठाणसंठिता दस जोयणसयाइं विक्खंभेणं पं० । ७२२ । जंबुदीवे २ दस खेत्ता पं०तं०- भरहे एरवते हेमवते हेरन्नवते हरिवस्से रम्मगवस्से पुव्वविदेहे अवरविदेहे देवकुरा उत्तरकुरा । ७२३ । माणुसुत्तरे णं पव्वते मूले दसबावीसे जोयणसते विक्खंभेणं पं० । ७२४ । सव्वेऽवि णमंजणगपव्वता दस जोयणसयाइमुव्वेहेणं मूले दस जोयणसहस्साइं विक्खंभेणं उवरिं दस जोयणसताइं विक्खंभेणं पं०, सव्वेऽवि णं दहिमुहपव्वता दस जोयणसताइं उव्वेहेणं सव्वत्थ समा पल्लगसंठाणसंठिता दस जोयणसहस्साइं विक्खंभेणं पं०, सव्वेऽवि णं रतिकरगपव्वता दस जोयणसताइं उद्धंउच्चत्तेणं दसगाउयसताइं उव्वेहेणं सव्वत्थ समा

झल्लरिसंठाणसंठिता दस जोयणसहस्साइं विक्खंभेणं पं० १७२५ । रुयगवरे णं पव्वते दस जोयणसयाइं उव्वेहेणं मूले दस जोयणसहस्साइं विक्खंभेणं उवरिं दस जोयणसताइं विक्खंभेणं पं०, एवं कुंडलवरेऽवि १७२६ । दसविहे दवियाणुओगे पं०तं० - दवियाणुओगे माउयाणुओगे एगट्टियाणुओगे करणाणुओगे अप्पितऽणप्पिते भाविताभाविते बाहिराबाहिरे सासयासासते तहणाणे अतहणाणे १७२७ । चमरस्स णं असुरिंदस्स असुरकुमाररत्तो तिगिच्छिक्कूडे उप्पातपव्वते मूले दसबावीसे जोयणसते विक्खंभेणं पं०, चमरस्स णं असुरिंदस्स असुरकुमाररत्तो सोमस्स महारत्तो सोमप्पभे उप्पातपव्वते दस जोयणसयाइं उद्धंउच्चत्तेणं दस गाउयसताइं उव्वेहेणं मूले दस जोयणसयाइं विक्खंभेणं पं०, चमरस्स णमसुरिंदस्स असुरकुमाररण्णो जमस्स महारत्तो जमप्पभे उप्पातपव्वते एवं चेव, एवं वरुणस्सवि, एवं वेसमणस्सवि, बलिस्स णं वयरोयणिंदस्स वतिरोतणरत्तो रुयगिंदे उप्पातपव्वते मूले दसबावीसे जोयणसते विक्खंभेणं पं०, बलिस्स णं वडरोयणिंदस्स० सोमस्स एवं चेव जथा चमरस्स लोगपालाणं तं चेव बलिस्सवि, धरणस्स णं णागकुमारिंदस्स णागकुमाररत्तो धरणप्पभे उप्पातपव्वते दस जोयणसयाइं उद्धंउच्चत्तेणं दस गाउयसताइं उव्वेहेणं मूले दस जोयणसताइं विक्खंभेणं, धरणस्स नागकुमारिंदस्स णं नागकुमाररण्णो कालवालस्स महारण्णो महाकालप्पभे उप्पातपव्वते दस जोयणसयाइं उद्धं एवं चेव, एवं जाव संखवालस्स, एवं भूताणंदस्सवि, एवं लोगपालाणंपि से, जहा धरणस्स एवं जाव थणितकुमाराणं सलोगपालाणं भाणियव्वं, सव्वेसिं उप्पायपव्वया भाणियव्वा सरिसणामगा, सक्कस्स णं देविंदस्स देवरण्णो सक्कप्पभे उप्पातपव्वते दस जोयणसहस्साइं उद्धंउच्चत्तेणं दस

गाउयसहस्साइं उव्वेहेणं मूले दस जोयणसहस्साइं विक्खंभेणं पं०, सक्कस्स णं देविंदस्स देव० सोमस्स महारन्नो० जथा सक्कस्स तथा सव्वेसिं लोगपालाणं सव्वेसिं च इंदाणं जाव अच्चुयत्ति, सव्वेसिं पमाणमेगं । ७२८ । बायरवणस्सत्तिकातिताणं उक्कोसेणं दस जोयणसयाइं सरीरोगाहणा पं०, जलचरपंचेदियतिरिक्खजोणिताणं उक्कोसेणं दस जोयणसताइं सरीरोगाहणा पं० उरपरिसप्पथलचरपंचेदिय-तिरिक्खजोणिताणं उक्कोसेणं एवं चेव । ७२९ । संभवाओ णमरहातो अभिनंदणे अरहा दसहिं सागरोवमकोडिसतसहस्सेहिं वीतिक्कंतेहिं समुप्पन्ने । ७३० । दसविहे अणंतते पं०तं० - णामाणंतते ठवणाणंतते दव्वाणंतते गणणाणंतते पएसाणंतते एगतोऽणंतते दुहतोऽणंतते देसवित्थाराणंतते सव्ववित्थाराणंतते सासयाणंतते । ७३१ । उप्पायपुव्वस्स णं दस वत्थू पं० अत्थिणात्थिप्पवातपुव्वस्स णं दस चूलवत्थू पं० । ७३२ । दसविहा पडिसेवणा पं०तं० - दप्प १ पमाय २ णाभोगे ३, आउरे ४ आवतीसु ५ त । संकिते ६ सहसक्कारे ७, भय ८ प्पयोसा ९ य वीमंसा १० ॥ १४६ ॥ दस आलोयणादोसा पं०तं० - आकंपडता १ अणुमाणइत्ता २ जंदिट्ठं ३ बायरं ४ च सुहुमं वा ५ । छण्णं ६ सद्दाउलगं ७ बहुजण ८ अव्वत्त ९ तस्सेवी १० ॥ १४७ ॥ दसहिं ठाणेहिं संपन्ने अणगारे अरिहति अत्तदोसमालोएत्तते, तं०-जाइसंपन्ने कुलसंपन्ने एवं जथा अट्ठट्ठाणे जाव खंते दंते अमाती अपच्छाणुतावी, दसहिं ठाणेहिं संपन्ने अणगारे अरिहति आलोयणं पडिच्छित्तए, तंजहा आयारवं अवहारवं जाव अवातदंसी पितधम्मं दढधम्मं, दसविधे पायच्छित्ते पं० तं० - आलोयणारिहे जाव अणवट्ठप्पारिहे पारंचियारिहे । ७३३ । दसविधे मिच्छत्ते पं०तं० - अधम्मं धम्मसण्णा धम्मं अधम्मसण्णा अम( उम्म )ग्गे मग्गसण्णा

मग्गे उम्म( अम )ग्गसन्ना अजीवेसु जीवसन्ना जीवेसु अजीवसन्ना असाहुसु साहुसन्ना साहुसु असाहुसण्णा अमुत्तेसु मुत्तसन्ना मुत्तेसु अमुत्तसण्णा । ७३४ । चंदप्पभे णं अरहा दस पुव्वसत्तसहस्साइं सव्वाउयं पालइत्ता सिद्धे जावप्पहीणे, धम्मे णमरहा दस वाससयसहस्साइं सव्वाउयं पालइत्ता सिद्धे जावप्पहीणे, णमी णमरहा दस वाससहस्साइं सव्वाउयं पालइत्ता सिद्धे जाव पहीणे, पुरिससीहे णं वासुदेवे दस वाससयसहस्साइं सव्वाउयं पालइत्ता छट्ठीते तमाए पुढवीए नेरतियत्ताते उववत्ते, णमी णं अरहा दस धणूइं उड्ढंउच्चत्तेणं दस य वाससयाइं सव्वाउयं पालइत्ता सिद्धे जावप्पहीणे, कण्हे णं वासुदेवे दस धणूइं उड्ढंउच्चत्तेणं दस य वाससयाइं सव्वाउयं पालइत्ता तच्चाते वालुयप्पभाते पुढवीते नेरतियत्ताते उववत्ते । ७३५ । दसविहा भवणवासी देवा पंतं - असुरकुमारा जाव थणियकुमारा, एएसिं णं दसविधाणं भवणवासीणं देवाणं दस चेतितरुक्खा पंतं - आसत्थ सत्तिवत्ते सामलि उंबर सिरीस दहिवन्ने । वंजुल पलास वप्पे ततो त कणिताररुक्खे य ॥ १४८ ॥ ७३६ । दसविधे सोक्खे पंतं - आरोग्ग दीहमाउ अड्ढेज्जं काम भोग संतोसे । अत्थि सुहभोग निक्खम्ममेव ततो अणाबाहें ॥ १४९ ॥ ७३७ । दसविधे उवघाते पंतं - उग्गमोवघाते उप्पायणोवघाते जह पंचठाणे जाव परिहरणोवघाते णाणोवघाते दंसणोवघाते चरित्तोवघाते अचियत्तोवघाते सारक्खणोवघाते, दसविधा विसोही पंतं - उग्गमविसोही उप्पायणविसोही जाव सारक्खणविसोही । ७३८ । दसविधे संकिलेसे पंतं - उवहिसंकिलेसे उवस्सयसंकिलेसे कसायसंकिलेसे भत्तपाणंसंकिलेसे मणसंकिलेसे वतिसंकिलेसे कायसंकिलेसे णाणसंकिलेसे दंसणसंकिलेसे चरित्तसंकिलेसे, दसविहे असंकिलेसे

पं०तं० -उवहिअसंकिलेसे जाव चरित्तअसंकिलेसे । ७३९ । दसविधे बले पं०तं० -सोतिंदितबले जाव फासिंदितबले णाणबले  
 दंसणबले चरित्तबले तवबले वीरित्तबले । ७४० । दसविधे सच्चे पं० - जणवय सम्मय ठवणा नामे रूवे पडुच्चसच्चे य । ववहार भाव  
 जोगे दसमे ओवम्मसच्चे य ॥ १५० ॥ दसविधे मोसे पं०तं० -कोधे माणे माया लोभे पिज्जे तहेव दोसे य । हास भते अक्खातित  
 उवघातनिस्सिते दसमे ॥ १५१ ॥ दसविधे सच्चाभोसे पं०तं० -उप्पन्नमीसते विगतमीसते उप्पण्णविगतमीसते जीवमीसए अजीवमीसए  
 जीवाजीवमीसए अणंतमीसए, परित्तमीसए अद्धामीसए, अद्धद्धामीसए । ७४१ । दिट्ठिवायस्स णं दस नामधेज्जा पं०तं० -दिट्ठिवातेति  
 वा हेउवातेति वा भूयवातेति वा तच्चावातेति वा सम्मावातेति वा धम्मावातेति वा भासाविजतेति वा पुव्वगतेति वा अणुजोगगतेति वा  
 सव्वपाणभूतजीवसत्तसुहावहेति वा । ७४२ । दसविधे सत्थे पं० तं० -सत्थमग्गी विसं लोणं, सिणेहो खारमंबिलं । दुप्पउत्तो मणो  
 वाया, काया भावो त अविरती ॥ १५२ ॥ दसविधे दोसे पं०तं० -तज्जातदोसे मतिभंगदोसे, पसत्थारदोसे परिहरणदोसे । सलक्खणक्कारण  
 हेउदोसे, संकामणं निग्गह वत्थुदोसे ॥ १५३ ॥ दसविधे विसेसे पं०तं० -वत्थु तज्जातदोसे त, दोसे एगट्ठितेति त । कारणे त पडुप्पण्णे,  
 दोसे निव्वे( निज्जे ) हिअट्ठमे ॥ १५४ ॥ अत्तणा उवणीते त, विसेसेतित ते दस । ७४३ । दसविधे सुद्धावाताणुओगे पं०तं० - चंकारे  
 मंकारे पिंकारे सेतंकारे सातंकारे एगत्ते पुधत्ते संजूहे संकामिते भिन्ने । ७४४ । दसविधे दाणे पं०तं० -अणुकंपा संगहे चेव, भये  
 कालुणितेति य । लज्जाते गारवेणं च, अहम्मे उण सत्तमे ॥ १५५ ॥ धम्मे त अट्ठमे वुत्ते, काहीति त कतंतित त । दसविधा गती पं०तं०-

निरयगती निरयविग्गहगई तिरियगती तिरियविग्गहगई एवं जाव सिद्धिगई सिद्धिविग्गहगती । ७४५ । दस मुंडा पं०तं० - सोतिंदितमुंडे जाव फासिंदितमुंडे कोहमुंडे जाव लोभमुंडे दसमे सिरमुंडे । ७४६ । दसविधे संखाणे पं०तं० - परिकम्भं ववहारो रज्जू रासी कलासवन्ने य । जावतितावति वग्गो घणो त तह वग्गवग्गोऽवि ॥ १५६ ॥ कप्पो त । ७४७ । दसविधे पच्चक्खाणे पं०तं० - अणागयमतिक्रंतं कोडीसहियं नियंटितं चेव । सागारमणागारं परिमाणकडं निरवसेसं ॥ १५७ ॥ संकेयं चेव अब्धाए पच्चक्खाणं दसविहं तु । ७४८ । दसविहा सामायारी पं०तं० - इच्छा मिच्छा तहक्कारो, आवस्सिता निसीहिता । आपुच्छणा य पडिपुच्छा, छंदणा य निमंतणा ॥ १५८ ॥ उवसंपया य काले सामायारी भवे दसविहा ३ ॥ ७४९ ॥ समणे भगवं महावीरे छउमत्थकालिताते अंतिमरातितंसी इमे दस महासुमिणे पासित्ताणं पडिबुद्धे तंजहा एगं च णं महाधोररूवदित्तधरं तालपिसायं सुमिणे पराजितं पासित्ताणं पडिबुद्धे, एगं च णं महं सुक्खिल्लपक्खगं पुंसकोइलगं सुमिणे पासित्ताणं पडिबुद्धे, एगं च णं महं चित्तविचित्तपक्खगं पुंसकोइलं सुविणे पासित्ताणं पडिबुद्धे, एवं च णं महं दामदुगं सव्वरयणामयं सुमिणे पासित्ताणं पडिबुद्धे, एगं च णं महं सेतं गोवगं सुमिणे पासित्ताणं पडिबुद्धे, एगं च णं महं पउमसरं सव्वओ समंता कुसुमितं सुमिणे पासित्ताणं पडिबुद्धे, एगं च णं महासागरं उम्भी( \*वीची )सहस्सकलितं भुयाहिं तिण्णं सुमिणे पासित्ताणं पडिबुद्धे, एगं च णं महं दिणयरं तेयसा जलंतं सुमिणे पासित्ताणं पडिबुद्धे, एगं च णं ( गेण पा० ) महं हरिवेरुलितवन्नाभेणं नियतेणमंतेणं माणुसुत्तरं पव्वतं सव्वतो समंता आवेढियं परिवेढियं सुमिणे पासित्ताणं पडिबुद्धे, एगं च णं महं मंदरे पव्वते मंदरचूलियातो

उत्तरं सीहासणवरगयमत्ताणं सुमिणे पासित्ताणं पडिबुद्धे, जण्णं समणे भगवं महावीरे एगं महं घोररूवदित्तधरं तालपिसातं सुमिणे परातितं पासित्ताणं पडिबुद्धे तन्नं समणेणं भगवता महावीरेणं मोहणिज्जे कम्मे मूलाओ उग्घाइते, जं नं समणे भगवं महावीरे एगं महं सुक्किल्लपदस्वगं जाव पडिबुद्धे तं णं समणे भगवं महावीरे सुक्कञ्जाणोवगए विहरइ, जं णं समणे भगवं महावीरे एगं महं चित्तविचित्तपक्खगं जाव पडिबुद्धे तं णं समणे भगवं महावीरे ससमतपरसमयितं चित्तविचित्तं दुवालसंगं गणिपिडगं आघवेति पण्णवेति परूवेति दंसेति निदंसेति उवदंसेति तं० -आयारं जाव दिट्ठीवायं, जं नं समणे भगवं महावीरे एगं महं दामदुगं सव्वरयणा जाव पडिबुद्धे तं नं समणे भगवं महावीरे दुविहं धम्मं पण्णवेति, तं० -आगारधम्मं च अणगारधम्मं च, जं णं समणे भगवं महावीरे एगं महं सेतं गोवगं सुमिणे जाव पडिबुद्धे तं णं समणस्स भगवओ महावीरस्स चाउव्वण्णाइण्णे संघे तं० - समणा समणीओ सावगा सावियाओ, जं णं समणे भगवं महावीरे एगं महं पउमसं जाव पडिबुद्धे तं० णं समणे भगवं महावीरे चउव्विहे देवे पण्णवेति, तं० -भवणवासी वाणमंतरा जोइसवासी वेमाणवासी, जण्णं समणे भगवं महावीरे एगं महं उम्मीवीचीजाव पडिबुद्धे तं णं समणेणं भगवता महावीरेणं अणातीते अणवदग्गे दीहमद्धे चाउरंतसंसारकंतारे तिन्ने, जण्णं समणे भगवं महावीरे एगं महं दिणकरं जाव पडिबुद्धे तन्नं समणस्स भगवतो महावीरस्स अणंते अणुत्तरे जाव समुप्पन्ने, जण्णं समणे भगवं एगं महं हरिवेरुलित जाव पडिबुद्धे तण्णं समणस्स भगवतो महावीरस्स सदेवमणुयासुरे लोगे उराला कित्तिवन्नसहसिलोगा परिगुव्वंति इति खलु समणे भगवं महावीरे इति०, जण्णं समणे भगवं महावीरे

मंदरे पव्वते मंदरचूलिताए उवरिं जाव पडिबुद्धे तं णं समणे भगवं महावीरे सदेवमणुयासुराते परिसाते मज्झगते केवलिपन्नत्तं धम्मं  
 आघवेति पण्णवेति जाव उवदंसेति । ७५० । दसविधे सरागसम्महंसणे पं०तं० - निसग्गुवतेसरुई आणरुती सुत्त बीतरुतिमेव । अभिगम  
 वित्थाररुती किरिया संखेव धम्मरुती ॥ १५९ ॥ ७५१ । दस सण्णाओ पं०तं० - आहारसण्णा जाव परिग्गहसण्णा कोहसण्णा जाव  
 लोभसण्णा लोगसण्णा ओहसण्णा, नेरतिताणं जस सण्णातो एवं चेव, एवं निरंतरं जाव वेमाणियाणं २४ । ७५२ । नेरइया णं  
 दसविधं वेयणं पच्चणुभवमाणा विहरंति, तं० - सीतं उसिणं खुधं पिवासं कंडुं परज्झं भयं सोग जरं वाहिं । ७५३ । दस ठाणाइं  
 छउमत्थे णं सव्वभावेणं न जाणति ण पासति, तं० - धम्मत्थिगातं जाव वातं, अयं जिणे भविस्सति वा ण वा भविस्सति, अयं  
 सव्वदुक्खाणमंतं करेस्सति वा ण वा करेस्सति, एताणि चेव उप्पन्ननाणदंसणधरे जाव अयं सव्वदुक्खाणमंतं करेस्सति वा ण वा  
 करेस्सति । ७५४ । दस दसाओ पं०तं० - कम्मविवागदसाओ उवासगदसाओ अंतगडदसाओ अणुत्तरोववाइयदसाओ आचारदसाओ  
 पण्हावागरणदसाओ बंधदसाओ दोगिद्धिदसाओ दीहदसाओ संखेवित्तदसाओ, कम्मविवागदसाणं दस अज्झयणा पं०तं० - भियापुत्ते  
 त गोत्तासे, अंडे सगडेति यावरे । माहणे णंदिसेणे त, सोरियत्ति उदुंबरे ॥ १६० ॥ सहसुद्धाहेआमलते कुमारेलेच्छतीति त, उवासगदसाणं  
 दस अज्झयणा पं०तं० - आणंदे कामदेवे अ, गाहावति चूलणीपिता । सुरादेवे चुल्लसतते, गाहावति कुंडकोलिते ॥ १६१ ॥ सद्दालपुत्ते  
 महासतते णंदिणीपिया सालत्तियापिता, अंतगडदसाणं दस अज्झयणा पं०तं० - णमि मातंगे सोमिले रामगुत्ते सुदंसणे चेव । जमाली

त भगाली त किंकंमे पल्लतेतिय ॥ १६२ ॥ फालेअंबडपुत्ते त, एमेते दस आहिता, अणुत्तरोववातियदसाणं दस अज्झयणा पंतं०-  
 इसिदासे य धण्णे त, सुणक्खत्ते य कातिते । संठाणे सालिभद्दे त, आणंदे तेतलीतित ॥ १६३ ॥ दसन्नभद्दे अतिमुत्ते एमेते दस  
 आहिया, आयारदसाणं दस अज्झयणा पंतं० -वीसं असमाहिट्टाणा एगवीसं सबला तेत्तीसं आसायणातो अट्ठविहा गणिसंपया दस  
 चित्तसमाहिट्टाणा एगारस उवासगपडिमातो बारस भिक्खुपडिमातो पज्जोसवणाकप्पो तीसं मोहणिज्जट्टाणा आज्ञाट्टाणं,  
 पण्हावागरणदसाणं दस अज्झयणा पंतं० -उवमा संखा इसिभासियाइं आयरियभासिताइं महावीरभासिआइं खोमगपसिणाइं  
 कोमलपसिणाइं अद्दागपसिणाइं अंगुट्टपसिणाइं बाहुपसिणाइं, बंधदसाणं दस अज्झयणा पंतं० -बंधे य मोक्खे य देवद्धि दसार-  
 मंडलेऽवित आयरियविप्पडिवत्ती उवज्झातविप्पडिवत्ती भावणा विमुत्ती सासते कम्मे, दोगेहिदसाणं दस अज्झयणा पंतं० -वाते  
 विवाते उववाते सुक्खत्ते कसिणे बायालीसं सुमिणे तीसं महासुमिणा बावत्तरिं सब्बसुमिणा हारे रामे गुत्ते एमेते दस आहिता,  
 दीहदसाणं दस अज्झयणा पंतं० -चंदे सूरते सुक्के त सिरिदेवी पभावती दीवसमुद्दोववत्ती बहुपुत्ती मंदरेति त थेरे संभूतविज्जे ८ थेरे  
 पम्हऊसासनीसासे, संखेवितदसाणं दस अज्झयणा पंतं० -खुड्डिया विमाणपविभत्ती महल्लिया विमाणपविभत्ती अंगचूलिया  
 वग्गचूलिया विवाहचूलिया अरुणोववाते वरुणोववाए गरुलोववाते वेलंधरोववाते वेसमणोववाते । ७५५ । दस सागरोवमकोडाकोडीओ  
 कालो उस्सप्पिणीए दस सागरोवमकोडाकोडी कालो ओसप्पिणीते । ७५६ । दसविधा नेरइया पंतं० -अणंतरोववन्ना परंपरोववन्ना

अणंतरावगाढा परंपरावगाढा अणंतराहारगा परंपराहारगा अणंतरपज्जत्ता परंपरपज्जत्ता चरिमा अचरिमा, एवं निरंतरं वेमाणिया २४, चउत्थीतेणं पंकप्पभाते पुढवीते दस निरतावाससतसहस्सा पं० १ रयणप्पभाते पुढवीते जहन्नेणं नेरतिताणं दसवाससहस्साइं ठिती पं० २ चउत्थीतेणं पंकप्पभाते पुढवीते उक्कोसेणं नेरतिताणं दस सागरोवमाइं ठिती पं० ३ पंचमातेणं धूमप्पभाते पुढवीते जहन्नेणं नेरइयाणं दस सागरोवमाइं ठिती पं० ४ असुरकुमाराणं जहन्नेणं दसवाससहस्साइं ठिती पं०, एवं जाव थणियकुमाराणं १४ बायरवणस्सतिकातिताणं उक्कोसेणं दसवाससहस्साइं ठिती पं० १५ वाणमंतरदेवाणं जहण्णेणं दस वाससहस्साइं ठिई पं० १६ बंभलोगे कप्पे उक्कोसेणं देवाणं दस सागरोवमाइं ठिती पं० १७ लंतते कप्पे देवाणं जहण्णेणं दस सागरोवमाइं ठिती पं० १८ । ७५७ । दसहिं ठाणेहिं जीवा आगमेसिभदत्ताए कम्मं पगरेति, तं० -अणिदाणताते दिट्ठिसंपन्नयाए जोगवाहियत्ताते खंतिखमणताते जित्तिंदियताते अमाइल्लताते अपासत्थताते सुसामण्णताते पवयणवच्छल्लयाते पवयणउब्भावणताए । ७५८ । दसविहे आससप्पओगे पं० तं० -इहलोगासंसप्पओगे परलोगासंसप्पओगे दुहतोलोगासंसप्पतोगे जीवियासंसप्पतोगे मरणासंसप्पतोगे कामासंसप्पतोगे भोगासंसप्पतोगे लाभासंसप्पतोगे पूयासंसप्पतोगे सक्कारासंसप्पतोगे । ७५९ । दसविधे धम्मे पं० तं० -गामधम्मे नगरधम्मे रट्ठधम्मे पासंडधम्मे कुलधम्मे गणधम्मे संघधम्मे सुयधम्मे चरित्तधम्मे अत्थिकायधम्मे । ७६० । दस थेरा पं० तं० -गामथेरा नगरथेरा रट्ठथेरा पसत्थारथेरा कुलथेरा गणथेरा संघथेरा जातिथेरा सुअथेरा परितायथेरा । ७६१ । दस पुत्ता पं० तं० -अत्तते खेत्तते दिन्नते विण्णते उरसे मोहरे सोंडीरे संबुद्धे उवयातिते धम्मंतेवासी

॥७६२॥ केवलिस्स णं दस अणुत्तरा पंतं० - अणुत्तरे णाणे अणुत्तरे दंसणे अणुत्तरे चरित्ते अणुत्तरे तवे अणुत्तरे वीरित्ते अणुत्तरा खंती  
 अणुत्तरा मुत्ती अणुत्तरे अज्जवे अणुत्तरे महवे अणुत्तरे लाघवे ॥ ७६३ ॥ समतखेत्ते णं दस कुरातो पंतं० - पंच देवकुरातो पंच  
 उत्तरकुरातो, तत्थ णं दस महतिमहालया महादुमा पंतं० - जंबू सुदंसणा धायतिरुक्खे महाधायतिरुक्खे पउमरुक्खे महापउमरुक्खे  
 पंच कूडसामलीओ, तत्थ णं दस देवा महिद्धिया जाव परिवसंति, तं० - अणाढिते जंबुदीवाधिपती सुदंसणे पियदंसणे पोंडरीते  
 महापोंडरीते पंच गरुला वेणुदेवा ॥ ७६४ ॥ दसहिं ठाणेहिं ओगाढं दुस्समं जाणेज्जा, तं० - अकाले वरिसइ काले ण वरिसइ असाहू  
 पूइज्जंति साहू ण पूइज्जंति गुरुसु जणो मिच्छं पडिवन्नो अमणुण्णा सदा जाव फासा, दसहिं ठाणेहिं ओगाढं सुसमं जाणेज्जा तं० -  
 अकाले न वरिसति तं चेव विपरीतं जाव मणुण्णा फासा ॥ ७६५ ॥ सुसमसुसमाए णं समाए दसविहा रुक्खा उवभोगत्ताए हव्वमागच्छंति,  
 तं० - मत्तंगता य भिंगा तुडितंगा दीव जोति चित्तंगा ॥ चित्तरसा मणियंगा गेहागारा अणितणा त ॥ १६४ ॥ ७६६ ॥ जंबूदीवे २ भरहे  
 वासे तीताते उस्सप्पिणीते दस कुलगरा हुत्था, तं० - सयज्जले सयाऊ य अणंतसेणे त अभि( प्र.जि )तसेणे त ॥ तक्कसेणे भीमसेणे  
 महाभीमसेणे त सत्तमे ॥ १६५ ॥ दढरहे दसरहे सयरहे ॥ जंबूदीवे २ भारहे वासे आगमीसाते उस्सप्पिणीए दस कुलगरा भविस्संति,  
 तं० - सीमंकरे सीमंधरे खेमंकरे खेमंधरे विमलवाहणे संमुती पडिसुते दढधणू दसधणू सतधणू ॥ ७६७ ॥ जंबूदीवे २ मंदरस्स पव्वयस्स  
 पुरच्छिमेणं सीताते महानतीते उभतो कूले दस वक्खारपव्वता पंतं० - मालवंते चित्तकूडे विचित्तकूडे बंभकूडे जाव सोमणसे,


जंबूमंदरपच्चत्थिमेणं सीओताते महानतीते उभतो कूले दस वक्खारपव्वता पंतं - विज्जुप्पभे जाव गंधमातणे, एवं  
 धायइसंडपुरच्छिमद्धेऽवि वक्खारा भाणिअव्वा जाव पुक्खरवरदीवद्धपच्चत्थिमद्धे । ७६८ । दस कप्पा इंदाहिट्टिया पंतं - सोहम्मे  
 जाव सहस्सारे पाणते अच्युए, एतेसु णं दससु कप्पेसु दस इंदा पंतं - सक्के ईसाणे जाव अच्युते, एतेसु णं दसण्हं इंदाणं दस  
 परिजाणितविमाणा पंतं - पालते पुप्फए जाव विमलवरे सव्वतोभदे । ७६९ । दसदसमिता णं भिक्खुपडिमा णं एगेण रातिंदियसतेणं  
 अब्बछट्टेहि य भिक्खासतेहिं अहासुत्ता जाव आराधिता यावि भवति । ७७० । दसविधा संसारसमावन्नगा जीवा पंतं - पढमसमयएगिंदिता  
 अपढमसमयएगिंदिता एवं जाव अपढमसमयपंचिदिता १, दसविधा सव्वजीवा पंतं - पुढवीकाइया जाव वणस्सइकातिता बेदिता  
 जाव पंचेदिता अणिंदिता, अथवा दसविधा सव्वजीवा पंतं - पढमसमयनेरतिया अपढमसमयनेरतिता जाव अपढमसमयदेवा  
 पढमसमयसिद्धा अपढमसमयसिद्धा । ७७१ । वाससताउस्स णं पुरिसस्स दस दसाओ पंतं - बाला किइडा य मंदा य, बला पत्रा  
 य हायणी । पवंचा पब्भारा य, मुंमुही सावणी तथा ॥ १६६ ॥ ७७२ । दसविधा तणवणस्सतिकातिता पंतं - मूले कंदे जाव पुप्फे  
 फले बीये । ७७३ । सव्वतोऽवि णं विजाहरसेढीओ दस दस जोयणाइं विक्खंभेणं पंतं सव्वतोऽवि णं अभिओगसेढीओ दस दस  
 जोयणाइं विक्खंभेणं पंतं । ७७४ । गेविज्जगविमाणाणं दस जोयणसयाइं उद्धंउच्चत्तेणं पंतं । ७७५ । दसहिं ठाणेहिं सह तेतसा भासं  
 कुज्जा, तंतं - केति तहारूवं समणं वा माहणं वा अच्चासातेज्जा से य अच्चासातिते समाणे पुरिकुविते तस्स तेतं निसिरेज्जा से तं

परितावेति सेत्तं परितावेत्ता तमेव सह तेतसा भासं कुज्जा, केति तहारूवं समणं वा माहणं वा अच्चासातेज्जा से य अच्चासातिते समाणे देवे परिकुविए तस्स तेयं निसिरेज्जा सेत्तं परितावेति सेत्तं परितावेत्ता तमेव सह तेतसा भासं कुज्जा, केति तहारूवं समणं वा माहणं वा अच्चासातेज्जा से य अच्चासातिते समाणे परिकुविए देवे त परिकुविते दुहतो पडिण्णा तस्स तेयं निसिरेज्जा ते तं परितावित्ति ते तं परितावेत्ता तमेव सह तेतसा भासं कुज्जा, केति तहारूवं समणं वा माहणं वा अच्चासादेज्जा से य अच्चासातिते परिकुविए तस्स तेयं निसिरेज्जा तत्थ फोडा संमुच्छंति ते फोडा भिज्जंति ते फोडा भिन्ना समाणा तमेव सह तेतसा भासं कुज्जा, केति तहारूवं समणं वा माहणं वा अच्चासातेज्जा से य अच्चासादिते देवे परिकुविए तस्स तेयं निसिरेज्जा तत्थ फोडा संमुच्छंति ते फोडा भिज्जंति ते फोडा भिन्ना समाणा तमेव सह तेतसा भासं कुज्जा, केति तहारूवं समणं वा माहणं वा अच्चासाएज्जा से त अच्चासातिते परिकुविए देवेऽवि य परिकुविए ते दुहतो पडिण्णा ते तस्स तेतं निसिरेज्जा तत्थ फोडा संमुच्छंति सेसं तहेव जाव भासं कुज्जा, केति तहारूवं समणं वा माहणं वा अच्चासातेज्जा से य अच्चासातिते परिकुविए तस्स तेतं निसिरेज्जा तत्थ फोडा संमुच्छंति ते फोडा भिज्जंति तत्थ पुला संमुच्छंति ते पुला भिज्जंति ते पुला भिन्ना समाणा तमेव सह तेयसा भासं कुज्जा, एते तिन्नि आलावगा भाणितव्वा, केति तहारूवं समणं वा माहणं वा अच्चासातेमाणे तेतं निसिरेज्जा से त तत्थ णो कम्मइ णो पकम्मति अंचियं २ करेति करेत्ता आताहिणपयाहिणं करेति २ त्ता उड्ढं वेहासं उप्पतति २ से णं ततो पडिहते पडिणियत्तति २ त्ता तमेव सरीरगमणुदहमाणे २ सह तेतसा भासं कुज्जा, जहा वा गोसालस्स

मंखलिपुत्तस्स तवेतेते । ७७६ । दस अच्छेरगा पंतं - उवसग्ग गब्भहरणं इत्थीतित्थं अभाविया परिसा । कण्हस्स अवरकंका उत्तरणं चंदसूराणं ॥ १६७ ॥ हरिवंसकुलुप्पत्ती चमरुप्पातो त अट्टसयसिद्धा । अस्संजतेसु पूआ दसवि अणंतेणं कालेण ॥ १६८ ॥ ७७७ । इमीसे णं रयणप्पभाते पुढवीए रयणे कंडे दस जोअणसयाइं बाहल्लेणं पं० इमीसे रयणप्पभाए पुढवीए वतरे कंडे दस जोयणसताइं बाहल्लेणं पं०, एवं वेरुलिते लोहितक्खे मसारगल्ले हंसगब्भे पुलते सोगंधिते जोतिरसे अंजणे अंजणपुलते रतते जातरूवे अंके फलिहे रिट्ठे, जहा रयणे तहा सोलसविधा भाणितव्वा । ७७८ । सव्वेऽवि णं दीवसमुद्दा दस जोयणसताइं उव्वेहेणं पं०, सव्वेऽवि णं महादहा दस जोयणाइं उव्वेहेणं पं०, सव्वेऽवि णं सलिलकुंडा दस जोयणाइं उव्वेहेणं पं० - सीयासीओया णं महानदीओ मुहमूले दस दस जोयणाइं उव्वेहेणं पं० । ७७९ । कत्तियाणक्खत्ते सव्वबाहिरातो मंडलातो दसमे मंडले चारं चरति, अणुराधानक्खत्ते सव्वब्भंतरातो मंडलातो दसमे मंडले चारं चरति । ७८० । दस णक्खत्ता णाणस्स विद्धिकरा पंतं - भिगसिरमद्दा पुस्सो तिन्नि य पुव्वाइं मूलमस्सेसा । हत्थो चित्ता य तहा दस बुद्धिकराइं णाणस्स ॥ १६९ ॥ ७८१ । चउप्पयथलयरपंचिंदियतिरिक्खजोणिताणं दस जातिकुलकोडि-जोणिपमुहसतसहस्सा पं०, उरपरिसप्पथलयरपंचिंदियतिरिक्खजोणिताणं दस जातिकुलकोडिजोणिपमुहसतसहस्सा पं० । ७८२ । जीवाणं दसठाणनिव्वत्तिता पोग्गला पावकम्मत्ताए चिणिसु वांतं - पढमसमयएगिंदियनिव्वत्तिए जाव फांसिदियनिव्वत्तिते, एवं चिण उवचिण बंध उदीर वेय तह णिज्जरा चेव । दसपतेसिता खंधा अणंता पं० दसपतेसोगाढा पोग्गला अणंता पं० दससमतठितीता

पोग्गला अणंता पं० -दसगुणकालगा पोग्गला अणंता पं०, एवं वत्रेहिं गंधेहिं रसेहिं फासेहिं दसगुणलुक्खा पोग्गला अणंता पं०  
 ॥७८३॥ दशस्थानकाध्ययनं १० ॥ इति श्रीस्थानांगसूत्रं समाप्तं ॥ प्रभु महावीर-स्वामीनीपट्ट परंपरानुसार कोटीगण-वैरी शाखा-  
 चान्द्रकुल प्रचंड प्रतिभा संपन्न, वादी विजेता परमोपास्य पू. मुनि श्री झवेरसागरजीम.सा. शिष्य बहुश्रुतोपासक-सैलाना नरेश  
 प्रतिबोधक-देवसूर तपागच्छ-समाचारी संरक्षक-आगमोद्धारक पूज्यपाद आचार्य देवेश श्री आनंदसागर सूरीश्वरजी महाराजा शिष्य  
 प्रौढ़ प्रतापी, सिद्धचक्रआराधक समाज संस्थापक पूज्यपाद आचार्य श्री चन्द्रसागरसूरीश्वरजी म.सा. शिष्य चारित्र चूडामणी,  
 हास्यविजेता-मालवोद्धारक महोपाध्याय श्री धर्मसागरजी म.सा. शिष्य आगमविशारद-नमस्कार महामंत्र समाराधक पूज्यपाद पंन्यासप्रवर  
 श्री अभयसागरजी म.सा. शिष्य शासन प्रभावक-नीडर वक्ता पू. आ. श्री अशोकसागरसूरिजी-म.सा. शिष्य परमात्म भक्तिरसभूत पू.  
 आ. श्री जिनचन्द्रसागर सू.म.सा. लघु गुरु भ्राता प्रवचन प्रभावक पू. आ. श्री हेमचन्द्रसागर सू.म. शिष्य पू. गणिवर्य श्री पूर्णचन्द्र  
 सागरजी म.सा. आ आगमिक सूत्र अंगे सं.२०५८/५९/६० वर्ष दरम्यान संपादन कार्य माटे महेनत करी प्रकाशक दिने पू. सागरजी  
 म. संस्थापित प्रकाशन कार्यवाहक जैनानंद पुस्तकालय सुरत द्वारा प्रकाशित करेल छे.

॥ श्री ठाणांग सूत्रम् ॥



પૂ. આચાર્યદેવ શ્રી આનંદસાગરસૂરીશ્વરજી મ.સા.જા ચરણે શત્ શત્ વંદન...